

საქართველოს სსრ მეცნიერებათა აკადემია

აკად. იმ. ჯავახიშვილის სახელობის ისტორიის ინსტიტუტი



ს ი მ ო ნ ჯ ა ნ ა შ ი ა

ე რ ო მ ე ბ ი

|

საქართველოს სსრ მეცნიერებათა აკადემიის გამომცემლობა

თბილისი — 1949

შ ი ნ ა ა რ ს ი

ფიოდალური კომოლუცია საქართველოში

ავტორისაგან	1—11
VI საუკუნის მნიშვნელობა საქ. ისტორიაში	1
ირანული პოლიტიკა და რეჟიმი დაპყრობილ ქვეყნებში	2
ქართლი ირანელთა მფლობელობის ქვეშ	7
ტფილისის ისტორია	10
ირანელების მფლობელობის გავლენა ქართლის განვითარებაზე	13
აღმოსავლეთ რომის იმპერია VI ს.	21
იუსტინიანეს პირველი ღონისძიებანი ეგრისის მიმართ	25
ციბეს მოქმედება ეგრისში. საეპარქო მონოპოლია	27
ციხე-ქალაქ პეტრას აშენება. პეტრას ადგილმდებარეობა	29
ეგრისის საგარეო ვაჭრობა. საეპარქო გზები	44
ეგრისის მმართველ წარების განწყობილება	47
დიდი ომიანობა ეგრისში	51
დიდი ომიანობის შედეგი ეგრისისათვის	60
მდგომარეობა აფხაზეთში	66
აღმოს. რომის იმპერიის (ბიზანტიის) შემდგომი წარმატებანი ამიერ-კავკასიაში	77
ბიზანტიის წარმატებათა მნიშვნელობა ამიერ-კავკასიისა და საქართველოსათვის	81
საერთო სურათი შინაგან ურთიერთობის განვითარებისა VI ს-ში	90
ირანელების კულტურულ-იდეოლოგიური პოლიტიკა	108
ბიზანტიის საეკლესიო-სარწმუნოებრივი პოლიტიკა	117
საერთო მიმოხილვა კულტურულ-იდეოლოგიურ ვითარებისა საქართველოში VI ს.	120
საერთო დასკვნები	125

საქართველო აღრინდელი ფიოდალიზაციის გზაზე

თავი I. ამოსავალი ვითარება	131—172
§ 1. უძველესი განვითარების მონახაზი	131
§ 2. საქართველოს ვითარება სტრაბონის ცნობების მიხედვით	135
§ 3. სტრაბონის ცნობის საკონტროლო პარალელები და ფაქტები	157
§ 4. მერმინდელი ანალოგიები	163
§ 5. საერთო დასკვნები	167
თავი II. უძველესი პოლიტიკური ისტორია	173—191
§ 6. აღრინდელ პოლიტიკურ ისტორიის ფაქტები	173

§ 7. რომელითა შემოსვლა ამიერ-კავკასიაში	177
§ 8. რომთან დამოკიდებულების ხასიათი. რომაელთა ინტერესები ა/კავკასიაში	180
§ 9. მონათვაპრობა და ტყვეთაყიდვა სარმატიასა და ამიერ-კავკასიაში	186
თავი III. ადრინდელი ფეოდალიზაციის პროცესი	192—295
§ 10. რომთან დამოკიდებულების განვითარება. რომისა და ირანის ომები	192
§ 11. „ერია“ (მესამე გენეს) განვითარება. „მძიმე აბჯრის“ მნიშვნელობა ამ განვითარებისათვის. ჯარის ხასიათი	193
§ 12. „ერის“ განვითარების გარეგანი პირობები	200
§ 13. „ერის“ განვითარების შინაგანი პირობები. მღურნეობა, შრომის საზოგადოებრივ განაწილების სახე, ალებ-შიცემა	201
§ 14. ქართლის განვითარება I—II სს.	206
§ 15. დას. საქართველოს ვითარება. II ს.	207
§ 16. სოციალური და პოლიტიკური პირობები ქრისტიანობის ოფიციალურ კულტად ქცევისა ქართლში. ქართლის სოციალური სტრუქტურა	212
§ 17. ჯვარი, როგორც ფეოდალური რელიგიისა და იდეოლოგიის სიმბოლო. ქართული ქრისტიანული კულტურის გავრცელება კავკასიის მთიანეთში	235
§ 18. ადრინდელ-ფეოდალურ ურთიერთობის განვითარება დას. საქართველოში II—IV სს. ეგრისის სამეფოს წარმოქმნა	253
§ 19. სოციალურ-პოლიტიკურ ძალთა განწყობილების ცვლილების ისტორია და პირობები	262
§ 20. საგარეო ურთიერთობა IV საუკ. მეორე ნახევარსა და V საუკ. პირველ ნახევარში. „ქართველთა საპიტიახშოს“ დაარსება	265
§ 21. ქართლის საზოგადოებრივი აღნაგობა V ს. სხვადასხვა სოციალურ კლასებისა და ჯგუფების ადგილი და როლი შინაურ და საგარეო ურთიერთობაში	268
§ 22. საადგილმამულო ურთიერთობა IV—V სს.	279
§ 23. ვაზტანგ გორგასლის მეფობა. ბრძოლა მეფის ხელისუფლებასა და მსხვილ მემამულეობას შორის	288
ბოლოსიტყვაობა	296
რედაქციისაგან	297
შენიშვნები	298

ფეოდალური რევოლუცია
· საქართველოში

ნარკვევი ფეოდალიზმის წარმოშობის
ისტორიიდან საქართველოში

ა მ ტ ო რ ი ს ა ბ ა ნ

წინამდებარე ნარკვევი ეკუთვნის მონოგრაფიების სერიას, რომელთაგანაც, როგორც ეს წიგნის სათანადო აღგილებშია აღნიშნული, ზოგი უკვე გამოქვეყნებულია და ზოგიც, დამზადებული პუბლიკაციისათვის, ელის თავის გამოქვეყნების რიგს და რომელიმე საფუძვლად უნდა დაედონ ავტორის უფრო ვრცელ ნაშრომს — „ფეოდალური ურთიერთობის წარმოშობა საქართველოში“ (განზრახულია ორ ტომად). ხსენებული ნაშრომისათვის მოსამზადებელი მუშაობა დაწყებული იყო ჯერ კიდევ 1928 წლის შემოდგომით, მაგრამ, ერთი მხრით, საგნის სირთულემ, ხოლო, მეორე მხრით და განსაკუთრებით, ავტორის ქუდბედად დაყოლილმა ავადმყოფობამ, საერთო დიდი დატვირთულობის პირობებში, შესცვალეს თავდაპირველი გეგმა გამოკვლევის მთლიანი სახით გამოცემის შესახებ და წიგნი ცალკე ნარკვევებად დააქუცმაცეს. ამ გარემოებას, თუმცა მას ძირითადი ამოცანა არ მოუხსნია, გარკვეული დიდი დაამჩნია ავტორის არგუმენტაციის წესს და ერთგვარი უარყოფითი მომენტი შექმნა დაქსაქსულად წარმოდგენილი დებულებების სიზუსტით გაგებისათვის.

ქვემდებარე მონოგრაფიასაც, ცხადია, არ შეეძლო ამ სამწუხარო ნაკლის თავიდან აცდენა. მაგრამ ავტორი ვალად იდებს ზოგიერთი, აქ გაკვრით აღძრული, საკითხის უფრო დეტალურ დაძუშავებას უახლოეს დროში.

დასასრულ, ავტორი სიამოვნებით სარგებლობს ამ ხელსაყრელ შემთხვევას კმაყოფილების გამოსათქმელად იმ გარემოების გამო რომ მისი საკვლევო მუშაობის გაფართოებას თვალსაჩინოდ ხელი შეუწყო ტფ. სახ. უნივერსიტეტის სათანადო სამეცნიერო-საკვლევო დაწესებულებების დაარსებამ, რომლებთანაც ნაწილობრივ დაკავშირებულია წარმოდგენილი მონოგრაფიაც. ნარკვევის ძირითადი დებულებები მოხსენდა ტფ. სახ. უნ. ენის, ლიტერატურის, ხე-

ლოვნებისა და ისტორიის (ამჟამად, რუსთაველის სახელობის) ინსტიტუტის ისტორიის სექციის („ერთი მომენტი ქართულ ფეოდალიზმის ისტორიიდან“, 1934 წ. იენისის 16-ის სხდომაზე) და ტფ. სახ. უნ. საქართველოს ისტორიის კაბინეტს („საერთო სურათი შინაგან ურთიერთობის განვითარებისა საქართველოში VI ს.“, 1935 წ. მარტის 23-ის სხდომაზე). +

სიმონ ჯანაშია

ფეოდალური რევოლუცია საქართველოში

ნაკვეთი ფეოდალიზმის წარმოშობის
ისტორიიდან საქართველოში

სახელმწიფო უნივერსიტეტის გამომცემლობა

ტფილისი 1935

პირველი გამოცემის სატიტულო ფურცელი

VI საუკუნის მნიშვნელოვანი ისტორიული მოსაბრუნია ჩვენი ქვეყნის განვითარების რიგში. თვალსაზრისით ძველ ხანაში. ის ძალები,

რომელნიც, როგორც ეს სხვაგან არის ჩვენ მიერ განმარტებული¹; თანდათან იზრდებოდენ წინა პერიოდის სივრცეზე და რომელთაც თავიანთი უპირატესი საზოგადოებრივი მნიშვნელობა პირველად ქართლში უქვეყნელობით წარმოაჩინეს მეოთხე საუკუნის შუაწლებში, ეხლა უკვე სრულ გასაქანს პოულობენ თავის შემდგომ განვითარებისათვის და საბოლოოდ ეუფლებიან სოციალურსა და პოლიტიკურ სარბიელს. ეს ვითარება მშვენივრად აქვს გამოხატული XI ს. ქართველ ისტორიკოსს, სუმბატ დავითის-ძეს, რომელიც ამბობს: „ვინათგან მოაკლდა მეფობა შვილთა გორგასლისათა, მით უამითგან ეპყრა უფლება ქართლისა აზნაურთა“², მას შემდეგ რაც ვახტანგ გორგასლის შთამომავლობამ სამეფო ხელისუფლება დაკარგა, ქართლში აზნაურები გაბატონდნენ. მართლაც, მეფობის გაუქმება ქართლში, რომელიც, როგორც უნდა უკვე დავრწმუნებულიყავით, შედეგი იყო არა მარტო გარეგანი, ფიზიკურად უფრო ძლიერი, ფაქტორის ზემოქმედებისა, არამედ კიდევ უფრო მეტად სწორედ ამ დიდი აზნაურების მეფის წინააღმდეგ მიმართულის და ირანთან * შეთანხმებული პოლიტიკისა,—ეს ფაქტი (მეფობის გაუქმება) უნდა ქცეულიყო ერთ-ერთ ყველაზე მნიშვნელოვან პირობად თავის საკუთარ მიზეზის შემდგომი გაძლიერებისათვის. გუშინდელი მოკავშირენი—ირანელები და ქართლის დიდი აზნაურები—ეხლა ნადავლს იყოფდნენ. ირანელები, თქმა არ უნდა, კმაყოფილი იქნებოდნენ თავიანთი თანამებრძოლისა და სათანადო საზღაურიც უნდა გაეცათ გაწეული სამსახურისათვის. მაგრამ უფრო არსებითი დამპყრობელისათვის იყო საჭიროება გამოენახა ისეთი ადგილობრივი ძალა, რომელზედაც დაყრდნობით იგი შესძლებდა თავის ამოცანების განხორციელებას. ასეთ ძალას კი სწორედ ეს ერთგული აზნაურობა წარმოადგენდა. ეს გარემოებანი განსაზღვრავენ შაჰის

¹ ს. ჯანაშია, საქართველო აღმოსავლელ-ფეოდალურ ხანაში.

² „ქართლის ცხოვრება“ შარიამისეულ ნუსხით (ქვემოთ ყველგან = მარ.), 339.

* ტერმინები „ირანი“ და „ირანელი“ ყველგან ნახმარია ძველი „სპარსეთისა“ და „სპარსელის“ ნაცვლად.

მთავრობისა და ქართლის დიდ აზნაურთა შეხმატკბილებულ|ურ-თიერთობას მრავალ მომდევნო წლის განმავლობაში. იმავე სურათს ვხედავთ, მხოლოდ უფრო ადრე, მეზობელ სომხეთსა და ალენეთშიც. მაგ., სომხეთის ანალოგიურ მდგომარეობას, თითქმის სუმბატ დავითის-ძის სიტყვით, აგვიწერს სომეხი ისტორიკოსი (V-VI სს.) ელიშე: როცა (428 წ.) ირანელებმა თავის სამეფოდან გააძევეს სომეხთა უკანასკნელი მეფე, არტაშეს ვარამშაპუჰისძე, „მეფობა ხელთ ჩაუვარდათ სომეხთა ნახარარებს“-ო (ნახარარებად სომხეთში დიდ აზნაურთა საგვარეულოების მეთაურები იწოდებოდნენ), *ქ ნოქსარქარან ზაკივ ანისონქერ ქაფასრილქიან¹* 461 წ. ირანელებმა მეფობა შოსპეს მეზობელ ალენეთშიც, და მეექვსე საუკუნის დამდევისათვის, როგორც უკვე ვნახეთ, ჯერი მიღვა ქართლზედაც.

ირანული პოლიტიკა შეექვსე საუკუნისათვის სასანიანთა ირან-და რეჟიმი დაპყრო-მა მიაღწია თავის გარეგნულ ძლიერებისა ბილ ძვენებაში და ტერიტორიულ ექსპანსიის მწვერვალს. ამ ძლიერების გამოხატულება იყო სწორედ მთელი აღმოს. ამიერკავკასიის დაპყრობა და რომის აქედან საბოლოოდ გაძევება. მაგრამ სასანიან შაჰებს უფრო მეტი ჰსურდათ: ისინი მთელი სამხრეთკავკასიის ხელში ჩაგდებისა და საბოლოო შემომტკიცებისაკენ მიისწრაფოდნენ. ამისთვის მიზანშეწონილად იყო მიჩნეული ერთიანი რეჟიმის დამყარება ამ ქვეყნებში. ეს რეჟიმი შიშველ ოკუპაციასა და უმეშვეო სამხედრო-ადმინისტრაციულ მმართველობაში მდგომარეობდა, რაც შეეფერებოდა სასანიდების სახელმწიფოს საერთო ხასიათს. თავის პოლიტიკურ წინაპრებთან, პართელ არშაკიდებთან, შედარებით სასანიდებს სწორედ მეტი ცენტრალიზმისაკენ მიდრეკილება ახასიათებდათ. თუ არშაკიდები იმითაც კმაყოფილდებოდნენ რომ წვრილ, ნახევრად დამოუკიდებელ, სამფლობელოთა მეთაურები, ადგილობრივი მეფეები და მთავრები, შაჰებს თავიანთ სიუზერენებად და „მეფეთა-მეფეებად“ (შაჰან-შაჰ) სცნობდნენ, სასანიდებს ვასალური სამფლობელოები თანდათან ირანის სახელმწიფოს უბრალო პროვინციების მდგომარეობაში გადაჰყავთ. თვით სახელმწიფოებრივი აპარატიც თანდათან რთულდება და უფრო და უფრო

¹ ნეიქსე ქ იყოთილიქიან ჟარღანანე ჩიქიქი 1912 (ქვემოთ ყველგან = ნეიქსე), გვ. 7.

ბიუროკრატიულ ხასიათს იღებს. ამ დროისათვის ირანელების უზარ-მაზარი იმპერია ოთხს ძირითად სამხედრო-ადმინისტრაციულ ერთეულად არის დაყოფილი, რომელნიც „ქუსტების“ ანუ „ქუსტაკების“ სახელწოდებას ატარებენ. ამათგან ჩრდილოეთის მხარე „ჩრდილოეთის“ (აპახთარ) ანუ „ატროპატაკანის“ (ე. ი. ადარბადაგანის) ანუ, უფრო ჩვეულებრივად, „კავკასიის“ (კაპკოპ) ქუსტაკად იწოდება. კავკასიის ქუსტაკი, ისე როგორც სხვებიც, უფრო წვრილ ადმინისტრაციულ ერთეულების, „შაპრ“—ებისაგან, იყო ავებული. ასეთი შაპრების სახით შევიდენ კავკასიის ქუსტაკში სომხეთი, ალვანეთი და ქართლიც, ამ ქვეყნებში მეფობის მოსპობის შემდეგ¹. თუ ქუსტაკების სათავეში „სპასპეტები“ („სპაპბედ“) იდგნენ, როგორც არაბი გეოგრაფი იბნ-ხორდადბე გადმოგვცემს, შაპრებს შარზპანები ჰმართავენ. ისინი არიან ამ ქვეყნების უმაღლესი ადმინისტრატორები და შაჰის ადგილობრივი ნაცვალნი. მიმდინარე ადმინისტრაციულ საქმეების გაძღოლისა და უზენაეს სამოსამართლო ფუნქციის შესრულების გარდა, მარზპანების ძირითადი მოვალეობა იყო მოეკრიფათ დაპყრობილ ქვეყნებიდან ხარკი და სამხედრო რაზმები. ერთისა და მეორის დროულად და წესიერად მიღებას ირანის მთავრობისათვის დიდი მნიშვნელობა ჰქონდა. ეს მნიშვნელობა იზრდებოდა ირანის ტერიტორიულ და ბიუროკრატიულ ზრდასთან ერთად, რაც დაკავშირებული იყო განუწყვეტელ სამხედრო ოპერაციებსა და აქედან გამომდინარე გაძრავებულ ზარჯებთან. V—VI სს.—ში სასანიდები შეუჩერებელსა და მძიმე ომებს აწარმოებენ თითქმის ყოველმხრივ, კერძოდ—კი—კავკასიონის სანაპიროზე, სადაც ცდილობენ ჩრდილოეთ-კავკასიის ნომადების—ჰუნების, ალანებისა და სხვათა მულმივი თავდასხმებისაგან დაიცვან თავი: ამისთვის განსაკუთრებული ყურადღება უნდა მიექციათ კავკასიის სათანადო ზეკარებისა და ზღვისკარებისათვის (იხ. ამის შესახებ ჩვენი „საქართველო აღრინდელ-ფეოდალურ ხანაში“).

ამ გზების, კერძოდ დარიალანისა და დარუბანდის, დაკეტვა იყო საჭირო რომ ენერგიით საესე ველის ტომების მოზღვავებული ტალღები შეეჩერებინათ. ყველაზე ადრე ირანის მთავრობა დარუბანდის ველის, ანუ, როგორც მას მაშინ ადგილობრივ

¹ Ак. В. В. Бартольд, Место прикаспийских областей в истории аусульманского мира.—Н. Адонц, Армения в эпоху Юстиниана.

ეძახდენ, ჩოროს (ქართ. ჩორი, ბერძ. Ἰϛϛῖρ, სომხ. Չոր, Չոր)² გამაგრებისათვის ზრუნავს. უკვე V ს. შუაწლებისათვის ირანელები აქ აშენებენ კედელსა და ციხეს, რომელნიც მომდევნო საუკუნეში გრანდიოზულ ნაგებობათა სახეს იღებენ. მეექვსე საუკუნეშივე ირანელები ასევე ამაგრებენ დანარჩენ ზეკარებსაც. მშენებრად აქვს აწერილი ირანელების ეს საქმიანობა ერთს ქართულს უძველესს (როგორც ჩანს, თანამედროვე) მატიანეს: როდესაც ქართლს „მეფობაჲ დაესრულა, ქართლს შინა სპარსნი განძლიერდეს, და ჰერეთი და სომხითი დაიპყრეს. ხოლო ქართლი უმეტესად დაიპყრეს. და კავკასიანთა შევიდეს და კარნი ოვსეთისანი აიგნეს, და ერთი დიდი კარი ოვსეთისავე და ორნი—ღვალეთს, და ერთი—პარკუანს ღურძუქეთისასა და იგი მთიულნი გომარდად დაადგინნეს. და სხუაჲ ვინმე კაცი დაიდგინეს მთავრად წანარეთისა ჳევსა და მორჩილებაჲ დასდევს მისი.—და ოდეს ერაკლე მეფე მოვიდა, მაშინ დაიმჯუნეს სპარსნი.—და სპარსთა ხაზარეთისა კარნი შექმნეს და ხაზარნი მეოტ ყენეს“³. როგორც ამ ცნობიდან ჩანს, ირანელებს სხვადასხვა დროს თითქმის მთელი ცენტრალური და აღმოსავლეთი კავკასიონის ხაზი გაუმაგრებიათ: „ოვსეთის დიდი კარი“ უთუოდ დარიალანია (დარ-ი-ალან ირანულად „ალანების კარს“ ნიშნავს და ძვ. ქართ. „ოვსთა კარს“ უდრის), ღვალეთის ორი კარი ალბათ მდ. მდ. ლიახვ-არდონის წყალთვასაყარ ქედის ზეკარებს იცავდა. ამ გზებით ქართლიდან გადადიოდენ შეძღვეში კარგად ცნობილ კასრისხევში, სადაც მეთვრამეტე საუკუნეშიაც, ვახუშტის ცნობით, მონღოლნი იყო „კარი, კლდისაგან და ქვიტკირით ქმნული, დიდ-კამაროვანი, მდინარესა ზედა, მეფეთაგან ქმნული, რათა არა ვიდოდენ თვინიერ მათსა ოვსნი“⁴. ღურძუქეთის კარი ფშავ-ხევსურეთიდან ჩაჩან-

¹ ძველ ქართულ მწერლობაში მოხსენებული აქვს იაკობ ხუცესს, V ს., ორგზის: ერთხელ, როცა მოთხრობილია ვარსკენის, როგორც ირანელთა მეფის ვასალის, ჰუნების წინააღმდეგ ბრძოლაში წასვლაზე: „ხოლო პიტიახში ჩორდ წარებართა“ (გორგ. ვამ., გვ. 13),—ირანელ-ჰუნების ბრძოლის მთავარი ასპარეზი სწორედ დარუბანდის ყელი იყო,—და მეორედ, როცა ვარსკენი ემუქრება შუშანიკს: „ჩორდ წარგცე შენ ანუ კარად კარაულითა“ (იქვე, 15), აქაც პირველი პუნქტი დარუბანდს გულჩხმობს, მეორე კი—ქალ. კარს ანუ თანამედროვე ყარსს.

² „მოქცევაჲ ქართლისაჲ“, ექვთ. თაყაიშვილის გამოცემა; Описание рукописей... II, 723—724 (ქვემოთ ყველგან ეს გამოცემა ნაგულისხმევი).

³ ვახუშტი, გეოგრაფია, ბროსეს გამოცემა (ქვემოთ=გეოგორ., ბრ.), 458

ქისტეთში მიმავალ გზას ჰკეტავდა, „ხაზარეთის კარნი“ კიდევ დარუბანდს უნდა გულისხმობდეს (დარუბანდიც ირან. სახელია, ძველი ღროიდანვე შემონახული, და, დარიალანთან ერთად, ცოცხალი მოწმეა ამ პუნქტების მნიშვნელობისა იმდროინდელ ირანის პოლიტიკისათვის). მაგრამ ამ სიმაგრეების აშენება ერთი საქმე იყო, მათი შენახვა კიდევ—მეორე. მთიულთა „გომარდად დადგენისათვის“, ე. ი. კავკასიის მთიელ ტომთა გამოსაყენებლად საგარნიზონო სამსახურისათვის ამ სტრატეგიულ ხაზზე, ჭირა იყო საჭირო. ვარდა ამისა, საკუთარი მეციხოვნე ჯარის გარეშეც ირანელები აქ ვერაფერს გააწყობდნენ. ყოველივე ეს უზარმაზარ ხარჯებს მოითხოვდა ირანის მთავრობისაგან. ამიტომ არის რომ ირანელების და რომაელთა იმდროინდელ ურთიერთობაში ამ ზღვისკარ-ზეკარების დაცვის საკითხი ყოველთვის იჩენს თავს. ირანელები მუდამ იმ თვალსაზრისს იცავენ, რომ ამ ხაზის გამაგრება ხსენებულ სახელმწიფოების საერთო საქმეა, ვინაიდან ჩრდილოეთის ველური ხალხები ერთნაირად საშიში არიან მათთვის. ამ საბუთით ირანელები რომის მთავრობისაგან ყოველთვის მოითხოვდნენ სამხედრო დახმარებას, უფრო ხშირად და მეტი ხალისით-კი, ამ დახმარების სანაცვლოდ ფულად სუბსიდიებსაც სჯერდებოდნენ. მართლაც, რომაელებს ასეთი ფულადი შექმნება (საზავო პირობების სხვა პუნქტებთან შეწონასწორებით) არა ერთგზის უკისრნიათ. მაგრამ არც ეს იყო საკმარისი და ირანის მთავრობას უხდებოდა შინაგანი რესურსების შემდგომი დაჭიჭვა. ამრიგად დაპყრობილი ქვეყნების უღელი სულ უფრო და უფრო მძიმე ხდება. მეზობელ სომხეთში, მაგ.—სადაც ირანელებმა ნახარალებს სწორედ იმისათვის ჩაუგდეს ხელთ სამეფო, რათა, იმავე ელიმეს სიტყვით, ხარკიც სამეფო საქურკლეში შეტანილიყო და სომხეთის მხედრობაც ნახარალების წინამძღოლობით გასულიყო სალაშქროდ¹,—როგორც ფულადი გამოსაღები, ისე სამხედრო ბეგარაც თანდათან იზრდება. ირანელები მოსახლეობის პერიოდულ აღწერას აწარმოებენ, ახალ-ახალი დასაბეგრავე ობიექტების აღმოსაჩინად. მდგომარეობა, რომელიც შეიქმნა სომხეთში, ამ პოლიტიკის შედეგად, მჭევრმეტყველურად აქვს აწერილი იმავე ჰვ. სომეხ მემატრიანეს. სომხეთის ერთ-ერთმა მმართველმა შაპის დავალებით აღწერა მთელი ქვეყანა, თითქოს იმ განზრახვით, რომ

¹ ხეჩქ, 7—8.

შემცირებული ყოფილიყო ხარკი და შემსუბუქებული—სამხედრო-ბეგარა. მაგრამ მისი ვერაგობა მალე გამომქვანდა: ეკლესიის თავისუფლება მონობად შეიცვალა, მონასტრებში დასადგურებული ბერებიც შეტანილ იქმნენ აღწერაში, ქვეყნის ხარკი უაღრესად გაიზარდა, შფოთი და უთანხმოება ჩამოვარდა ნახარართა სახლებში. ყველაფერზე მძიმე მაინც გადასახადების გადიდება იყო: იქ, სადაც წინათ ას დრაჰკანს ართმევდენ, ეხლა ორმაგად ახდევინებდენ. ჰბეგრავდენ ეპისკოპოსებს და ხუცეებსაც, ხარკავდენ არა მარტო ნაშენებსა და დასახლებულ ადგილებს, არამედ პარტახტსაც (ნაოხარს). ან ვის შეუძლია იმის მოთხრობა თუ რამდენად მძიმე იყო მთასა, ველსა და ტყეზე დადებულ სხვადასხვა ხარკისა და ბაჟის სიმძიმე? არა ძეგური ღირსებისამებრ სჩადიოდენ ამას, არა—ნედ ყაჩაღური ძარცვა-იგლეჯით. ისე რომ თვით ირანელებს ღიდად უკვირდათ—საიდან მოდის მთელი ეს განძი, ან როგორ უდგას კიდევ სული სომხეთის ქვეყანასო?¹ ასეთმა პირობებმა სომხები გაქირვების პირას მიიყვანა: იმდროინდელ დამკვირვებელს სამართლიანად შეეძლო ეთქვა, რომ აღარავის მომკვდავთაგანს აღარა ჰქონდა უნაღვლო ცხოვრება, ყოველივე აღსავსე იყო მწუხარებით, შინაგანით თუ გარეგანით: სიცივე, სიცხე, შიმშილი, წყურვილი, სილატაკე და უპოვარება, უსამართლობა, ძარცვა და ავაზაკობა, სიბილწე და გარყვნილება, ღვთისგმობა და რენეგატობა, უმეცრება და ცთომილება,—აი, რით იყო ყველა მოცული². როცა მოსახლეობას მოთმინება უწყდებოდა და ხელს იარაღს ჰკიდებდა თავის უფლებების დასაცავად, მაშინ უკვე საომარი მოქმედება აოხრებდა ქვეყანას. შემთხვევით გადარჩენილებსა და დამარცხებულებს თავს ატყდებოდათ ურჩობის საზღაური—ციხე, ქონების კონფისკაცია, კონტრიბუციები. ისინიც, ვინც ირანელების ერთგულნი იყვნენ, დაზღვეულნი არ ყოფილან შაჰის უეცარი რისხვისაგან. დამახასიათებელია მოთხრობა ცნობილ ვასაკ სივნიელის, უდიდეს ნახარარის, შესახებ, რომელიც კარგა ხანს სომხეთის მარზბანადაც იყო. თუცა მას ცოტა სამსახური არ გაუწევია ირანელებისათვის, ბოლოს მაინც მათი გულისწყრომის საგანი გახდა. მაშინ როცა თვით მას, პატიმრად მყოფს, ბორკილებში ჩასმულს, ღლიდან დღე ლე-

¹ სქიკ 26—28.

² იქვე, 217—218.

შივით დაათრევდენ მოედანზე სალანძღავად და საკიცხავად, წაართვეს ყველაფერი, რაც რამ თან ჰქონდა და ისეთს სამარცხვინო სილატაკეში ჩააგდეს იგი, რომ მსახურთა მათხოვრობით შეძენილ პურით იკვებებოდა, ამავე დროს გულმოდგინედ ანგრევდენ ვასაკის სახლსა და შეურნეობას—ისეთი ხარკი დაადეს მას, რომ მამაპაპეული და საკუთარი საქონელი, ქალების სამკაულებიც, გაჰქონდათ და მიინც ვერ ახერხებდენ სამეფო გადასახადების გადახდას. ამ ზომამდის მიიყვანეს ვასაკი, რომ კითხულობდა, იქნებ ჩემი წინაპრების საფლავებში იყოს რამე განძიო¹.

ქართლი ირანელთა მფლობელობის ძველი

ასევე იქცეოდენ ირანელები სხვა დაპყრობილ ქვეყნებშიც, ცხადია, ადგილობრივ პირობებთან ერთგვარ შეგუებით. ასეთივე იყო ირანული რეჟიმი ქართლშიც. „ქართლის მოქცევის“ მატეიანის ცნობით, რომელიც სხვაგანაც იყო მოტანილი, ქართლი ირანელების განსაკუთრებული ყურადღების საგანიც-კი გამხდარა: „ქართლს შინა სპარსნი განძლიერდეს, და ჰერეთი და სომხითი დაიპყრეს. ხოლო ქართლი უმეტესად დაიპყრეს“-ო. ქვეყნის უზენაესი მმართველი, როგორც უკვე ნათქვამი იყო, არის ირანის მეფის წარმომადგენელი მოხელე, რომელიც მარზპანის სახელწოდებას ატარებს (მარზპანი ირან. ტერმინია და ქვეყნის, მხარის მმართველს ნიშნავს: მარზ—ქვეყანა, მხარე, აქედან—ახალი ქართ. მარზა, პან—მცველი). იგი, უწინარეს ყოვლისა, საკუთრივ ირანულ შეიარაღებულ რაზმებს ეყრდნობა, რომელნიც ქვეყნის სხვადასხვა მნიშვნელოვანს (სამხედრო-სტრატეგიულად თუ ადმინისტრაციულად) პუნქტებში არიან ჩაყენებულნი. პროვინციულ გარნიზონების სათავეში ირანელივე ციხისთავეები დგანან, რომელთაც ადმინისტრაციული ფუნქციაც აქვთ დაკისრებული.

უქვევლია, ამ თანამედრობებით არ ამოიწურებოდა ირანული სამოხელეო შტატი ქართლში. მხოლოდ ცნობების ნაკლოვანება საშუალებას არ გვაძლევს უფრო დეტალურად განვიხილოთ როგორც ეს საკითხი, ისე ირანული მფლობელობის სხვა მხარეებიც. ერთადერთი ქართული ლიტერატურული ნაწარმოები, რომელიც თანამედ-

¹ ნეჩხ, 176—177.

როვის მიერაა დაწერილი და რომელშიაც რეალურ ფერადებითაა დახატული ირანელების მიერ შექმნილი მდგომარეობა, არის ე. წ. „ეგსტათი მცხეთელის მარტილობა“, შედგენილი მეექვსე საუკუნის შუაწლებში. აქ მოთხრობილია ერთი ირანელი ხელოსნის ამბავი. ეს ხელოსანი (მეხამლე) მცხეთაში ცხოვრობს, აქ ეწევა თავის ხელობას და ქრისტიანობას აღიარებს. მას უთანხმოება მოსდის სარწმუნოებრივ ნიადაგზე სხვა მცხეთელ ხელოსნებთან—მეჭადაგეებსა და მეხამლეებთან, რომელნიც ეგსტათის თანამეტრომენი ყოფილან და თავის მამა-პაპეულ რელიგიას—მაზღეიზმს—შერჩენიან. ისინი ეგსტათის მცხეთელ ციხის თავთან აბეზღებენ—გამოიძიე ეს ამბავი, შენ „ამას ქალაქსა შინა ეკლმწიფე (ე. ი. ყველაზე უფროსი, ბატონ-პატრონი) ხარო“. ციხისთავი ჰგზავნის ეგსტათისთან ერთს მხედართაგანს, რომელიც ეგსტათის მრისხანედ ეუბნება—ციხისთავი გიბარებსო. ციხისთავთან დაბარება თავისთავად, როგორც ჩანს, კარგს არაფერს მოასწავებდა და ეგსტათის გაქცევაც დაუპირებია, მაგრამ ბოლოს იგი მაინც მიუყვანიათ ამ მოხელესთან. როცა ციხისთავი გაიგებს საქმის ვითარებას თვით ეგსტათისგან, ცდილობს შეაგნებინოს მას მისი საქციელის—რენეგატობის—მთელი წინდაუხედაობა და სიმძიმე და სიტყვიერი შთაგონებით დააბრუნოს იგი მოგვობის—ცეცხლმსახურების—წიაღში. მაგრამ რაკი ამ გზით ვერაფერს აწყობს, ციხისთავი აცხადებს: „ამის კაცისა პატიჟი (= დასჯა) მე არა რაა ჯელ-მეწიფების (= არ შემიძლია, ჩემს კომპეტენციაში არ შედის), არცა აღბმად ძელსა, არცა პყრობილებად, არამედ წარუძღვანო ეგე ტფილისს ქალაქსა არვანდ გუშნაპს, ქართლისა მარზაპანსა და რააცა იგი შეჰგვანდეს (= შეეფერებოდეს, რისიც ღირსი იყოს), მან უყოს, რამეთუ ყოვლისა კაცისა ქართლისა მას ჯელ-მეწიფების სიკვდილი და ცხორება“-ო, და ორს მხედარს გაატანა ეგსტათი ტფილისს. მამეზლარნი არ ისვენებენ, ისინი იმავე ციხისთავს სთხოვენ, სხვებიც არიან აქ გაქრისტიანებული ირანელები, „მათიცა ბრძანე მოწოდება და ტფილისს მათიცა წარყვანება“-ო. ციხისთავი აპატიმრებს კიდევ შვიდ კაცს, მაგრამ არც მათს „განკითხვას“, გასამართლებას, აწარმოებს, არამედ იმათაც ტფილისს ჰგზავნის, თანაც მარზპანს სწერს—ეს ირანელები ჩვენს სარწმუნოებას გადაუდგენენ, ეხლა შენ გიგზავნი, რადგანაც „შენ ჯელ-მეწიფების მაგათი განკით-

ნვა“-ო. მარზპანი, პატიმართა სიმტკიცით განრისხებული, უბრძანებს თავის მსახურებს ურჩთა პირში ცემას, თავისა და წვერის მოპარსვას, ცხვირის გახვრეტას, კისერზე ჯაჭვისა და ფეხებზე ბორკილის დადებას და, შემდეგ, საპყრობილეში შეგდებას, თუ მარზპანის ნებას არ დაჰყვებიან. რაკი ევსტათი და რამდენიმე სხვა თავის ახალ რწმენას გულმოდგინედ იცავენ, ისინი ექვსი თვე სხედან საპყრობილეში, ვიდრე ეს მარზპანი ირანში არ დაიბარეს. ქართლიდან გამგზავრების წინ მარზპანი პატიმრებს ათავისუფლებს ადგილობრივ დიდკაცების შუამდგომლობით. ისინი თავის სახლსა და საქმეს უბრუნდებიან. მაგრამ ქართლში ახალი მარზპანის მოსვლის შემდეგ ძველი მამბეზღრები მას სთხოვენ რენეგატების დასჯას, „განკითხვა მათი თქვენ ჯელ-გეწიფებისო“. ევსტათი და სხვები ისევ დაპატიმრებული არიან. მარზპანის ცდა, მათი სიტყვიერი შეგონებისათვის მიმართული, ეხლაც უშედეგო რჩება. ევსტათი ისევ ისე მტკიცედ დგას—შენზე ადრე „სჯუათა ჯელმწიფეთა მტანჯეს შე ფრიად და მგვემეს“, მაგრამ ვერ გამტეხესო. მაშინ, მარზპანის „ბრძანებულის აღსასრულებლად“, მისი მსახურნი ღამით თავს ჰკვეთენ ევსტათის მახვილით¹.

ეს გრძელი მოთხრობა იმისთვის დაგვეკორდა, რათა მკითხველს საშუალება მისცემოდა თვითონ ჩაეხედნა პირველწყაროს ჩვენებებში: | ისეთ ქალაქში, როგორც იყო მცხეთა, უმაღლეს ადმინისტრაციულ პირს ციხის თავი წარმოადგენს, რომლის ხელქვეით მხედრები იმყოფებიან. ციხისთავს შეუძლია სხვადასხვა ადმინისტრაციულ ღონისძიების მიღება, მაგრამ მას არა აქვს უფლება გაასამართლოს ვინმე, სასჯელი დასდოს—ძელზე ალბმა (ჩამოხრჩობას ან სხვა მსგავს სასჯელს გულისხმობს ეს გამოთქმა) ან თუნდაც დაპატიმრება (ალბათ ხანგრძლივი პატიმრობა). ასეთი რამე მარზპანის კომპეტენციაა, რადგანაც მასა აქვს მინიჭებული უფლება განსაჯოს ქართლის ყოველი მცხოვრების სიკვდილსიცოცხლის საკითხი. და მართლაც, ჩვენ ვნახეთ რომ მარზპანს შეუძლია ადამიანის ფიზიკური დასჯა—ცემა, საჯარო შერცხვენა (თავ-წვერის მოპარსვა), მონად ქცევა (ცხვირის გახვრეტა, ალბათ

¹ საბინინი, საქართველოს სამოთხე, გვ. 313 შემდ. ტექსტის თავდაპირველი სახის რეკონსტრუქციისათვის ავტორს გამო ყნებულნი აქვს საისტ. და საეთნ. საზ. ყოფ. ხელნაწერის № 341-ის ჩვენებები.

ისეთივე ნიშანი იყო, როგორც ყურის მოჭრა—შეადრ. „ყურმოჭრილი მონა“), ჯაჭვისა და ბორკილის დაღება, დაპატიმრება განუსაზღვრელ დროით და სიკვდილით დასჯაც. დასასრულ, მარზპანის ხელთაა აგრეთვე ადამიანის პატიება და სრული განთავისუფლებაც. მარზპანის განკარგულებაში მხედრები და მსახურები იმყოფებიან. მიმართვის დროს მარზპანს „მის უფლებას“ უწოდებენ¹.

როგორი იყო ხარკი, როგორ ჰკრეფდნენ მას, რამდენი იყო გაწერილი ქართლზე—ამის შესახებ პირდაპირი ცნობები არ შენახულა. სომეხ მემკვიდრეთა მოწმობით შეგვიძლია მხოლოდ დავასკვნათ, რომ, ხარკს უმთავრესად ფულადი სახით ახდევინებდნენ და რომ ის ქართლშიაც მძიმე უნდა ყოფილიყო. ასეთივე მძიმე უნდა ყოფილიყო სამხედრო ბეგარაც—სომხურივე ცნობებით, ირანელებს ქართლიდანაც ისევე, როგორც სომხეთიდან, გაჰყავდათ უმთავრესად ცხენოსანი რაზმები, რომელთაც ისინი ხშირად ძალიან შორეულ ექსპედიციებში ჰგზავნიდნენ, მაგ., ირანის აღმოსავლეთ საზღვრებზე. „შუშანიკის წამებიდან“ ჩანს, რომ ირანელებს ქართლიდან ჯარი ჯერ კიდევ მეფობის დროს (V ს.) გაუყვანიათ. ვარსკენ, ქართლის პიტიახში, ლაშქრობს „ჰონთა ზედა“, განთქმული ჰუნების წინააღმდეგ, რომელნიც იმხანად ჩრდ.-კავკასიის ველებზე ბინადრობენ და სიცოცხლეს უმწარებენ ირანელებს. ირან-ჰუნების ფრონტი დარუბანდის რაიონშია გამართული. ქართლიდან ჩორის (დარუბანდის) პოზიციებზე სალაშქროდ სიარული სახარბიელოს არაფერს წარმოადგენდა, რა თქმა უნდა. თუმცა მარზპანს რეზიდენციად, როგორც ჩანს, არა ერთი ადგილი აქვს (ერთი ძველი ძეგლის ცნობით, მაგ., სხვათა შორის ქალაქი თუ დაბა რეხა(ე)). მაგრამ ჩვეულებრივად იგი ტფილისში იმყოფება, და ამ რიგად ტფილისს ქართლის პოლიტიკური ცენტრის როლი ეკისრება. მეფობის ხანაში ქართლის სატახტო ქალაქი არის ჯერ არმაზი და შემდეგ—მცხეთა.

ტფილისის ისტორია ტფილისის ზრდის ძველი ისტორია ბურუსითაა მოცული. შეიძლება მხოლოდ ითქვას, რომ ქართლის ძველ ქალაქთა შორის იგი ერთი ყველაზე უმცროს-

¹ შეადრ. პროფ. ივ. ჯავახიშვილი, ქართველი ერის ისტორია, I³, 259.

თავანია თავის ასაკით. პირველად ტფილისი, როგორც ციხე-ქალაქი, იხსენიება IV ს. დამლევის ამბებში: „მაშინ მოვიდა ქრამ-ხუარბორ-ზარდ, სპარსთა მეფისა პიტიახში, ტფილისად ქალაქად-ციხედ და ქართლი მისსა ხარკსა შედგა“-ო¹. მაშასადამე, თავდაპირველად ტფილისი ირანელი პიტიახშების საჯდომად ქცეულა. ამ დროისათვის ეს პუნქტი ჯერ კიდევ ქალაქად არ ითვლება². რამ შეუწყო ხელი ტფილისის დაწინაურებას, ამის შესახებ არავითარი ფაქტიური მასალა არ შენახულა. ცხადია, მხოლოდ რომ აქ, სხვა მიზეზთა შორის, დიდი როლი უნდა ეთამაშნა ტფილისის მდებარეობასაც. აქ იყო და არის საუკეთესო ადგილი ხიდის ასაგებად, სახელდობრ იქ, სადაც დღეს მეტეხის ხიდებია და სადაც შტკვრის კლდოვანი ნაპირები არაჩვეულებრივად ახლოს ადგებიან ერთმანეთს: ეს გარემოება მნიშვნელოვანი იყო იმდროინდელ ტექნიკისათვის. ტფილისში ჯდომა ირანელ მოხელეს შესაძლებლობას აძლევდა კონტროლი გაეწია ამ გზებისათვის, ხოლო მეორე მხრით თვალყური ედევნებინა ქართლის მეფისათვის, რომელიც მცხეთაში იყო დამკვიდრებული.—შემდეგ, ვახტანგ გორგასალის ბიოგრაფი გვარწმუნებს რომ „ვახტანგ აშენებდა ქალაქსა ტფილისსა / და საფუძველი ოდენ დაედგა“-ო³. მემატიანის წარმოდგენით, ვახტანგს ვერც დაუმთავრებია თავისი მშენებლობა, მას ამის შესახებ სათანადო ანდერძი დაუგდია თავისი მემკვიდრისათვის. ტფილისში ჯდომა ირანელ მოხელეს შეეძაჩიმ „განასრულნა ზღუდენი ტფილისისანი, ვითა ებრძანა ვახტანგს, იგი შექმნა სახლად სამეფოდ“, ხოლო კათალიკოსს მეფემ

¹ მოქც. ქართლ., 720.

² მოტანილი ციტატა შატბერდულ საკითხავს წარმოადგენს. კელიშერი—მნიშვნელოვნად განსხვავებულია: „მაშინ მოვიდა ხუარ... ტფლის და კ'დ ციხედ და სხვ. გეოგრაფიულ ადგილის დაქარაგმებული სახელწოდება შეიძლება გახსნილი იქნას ასე: „ტფილისს და კალად ციხედ“. გამოდის რომ დასახლებულია ორი ერთმანეთთან მჭიდროდ დაკავშირებული ადგილი, ერთი, მოსახლეობის და, მეორე, ციხის პუნქტები. არსიდან არ ჩანს რომ უკანასკნელის სახელწოდება „კალა“ მართლაც არაბული სიტყვაა, და არა საკუთარი გეოგრაფი. სახელი, გარეგნულად მსგავსი უცხო სიტყვისა. ანაქრონიზმს აქ ჩვენ ამიტომ ვერ ვხედავთ. სრულიად ცხადია, როგორც ეს ქვემოთ არის ნაჩვენები, რომ მატიანე ტფილისის „გაქალაქებას“ მომდევნო ხანაში დასდგბს. ამრიგად, შატბერდული საკითხავის „ქალაქი-ციხე“ მერმინდელი ავტორის განმარტებაა.

³ ჯუანშერი, მარ. 180.

„მიათვალა მცხეთა“¹. ე. ი. დაჩი ამთავრებს ტფილისის გალავანს და ტფილისის საშვეფო საჯდომად ჰხდის, მცხეთას-კი კათალიკოზს აბარებს. ანალოგიურივე ხასიათისაა მეორე ძველი მატეანის, „ქართლის მოქცევის“, მტკიცება, რომლის მიხედვითაც დაჩის მეფობაში ტფილისის ზრდაში რაღაც მნიშვნელოვანი ცვლილება უნდა მომხდარიყო. „ამისა-ზე (ე. ი. დაჩის დროს) ტფილისის კაცნი დასხდებოდეს და მარაამ წმიდისა ეკლესია აღაშენეს“-ო², თუმცა აქ სატახტო ქალაქად ქცევაზე არაფერია ნათქვამი. დაჩის მეფობა ძეხუთე-მეექვსე საუკუნეების მიჯნაზე მოდის. რომ მართლაც აღნიშნულ ხანაში ტფილისის ზრდაში მნიშვნელოვანი ცვლილება უნდა მომხდარიყო, ამას უქველობით მოწმობს ტფილისის საეპისკოპოსოს დაარსება, როგორც ჩანს, V ს. ბოლოს: 506 წლისათვის ტფილისის ეპისკოპოსი უკვე იხსენიება. მეექვსე საუკუნის ოციან წლებში, როგორც ვიცით, ირანელებმა მოსპეს მეფობა ქართლში და თავის მთავარ სიმაგრედ და სატახტო ქალაქადაც უკვე საბოლოოდ ტფილისი აირჩიეს. ამ ამბავს „ქართლის მოქცევა“ ასე მოგვითხრობს: „მაშინ მცხეთაჲ ათხელდებოდა და ტფილისი ეშენებოდა, არმაზნი შემციოდებოდეს და კალაჲ განდიდნებოდა“³, ტფილისი იზრდება მცხეთის ხარჯზე, ტფილისის ციხე კალა-კი—არმაზისაზე. კალა ისეთსავე დამოკიდებულებაშია ტფილისის მიმართ, როგორშიაც არმაზი—მცხეთის მიმართ. ცხადია, რომ ირანელების მიერ ამ პუნქტისათვის დაკისრებული ფუნქცია ძალიან უწყობს ხელს მის, როგორც ქალაქის გაძლიერებას. ტფილისის ზრდა გრძელდებოდა მთელი მეექვსე საუკუნის განმავლობაში. 571 წლისათვის, ბიზანტიელ მემატეანის თეოფანეს ცნობით, „იბერთა დედაქალაქი ტფილისი“ არის, ისევ ისე⁴. VII ს. დამდეგისათვის ტფილისი, იმდროინდელ თვალსაზრისით, საკმაოდ მოზრდილი ქალაქი უნდა ყოფილიყო. ქალაქის მაშინდელი ფარგლები ჩვენ შეგვიძლია მეტნაკლებად წარმოვიდგინოთ: თავდაპირველად მოსახლეობა და ქალაქის შენობები დღევანდელ აბანოს უბანში უნდა გაჩენილიყო, რადგანაც სწორედ ამ პუნქტის საკუთარი სახელი უნდა იყოს „ტფი-

¹ ჯუანშერი, მარ. 186.

² Опис. II, 722.

³ იქვე, 724.

⁴ იხ. ს. ყაუხჩიშვილი, პირველი ბერძნული ცნობა ტფილისის შესახებ: საქ. მუხ. მოამბე, IV, 283—4.

ლისი“, მიღებული აქ არსებულ თ ბ ი ლ (ძველ ქართულ გამოთქმით—„ტფილ“) მინერალურ წყაროებისგან, და რადგანაც აქვე იყო ტფილისის ციხე-სიმაგრე. შემდეგ ხანებში ქალაქი უპირატესად ჩრდილო-დასავლეთით იზრდება (მტკვრის დენის მიხედვით—„ზევით“). VI—VII სს. შიჯნაზე ქალაქის ფარგალი ამ მიმართულებით, ყოველ შემთხვევაში, დღევანდელ მუხრანის ხიდს სამხრეთით არ უნდა ვიგულისხმოთ, რადგანაც VII ს. ოციან წლებისათვის „დიდი ეკლესია“, ე. ი. სიონი, უკვე აგებულია, კათედრალის აშენება-კი ქალაქს გარეთ, ან თუნდაც განაპირაზე, გაუგებარი იქნებოდა. სიონის ჩრდილოეთით კიდევ მდებარეობდა ერთი ძველი ტაძართაგანი, ე. წ. ანჩისხატი. უძველეს დროიდანვე მოსახლეობა ჩნდება მტკვრის მარცხენა ნაპირას, დღევანდელ ავლაბარსა ანუ ძველ ისანში.

აღებულ ხანაში, ტფილისის პოლიტიკურ-სამხედრო და ეკონომიური ანალოგონი დასავლეთ საქართველოსათვის არის ციხე-ქალაქი პეტრა (იხ. ქვემოთ).

**ირანელების მფლობელი
გაბრიელის გავლენა
ქართლის განვითარებაზე**

ირანელების უმეშვეო მმართველობის რეჟიმი ქართლში ისე ხანგრძლივი არ ყოფილა, როგორც ზოგიერთ მერმინდელ დამპყრობელებისა, მაგრამ მას შაინც დიდი გავ-

ლენა უნდა მოეხდინა ქვეყნის განვითარებაზე. მნიშვნელოვანი იყო უკვე ის გარემოებაც, რომ ამ დამპყრობელთა გრძელ სერიაში ირანელებს ქრონოლოგიურად პირველი ადგილი უჭირავთ. რომისგან დამოკიდებულება, როგორც ზნაზეთ, შედარებით მსუბუქ ვასალობის ფორმას არ გასცილებია, სხვისი ვისიმე შორჩილება კი ძველ ქართლს არ ახსოვს; ირანი იყო, კერძოდ, პირველი უცხო სახელმწიფო, რომელმაც აღმოს. საქართველო დახარკა. თვით ტერმინი ხარკიც, როგორც ჩანს, ირანელთა ბატონობის ნაშთია ქართულ ენაში. ამავე დროისა და ასეთივე ნაშთია მეორე, მეტად მნიშვნელოვანი, სოციალურ-ეკონომიური ტერმინი „ბეგარა“, რომელიც ირანული სიტყვაა. განვიხილოთ, როგორი უნდა ყოფილიყო ეს გავლენა.

ჯერ ერთი, ფულად ხარკს უნდა მოეხდინა გარკვეული ზემოქმედება სამეურნეო და საზოგადოებრივ განვითარებაზე. საზოგადოდ, ფულადი გადასახადები, გარკვეულ დონემდის, ხელს უწყობ-

ბენ ნატურალურ მეურნეობის შიგნით სასაქონლო და ფულადურთიერთობათა ზრდას. გადამხდელმა თავის ვალდებულებათა შესასრულებლად ფული უნდა იშოვოს. ფულის შოვნა-კი მას შეუძლია მხოლოდ ბაზარში რაიმე საგნის გატანით. ამისთვის კიდევ მისმა მეურნეობამ გარკვეული საქონელი უნდა დაამზადოს. რა თქმა უნდა, ხარკმა შეიძლება იმდენად მძიმე ფორმები მიიღოს რომ, საერთოდ, განადგურებამდის მიიყვანოს მეურნეობა. მაგრამ ასეთ პირობებშიც მისი გავლენა ყველა კერძო მეურნეობაზე ერთგვარი არ არის: ზოგი უფრო ძლიერად განიცდის მას, ზოგი—უფრო სუსტად. და საერთოდ, ფულადი გადასახადები, თავის ძველ სახეებში, შეიძლება იქცნენ ერთ-ერთ პირობად მოსახლეობის ეკონომიურ დიფერენციაციისათვის, რაც, თავის მხრივ, სოციალურ ჯგუფების სხვაობის გაღრმავებას უწყობს ხელს. სოციალურ დიფერენციაციის ზრდისათვის გარკვეულ სტიმულს ირანელების პოლიტიკური რეჟიმიც წარმოადგენს. ჩვენ უკვე გარკვეული გვაქვს (იხ. საქართველო აღრიხდ.-ფეოდ. ხანაში). რომ ირანელები ქართლში დიდ აზნაურთა წრეს დაეყრდნენ. გაგრძელდა თუ არა ბოლომდის ეს თანამშრომლობა, ან რა ცვლილებები ხდებოდა მასში დროთა ვითარებაში, ეს სწვა საკითხია, და ამის შესახებ ქვემოთ კიდევ გვექნება საუბარი. ყოველ შემთხვევაში, მეექვსე საუკუნის შუაწლებში ეს თანხმობა ჯერ კიდევ დარღვეული არ არის, რაც მშვენივრად ჩანს იმავე ევსტათი მცხეთელის „მარტიელობიდან“. იქ, სახელდობრ, მოთხრობილია რომ, როცა ევსტათისა და მისი ამხანაგების დამაპატიმრებელი მარზპანი შაჰის ბრძანებით ქართლს სტოვებს, მის გასაცოლებლად, გამოსათხოვრად ქვეყნის უმაღლესი წრე, ანუ, ძეგლის ენით რომ ვთქვათ, მთავრები, იკრიბება: „ვითარ წარემართებოდა მარზაპანი იგი მეფისა მის, შეკრბეს ქართლისა მთავარი: მარზაპანისა მის ჯმნად (ე. ი. გასაცილებლად, გამოსასალმებლად) მოვიდეს“. სულ უკანასკნელ მომენტში, როცა მარზპანი უკვე ცხენზე ჯდებოდა, მთავრებმა მას, სხვათა შორის, დაპატიმრებულ ევსტათისა და მისი ამხანაგების განთავისუფლება სთხოვეს. მარზაპანმა მიუგო: მაგათ ისეთი დანაშაული აქვთ ჩადენილი, რომ სიკვდილის ღირსნი არიან, მაგრამ რაკი თქვენ მთხოვთ, ეგრე იყოსო, და განკარგულება გასცა გაეთავისუფლებინათ პატიმრები, რომელნიც უკვე ექვსი თვე საპყრობილეში ისწდნენ: „რაჟამს აღმჯედრდებოდა მარზაპანი იგი, აღდგეს

მთავარი ქართლისანი და სამოელ, ქართლისა კათალიკოზი, და გრიგოლ, ქართლისა მამასახლისი, და არმუშა, ქართლისა პიტიახში, და სხუანი სეფეწულნი და მარზაპანსა | ჰრქუეს „გევედრებით შენსა მაგას უფლებასა, სათხოველსა ერთსა გთხოვთ“. ხოლო მან ჰრქუა მათ: „თქუით რაჲცა გნებავს! რაჲმცა იყო რომელი თქუენ არა მოგმადლე!“ ხოლო მათ ყოველთა ჰრქუეს: „გევედრებით შენ, ჳერ გიჩნდინ, უფალო, განტევებაჲ კაცთა მათ, რომელნი-იგი მცხეთელნი ქრისტეანობისათუის საპყრობილედ მიცემულ არიან“. ჰრქუა მათ მარზაპანმან მან: „იგი კაცნი მოსაკლავად შეჰკვანდეს, ხოლო თქუენითა თხოვნითა განუტევენ იგინი“. ხოლო მათ მადლი მისცეს მას, და უბრძანა განტევება მათი. და გამოიყვანნეს იგინი მიერ საპყრობილით¹. მკაფიოდ ჩანს რომ ქართლის უმაღლეს საზოგადოებრივ წრეს ახლო ურთიერთობა აქვს მარზაპანთან და დიდი გავლენის მოხდენაც შეუძლია მასზე. ვისგან შესდგება ეს წრე? ამის შესახებაც მოტანილი ადგილი საყურადღებო ცნობებს გვაძლევს: ზოგადად ეს არიან „ქართლის მთავრები“ და „სეფეწულები“. „მთავარი“ აქ, აშკარაა, არ არის ნახმარი იმ მნიშვნელობით, რა მნიშვნელობითაც ეს ტერმინი მიეკუთვნება ქართლის მფლობელ ერისთავებს (უფრო სწორედ—ერისმთავრებს) VII—VIII სს. ყველა ნიშნით, ამ დროს, VI ს. შუაწლებში, ქართლის ერისთავის თუ ერისმთავრის ე. ი. ისეთი პირის, რომელიც მთელი ქვეყნის უზენაეს მფლობელად ითვლება, ხელისუფლება ჳერკიდევ არ არსებობს. „ეესტათი მცხეთელის მარტვილობაში“ ორჯერ მოხსენებული „ქართლისა მთავარი“ მრავალ პირთა კრებულს გულისხმობს. ზოგ მათგანს, მართლაც, უჭირავს უმაღლესი ადგილობრივი სამოხელეო თანამდებობა—ორი დასახელებულია კიდევ ძეგლში: „ქართლისა მამასახლისი“ და „ქართლისა პიტიახში“. უფრო საინტერესოა რომ ქართლის მთავართა შორის შერაცხილია „ქართლისა კათალიკოზიც“. გარდა ამისა, ფრაზის კონსტრუქციიდან უფრო ისეთი აზრი უნდა გამოვიტანოთ, რომ მოხსენებულთა გარეშე სხვებიც არიან საგულისხმებელნი, შესაძლოა ისეთი პირნი, რომელთაც არავითარი ოფიციალური ფუნქცია არ ჰქონდათ და მხოლოდ თავიანთ ქონებრივ და საზოგადოებრივ მდგომარეობის წყალობით სარგებლობდნენ სათანადო პატივისცემითა და გავლენით.

¹ ალდგენილი ტექსტი; შეადრ. საქ. საზ., 315 და H № 341.

უკვე კათალიკოზის მოხსენება მთავართა წრეში ცხადად მოწმობს ტერმინის ზოგად მნიშვნელობას (საერთოდ „მთავრის“ ზოგადი მნიშვნელობის შესახებ იხ. ჩვენი „საქართველო აღრ.-ფეოდ. ხანაში“). მეორე ზოგადი ეპითეტი, ამავე წრის დასახასიათებლად ნახმარი ავტორის მიერ, არის „სეფეწული“. თუ „მთავარი“ მდგომარეობაზე მიუთითებს, სეფეწული უკვე | წარმოშობის, ჩამოშავლობის, მაჩვენებელია. თავდაპირველად სეფეწული ძეგის გვარის შვილს აღნიშნავდა. ამ დროინდელი მისი მნიშვნელობა შესაძლოა, რა თქმა უნდა, რამდენადმე უფრო გაფართოებული იყოს. მაგრამ რომ იგი საზოგადოდ არისტოკრატიას მიეკუთვნებოდეს, როგორც ზოგნი ფიქრობენ, კატეგორიულად იმის მტკიცება მეექვსე საუკუნისათვის შეუძლებელია. ამ მხრივ ჩვენ-ორი საყურადღებო ცნობა გვაქვს. სომეხთა ისტორიკოსი, მოსე ხორენელი,—რომლის შესახებაც ეხლა მეცნიერებაში თითქმის გაბატონებულია აზრი, რომ იგი VIII—IX ს. მწერალია,—ამბობს: სომხეთის მეფემ ვალარშაკმა სამეფო კარის ოთხი მცველი გუნდი შექმნა ძველ მეფურ, ჰაიკის, მთამოშავლობის პირთაგან. ისინი ნამდვილად პირველ მეფეთათვის ხალხია ისევე, როგორც ეხლა ქართველთა ქვეყანაშია, სადაც ისინი სეფეწულებად იწოდებიანო (*այკ საოაქჩუნს ჩასთათ, 'ჩ ვარძიყ ჩოღა-ღირაენს საოაქსიყ. ირყქა ს აქაქ, 'ჩ 'ღრაე აქსარჩუნ, ირ სსიქ-ბიღუნ ლიქქ. შათო. ნ., II, 7*). მეორე ცნობა ბევრად უფრო გარკვეული და სანდოა, ეკუთვნის პროკოპი კესარიელს და უკვე სომხეთს შეეხება. რომაელებისგან შეწუხებული სომხები, მეექვსე საუკუნის ოცდაათიან წლებში, ირანელების მხარეს გადადიან. მათი მოციქულები შაჰს წარუდგენენ,—ესენი იყენენ „უწარჩინებულესნი“,—და შემდეგი უთხრეს ხოსროს: „მრავალი ჩვენთაგან, ბატონო, არსაკიდები არიან, იმ არსაკის მთამოშავალნი, რომელიც არც პართელთა სამეფო ხელისუფლებისათვის იყო უცხო, როდესაც ირანი პართელებს ექვემდებარებოდა, და რომელიც ბრწყინვალე მეფე იყო... ეხლა-კი ვდგევრთ თქვენს წინაშე ყველანი, მონებად და ლტოლვილებად ქცეულნი... არსაკმა ხომ, ჩვენი წინაპრების უკანასკნელმა მეფემ, თავისი ჭაგამგებლო რომაელთა ავტოკრატორს თეოდოსის გადასცა თვისი ნებით იმ პირობით რომ მომა-

ვალში მუდამ ყველა ის, ვინც არსაკის გეარისა იქნებოდა, თავისუფლად იცხოვრებდა საზოგადოდ და არას დროს ხარკს არ გაიღებდა“. და ასეც იყო, ვიდრე შენ რომაელებთან ზავი არ შეჰკარი და მათს ავითნებობას ხელი არ გაუხსენიო (B. P. II, 3, გეორგია II, 38—40). აქედან ირკვევა, რომ არშაკუნიანები, სომეხთა სამეფო დინასტიის (რომელიც, მართლაც, პართიული მოდგომისა იყო) შთამომავლობა, ე. ი., ქართული ტერმინოლოგიით, „სეფეწულები“, სომხეთში ბლომად ყოფილან და ადგილობრივი არისტოკრატის უმაღლეს ფენასაც შეადგენდნენ. ამიტომ უეჭველია რომ მოსეს ცნობა (და ეს გარემოება ხორენელის კრიტიკისათვის. ძალიან საყურადღებოა) მეექვსე საუკუნეზე უფრო გვიანდელია და მის მიხედვით, საშუალება გვეძლევა ვიფიქროთ რომ, დაახლოებით, ალბათ, მერვე საუკუნეში, ქართლში ჯერ კიდევ „სეფეწულებად“ მეფური შთამომავლობის ხალხი იწოდებოდა, მაშინ როცა მეზობელ სომხეთში ეს წრე უკვე გამქრალი იყო. ბუნებრივი იქნება ვიფიქროთ, რომ მეექვსე საუკუნისათვის „სეფეწულს“ ქართლში უფრო მკაფიოდ ჰქონდა თავისი პირვანდელი მნიშვნელობა შერჩენილი: ამ დროს ეს წრე, ალბათ, წარმოშობით ჯერ კიდევ სამეფო შთამომავლობისად ითვლება, მაგრამ თავისი რეალური მდგომარეობითა და ინტერესებით მას კავშირი გაწყვეტილი აქვს საკუთრივ სამეფო ოჯახთან და უფრო ორგანულად საერთოდ აზნაურობას, არისტოკრატის, უკავშირდება, რომლის უმაღლეს ფენასაც იგი წარმოადგენს. „ს ე ფ ე წ უ ლ ე ბ ი“ ქ ა რ თ ლ ი ს ა რ ი ს ტ ო კ რ ა ტ ი ს ე რ თ ი გ ა რ კ ვ ე უ ლ ი უ მ ა დ ლ ე ს ი წ რ ე ა.

ამრიგად, ადგილობრივ მ ო ხ ე ლ ე — მ თ ა ვ ა რ თ ა გ ა ნ, VI ს. შუაწლებისათვის, ჩვენ ვიცნობთ მხოლოდ მ ა მ ა ს ა ხ ლ ი ს ს ა და პ ი ტ ი ა ხ შ ს. საფიქრებელია, რომ ადგილობრივ უმაღლეს მოხელეთა შტატი ამით არ ამოიწურებოდა, მაგრამ თვით მოხსენებულთა ფუნქციის შესახებაც ბევრი არაფერი ვიცით. რა უფლება-მოვალეობანი ჰქონდა დაკისრებული ქ ა რ თ ლ ი ს მ ა მ ა ს ა ხ ლ ი ს ს, არ ჩანს. მხოლოდ, როგორც უკვე სხვაგან აღნიშნული გექონდა, ამ თანამდებობის არსებობა იმის საბუთია, რომ ქ ა რ თ ლ ი ს მ ე ფ ე ს ხელისუფლება მამასახლისობიდან არ არის წარმომდგარი, რადგანაც მეფობის მოსპობის შემდეგაც ჩრანელები მამასახლისის ინსტიტუტს სტოვებენ, და რომ შესაძლებელია ქ ა რ თ ლ ი ს მ ა მ ა ს ა ხ ლ ი ს ი ს არსებობა მეფობის ხანაშიაც ვივაზაულოთ. „ევსტათი მცხე-

თელის მარტვილობით“ თითქოს უნდა დაგვესკვნა, რომ ქართლის მამასახლისი პირველი პირია მთავართა უწყებულ წრეში, მაგრამ ცნობათა ნაკლოვანების გამო კატეგორიული მტკიცებისაგან ჯერ თავი უნდა შევიკავოთ. პიტიახშის შესახებაც უკვე გვქონდა მსჯელობა (იხ. „საქართველო აღრ.-ფეოდ. ხანაში“). ცხადია, მარზპანობის დროს, პიტიახშის ამოცანები უნდა დავიწროებულყო, შესაძლოა, მხოლოდ ადგილობრივ, პროვინციულ მმართველის მოვალეობამდის. აქ მოხსენებული არსუშა პიტიახში ალბათ არის (ვაპის სახელის განმეორების მიხედვით) შვილი ვარსკენისა, რომელმაც თავისი ცოლი უშუანიკი აწამა.

არსებითად, მთავართა ოფიციალურ წრის წარმომადგენელია ქართლის კათალიკოზიც, რომელიც ჩვენ მიერ განხილულ ძეგლში პირველ რიგშია დასახელებული. ქართლის კათალიკოზი შინაური კაცი ჩანს მარზაპანის კარზე. კავშირი, რომელიც ბევრად აღრე, ჯერ კიდევ მეფობის ხანაში გაისკვნა ქართლის ეკლესიასა და ირანის მთავრობას შორის, კვლავ მტკიცეა. ეს კავშირი მრავალმნიშვნელოვანია ქვეყნის კულტურულ-იდეოლოგიურ განვითარებისათვის, მაგრამ ეს მოვლენა სპეციალურ განხილვის ღირსია (იხ. ქვემოთ). ზემოთქმულის მიხედვით, მეექვსე საუკუნის შუაწლებში, ქართლის არისტოკრატია (როგორც საერო, ისე საეკლესიო) საერთოდ, და, კერძოდ, არისტოკრატიულ ჩამომავლობის ადგილობრივი უმაღლესი მოხელეობა ახალ ვითარებაშია წარმოდგენილი. იქცა რა ირანელთა უმეშვეო დასაყრდენ ძალად ქართლში, ამ წრეს ახალი პირობები უნდა გამოეყენებინა, ბუნებრივად, თავკერძო ინტერესების დაკმაყოფილებისათვის. ძველ ქართველ ისტორიკოსს ჯუანშერს, რომელსაც ამ ხანისათვის, როგორც ჩანს, რამდენადმე ნაგვიანევი ცნობები ჰქონდა, ასე აქვს წარმოდგენილი ეს ახალი ვითარება: უშუალოდ მეფობის გაუქმების შემდეგ ქართლში ირანელების მეფის შვილი ქასრე ამბარევი, რომელსაც მამისაგან სამმართველოდ მიცემული აქვს ქართლის მეზობელი ქვეყანა, რანი და მოვაკანი, მოლაპარაკებას აწარმოებს ქართლის ერისთავებთან და სათანადო სიკეთების აღთქმით ახერხებს მათ გადაბირებას თავის მხარეზე: „უწყო ზრახვად ერისთავთა ქართლისათა, აღუთქუა კეთილი დიდი და დაუწყრა მამულეები შვილითი შვილამდე, და ესრეთ წარიბირნა ლიქნითა. და განდგეს ერისთავნი თვისი-

.თვისად, ხარკსა მისცემდეს ქასრეს ამბარვეზსა“-ო¹. მემპტიანის წარმოდგენით, მაშასადამე, ერისთავთა მიერ მოპოვებული სიკეთეები, უწინარეს ყოვლისა, იმაში გამოიხატა, რომ ირანელებმა მათ „მამულები“ დაუმტკიცეს საუკუნო მემკვიდრეობის უფლებით. თავისი ძველი ქართული აზრით, სიტყვა „მამული“ შეიძლება ნიშნავდეს მფლობელობის ყოველგვარ ობიექტს, რომელიც მამისგანაა მიღებული. თუ რა მამული იგულისხმება აქ, ეს ცხადი ხდება მომდევნო თხრობიდან. სახელდობრ, როცა ქართლში აღდგა ახალი სახით პოლიტიკური ავტონომია, ამ ავტონომიის შეთავაზება „ერისთავნი ქართლისანი ვერცვალნა საერისთავოთგან მათთა, რამეთუ სპარსთა მეფისაგან და ბერძენთა მეფისაგან ჰქონდეს სიგელნი მკვიდრობისანი“, და, როგორც ერთ-ერთი ნუსხათაგანი (ხელნაწერი პირი) ბოლომდის ხსნის ფრაზის აზრს,—სიგელნი მკვიდრობისანი „საერისთავოთა მათთა“-ო². შემდეგი, მეშვიდე საუკუნის დამდგის, ამბებისთვისაც, ნათქვამია: „ერისთავნი იგი იყვნეს თვის-თვისსა საერისთავოსა შინა მკვიდრობდეს“-ო³. ცხადია, მემპტიანის გაგებით, აქ საქმე ეხება გარკვეულ ადმინისტრაციულ თანამდებობათა გადაქცევას მემკვიდრეობით ხასიათის ინსტიტუტებად (დაწესებულებად). რადგანაც ჩვენი წარმოდგენით ამ სამოხელეო თანამდებობათა სოციალური საფუძველი მსხვილი მემამულეობაა, ამიტომ გასაგებია რომ ახალი პირობები ხელს უწყობენ აღნიშნული წრის შემდგომ გაძლიერებას ამ მიმართულებითაც, ე. ი. მიწისმფლობელობის ზრდისა და სათანადო უფლებების განმტკიცების მიმართულებით.

აღწერილი პროცესი ეხებოდა იმ ძლიერ მიწისმფლობელთ, რომელთაც მაღალი სახელმწიფოებრივი თანამდებობანი ეჭირათ. მაგრამ წყაროების გულდასმით განხილვა გვარწმუნებს, რომ მიწისმფლობელობის საკონცენტრაციო ცენტრების, ფეოდალურ სენიორიათა პროტოტიპების, რაცხვი გაცილებით მეტია, ვიდრე უმაღლეს სამოხელეო პატივთა რიცხვი. ამ ცენტრების გათვალისწინება ნაწილობრივ ქართლის ეკლესიის ჰიერარქიულ ფაქტების ნიადაგზეა შესაძლებელი. განსაკუთრებით ნიშანდობლივია ამ მხრივ საეპისკო-

¹ მარ., 189—190.

² იქვე, 192.

³ იქვე, 196.

პოსოების ისტორია. როგორც ყველგან და ყოველთვის, ქართლშიაც; საეკლესიო სტრუქტურა სოციალურ და პოლიტიკურ აღნაგობის შე-
საბამისად იყო აშენებული. საეპისკოპოსო კათედრები, ამიტომ, ბუ-
ნებრივად მიუთითებენ და თანემთხვევიან უმსხვილეს პროტოგე-
ნურ ფეოდალურ ცენტრებს. ამიტომ საინტერესოა რომ, როგორც
დოკუმენტურ ცნობებით ირკვევა, ქართლში, VI ს. დამდეგისათვის,
სულ ცოტა, 24 საეპისკოპოსო ყოფილა. თვით მეექვსე საუკუნეში
კი ამ რიცხვს დიდად უმატნია და VII ს. დამდეგისათვის უკვე 35-
დის მიულწევია. თვით საეპისკოპოსოების სახელწოდებათა აღდგენა-
ამჟამად მხოლოდ ნაწილობრივ შეიძლება, სამწუხაროდ. აი, ყველა-
ზე უეჭველი პუნქტების დასახელება. შიდა-ქართლში: მცხეთის-
გარდა—სამთავისი, რუისი, ნიქოზი, წილკანი, ქვემო-ქართლში: ტფი-
ლისი, მანგლისი, ბოლნისი, ცურტავი, კახეთ-კუხეთში: ჭერემი,
რუსთავი, ნინოწმიდა,—რომელიც უჯარმოს კართან იღო და,
არსებითად, უჯარმოზე მიუთითებდა, როგორც ჩვენთვის საინტე-
რესო ცენტრზე,—ხორნაბუჯი, ბოდბე, ჩელთა (ძველი სახელწოდე-
ბით ბერი თუ ბერთა), სამცხეში: აწყვერი, ჭავჭავთში: წუნდა-კუ-
მურდო, კლარჯეთში: ახიზა, ქარტაანში: ერუშეთი და სხვ.¹ იმ ფეო-
დალურ ერთეულებს, რომელთა ცენტრებსაც აღნიშნული პუნქტები
შეადგენდენ, უკვე იმ დროს, როგორც ჩანს, „სახლები“ ეწოდებთ.
ასე, მაგ. მოხსენებული არიან „სამეფო სახლისა“ (*სამეფოს სახლისა*
სომხ. ცნობით)² და „პიტიახშის სახლის“ (იაკობ ხუცესის
ცნობით)³, ეპისკოპოსები. ს ა ხ ლ ი ა ქ ს ე ნ ი ო რ ი ა ს ა დ ნ ი შ-

¹ საეპისკოპოსო კათედრების სია აღდგენილია სომხ. „ეპისტოლეთა წიგნი“-ს
წიგნი მცხეთისა, გვ. 182—3, და ჯ უ ა ნ შ ე რ ი ს, მარ. 179, ცნობების შედარე-
ბითი შესწავლით. დაწვრილებით ამ საკითხის შესახებ ავტორი სხვაგან აპირებს.
მსჯელობას. შეადრ. ანალოგიური ცდები პროფ. ივ. ჯ ა ვ ა ხ ი შ ვ ი ლ ი ს ა, ქართვ.
ერის ისტ. I³, 277—9 და პროფ. კ. ქ ე ქ ე ლ ი ძ ი ს ა, ტფ. უნ. მოამბე, X, 320—21.

² *წიგნი მცხეთისა*, 182.

³ შუმანიკის წამება, გორგ. გამ., გვ. 3: „...ეპისკოპოსი სახლისა მის პი-
ტიახშისა, რომელსა სახელი ერქუა აფუტ“. გვ. 21; [„შუმანიკმა“ მოუწოდა ეპის-
კოპოსსა მისსა სახლისასა აფუტს“. „სახლის ეპისკოპოსი“ სამეც. ლიტერატურა-
ში სხვადასხვანაირად არის განმარტებული: პროფ. კ. ქ ე ქ ე ლ ი ძ ი ს ა თ ვ ი ს,
ტფ. უნ. მოამბე, X, 318—9, „სახლი“ „კარია“, ს. კ ა კ ა ბ ა ძ ი ს ა თ ვ ი ს, საისტ.
მოამბე, 1924 წ., I, 102—თითქოს „გვარი“ (ავტორს, ჩვეულებისამებრ, ახრი ბუნ-
დოვანად აქვს გამოთქმული), ხოლო პროფ. ივ. ჯ ა ვ ა ხ ი შ ვ ი ლ ი ს ა თ ვ ი ს, ქართ.
სამართლ. ისტ. I, 141—„ის მიწაწყალი“, რომელიც ამ შემთხვევაში მეფის თუ პი-
ტიახშის „უშუალო სამფლობელოს შეადგენდა“. უკანასკნელი მოსახრება ჩვენ ყვე-
ლაზე უფრო მართებული ვთვლია. მხოლოდ, ჩვენი აზრით, ეს „სამფლობელი“
ფეოდალური ხასიათისაა. სახლი აქ სენიორიას აღნიშნავს, ადრინდელ-
ფეოდალურ მნიშვნელობით.

ნაკს, რატემა უნდა, ადრინდელ ფეოდალიზმის სენიორიას, და, მაშასადამე, ზემოთ დასახელებული ერთეულები სამეფო სენიორიასა და საპიტიახზო სენიორიას გულისხმობენ.

რომ ირანელთა მფლობელობა აღნიშნულ „სახლების“ განვითარებისათვის გარკვეულ მომენტამდის ხელისშემწყობი პირობა იყო, ეს გასაგები უნდა იყოს ზემოთ გამოთქმულ საერთო მოსაზრებათა მიხედვით. ეს პროვინციალური „მთავრებიც“ ისეთივე ხასიათის კავშირში უნდა იმყოფებოდნენ ქართლის ირანელ ადმინისტრაციასთან, როგორშიაც—ქართლის მამასახლისი, პიტიახში და სხვა დიდი მთავრები. ცენტრიდან დაშორებულსა და განაპირა რაიონებში ადგილობრივ ძლიერ კაცთა გამოყენების საჭიროება, ადმინისტრაციულ მმართველობის სფეროში, კიდევ უფრო მწვავე უნდა ყოფილიყო. შედეგებსაც ანალოგიური ხასიათი ექნებოდათ. პროვინციის ფეოდალური ძალების საერთო ზრდის ობიექტური მაჩვენებელია ის გაორმაგება საეპისკოპოსოების რიცხვისა, რომელიც მოხდა ერთი საუკუნის მანძილზე (დაახლოებით V ს. ოთხმოციან წლებიდან VI ს. ბოლომდის). ახლად ჩამოყალიბებული ადრინდელ-ფეოდალური ერთეულები ჰგრობდნენ საჭიროებას, და ახორციელებდნენ კიდევაც მას, გაფორმებულ იქნას საეკლესიო პიერარქიული საშუალებითაც მათი დამოუკიდებელი სახე.

ფეოდალიზმის შექმნაში წარმატებებისათვის ქართლში მნიშვნელობა ჰქონდათ VI ს. დამლევის ახალ ფაქტებს. მაგრამ მათს განმარტებას წინ უნდა უძლოდეს ეგრისის მდგომარეობის მიმოხილვა განვილილ ხანაში: აღმოსავლეთ-დასავლეთ საქართველოს ვითარება მეტ-ნაკლებად ურთიერთ განსაზღვრულია უკვე ამ დროს.

**აღმოსავლეთი რომის რომის კეისრების უზარმაზარ სამფლობე-
ობები VI ს.** ლოს,—რომელსაც იმთავითვე თავისი მძიმე ფრთები განსაკუთრებით მტკიცედ დასავლეთ საქართველოზე გადაეფარებინა,—ამ დროისათვის უკვე განვითარების დიდი გზა ჰქონდა განვლილი. შინაგანმა კრიზისმა, რომელიც გამოწვეული იყო მონათმფლობელურ სისტემის დაცემით და სუსტად გაერთიანებულ სხვადასხვა სტრუქტურის მქონე საზოგადოებრივ ერთეულების წინააღმდეგობით, მეტად ძლიერად გამოხატულმა საგარეო ფაქტორმა,—ბარბაროსების შეუნელებელმა „შეპოტევამ“,—რომელიც შინაგან ტენდენციების მოქმედებას არაჩვეულებრივად აჩქარებდა, ყოველი-

ვე ამან დაშლისა და რღვევის გზაზე დააყენა რომის იმპერია. 395 წ. მომაკვდავი კეისარი თეოდოსი სახელმწიფოს უყოფს თავის ორ ვაჟს—არკადისა და ჰონორის. უფროსს, არკადის, წილად ხვდება იმპერიის აღმოსავლეთი ნაწილი—დაკია, მაკედონია, თრაკია, აზიის სათანადო სექტორი და ეგვიპტე. ასე ეძლევა პოლიტიკური სახე იმას, რასაც აღმოსავლეთ რომის იმპერიას ეძახიან. სახელმწიფო ფორმალურად კიდევ დიდხანს ერთიანად ითვლება, მაგრამ ფაქტურად ეს ნაწილები სხვადასხვა გზით ვითარდებიან. მაშინ როცა დასავლეთის ნაწილი შეუჩერებელ დაქვეითების გზაზე დგას, აღმოსავლეთი, პირიქით, ეწყობა და ირავდება ახალ საფუძველზე. გარკვეულ ძალთა აღმოსავლეთისაკენ გადმონაცვლება ნათლად გამოიხატა უკვე ქალაქ კონსტანტინოპოლის დაარსებაში (326 წ.), რომელი ქალაქიც ჯერ აღმოს. რომის იმპერიისა და შემდეგ ბიზანტიის დედა-ქალაქის როლს კისრულობს. მეხუთე საუკუნის დამლევისათვის იმპერიის დასავლეთ ნაწილში, განსაკუთრებით, იტალიაში, მნიშვნელოვანი ცვლილებები ხდება: ბარბაროსული, განსაკუთრებით, გერმანული მოღვმის ტომები ზღვასავით ედებიან იტალიის მიწა-წყალს და პოლიტიკურადაც გაბატონებულ მდგომარეობას აღწევენ. 476 წ. ერთ-ერთ გერმანულ რაზმის | მეთაურმა, ოდოვაკარმა, ტახტიდან ჩამოაგდო კეისართა დასავლეთის შტოს უკანასკნელი წარმომადგენელი, ახალგაზრდა იმპერატორი რომულ ავგუსტული, და თვითონ აიღო ხელთ მმართველობის სადავე. მართალია, გამარჯვებული ბარბაროსი კისრულობს კონსტანტინოპოლის ვასალობას, მაგრამ მომხდარი ფაქტი მაინც მრავალმეტყველია. იგი აშკარად მოასწავებს, რომ მომდევნო ეპოქების მღელვარე ამბებში ნელი-ნელ დაილევა იმპერიის დასავლეთი ნაწილი და აღმოსავლეთ რომის იმპერიის ეს ცალუღელა არსებობა თანდათან ჩამოყალიბდება, როგორც მრავალმხრივ ახალი, დამოუკიდებელი და ორიგინალური ისტორიული მოვლენა, — „ბიზანტია“. ამ გარდაქმნის პირველ, მკაფიოდ გამოხატულ და თვალსაჩინოდ შესამჩნევ, პერიოდად შეიძლება VII ს. იყოს მიჩნეული, თუმცა ამ შემთხვევისათვისაც უნდა გვახსოვდეს რომ აქ მკვეთრი ქრონოლოგიური მიჯნის გატარება თითქმის ისევე ძნელია, როგორც გეოლოგიაში—ცალკე პერიოდებს შორის.

მომხდარი ცვლილება არსებითად ნიშნავდა: სოციალურად—ფეოდალიზმის საბოლოო გაშარჯვებას მონათმფლობელობაზე, ეთნიკურად—ბერძნული ელემენტის უპირატესობის დადგინებას რომა-

ულთან შედარებით, კულტურულად—ლათინური ენისა და იტალიური კულტურის უკანდახევას ბერძნულ-გელინური ენისა და კულტურის წინაშე.

ეს ახალი, ბიზანტიური, სამყარო შემდეგში უძლიერესად მოქმედებს საქართველოზე. მაგრამ აქ აღებულ მომენტში ამ სამყაროს სახე ჯერ საბოლოოდ გამორკვეული არ არის—ეს ტიპური გარდამავალი ხანაა, თავის დამახასიათებელ ნიშნების შატარებელი, შინაგან დუდილითა და ჭიდილით აღსავსე, ძველის კვდომისა და ახლის დაბადების გამძაფრებულ ტკივილებით გამსჭვალული.

VI საუკუნეში აღმოსავლეთ რომის იმპერია გარეგნულად ძლიერების მწვერვალს აღწევს. კეისრის გვირგვინს ამ დროს ატარებს იუსტინიანე (527—565), ძველი სტილის ისტორიკოსების მიერ „დიდად“ წოდებული, თანამედროვე და მუდმივი მეზრძოლ-მეტოქე ირანის მბრძანებლის, ხოსრო ანუ შირვანისა, ენერგიული, მოქმედი, სახელისა და საქონებლის მოხვეჭის დაუღალავი მაძიებელი, რომელსაც, თანამედროვე ანალისტის თქმით, „მთელი დედამიწა ვედარ იტევდა, მისთვის ისიც ცოტაა, რომ ერთად ეუფლებოდეს მთელ მსოფლიოს. ის ეთერსაც შეკუყრებს და ოკეანეს იქით ეძებს იღუპილ საყუდლებს, სადაც უნდა შექმნას თავისთვის მეორე სამყარო“—ო¹.

იუსტინიანეს მეფობა, მართლაც, სავსეა სამხედრო დიდებით, ერთგვარი ტექნიკური მიღწევებით, საიმპერატორო კარის ბრწყინვალეობით. იმპერია ხელახლა იბრუნებს ვესტგუთებისაგან სამხრეთ-დასავლეთ ესპანეთს, ოსტგუთებისაგან—იტალიას, ვანდალებს ხელიდან გამოკვლეჯს აფრიკას, და, მოკლე ხნით, თითქოს აღადგენს თავის ძველ მთლიანობას. უზარმაზარი სამხედრო ციხესიმაგრეები, გრანდიოზული სასახლეები და ტაძრები ავსებენ ამ სურათს. მაგრამ თუ ეპოქას უფრო ღრმა თვალთ ჩავწვდებით, სახელმწიფო წარმოგვიდგება, როგორც ამოზოქრებულ ზღვაში გატაცებული, აფრებ-შემომარტული და საჭე დაკარგული ხომალდი, რომელიც ძლივს-ძლიობით იკაფავს გზას ხმელეთისაკენ და რომელმაც არც იცის, სადაურ ნაპირს მიაღდება. ვერ ასწრებენ ერთი ხვრელის

¹ ასეთ სიტყვებს ათქვეინებს პროკოპი კესარიელი არმენიელთა ელჩებს, რომელნიც ირანის მეფის წინაშე არიან წარმდგარნი. იხ. პროკ. ს. ყაუხჩი-შვილი, გეორგია, ბიზანტიელი მწერლების ცნობები საქართველოს შესახებ (ქვემოთ ყველგან = გეორგია), ტ. II, 41.

დაგმანვას, რომ წყალი ღვართქაფით ჩადის შეორეში. ძველი მსოფ-
ლიო მონარქიის აღდგენის იდეა კვდება თვით იუსტინიანესთან ერ-
თად. სახელმწიფოს შინაგანი რესურსები გამოფიტულია. აღმოსავ-
ლეთელი ბარბაროსები ხან ერთგან არღვევენ იმპერიის ზღუდეს,
ხან—შეორეგან. უდიდესი მსხვერპლით მოპოვებული გარეგანი წარ-
მატებები უქმი და უსარგებლო რჩება, რადგანაც მათი შენარჩუნე-
ბისათვის ღონე აღარ ჰყოფნით. გაუთავებელი ომები, რომლებსაც
ჩვეულებრივად დაქირავებულ უცხოელ მეომრების საშუალებით
აწარმოებენ, უზარმაზარ ხარჯებს ითხოვს. არაჩვეულებრივი მარაგა
ოქროსი (თითქოს 140 მილიონ მანეთამდის)*, რომელიც სახელმწიფო
ხაზინას წინა მეფობათა დროს ჰქონდა დაგროვებული, მალე ილევა.
სახელმწიფო იძულებული ხდება უკიდურესობამდის დასკიმოს
ქვეყნის საგადასახადო შესაძლებლობანი. ეს კი ბუნებრივ რეაქციას
იწვევს გაყვლეფილ საზოგადოებრივ კლასების მხრივ. აქედან—
აუცილებლობა ბიუროკრატიულ აპარატის შემდგომი გადიდებისა
და მაქსიმალურ ცენტრალიზაციისა და საზოგადოებრივ ძალთა
თვითმოქმედების სრული ჩახშობის ცდა. გათავხედებული, თავის
ნებას გასული, ანგაარი, თაღლითი, ცბიერი და გაუმაძლარი მოხე-
ლეები თითქმის დაუსჯელად დათარეშობენ უპატრონო ქვეყანაში,
რომელიც გმინავს აუტანელ უღლის ქვეშ. იმპერიის ყველა კუთ-
ხეში ერთი და იგივე სურათია. ყველგან რაღაც წარმოუდგენელი
ამბავი ხდება—მოხელეთა უსაზღვრო ბოროტმოქმედება, ქონე-
ბის დატაცება, ქურდობა, ძარცვა-გლეჯა, კაცის კვლა, მოსახლეობის
სასოწარკვეთილება და აჯანყებანი, ადმინისტრაციის საპასუხო
სისხლიანი რეპრესიები, გაოხრება და გაპარტახება. პროვინციელ
მოხელეებს რაღა უნდა ექნათ, როცა სახელმწიფო ფინანსების ხელ-
მძღვანელიც, იოანე კაბადუციელი, განთქმული იყო თავის სისხარ-
ბით, გულქვაობითა და ზნედაცემულობით, მაგრამ დაუსჯელი რჩე-
ბოდა იმიტომ, რომ შეუდარებელი ოსტატი იყო ქვეშევრდომები-
საგან უკანასკნელი სახსრის ამოცინცვლის საქმეში.

დამახასიათებელია მეზობელ არმენიის რომაულ ნაწილის
მდგომარეობა, რომელსაც იგივე პროკოპი გვიხატავს კეის-
რის მიერ დანიშნულ ერთ-ერთი გამგის, ვინმე აკაკის, დროს.

* ამ სიტყვის გასწვრივ დედანში ავტორის ხელით მიწერილია: „რუსულ
ვალუტაზე“.

„აკაკი ბუნებით ბოროტი კაცი იყო,—ამბობს ისტორიკოსი,—და ეს-
ლა მიეცა საშუალება გამოემქლავნებინა თავისი ხასიათი ქვეშევრ-
დომთა მიმართ. ის მართლაც რომ ყველაზე უფრო მკაცრი აღმოჩნ-
და: სრულად უსამართლოდ ართმევდა მათ ქონებას და დაადვა მათ
ისეთი სახარკო გადასახადი, როგორც არასდროს არ ყოფილა, დაახ-
ლოვებით ოთხი კენდინარი“¹. არმენიელები ჰკლავენ აკაკის და ირა-
ნელების მხარეს გადადიან. განსაკუთრებით უჩიოდენ არმენიელები
ამ ხარკს, რომელიც მართლაც დიდი იყო: კენდინარი უდრის ას
ლიტრა ოქროს, ოთხი კენდინარი კი დაახლოვებით—150.000 ოქროს
მანეთს.

იუსტინიანეს პოლიტიკა თითქმის ყველა თავისი მხარით შეე-
ხო საქართველოსაც, პირველ რიგში, საკუთრივ, ეგრისს.

იუსტინიანეს პიკვე- ირანელების მიერ ქართლში მეფობის
ლი ლონისძიებანი მოსპობა და იქ მტკიცე ფეხით ჩადგომა კონს-
მბარისის მიმართ ტანტინოპოლის მთავრობას ბუნებრივად უნ-
და გაეგო, როგორც რეალური მუქარა ეგრისის მიმართაც. ირანი
ზომ წინათაც ურევდა ხელს დასავლეთ საქართველოს საქმეებში და
დროგამოშვებით საჩაროდაც აცხადებდა თავის პრეტენზიებს ამ
ქვეყნის შესახებ. ასე, იუსტინიანეს წინამოადგილის, იუსტინე კეის-
რის დროს (518—527), ირანის შაჰის წარმომადგენლები უმტკიცებ-
დენ კეისრის რწმუნებულთ: კოლხეთი, რომელსაც ლაზიკეს ეძახიან,
ძველთაგანვე ირანის ქვეშევრდომი ქვეყანა იყო, ეხლა კი იგი რო-
მაელებს ძალითა და უსამართლოდ უჭირავთო². 528* წ. ირანელებმა
ეგრისის მეფის, წათეს, წინააღმდეგ გაილაშქრეს, მისი ორჯულობი-
სათვის | დასჯა უნდოდათ, მაგრამ რომაელ-მეგრელთა შეერთებულ
ჯარისაგან ძლეულ იქნენ. შემდეგ, როდესაც ქართლის მემამბოხე
მეფის გურგენის წინააღმდეგობა გასტეხეს ირანელებმა და ეგრის-
ში გაქცეულს ურჩ ვასალს უკან დაედევნენ, მათ ისიც მოახერხეს,
რომ შედარებით მცირე ენერგიის დახარჯვით, ეგრისის ორი სი-
მაგრე, ქართლის საზღვრებთან მდებარე (როგორც ჩანს, შორაპანი
და სკანდა), ხელთ ჩაიგდეს³. 532 წლის საზაფხულო მოლაპარაკების
დროს ამ სიმაგრეების საკითხი ერთ-ერთ მწვავე საკითხად იყო

¹ B. P. II, 3; იქვე 35.

² იქვე I, 11; გეორგიკა II, 21.

³ იქვე I, 12; გეორგ. II 24—5.

* შეადრ. „საქ. ადრ. ფეოდალიზაციის გზაზე“, გვ. 95.

ქცეული: ირანელები მათი დაბრუნების გადაჭრით წინააღმდეგნი იყვნენ, რომაელებსაც ისინი ვერ დაეთმოთ. ბოლოსდაბოლოს მხარეები მაინც იმაზე შეთანხმდნენ რომ ერთმანეთს ომში დაპყრობილი. ადგილები გაუცვალეს და ირანელები იძულებული გახდნენ ეგრისის დასახელებული ციხეები დაეცალათ¹. ამრიგად, ე. წ. „უვალო ზავმა“ (532 წ.) ეგრისის ტერიტორიული მთლიანობა აღადგინა რომაელთა სუვერენიტეტის ქვეშ. მაგრამ მაინც ცხადი იყო, რომ მდგომარეობა არ იყო მტკიცე და რომაელებს სიფრთხილე ჰმართებდათ.

ამიტომ ჯერ იუსტინემ და შემდეგ იუსტინიანემ გარკვეული ღონისძიებანი განახორციელეს. გურგენ ქართლის მეფის წყალობით შემთხვეულ ამბავს (ეგრისის სანაპირო ციხეების დაკარგვას) შედეგად ის მოჰყვა, რომ ეგრისში რომაული გარნიზონები გაჩნდა. იუსტინიანეს მეფობის ისტორიკოსი, პროკოპი კესარიელი ამტკიცებს, რომ ასეთი მოვლენა ეგრისისათვის უჩვეულო იყო. „ლაზები თავდაპირველად კოლხიდის ქვეყანაში მოსახლეობდნენ და რომაელთა ქვეშევრდომნი იყვნენ, ხოლო არც ხარკს იხდიდნენ, არც სხვა რამეში ემორჩილებოდნენ მათ, გარდა იმისა რომ, როდესაც მათ მეფე მოუყვდებოდა, რომაელთა მეფე უგზავნიდა სამეფო ტახტის შემგვიდრეს ძალაუფლების სიმბოლოს. ის ზედმიწევნით იცავდა თავის ქვეშევრდომებთან ერთად ამ ქვეყნის საზღვრებს, რათა მტრულად განწყობილი ჰუნები, მათი (ლაზების) მოსაზღვრე კავკასიის მთიდან ლაზიკეზე გამოვლით რომაელთა მიწა-წყალში არ შემოჭრილიყვნენ. ისინი მტკიცედ იცავდნენ იმათ ისე, რომ არც ფულს ღებულობდნენ რომაელებისაგან, არც ჯარს, და არც ლაშქრობდნენ რომაელებთან ერთად,—რა სახითაც არ უნდა ყოფილიყო ეს“-ო². ასეთი მდგომარეობა იყო დას. საქართველოში უკანასკნელ პერიოდში, განსაკუთრებით, საგულისხმებელია, V ს-ში. თორემ წინათ, ჩვენ ვიცით, ეს ქვეყანა რომაელებს ხარკსაც უხდიდა და თავის ტერიტორიაზე მათს მეციხოვნე ჯარებსაც ინახავდა. ამ ჯარების ხელახალი აქ გამოჩენა, ცხადია, სასიამოვნოდ არ უნდა დარჩენოდათ ადგილობრივ მმართველ წრეებს. ასე აფასებდნენ მომხდარ ფაქტს მეზობლებიც: რომაელთაგან გამდგარ არმენიელების მოციქულები, იუსტინიანეს სხვა ბოროტმოქმედებათა შორის, ირანის შაჰს იმასაც უსა-

² B. P. I, 22; გეორგ. II, 33.

¹ იქვე, II, 15; გეორგ. II, 45—6.

ხელებდენ, რომ „საცოდავ ლაზთა მეფეს რომაელი სარდალი ჩაუჭენა“-ო¹.

რომ შავი ზღვის ამ სანაპიროს იუსტინიანე დიდ მნიშვნელობას ანიჭებდა, ეს ჩანს მისი მოქმედებიდან მეორე ქართველი ტომის, ჭანების, მიმართაც. წინათ ისინი არავის ქვეშევრდომები არ ყოფილან, პირიქით, რომაელთა მეფე მათ ყოველწლიურად ოქროს გარკვეულ რაოდენობას უგზავნიდა, რათა მეზობელი რომაელები დაეცვა ამ გზით ჭანების მძარცველობისაგან. ძარცვა-კი მათთვის ხელობად იყო გადაქცეული, რადგანაც მიწა არაფერს აძლევდა სარჩოდო. იუსტინიანეს სარდალმა მოახერხა მათი დამორჩილება და ჭანეთში რომაულ რეჟიმის დამყარება მთელი თავისი ატრიბუტებით—ქრისტიანობით, მოლაშქრობით რომაულ დროშებს ქვეშ და სხვ.²

საკუთრივ დასავლეთ საქართველოს მაინც კონსტანტინოპოლის მთავრობა მეტ ყურადღებას აქცევდა და თანდათან აფართოებდა იქ თავის საქმიანობას.

უკვე პირველსავე მეციხოვნეებს ადგილობრივი მოსახლეობა შეუწუხებიათ, და უწინარეს ყოვლისა, ჯარის უფროსს, პეტრე სტრატეგოსს, რომელიც ყველას უდიერად ექცეოდა და რომელიც თავის ვერცხლმოყვარებით, ჩანს, არ ჩამოუყარდებოდა სხვა ჩვეულებრივ ბიზანტიელ მოხელეებს.

პეტრეს მომდევნო მთავართა შორის თავის უტიფრობით ყველასათვის წაუცილებია ვინმე იოანე ციბეს. ეს ციბე, იმავე პროკოპი კესარიელის სიტყვით, იყო „კაცი, არაწარჩინებულთა და არასახელოვანთა შთამომავალი, რომელმაც სტრატეგოსობამდის მიადწია სხვა არაფრით, გარდა იმისა, რომ ყველაზე უფრო საზიზღარო იყო და ყველაზე უფრო მოხერხებული ფულის საშოვნელად უსამართლო საშუალებათა გამოგონებაში. ის იყო რომ რომაელთა და ლაზთა ყველა საქმე გაამრუდა და არივ-დარია“³.

ციბემს მოძმედება
ვიზისში. სავაჭრო
მონოპოლია

ციბემ, როგორც მისი თვისებებისაგან იყო მოსალოდნელი, უწინარეს ყოვლისა, მოსახლეობის ძარცვა-გლეჯით ისახელა თავი. მაგრამ მისი ინიციატივის ნაყოფია ისეთი ღონისძიებაც, რომლის მსგავსს მანამდის ადგილი არ ჰქონია ამ ქვეყანაში და რომელმაც

¹ B. P. II, 3; გეორგ. II, 4C.

² იქვე, I, 15; გეორგ. II, 25—7.

³ იქვე II, 15; გეორგ. II, 47.

ეგრისის მმართველ წრეებს უალრესად სერიოზული ნაბიჯი გადაადგმევინა. ამ ამბების შესახებ სჯობს სიტყვა მივსცეთ თვით ციბეს თანამედროვეს, იმავე პროკოპი კესარიელს, რომელსაც პირველხარისხოვანი ოფიციალური დოკუმენტები ჰქონდა ხელთა და რომელსაც, თავის წარჩინებულ მდგომარეობის წყალობით იუსტინიანეს ბიუროკრატიაში, პირადადაც ბევრი რამ შეიძლებოდა სცოდნოდა. გარდა იმისა, ამბობს პროკოპი, რომ ციბე „სძარცვავდა ლაზთა ქონებას“, ამავე პირის განკარგულებით, „ვაჭრებს უკვე ნება აღარ ჰქონდათ კოლხიდაში შეეტანათ მარილი და სხვა საქონელი, რაც ლაზებისათვის აუცილებლად საჭიროა, არც აქედან შეეძლოთ რამე ეყიდინებინათ, არამედ მან (ე. ი. იოანე ციბემ) შემოიღო ეგრეთწოდებულნი მონოპოლიონი და თვით გადაიქცა მეწვრილმანედ და მთელი ამ საგნებით ვაჭრობის ზედამდგომად; ყველაფერს ჰყიდულობდა და აწვდიდა კოლხებს არა ისე, როგორც ეს ჩვეულებრივ იყო, არამედ ისე, როგორც ეს მის მიერ ნებადართული იყო“¹.

სხვა ადგილას ავტორი თვით ლაზებს ათქმევინებს, რომ რომაელები მათთვის საჭირო საგნებში, რომლებიც ქვეყნიდან გაჰქონდათ, ფასს მხოლოდ სიტყვით იხდიდენ, „რადგან ფასი თვითთულ შემთხვევაში წესდება მმართველთა აზრისდა მიხედვით“. ციბე და მისი თანამოაზრენი უფრო შორსაც წასულან: ისინი იძულებით აღებშიცეძასაც აწარმოებდენ—„რაც კი საჭირო საგნებიდან მათთვის ზედმეტი აღმოჩნდებოდა, მის ყიდვას აიძულებენ ლაზებს, მათი ნების წინააღმდეგ“. „ამნაირად, საჭირო საგნებთან ერთად ისინი გვართმევენ მთელ ოქროსაც, და უწოდებენ ამას ვაჭრობის კეთილშობილ სახელს. საქმით-კი ისინი გვმძლავრობენ რაც შეიძლება უფრო მეტად. ჩვენ გვიყენია მთავარი მეწვრილმანე, რომელიც ჩვენს სიღარიბეს, ძალაუფლების წყალობით, მოგების საშუალებად ხდის“—ო, შესჩიოდენ ლაზების ელჩები ირანის მეფეს².

ესე იგი, იოანე ციბემ მოსპო დასავლეთ საქართველოში აღებშიცემის თავისუფლება იმისთვის, რათა მთელი სარგებელი მიეთვისებინა და რათა თავისთვის სასურველი ფასები თვითნებურად დაეწესებინა. მოქმედებდა ამ შემთხვევაში ციბე სრულიად დამოუკიდებლად, თუ მას თავის მთავრობის ერთგვარი დასტურიც ჰქონდა,

¹ გეორგიკა II, გვ. 48.

² იქვე, გვ. 51.

ეხლა ძნელი გასაგებია. სავაჭრო მონოპოლიას ამ დროს ჩვენ აღმართის იმპერიის სხვა პროვინციებშიც ვხედავთ: იგი გულისხმობდა არა მარტო ფუფუნების საგნებს, როგორც, მაგ., აბრეშუმს (აბრეშუმის ვაჭრობა იმთავითვე სახელმწიფო მონოპოლიისა და მკაცრი რეგლამენტაციის საგანი იყო), არამედ მასობრივი მოთხოვნილების საქონელსაც, მაგ. პურს. ამიტომ ადვილად შესაძლებელია, ბიზანტიონშიაც კოლოდა ლაზების „მთავარ მეწვრილმანეს“, თუ მთავარ ჩარჩს, სარგებლის მონაწილენი და ამ საქმიანობის მფარველნი, მაგრამ შემდეგში, როდესაც ასეთმა პოლიტიკამ სრულიად მოულოდნელი ნაყოფი გამოიღო, ყველაფერი ამ მოხელისათვის დაებრალებინათ¹.

ყოველ შემთხვევაში, ციბეს საქმიანობამ მართლაც დიდ-დიდი ამბები დაატრიალა ეგრისში. საგარეო ვაჭრობას ეგრისის მმართველ წრეებისათვის სასიცოცხლო შნიშვნელობა ჰქონდა და ამ ვაჭრობის უკვე არსებულ პირობებზე მათ ადვილად უარის თქმა არ შეეძლოთ..

**ციხე-ძალამ ვებრას
აშენება. ვებრას
ადგილმდებარეობა**

ეგრისში განზრახულ პოლიტიკის გასატარებლად საჭირო იყო რომაელთა ფიზიკურ ძალების ისეთი გამაგრება ადგილობრივ,

რომ კეისრის წარმომადგენელს თავისუფლად შესძლებოდა თავისი ნებასურვილები ეკარნახებინა ქვეყნის მმართველ წრეებისათვის. ამ მიმართულებით განსაკუთრებით აღსანიშნავია, რომ იუსტინიანემ, იმავე ციბეს რჩევითა და დაჭერებით, ერთი ადგილობრივი, წინათ „უშნიშნელო“, — როგორც ამბობს პროკოპი, — პუნქტი ციხე-ქალაქად აქცია: „გარეზღუდისა და სხვა მინაშენების საშუალებით გაამაგრა და ყოველმხრივ გაამშენიერა კიდეც“². ქალაქი პეტრა მიუვალად ითვლებოდა, სამხედრო თვალსაზრისით, რადგანაც, ერთი მხრით, ზღვა ერტყა (იგი ზღვის პირას იყო აშენებული), მეორე მხრით კი, — ციცაბო კლდეები, რომელიც იქ ყოველი მხრით იყო ამართული, და სწორედ ამიტომაც, რომ მას „პეტრა“ დაერქვაო, ამტკიცებს ეს ბერძენი მწერალი („პეტრა“ ბერძნულად „კლდეს“ ნიშნავს). შემდეგში მისთვის, კეისრის პატივსაცემად, „იუსტინიანეს ქალაქი“ დაურქმევიათ³.

! იმავე მწერლის ცნობებიდან ჩანს, რომ ციხე დიდი იყო: მასში

¹ გეორგიკა II, 51. იხ. პროფ. ს. ყაუხჩიშვილის შენიშვნა.

² იქვე II, 17, გვ. 54. შეადრ. გვ. 47, 190 (პროკოპის სხვა თხზულებიდან: „შენებულებათათვის“) და 198 (თვით იუსტინიანეს ნოველიდან).

³ იუსტინიანეს ნოველა 31-ე, გეორგიკა, II, 198 და იქვე, გვ. 60, პროფ. ს. ყაუხჩიშვილის შენიშვნა.

შეიძლებოდა სამი ათასი ციხოვანი მეომარი დატეულიყო. სამხედრო სიმაგრეებს გარდა ზღუდის შინაგან ჩვეულებრივი საცხოვრებელი შენობებიც ყოფილა.

პეტრამ იმ დროინდელ დასავლეთ საქართველოს ცხოვრებაში დიდი როლი ითამაშა, რამდენადმე მსგავსი ტფილისის როლისა აღმოს. საქართველოსათვის, და ამიტომაა რომ მისი ადგილმდებარეობის საკითხი მკვლევართა ყურადღებას იპყრობდა და იპყრობს. საკითხს ოთქმის ერთი საუკუნის ისტორია აქვს. უკვე პირველმა ევროპელმა არქეოლოგმა, რომელმაც სპეციალური მიზნით მოიარა საქართველო, Dubois de Monpereux-მ, წამოაყენა ეს საკითხი და მოსაზრებაც გამოსთქვა, რომ საძიებელი ქალაქის ნაშთები დაცულია ნატანებ-ოზურგეთის გზაზე, მდ. ნატანებისა და სკურდების შესართავთან, იმ ადგილას, რომელიც უჯენარის (შეცდომაა, უნდა იყოს—ვაშნარის) სახელწოდებას ატარებსო¹. დიუბუაზე ამ შემთხვევაში განსაკუთრებული გავლენა ვაშნარის მართლაც საყურადღებო და მნიშვნელოვანმა ნანგრევებმა მოახდინეს. მაგრამ ჯერ უკვე მ. ბროსემ და შემდეგში დიმ. ბაქრაძემ სავსებით სამართლიანად უარყვეს დიუბუას მოსაზრება, ეყრდნობოდენ რა უმთავრესად იმ მკაფიო ცნობას, რომ პეტრა ზედ ზღვისპირას იყო აგებული. რასაც სრულებით არ შეეფერებოდა ზღვიდან 25 კილომეტრით დაშორებული ვაშნარის მდებარეობა.

მ. ბროსემ ამასთან ერთად წამოაყენა საკუთარი მოსაზრება, რომ პეტრა ქობულეთის მახლობლად, vers Koubouletli, არის საძიებელი². შემდეგ, პროკოპი კესარიელის რუსმა მთარგმნელმა და კომენტატორმა, გ. დესტუნისმა, პეტრად მიიჩნია შერმინდელი რუსული სიმაგრე, წმ. ნიკოლოზის სიმაგრედ წოდებული, მდ. ნატანების შესართავთან (ქართ. „შეკვეთილი“). დესტუნისი ამოდიოდა პროკოპის ცნობიდან პეტრას მდებარეობის შესახებ შავი ზღვის აღმოს. ნაპირის ნახევარ-მთვარისებრ მოხაზულ ნაპირის სამხრეთის თავში³.

სამოცდაათიან წლებში კავკასიოლოგმა ვაიდენბაუმმა გაკვრით შენიშნა ციხისძირის (პუნქტი ქობულეთსა და ჩაქვს შორის) შესახებ,

¹ Voyage autour du Caucase, t. II, p. 85 და t. III, p. 86 sqq.

² Additions et éclaircissements, p. 103; შედარ. დიმ. ბაქრაძე, Археолог. путешествие по Гурии и Аджаре, 275—6.

³ Пр. Кесарийский, Ист. войны римлян с персами, пер. Дестуниса, кн. II, гл. 29, прим. 13; იქვე, დანატება III, 263—264.

ალბათ აქ იყო პეტრაო¹. ხოლო 1906 წ. ი. კალფოგლუმ ვაიდენ-
| ბაუმის მიერ წამოყენებულ დებულებას სპეციალური წერილი უძ-
ლენა, რომელშიაც იმავე აზრს მიემხრო, ციხისძირის ისტორ. ნაშთის
ადგილობრივ დათვალეირების ნიადაგზე². მაგრამ ვერც ვაიდენბაუმ-
მა, ვერც კალფოგლუმ, როგორც ჩანს, არქეოლოგები ვერ დაარწმუ-
ნეს: პირველს არც უცდია თავის აზრის დასაბუთება (იგი მხოლოდ
ამ პუნქტის სტრატეგიულ სიძლიერეზე მიუთითებდა). მეორის წერი-
ლი-კი დილეტანტის ნაწარმოების შთაბეჭდილებას ახდენდა—აქ ერ-
თადერთ საბუთად მოტანილი იყო ციხისძირის ნაშთის ადგილმდე-
ბარეობა კლდეზე, ზღვისპირას, რაც ახლოს არის სათანადო ცნობას-
თან პეტრას ტოპოგრაფიის შესახებ (აქ ავტორი ასახელებს მხოლოდ
B. P. C. 15), მაგრამ ეს მოსაზრებაც არ იყო ზუსტ ფორმაში გამო-
თქმული. ავტორი წყაროებს, როგორც ჩანს, არ იცნობს და ვერც
საჭირო მეცნიერული პასუხისმგებლობით ეპყრობა მათ; მაგ., სრუ-
ლებით არ შეეფერება სინამდვილეს ავტორის მტკიცება, თათქოს
პროკოპი ამბობდეს, რომ იუსტინიანემ პეტრა ააშენა „ბათის“ ნავთ-
სადგურთან (ე. ი. ბათომთან), თუ მის მახლობლადო. ასეთი ცნობა
არსად არ მოიპოვება. საკითხის გარკვევას ვერაფერს ჰმატებს აგრეთ-
ვე ავტორის ერთადერთი ახალი ცნობა, თავისთავად საინტერესო
ჩვენება, იერუსალიმის პატრიარქ ქრისანთისა, რომ პეტრა მდებარე-
ობდა ქუთაისსა და ბათომის ნავთსადგურს შორის.

1934 წ. პროფ. ს. ყაუხჩიშვილი გამოსთქვამს ახალ მოსაზრებას,
რომლის მიხედვითაც პეტრად თანამედროვე ბათომში უნდა მივიჩ-
ნიოთ. ს. ყაუხჩიშვილისათვის გარდამწყვეტი მნიშვნელობა აქვს
ნავთსადგურის საკითხს—პეტრა, მისი აზრით, ისეთ პუნქტში უნდა
ვეძიოთ, „რომელიც ხელსაყრელ პირობებს ქმნიდა ვაჭრობისათვის
და სავაჭრო მიმოსვლისათვის და აგრეთვე სამხედრო საქმიანობისა-
თვის, ე. ი. კარგი საზღვაო ნავთსადგურის პირობებს აკმაყოფილებ-
და, ასეთი კი, ამ რაიონში, ბათომია“³. გარდა ამისა, მას შესაძლებ-
ლად მიაჩნია ერთმანეთს დაუახლოოს ეს ორი სახელწოდება (ბათ
უნდა ენათესავებოდეს სვანურ სიტყვას „ბაჩ“, რაც ქვეას ნიშ-
ნავსო. შეადრ. „პეტრა“—ქვა).

როგორც ვნახეთ, საკითხით დაინტერესებულ პირთა უმრავლეს-

¹ „От Батуша до Артвьяна“: Кавказские этюды, Т. 1901, 112—3.

² И. И. Кальфоглу, Города Петра-Дикис-дзири, ИКОИРГО, т. XVIII

³ გეორგია, II, გვ. 58, შენ. 2 და გვ. 77, შენ. 1.

სობა პეტრას გურია-აჭარის სანაპიროზე იგულეებს, მდ. ნატანებსა და ქალ. ბათომს შორის, და სავსებით სამართლიანადაც. პროკოპი კესარიელი, რომელიც გადმოგვცემს მთავარ ცნობებს პეტრას შესახებ, | სრულიად გარკვეულად მიუთითებს პეტრას ადგილმდებარეობის შემდეგ ნიშნებზე: პეტრა მდ. ფაზისის, ე. ი. რიონის, მარცხნივ (მაშასადამე, სამხრეთით)¹. ქალაქ პეტრადან სამხრეთისაკენ წასული რომაელთა საზღვრებს ხვდება, სადაც რიზე, ათინა (დღესაც არსებობენ) და სხვა პუნქტები მდებარეობს (იქვე). ამ პუნქტთა შორის ყველაზე ჩრდილოეთით მდებარე და რიზესგან სამი დღის სავალზე დაშორებული, აფსირტი (ანუ აფსარუნტი), თავის მხრივ, ქალაქ პეტრასა და ლაზთა საზღვრებს (ე. ი. ლაზიკის სამხრეთ საზღვარს, რომელზედაც იღო პეტრა) ერთი დღის სავალითაა დაშორებული². ამ ლაზიკის სამხრეთ საზღვარსა (და, მაშასადამე, პეტრას) და მდ. ფაზისს (რიონს) შორის აგრეთვე ერთი დღის მანძილია, ან ოდნავ მეტი³. თუ გავითვალისწინებთ რომ აფსარუნტი, სრული უეჭველობით, ჭოროხის შესართავთანაა საძიებელი და, შესაძლებელია, თანამედროვე გონიოს ადგილზე მოდიოდეს (ასეთი მოსაზრება გამოთქმული ჰქონდა აკად. თ. უსპენსკის, და ჩვენც, სხვა ადგილას, ვცდილობდით მის დასაბუთებას), მაშინ ცხადი გახდება რომ პეტრა მდებარეობდა შუაგზაზე რიონსა და ჭოროხს შორის. ამასვე, ნაწილობრივ, ეთანხმება პროკოპის აღწერილობა შავი ზღვის აღმოსავლეთის, ნახევარმთვარისებრი, ნაპირისა, რომელიც შუაშია გაყოფილი ფაზის-რიონით, და რომლის სამხრეთით მდებარე კიდეზე მოდის ლაზიკის საზღვარი და ქალაქი პეტრა. ამ პუნქტიდან ფაზისამდის, პროკოპის ცნობის თანახმად, 225 სტადიონი უნდა ვიანგარიშოთ, ე. ი. დაახლოებით 40 კილომეტრი. ამ მანძილების მიხედვითაც აშკარაა, რომ პეტრა ქობულეთ-ჩაქვის რაიონშია საძიებელი.

ტოპოგრაფიული აღწერილობა იმ ადგილისა, სადაც აგებულ იყო ქალ. პეტრა, გაარკვევს საკითხს უფრო ნათლად. საბედნიეროდ, ეს ტოპოგრაფიული ჩვენებებიც, რომელნიც იმავე პროკოპის ეკუთვნიან, აგრეთვე სავსებით მკაფიო და ნათელია.

„პეტრა ზღვისპირა ქალაქია კოლხეთში, ეგრეთწოდებულ ევქსინის პონტოსთან“⁴. იგი „ზღვისპირა ქალაქია ლაზების ქვეყანა-

¹ B. P. II, 73; გეორგია II, 73.

² B. G. VIII, 2; იქვე II, 96.

³ B. P. II, 29; იქვე II, 73.

⁴ იქვე II, 17; გეორგ. II, 54.

ში“¹. ქალაქი, როგორც უკვე აღნიშნული გვექონდა, „მიუვალად“ ითვლებოდა „ჯერ ერთი ზღვის მხრით, მერე ციცაბო კლდეებით“, რომელიც იქ ყოველი მხრით არის აღმართული. აქედან არის, რომ | მას ეს სახელწოდება ხვდა წილად. მხოლოდ ერთი შესავალი აქვს მას დაბლობში, ისიც არც თუ ისე ფართე: ვინაიდან მის ორივე მხარეს არაჩვეულებრივ კლდეება დაკიდებული².

თუ აღნიშნულს ტოპოგრაფიულ ცნობებს ჩაუუკვირდებით, იძულებული ვიქნებით დავასკვნათ, რომ ქობულეთ-ჩაქვის სანაპირო ზაზზე მხოლოდ ციხისძირი, და ციხისძირი-კი ზედმიწევნით, უპასუხებს პროკოპის აღწერილობას. შეიძლება მეტიც ითქვას: გურია-აქარის მთელ სანაპიროზე მხოლოდ ციხისძირს შემევენის მთლიანად ის ტოპოგრაფიული ნიშნები, რომლებიც ზემოთ იყო ჩამოთვლილი. მართალია, ჩაქვთან, მახინჯაურთან, ბათომთან არის ცალკე პუნქტები, სადაც ზღვისპირას ბორცვებია აღმართული. მაგრამ არსად ეს ასეთი მასშტაბითა და სახით არ არის მოცემული, როგორც ციხისძირში: აქ საკმაოდ მაღალი ქედი ზედ ზღვას მისდგომია, ნაპირისგან მცირე დაშორებით მრავალ შტოდ დაშლილა და ამრიგად შიგ ზღვის სიღრმეში გადაჭრილა. ეს გორაკები ერთმანეთისაგან ღრმად გაღარულ ხევებითაა გამიჯნული, რომლებშიაც ბლომად ჩამოდის წყალი (წყაროები თუ დეღეები). ასეთი რელიეფი აქ დაახლ. ორნახევარი კილომეტრის მანძილზეა გაფენილი. მეორე ნიშანდობლივი თვისება ციხისძირის ნაპირისა არის მისი კლდოვანი ხასიათი. მთელს აღწერილ სივრცეზე კლდეებს ვხვდებით, მეტ-ნაკლები სიდიდისას. შესაძლებელია, რომ ეს კლდოვანი ხასიათი ნაპირისა თავის დროზე კიდევ უფრო მკაფიოდ ყოფილიყო წარმოჩენილი, რადგანაც საფიქრებელი ხდება, რომ გარკვეულ ხანაში აქ ნაპირს ერთგვარი დეფორმაცია უნდა განეცადოს. კერძოდ, ამ დეფორმაციის შედეგი შეიძლება იყოს მეტნაკლები სიდიდის ლოდები და კლდეები, რომლებიც აქ ბლომადაა ზღვის ფსკერზე მიმოფანტული, ნაპირის სიახლოვეს.

ყოველივე ამის შემდეგ სრულიად ბუნებრივად შეიძლება გაჩნდეს ეჭვი იმის შესახებ, ხომ არა აქვთ კავშირი პეტრასთან იმ თავისთავად საყურადღებო ნანგრევებს, რომლებიც ციხისძირის ერთ-ერთ ჩრდილოეთით მდებარე ბორცვზეა შემონახული. ტოპოგრაფია ბორ-

¹ B. P. II, 15; გვ. 47.

² იქვე II, 17; გვ. 57.

ცვისა კიდევ უფრო ახლო დგას პროკოპის ნიშანდობლივ აღწერილობასთან: იგი ზედ ზღვის კიდეზეა აღმართული და მისი ჩრდ. და დას. ფერდობები ნაწილობრივ—დიდი გაშიშვლებული კლდეებისაგან შესდგება. ყურადღებას იქცევს წყლის სიმრავლე გორაკის რაიონში—თვით მის ძირობაზე სამი კარგი წყაროა, ხოლო იქვე მოზრდილი ღელეც ჩამოდის.

| სპეციალურად უნდა აღვნიშნოთ, რომ ზემოთ გამოთქმული მოსაზრება ნაპირის სახის ცვლილების შესახებ, უწინარეს ყოვლისა, სწორედ ამ ნანგრევების ადგილს შეეხება. ერთი თურქი ოფიცერი, რომელიც მომსწრე და მონაწილე იყო რუსეთ-თურქეთის ომებისა წარსული საუკუნის შუაწლებში და, კერძოდ, საომარი მოქმედებისა, თვით ჩვენთვის საინტერესო რაიონშიაც, ამბობს რომ ციხისძირის ციხე (ე. ი. ჩვენ მიერ ნაგულისხმევი ნაშთი, აწ ნანგრევების სახით არსებული) აგებულია ერთს უზარმაზარ კლდეზე, რომელსაც 120 მეტრის სიმაღლე აქვს¹. მაშასადამე, 1855 წ., რა დროსაც ეკუთვნის ამ ოფიცრის მოგონებები, ციხისძირის ისტორიულ ნაშთის ბორცვს კიდევ უფრო სპეციფიკური შეხედულება ჰქონია და მას მხოლოდ შემდეგში უცვლია ნაწილობრივ სახე. მართლაც, აჭარის საიხარეთმცოდნეო მუზეუმის დირექტორმა, ნ. ნ. გომანმა, რომელიც ქ. ბათუმის ძველი მკვიდრია, დაგვიდასტურა, რომ ციხისძირის ნაციხვარის გორაკის ერთი მხარე, თვით ნაშთის ნაწილთან ერთად, ამ 50 წლის წინათ ააფეთქა ბათუმის ოლქის გენ.-გუბ. თავ. ერისთავმა. აფეთქების მიზანი იყო ქვის მოპოვება ბათუმის ნავთსადგურის ჩებირისათვის („მოლისათვის“), რომელსაც იმხანად აგებდენ². ყოველივე თქმულის შემდეგ ცხადი უნდა იყოს რომ, თავის დროზე მოცემულ პუნქტს კიდევ უფრო მეტი უფლებით, ვიდრე ეხლა, შეეძლო ეტარებინა „პეტრას“ (კლდის) სახელწოდება. ჩვენ მაინც შეუძლებლად მიგვაჩნია მხოლოდ მოტანილი მოსაზრებებით დაკმაყოფილება. საჭიროა აგრეთვე პუნქტისა და ძეგლის რეალურ-პრაქტიკული ფუნქციის განხილვა და მისი ისტორიული განვითარების გათვალისწინებაც.

ახალი ქალაქისათვის გარკვეული პუნქტის შერჩევასა რომაელებისათვის გარდამწყვეტი მნიშვნელობა ჰქონდა, რა თქმა უნდა, იმ

¹ Маѣор Осмая-деѣ, Воспоминания 1855 г. Кавк. Сборник, т. II. ამ წერილზე ჩვენი ყურადღება მიაქცია ქრ. გ. შარაშიძემ, რისთვისაც მას მადლობას მოვახსენებთ.

² ნ. ნ. გომანს აღნიშნულ ცნობისათვის მადლობას ვუძღვნი.

ამოცანას, რომელსაც ისინი ამ თავის ნაგებობას აკისრებდნენ. ეს ამოცანა საესეებით მკაფიოდ არის აღნიშნული იმავე პროკოპის მიერ. პეტრას აგების ისტორიას პროკოპი ასე მოგვითხრობს, ახასიათებს რა იმავე დროს ამ ამბის პირობებსაც: იუსტინიანე კეისარი, სხვა მოხელეთა შორის, გზავნის ლაზიკაში, როგორც უკვე მოთხრობილი იყო, იოანე ციბეს. „ის იყო,—ამბობს პროკოპი,—რომ რომაელთა და ლაზთა ყველა საქმე გაამრულდა და არივ-დარია. მანვე დააჯერა | ჩემე იუსტინიანე ლაზების ქვეყანაში ზღვისპირა ქალაქი აეშენებინა, სახელად პეტრა. იქ იჯდა ის, ვითარცა აკროპოლისს¹... მოვიგონოთ რომ იმ მიწეზების შესახებ, რომელთაც გამოიწვიეს ამ აკროპოლისის აგება, პროკოპი მოგვითხრობს: ლაზები მანამდინაც რომაელთა ქვეშევრდომნი იყვნენ, მაგრამ არც ხარკს იხდიდენ, არც სხვა რამეში ემორჩილებოდნენ მათ, გარდა იმისა, რომ კეისარი ლაზიკის ტახტზე ახლად ამავალ მეფეს სამეფო ნიშნებს უგზავნიდა. ამ ვასალის მოვალეობას შეადგენდა თავისი ქვეყნის ჩრდილოეთის საზღვრის დაცვა ჩრდილოეთ-კავკასიელ ნომადების (გერძოდ—ჰუნების) წინააღმდეგ. მაგრამ VI ს. ოციან წლებიდან ლაზიკაში პირველად (როგორც ამბობს პროკოპი; ნამდვილად კი—დიდი ხნის აქ არყოფნის შემდეგ) გაჩნდნენ რომაული გარნიზონები. გამოწვეული იყო ეს იმ გარემოებით, რომ ამ ხნისათვის აღმ. საქართველო (ივერია) საბოლოოდ ხელში ჩაიგდეს ირანელებმა, რომლებმაც 523 წ. მეფობაც მოსაპეს ივერიაში და რომელნიც სრულიად არ მალავდნენ თავიანთ ზრახვებს დას. საქართველოს (ლაზიკის) მიმართაც. რაკი თვით ლაზიკის მმართველ წრეებსაც წინახანებში არა ერთხელ გამოეძქადვნებინათ თავისი ანტირომაული განწყობილება და მიდრეკილება ირანულ ორიენტაციისადმი, ამიტომ ბუნებრივია, რომ იუსტინიანემ განაზოციელა რადიკალური ღონისძიებანი, რომლებიც გულისხმობდნენ, ერთი მხრით, ქვეყნის თავდაცვას, განსაკუთრებით, ირანელების წინააღმდეგ, ხოლო მეორე მხრით, კონტროლის გაძლიერებას ლაზიკის მმართველ წრეების მიმართ (რაკი კონსტანტინოპოლის მთავრობას არ ჰქონდა დიდი საფუძველი სრული ნდობით მოჰპყრობოდა ამ უკანასკნელთ). სწორედ ეს დანიშნულება ჰქონდა რომაელთა ციხოვან ჯარების შეყვანას ლაზიკაში. თავდაპირველად რომაელებმა სცადეს ამ ჯარებით იმ სიმაგრეების (პირ-

¹ B. P. II, 15; გორგ. II, 47—48.

ველ რიგში, სკანდისა და შორაპნის) დაცვა, რომლებიც ივერიის საზღვართან მდებარეობდნენ. მაგრამ ეს შეუძლებელი აღმოჩნდა ეკონომიურად: ეს მხარე საკუთარი მეურნეობით მეტად მწირი იყო და აღნიშნულ გარნიზონებს თავის გამოკვება აქაურ პროდუქტებით არ შეეძლოთ, ხოლო გარედან სურსათის მიწოდება მათთვის აგრეთვე გადაულახავ სიძნელებთან ყოფილა დაკავშირებული, გზებისა და ტრანსპორტის მდგომარეობის მიზეზით ამ ქვეყანაში¹, რომაელებმა დასტოვეს ეს სიმაგრეები და ისინი ირანელებმა დაიპყრეს (იქვე). მაგრამ² ეს | უკანდახევა არ ნიშნავდა რომაელების მიერ მთლად ხელის აღებას ლაზიკაზე. რომაელთა ჯარები მაინც დარჩნენ ამ ქვეყანაში, მხოლოდ უფრო მოხერხებულ პუნქტებში გამაგრდნენ. ასეთებად, უწინარეს ყოვლისა, ცხადია, ზღვისპირა სიმაგრეები უნდა ყოფილიყო მინიუელი (მაგ. ფაზისი—ფოთი და სხვ.). მსგავს პუნქტებთან კავშირის განხორციელება ზღვით რომაელებისათვის სრულიად ადვილი საქმე იყო. ამ ზღვისპირა სიმაგრეთა შორის პირველი ადგილი იმთავითვე დაიჭირა პეტრამ. პროკოპის საწინააღმდეგო ცნობები აქვს ამ ადგილას მოსახლეობის მანამდე არსებობის შესახებ, მაგრამ, შესაძლებელია, რომ მისი მერმინდელი სამხედრო-პოლიტიკური მნიშვნელობა ადრევე ნათელი ყოფილიყო. თუ, მაინც, იგი ციხე-ქალაქად მართლაც იოანე-ციხეს რჩევით აქციეს, მაშინ, უნდა ითქვას, რომ ეს კეისრის, სხვათაგან სანელგატეხილი, აგენტი ქეშმარიტად ნიჭიერი კაცი ყოფილა. არჩევანი უზადო იყო: როგორც რომაული პოლიტიკის გატარებისათვის თვით ლაზიკაში, ისე საგარეო-სამხედრო თავდაცვის საქმისათვის ციხისძირზე უკეთესი პუნქტის მოძებნა გურია-სამეგრელოს სანაპიროზე შეუძლებელი იყო. ეს გარემოება მომდევნო ისტორიულ ეპოქებშიაც არა ერთგზის გამოაშკარავებულა.

ჯერ ერთი, როგორც ვნახეთ, სტრატეგიული თვალსაზრისით, პუნქტი მიუვალად ითვლებოდა. მეორე მისი უდიდესი მნიშვნელობა მდგომარეობდა იმაში, რომ იგი ჰკეტავდა უმნიშვნელოვანეს გზას, რომლითაც სამხრეთიდან (ე. ი. რომის აღმოსავლეთ პროვინციებიდან, არმენიიდან, ირანის ჩრდ.-დასავლ. პროვინციებიდან) შემოდის დიდ დან. საქართველოში. მეორე გზა, რომლითაც აგრეთვე შეიძლებოდა სამხრეთიდან დასავლეთ საქართველოში გადმოსვლა,

¹ B. P. I, 12, გეორგ. II, გვ. 24—25.

რკინის ჯვარზე ანუ, ეხლანდელი სახელწოდებით, ზეკარის უღელტეხილზე, მიემართებოდა (ე. ი. თანამედროვე აბასთუმან-ბაღდათის გზის ხაზს მიჰყვებოდა). რადგანაც ეს უკანასკნელი ბუნებრივად ირანული კონტროლის ქვეშ უნდა ყოფილიყო (იგი უშუალოდ ირანული პროვინციებიდან გადმოდიოდა დას. საქართველოში), ამიტომ პირველს განსაკუთრებული მნიშვნელობა ენიჭებოდა სწორედ რომაელებისათვის: იგი ლაზიკას პირველ რიგში სწორედ რომაულ პროვინციებს უკავშირებდა. ციხისძირზე გადმოსული ეს გზა კოროხთან, ჩანს, იყოფოდა ორ შტოდ: ა) ერთი კოროხისავე მიმდინარეობას მიჰყვებოდა ზევით (ე. ი. დაახლოებით თანამედროვე ბათომ-ართინის გზის მიმართულებით) და ერზერუმში (მაშინდელს თეოდოსიოპოლში) ჩადიოდა. დამახასიათებელია, რომ ამ გზაზე IX ს. დამდეგს აღმოცენდა ქალ. არტანუჯი, რომელიც კონსტანტინე პორფიროგენეტის ცნობით, X ს. პირველ ნახევრისათვის, უკვე ითვლებოდა მთელი მესხეთის, ქართლისა და აფხაზეთის ეკონომიურ გასაღებად. ბ) მედრე შტო კოროხის შესართავიდან უკვე ზღვისპირს მიჰყვებოდა ტრაპეზუნტამდის. ამ მიმართულებით, ჩანს, ზღვით მოძრაობას უფრო არჩევდნენ, მაგრამ რომ ხმელეთითაც ამ ხაზზე მიმოსვლა წარმოებდა, ეს ცხადია ძველი ქართული ცნობებიდან. ორივე ეს გზა, ერთს მაგისტრალში გაერთიანებული, როგორც ვთქვით, მხოლოდ ვიწრო დეფილეთი შედიოდა ლაზიკის ტერიტორიაზე: ციხისძირის აღმოსავლეთით მდებარე დიდი მთის მასივები, უღრან ტყეებით დაფარული, სრულიად გაუვალი იყო (ვიდრე ზეკარის უღელტეხილამდე) ხმელეთით მოგზაურთათვის. იმავე დროს პეტრა-ციხისძირს ადვილად შეეძლო კონტროლი გაეწია საზღვაო მოძრაობისათვისაც, რადგანაც მაშინ, ჩვეულებრივ, საზღვაო ნაოსნობა საკაბოტაჟო ხასიათისა იყო.

თქმულიდან ცხადია პეტრა-ციხისძირის დიდი ეკონომიური მნიშვნელობაც: აღნიშნული მაგისტრალი ხომ ემსახურებოდა არა მარტო სამხედრო საჭიროებებს, არამედ უწინარეს ყოვლისა და კიდევ უფრო მეტად საქონლის ტრიალსაც. ამიტომ იყო რომ რომაელთა სტრატეგოსი, რომლის ძთავარ რეზიდენციად იქცა პეტრა, ახერხებს „ლაზთა ქონების ძარცვის“ ორგანიზაციას ამ თავის „აკროპოლისიდან“. აქ მჭიდრომყოფი იოანე-ციხემ შემოიღო ლაზიკის საგარეო ვაჭრობის მონოპოლია, და ამით მწვავედ დაარტყა ლაზიკის

მხართველ წრეების ინტერესებს, რომლებიც მკიდროდ იყო დაკავშირებული საგარეო აღებ-მიცემასთან.

ხოლო ყველა ზემოთ აღნიშნული პირობა, ერთად აღებული, შესაძლებლობას აძლევდა კეისრის აგენტს თავისუფლად ეკარნახებინა თავისი ნებასურვილები ლაზიკის მეფისა და მმართველი წრეებისათვის. ტყუილად კი არ ამბობენ, ამ ახალი ვითარების მიზეზით რომაელთაგან გამდგარის, ლაზიკის მეფის ელჩები, რომელნიც ირანის შაჰს წარუდგნენ და მას თავის ქვეყანაში ეპატიუებოდენ: „წყევლმა რომაელებმა... ჩვენს მეფეს ხომ მეფობის მხოლოდ გარეგნული ნიშნები დაუტოვეს, ხოლო ძალაუფლება საქმეებში თვითონ მიიტვისეს; მეფეც მოსამსახურის ბედში იმყოფება და განსჯარგულელები სტრატეგოსის ეშინია. უამრავი ჯარიც ჩაგვიყენეს, მაგრამ არა იმიტომ, რომ დაიცვან ქვეყანა შემწუხებელთაგან... არამედ რათა დავცემწყვედიეთ ჩვენ როგორც სწავილეგოში და ჩვენს ქონებას დაჰპატრონებოდენ“¹...

ფაქტიური საბუთები, ციხისძირის ზემოთ განმარტებულ მნიშვნელობას რომ გვიდასტურებენ, ბლომად შეიძლება ვიპოვოთ სხვადასხვა დროისა და სხვადასხვა წარმომობის წყაროებში.

ზემოთ აღწერილი მაგისტრალი, რომელიც, ციხისძირის დეფილეს გავლით, აკავშირებდა რომის აღმოს. პროვინციებს დას. საქართველოსთან, II ს. დამდგისათვის მკაფიოდ მოცემულია (როგორც საზღვაო გზა) არიანეს ცნობილ პერიპლში. ამ მაგისტრალის მნიშვნელობა IV საუკუნის დამდგისათვის კიდევ უფრო რელიეფურ გამოხატულებას ჰპოვებს Tabula Peutingeriana-ში, რომლის მიხედვითაც ეს გზა გაქმნილია ტრაპეზუნტიდან სევასტოპოლის-ცხუმამდის (=თანამედროვე სოხუმს). აქვე გადიოდა, როგორც უკვე ვთქვით, ფეოდალურ საქართველოს გზებიც საშუალო საუკუნეებში.

მშვენივრად აქვს, მაგალითად, ეს გზა აღწერილი, ჩანს, VIII—IX სს. ცნობებზე დამყარებით, ძველ ქართველ ისტორიკოსს ჯუანშერს, მურვან-ყრუს ლაშქრობაში. აფხაზეთიდან უკუქცეული არაბები მოდიან ანაკოფიიდან ცხუმზე, კლისურაზე (ეხლანდ. კელასური), ციხე-გოჯზე (ნოქალაქევი), ერთი პირობა დაიბანაკებენ აბაშა-

¹ B. P. II, 15; გეორგ. II, გვ. 50—51.

ცხენისწყლის რაიონში, ხოლო შემდეგ—აიყარნენ, „შეველეს გზა გურიისა და განველეს სპერისა“ და გავიდნენ საქართველოს ფარგლებიდან. სპერი თანამედროვე ისპირის რაიონია, რომელიც კოროხის ხეობის ზემო ნაწილში მდებარეობს. ცხადია, რომ მისთვის მისაღწევად არაბებს უნდა აევილით მთელი კოროხის ხეობა ანუ „გზა კლარჯეთისა“, მერე ძველი ქართველი ისტორიკოსის, ლეონტი მროველის მიერ აღნიშნული¹.

იმავე ხაზს მიჰყვებოდა გზა ბათომ-ქობულეთს შორის თურქთა მფლობელობის ხანაში, რუსული გზატკეცილი XIX ს. ბოლოსა და XX ს. დამდეგს და თანამედროვე შოსეც. რკინის გზამაც ხომ აქ გაიარა და, საინტერესოა, რომ ეხლაც რკინის გზა და შოსე ერთმანეთს ეჯვარედინებიან სწორედ ციხისძირის ნაციხვართან, ე. ი. იმ პუნქტთან, სადაც, ჩვენი აზრით, პეტრა მდებარეობდა.

ციხისძირის სტრატეგიული მნიშვნელობა შეგნებული იყო აგრეთვე ყველა მომდევნო ისტორიულ ეპოქის მიერ. ფეოდალურ საქართველოსაც ციხისძირი გამოყენებული ჰქონდა, როგორც სიმაგრე, და მის სათანადო მნიშვნელობას იმდროინდელ თვალსაზრისით ნათლად გამოსთქვამს ციხის ქართული სახელწოდება „ქაჯეთის ციხე“. გამოჩენილი ქართვე. გეოგრაფის, ვახუშტი ბატონიშვილის ცნობით, რომელიც XVIII ს. პირველ ნახევარს ეკუთვნის, ეს იყო „მაგარი, მალალს კლდესა ზედა შენი; აქვს გვირაბი—კლდე გამოკვეთილი—გზად“-ო². შემდეგში, როცა თურქებმა დაიპყრეს ეს სანაპირო, მათაც ციხისძირი თავის სიმაგრედ აქციეს. თუ როგორი მნიშვნელობა ჰქონდა ციხისძირს თურქებისთვის, ეს იქიდანაც კარგად ჩანს, რომ XVIII ს. შუაწლებში მათ აქ 25 ზარბაზანი ედგათ, მაშინ, როცა ბათომში ქვემეხი ყოფილა მხოლოდ 5 ან 6, რუხში—6, ანაკრიაში—20 და მხოლოდ ფოთი ჰქონიათ მათ ციხისძირზე მეტად გამაგრებული³. სწორედ ამ ძველი თურქული თვალსაზრისის გამოძახილია, რა თქმა უნდა, თავის ადგილას ჩვენ მიერ მოხსენებული

¹ ჯუანშერი, მარ. 204; ლ. მროველი, მარ. 30. სპეციალურად იხ. ჩვენი „ძველი საქართველოს სავაჭრო გზები და ქალაქები“.

² გეოგრ., ჯანაშვი. გამ 322. საინტერესოა, რომ ძველი საქართველოს განათლებული წრეები ამ ქაჯეთის-ციხესთან აიგივებდნენ რუსთაველის მთავარი გმირის, ნესტანის, საპატიმრო ადგილს, რომელიც პოემაში ამავე სახელს ატარებს.

³ Peyssonel, *Traité sur le commerce de la Mer Noire*, II, 15; იხ. აგრეთვე მოურავოვის რაპორტი პანინს, *Грмоты*, I, 73.

თურქი ოფიცრის ოსმან-ბეის შეხედულება, რომლის თანახმადაც ციხისძირის ციხე, უზარმაზარ კლდეზე აგებული, „სრულიად ჰკეტავს მიმოსვლას (იგულისხმება დასავლ. საქართველოსა და თურქეთს შორის, ამ მიმართულებით) და ჰქმნის აქ ყველაზე საძნელო დეფილეს“.

ამითვე აიხსნება, რომ სამივე ომის დროს რუსეთსა და თურქეთს შორის, მე-19 ს., ციხისძირთან და მის გამო მწვავე ბრძოლებს ჰქონდა ადგილი.

რომ პუნქტს საყურადღებო ეკონომიური როლიც შერჩა მერმანდელ ხანებშიაც, ესეც უღაო უნდა იყოს. ჩვენ ვფიქრობთ, მაგ., რომ ციხისძირს ჰგულისხმობს ვენეციელი კოხტარინი, რომელიც საქართველოში იყო 1474 წ. და რომელიც შავი ზღვის პირას ასახელებს ერთს პატარა ქალაქს, Caltichea-ს, სადაც თურმე აბრეშუმს, ტილოსა და თაფლს ვაჭრობდენ¹. ჩვენ ვფიქრობთ, რომ „Caltichea“ არის „ქაჯეთის ციხის“ (თუ: ქაჯთა-ციხის) დამახინჯება. დოკუმენტალურად დასტურდება აგრეთვე რომ ციხისძირში იყო საბაზრო ადგილი ჯერ კიდევ XIX ს. სამოცდაათიან წლებში, ვიდრე აქ თურქები ბატონობდენ.

| ციხისძირის ეს მრავალმხრივი მნიშვნელობა საუცხოოდ აქვს გამოხატული ერთს ქართველ პოლიტიკოსს, იმერეთის სამეფოს სარდალ-სახლთხუცეს ზურაბ წერეთელს, რომელიც ელჩად იყო გაგზავნილი პეტერბურგს 1784 წ. მან რუსეთის უძლიერეს მოხელეს, პოტიომკინს, წერილი გადასცა იმ სარგებლობის შესახებ, რომელსაც რუსეთი მოიპოვებდა იმერეთის შექმნით. არსებითად მისი წინადადებები და დაპირებები ორი მუხლისაგან შესდგებოდა. პირველი შეეხებოდა რუსული პოლკის მოწყობას იმერლებისაგან, მეორე-ჯი იმერეთში რუსული მთავარი სიმაგრის აგებას. ასეთი სიმაგრისათვის საუკეთესო ადგილი წერეთელს კინტიში (თუ კინტრიში) ანუ ციხისძირი მიაჩნდა (ციხისძირი მდ. კინტრიშის ნაპირას ძვეს). აქ აშენებული ციხე-სიმაგრის სარგებლობა შეუდარებელი იქნება, რადგანაც იმერეთისა, აფხაზეთისა, სამეგრელოსა და გურიისათვის სავსებით შეეასრულებს გაუვალი ზღუდის როლს და ყველა ამ ქვეყანას მტკიცედ დაუმორჩილებს რუსეთს. ეს ადგილი ადვილად და მალე დასახლდება ანატოლიელ ბერძნებით, რადგანაც მას უხვად აქვს სასმე-

¹ „მოამბე“, 1894 წ., XI.

ლი წყალი და მრავალრიცხოვანი ლითონები, აბრეშუმი, ბამბა, ცვილი, გემოსაშენი ხეტყე და სხვ. აქ უკვე იყო ოდესღაც ქალაქი და არც ისე დიდხანია რომ აქვე არსებობდა სოფელი და ვაქრობა წარმოებდა. ამ ადგილის მდგომარეობა იმდენად ხელსაყრელია, რომ სამს თუ ოთხ წელიწადში ხარჯებს გაასწორებს. მთელ იმერეთში ამაზე უფრო სახეირო ადგილი არ არის. ყირიმიდან, თუ კარგი ამინდია, სოძალდები აქ ორ დღეში მოდიან. ამ ადგილს იმერლები წინათაც აქცევდენ ყურადღებას, და მამაჩემს, სარდალს ქაიხოსრო წერეთელს, ჯერ კიდევ სოლომონ მეფის სიცოცხლეში უნდოდა ამ განზრახვის განხორციელება. თუ ეს სიმაგრე აგებულ იქნა, საქართველო მაშინ თავს დააღწევს ახალციხის თავდასხმებს, რადგანაც ციხისძირი ახალციხის ზურგში იმყოფება. თუ ციხისძირში ციხე-ქალაქი დაარსდება, თურქები იძულებული შეიქმნებიან უომრად დასტოვონ ფოთის ციხე, აგრეთვე ბათომი და ჩაქვიო¹.

უკეთესი დასაბუთება პეტრა—ციხისძირის იგივეობისა შეუძლებელია. აქ ყველაფერია დახასიათებული: ციხისძირის თავისთავადი სტრატეგიული თვისებები, მისი სამხედრო-სტრატეგიული და პოლიტიკური მნიშვნელობა მეზობელ პროვინციებისათვის, მისი ეკონომიური ღირებულება და გამოყენების შესაძლოება ხომალდების მისადგომად, ჰავის ღირსებები (ყველაზე ნაკლებ მალარიანი პუნქტი ამ | სანაპიროზე—ამ მომენტს დიდი მნიშვნელობა უნდა ჰქონოდა ძველი რომაელებისა და ბერძნებისათვის). ყოველივე აღნიშნული საუცხოოდ უპასუხებს იმ ნიშნებს, რომლებიც, ჩვენი აზრით, ამ პუნქტისაკენ იზიდავდა რომაელ პოლიტიკოსთა და სამხედრო პირთა ყურადღებას, როცა ისინი ახალ ციხე-ქალაქის ადგილს ეძებდნენ.

რომ პუნქტი და მისი რაიონი იზიდავდა არა მარტო უცხოელთა ყურადღებას, ესეც ნათელია. ამას შეიძლება სხვა მოსაზრებებიც დამატებოდა, მაგრამ აქ აღვნიშნავთ მხოლოდ, რომ ლაზიკაში არსებულ ოთხ ბერძნულ საეპისკოპოსო კათედრიდან, ერთი პეტრაში იყო. შემდგომში იგი, ადგილობრივ საეკლესიო დამოუკიდებლობის განმტკიცების პირობებში, საერთო ტენდენციის თანახმად, გა-

¹ Бутков, Материалы для новой истории Кавказа, II, 139.

დადის ხინოში, რაც, სათანადო „პოლიტიკურ გეოგრაფიის“ კანონ-ზომიერი გამოხატულებაა.

კიდევ ერთი პატარა მომენტი. საქ. კარტოგრაფიულ ინსტიტუტის რუკაზე ძდ. კინტრიშის შესართავთან, სამხრეთით, მაშასადამე ციხისძირის ზონაში, აღნიშნულია მცირე მოსახლეობა „პანტურანი“. თუ ადგილობრივი შემოწმება გამოარკვევს, რომ აქ არავითარი დამახინჯება არაა, მაშინ ჩვენ შესაძლებლად მივიჩნევთ თვით ამ სახელწოდებების,—„პეტრა“ ო „პანტურანი“, დაკავშირებას: ან პირველი იქნება მეორის გააზრიანება უცხოელთა მიერ, ან უკანასკნელი—ბერძნული ფორმის ადგილობრივი განვითარება. უნდა მოვიგონოთ აგრეთვე, რომ მერმინდელ საუკუნეებში სახელწოდება ბერძნულ მწერლობაში მრავლობითი რიცხვის ფორმითაა მოცემული, რაც შესაბამისად გენეტიკში გვაძლევს ფორმას „პეტრაიონ“ = „პეტრონ“ ან „პეტრონ“—Πετραῖον—Πετρῶν; ხოლო ეს ფორმა და „პანტურანი“ კიდევ უფრო უახლოვდებიან ერთმანეთს. საინტერესოა ისიც, რომ ზემოთ მოტანილი ბერძნ. ფორმა იმავე სახითაა გადმოსული ძველ ქართ. თარგმნილ მწერლობაში: —„ქალაქი პეტრონი, ქუეყანისაგან მეგრელთაჲსა“, ამბობს ერთი ძველი¹.

მოდწეული ნაშთი არის, ჩვენი აზრით, პეტრას აკროპოლი სი. პროკოპის ეს აკროპოლისი სპეციალურად აქვს აღნიშნული: როცა რომაელებმა, 550 წ., ხანგრძლივი ბრძოლის შემდეგ უკან დაიბრუნეს პეტრა (იგულისხმება ქალაქი) ირანული გარნიზონიდან 500 კაცმა თავი შეაფარა აკროპოლისში, სადაც ერთი დღის განმავლობაში კიდევ უწევდენ მტერს წინააღმდეგობას, საბოლოოდ | მაინც არ დანებდენ რომაელებს და ცეცხლში ამოიწვეს თავი (B. G. VIII, 11—12). თვით ქალაქი, პროკოპისავე ცნობით, დანგრეული იყო რომაელების მიერ.

აკროპოლისის დარჩენილი ნაწილების არქიტექტურული ნიშნება, ჩვენი დაკვირვებით, უნდა ამართლებდენ წამოყენებულ დებულებას. წყობა კედლისა, ზომები და სხვა, ეთანხმება იმ ცნობებს, რომლებიც ჩვენ მოგვეპოვება ეპოქის ნაგებობათა შესახებ. გარეგნულად, მაგ., ეს კედლები ძალიან ჰგვანან კელასურის კედელს აფხაზეთში, რომლის აშენებაც აგრეთვე იუსტინიანეს საქმე უნდა იყოს.

¹ მეხუთე მსოფლიო კრების კანონების ძვ. ქართ. თარგმანი, კრეკ. II, 88, შენ.

ციხისძირის ნაციხვარის კედლები ნაშენებია რიყის ქვისაგან, შიგა და შიგ სპეციფიკურ აგურის გამოყენებით. ერთს ასეთ აგურზე, რომელიც ციხისძირიდანაა ჩამოტანილი და ეხლა ინახება საქ. სახ. მუზეუმში, ამოკრილია საქარხნო მარკა ლათინურ ასოებით: *vexea*¹.

ზღუდის კედელი ორმაგად ნაშენებია. გარეთა და შიგნითა კედლებს შორის თავდაპირველად დატოვებული ყოფილა ერთი სანტიმეტრის სივრცე. ორთაშუა რიცხვით, შიგნითა კედლის სისქე უდრის 1 მ., გარეთასი—2 მ. სიმაღლეც კედლებს ძალიან დიდი უნდა ჰქონოდათ, ზოგს, უფრო კარგად დაცულ ადგილას, ეს სიმაღლე 12—15 მ-ს უნდა აღწევდეს. ეს ციფრები ეთანხმება პროკოპის ცნობებს იუსტინიანეს სხვა ნაგებობათა საზომების შესახებ (მარტიროპოლის კედლები: სისქე—3,7 მ., სიმაღლე—12,2 მ.; დარას კედლები: სიმაღლე—18,5 მ. და სხვ.). საძირკველი ამოყვანილი ყოფილა 2 მ-ის სიმაღლეზე. საინტერესოა თვით გეგმაც აკროპოლისისა. აკროპოლისის შიგნით რამდენიმე შენობის კვალი დარჩენილი: ერთი აშკარად ყაზარმაა; მეორე, შესაძლოა, ტაძარი იყოს, —საეპისკოპოსო საჯდომი, —ან სხვა დანიშნულების შენობა (იქნებ სტრატეგოსის სახლი), არის სხვა შენობათა საძირკვლებიც.

კულტურული ფენაც აქ დიდი სიმაღლისა და მკვეთრად გამოხატული სახისაა. დიდი რაოდენობითაა მოღწეული კერამიკის ნაშთები (ჭურჭლის, საბურავი კრაპიტისა და სხვათა ნამსხვრევები).

აკროპოლისის სამხრეთით ბორცვზე ყოფილა აგრეთვე კოშკი.

აკროპოლისი და კოშკი შეერთებული ყოფილა ორი პარალელური მაღალი კედლით. აქვე დარჩენილია მეტად საყურადღებო ნაგებობის (ჩვენი აზრით, ქარვასლის) ნაშთი.

ნაციხვარის რაიონში ბევრი საინტერესო ნივთი, კერძოდ, ფულიც, ჩნდება. აქ დავასახელებთ მხოლოდ ორ მონეტას, რომელიც, ჩვენი წინასწარი განმარტებით, უკანასკნელი პერიოდის სასანიდური დრაქმებია. სასანიდური ფულის პოვნა აქ უაღრესად საყურადღებო

¹ მოქ. გოლიცინი თავზიანად გვატყობინებს კერძო წერილებში (1935 წ. 13/III და 19/VI) რომ აგური მის მიერ ნაპოვნია 1927-8 წ. ნაციხვარის რაიონში აკროპოლისის ბორცვის ჩრდ.-აღმ. კალთაზე, ბორცვის ზემოთა ნახევარში, საყანეში, ყანის მეპატრონე გლეხების მიერ მოგროვებულ ნაყარში, რომელიც შესდგებოდა ქვებისა და კერამიკულ ნამტვრევებისაგან. მპოვნელს ნივთი გადაუცია აქარის „სამთო კლუბის მუხეუმისათვის“, საიდანაც იგი გადმოსულა საქართველოს მუზეუმში, ვგონებთ, დოც. გ. ჩიტაიას მეშვეობით.

ფაქტია. ეს ფულები ნაპოვნია იყო ნაციზმის რაიონში მუშების მიერ და ამჟამად აქარის სამხარეთმცოდნეო მუზეუმში ინახება.

უეჭველია რომ გათხრა კიდევ არა ერთ ცნობას შეგვძენს ამ ნაქალაქარის შესახებ¹.

ძალიან ჰგავს პეტრას თავის მნიშვნელობითა და თავის მდებარეობით გაგრა, რომელსაც იმ ხანაში ტრაქეასციხეს ეძახიან (როგორც ეს წყაროების შესწავლით ირკვევა), მაგრამ ამის შესახებ უფრო დაწვრილებით სხვაგან ვისაუბრებთ.

**მგრიხის საბარკო
პაპრობა. საპაპრო
ბუბი**

მეექვსე საუკუნეში ეგრისის ეკონომიკაში საგარეო ვაჭრობას საკმაოდ მნიშვნელოვანი ადგილი უნდა სჭეროდა. იუსტინიანეს ეპოქის შემატანე, რომელსაც ჩვენ ასე ხშირად მივმართავთ, პროკოპი კესარიელი, გვარწმუნებს, რომ ამ ქვეყნის მოსახლეობას „არც მარილი ჰქონდა, არც ხორბალი, არც სხვა რამე სიკეთე“, და ამიტომ იძულებული იყო საგარეო ვაჭრობის საშუალებით შეეძინა ეს საგნებიო. სხვა ადგილას-კი იმასაც ამტკიცებს, რომ ეგრისში ღვინოც არ მოდიოდა². რომ ეგრისში „არავითარი სიკეთე“ არ მოიპოვებოდა, ეს დაუჭერებელია და, რა თქმა უნდა, გაზვიადებაა, ზოგიერთ შემთხვევაში, რომაელთა ადგილობრივ მოხელეების გასაგები ტენდენციის გამოძახილი. მაგრამ აღნიშნული საგნების, განსაკუთრებით მარილისა და ხორბლის, შემოტანა დას. საქართველოსათვის, მართლაც აუცილებელი იყო იმიტომ, რომ არც პირველი და არც მეორე ადგილობრივ არ მოიპოვებოდა. მარილის საბადოები ან სხვა ხასიათის წარმოება ადგილობრივ არ არსებობდა. მარცვლეულისაგან ეგრისში უმთავრესად ითვისებოდა, იმავე პროკოპის ცნობით, „ელიმოსი“, რომელსაც თვით რომაელები სრულებით ვერ სჭამდნენ, რადგანაც

¹ ეს პარაგრაფი წარმოადგენს ექსტრაქტს ორი მოხსენებისას, რომლებიც წაკითხული იყო ავტორის მიერ ტფ. სახ. უნ. რუსთაველის სახელობის ინსტიტუტში 1934 წ. მაისს („პეტრას ადგილმდებარეობის საკითხის შესახებ“) და ოქტომბერში („შედგები პირველი არქეოლოგიური ექსპედიციისა პეტრა-ციხის-ძირში“). ამ მოხსენებებში აღძრულ საკითხებისა და სათანადო დებულებებისაგან აქ არა ერთი უგულებელყოფილია ეკონომიის მოსაზრებით.—ტფ. სახ. უნ. ტი და გან. სახ. კომ. სამეცნ. დაწესებულებათა სამმართველო ამხადებენ ვრცელ არქეოლოგიურ ექსპედიციას, რომლის ამოცანა უნდა იყოს ძველის ყოველმხრივ შესწავლა, კვრძოლა, გათხრების საშუალებით.

² B. P. I, 12; II, 15; II, 28; გეორგია II, 25, 46, 67.

მათთვის უჩვეულო იყო. „ელიძოსის“ მნიშვნელობა ზუსტად გარკვეული არ არის, მაგრამ უნდა ვიფიქროთ რომ აქ ან „ფეტვი“ იგულისხმება, ან „ქვრიმა“ (ფეტვის სახეობაა)¹. რაც შეეხება ლვინოს, აღნიშნული ცნობა ისე უნდა გავიგოთ, რომ ადგილობრივი ლვინო ვერ აკმაყოფილებდა მოთხოვნილებას და საზღვარგარეთიდან შემოტანილს თავის ხარისხითაც ჩამოუყარდებოდა. ვენახის კულტურის არსებობა ამ დროს (და ბევრად უფრო ადრეც) დას. საქართველოში ყოველ ეჭვს გარეშეა. ჩვენ კიდევ ვენახეთ რომ როგორც პროკოპი, ისე იმავე ხანის დანარჩენი წყაროებიც სხვა ცნობებსაც ვვაწვდიან ეგრისის მეურნეობის შესახებ.

პროკოპივე ამბობს, რომ ეგრისში სხვა საქონელიც შეჰქონდათ. თუმცა კონკრეტულად დასახელებული არ არის, მაგრამ შეიძლება წარმოვიდგინოთ რომ ეს იყო ძვირფასი ქსოვილები, იარაღი, საზოგადოდ, ლითონის ნაწარმოები და სხვა.

საექსპორტო ეკვივალენტს, ამავე შემთხვევის მრავალგზის განმეორებული ჩვენებით, შეადგენდა, უმთავრესად, ტყავეულობა, ბეწვეულობა და მონები². თვით ალებ-მიცემის პროცესი თითქოს უშუალო ნატურალურ გაცვლის ფორმით ხდებოდა: „ამაში ისინი ფულს კი არ აძლევენ მიმწოდებლებს, არამედ ტყავენს, მონებს და თუ სხვა რამ სიჭარბით აღმოაჩნდებათ“³. მაგრამ ესეც გაზვიადება უნდა იყოს: უეჭველია რომ ფულს ერთგვარი, თუნდაც მცირე, ადგილი მაინც უნდა ჰქავებოდა ამ პროცესში, რასაც თუნდაც იმავე პროკოპის სიტყვებიც ამოწმებენ, როცა იგი ლაზების ელჩებს ალაპარაკებს | რომაელების ახალ სავაჭრო პოლიტიკის შესახებ ეგრისში: ლაზიკის ნაწარმოებიდან თავიანთთვის საჭირო საგნებს ისინი ჩვენგან ყიდულობენ, მაგრამ ყიდულობენ მხოლოდ ზეპირად, რადგანაც ფასს ყოველთვის თვითონ ეს ჩვენი მმართველები აწესებენ, როგორც მოეპრიანებათ. „ამრიგად, საჭირო საგნებთან ერთად ისინი

¹ პროფ. ივ. ჯავახიშვილი, საქ. ეკონ. ისტ., I, 364—69; გეორგიკა II, 24, შენ. 1934 წ. აგვისტოში, ტფ. სახ. უნ. ექსპედიციაში ყოფნისას, თიანეთში ჩვენ ჩავიწერეთ შემდეგი ცნობა: ქვრიმას შესახებ, ერთი ადგილობრივი მკვიდრის შექცაბიშვილისაგან: „ხვრიმა (I) ფეტვია. ფეტვი ორნაირია: ერთი-არის ქურწა. მეორე—ხვრიმა. ხვრიმა ისაა, რომელსაც ფარხხას ეძახიან (ვკონებ, ინფორმატორი გულისხმობდა რომ ფარხხას სხვა რაიონებში მალეებული სახელია ქვრიმასი ს. ჯ.). ქურწას მარცვლები ერთად აქვს მოკრებილი, ფარხხას დაშლილი აქვს ცოცხიეთ“.

² B. P. II, 15, 28; გეორგ. II, 46, 67—8.

³ იქვე II, 28.

გვტაცებენ ჩვენ შთელ ოქროსაც, და ამას უწოდებენ ვაჭრობის კეთილსახიერ: სახელსა“-ო¹.

ეგრისის საგარეო ვაჭრობის შესახებ პროკოპის გამგრძელებელი, ბიზანტიელი მემატინე, აგათიაც გვამცნობს, რომ არგონავტების კოლხეთში მოსვლის შემდეგ აქაურმა მცხოვრებლებმაც ხელი მიჰყვეს ზღვაოსნობას და დიდ სარგებელს იღებენ ვაჭრობისაგანაო: „იმ დროს, როდესაც წინანდელ მცხოვრებლებს ამ მხარისას სრულიად არ სცოდნიათ ზღვის დადებითი თვისებები, წარმოიდგინეთ არც კი გაეგონათ ხომალდის სახელი მანამდე, სანამ მათთან არგოს ნავი მივიდოდა, ეხლანდელი მცხოვრებლები დასცურავენ კიდევ, რამდენადაც შესაძლოა, და ვაჭრობაშიაც ნახულობენ დიდ სარგებლობას“².

აღებ-მიცემობდა ეგრისი, ისე როგორც მისი წინაპარი კოლხეთი, ყველა მეზობელ ქვეყანასთან—ქართლთან, სომხეთთან, ამათი მეშვეობით შესაძლოა სხვა აღმოსავლეთის ქვეყნებთანაც, ჩრდილოეთ-კავკასიასთან და, განსაკუთრებით კი, აღმოსავლეთ რომის იმპერიასთან და ამ უკანასკნელის სხვადასხვა პროვინციებთან, კერძოდ, პონტოსა და ყირიმთან: ყირიმიდან შემოჰქონდათ ეგრისელებს მარლი.

რომთან ვაჭრობა უმთავრესად ზღვის გზებით უწარმოებიათ. „ყველაფერი შემოაქვთ მათთან ნავებით, რომაელთა სანაპიროებიდან“, ძველად ეგრისელები „მუდამ აწარმოებდენ პონტოში მცხოვრებ რომაელებთან საზღვაო ვაჭრობას“-ო, ამბობს პროკოპი³.

ამასვე მოწმობს აგათიას ზემოთმოტანილი ჩვენებაც. მაგრამ, უეჭველია, რომის იმ პროვინციებთან, რომელნიც დას. საქართველოს სამხრეთიდან ესაზღვრებოდენ, ეგრისს სახმელეთო მიმოსვლაც ჰქონდა. ხმელეთის გზებით იყო დაკავშირებული ეგრისი, როგორც | თავისთავადაც გასაგებია, ქართლთან, სომხეთთან და ჩრდილოეთ კავკასიასთან.

ეგრისის დიდი გზების შესახებ დიდად საყურადღებო ცნობები დაცული აქვს ე. წ. „ტაბულა პეტინგერიანას“, ანუ ძველ რომაულ

¹ იქვე II, 15.

² აგათია III, 5, პროფ. ს. ყაუხჩიშვილის თარგმანი, გეორგია III, 50—51; ჩვენ ვისარგებლეთ აღნიშნულ ტომის გამოკვეყნებამდის ამონაბეჭდით, პროფ. ს. ყაუხჩიშვილის ნებართვით, რისთვისაც მას გულითად მადლობას მოვახსენებთ.

³ B. P. II, 28 და 15; გეორგ. II, 67 და 46.

მსოფლიო რუკას, რომელიც შედგენილია კასტორის მიერ IV ს. მეორე ნახევარში, მაშასადამე, აქ აღებულ ხანას წინ უსწრებს ორი საუკუნით¹. ეს რუკა ორ გზას უჩვენებს: ერთი ტრაპეზუნტიდან ნაპირით მოდის, ფაზისზე გაივლის და სევასტოპოლისში (ქართულ ცხუშში) თავდება; ამ გზაზე ძვეს, სხვათა შორის, მერმინდელი პეტრაც (ციხისძირი). მეორე გზა იმავე სევასტოპოლიდან იწყება და სომხეთის დედა-ქალაქ არტაშატისაკენ მიემართება.

უჩვენებელია რომ სევასტოპოლისიდან უკვე მაშინაც, ისე როგორც შემდეგში, გზა გადიოდა: ჩრდ. კავკასიაში. ეს გზა კოდორის ხეობას მიჰყვებოდა და ყუბანის ზემოთა შენაკადების ხეობებში გადადიოდა (ქლუხორის ზეკარით, როგორც ეს შემდეგში იყო). ჩრდილოეთისაკენ ეგრისის სხვა გზებიც ჰქონდა: ენგურის ხეობით, სვანეთზე, და რიონის ხეობით.

ყოველივე მოწმობს, რომ გარე სამყაროსთან ამ დროს ეგრისის ცხოველი ურთიერთობა აქვს.

ამიტომ სრულიად ბუნებრივია, რომ ყველაფერს რაც ამათუი მხრით ამ საგარეო ეკონომიურ ურთიერთობას შეეხებოდა, მისი გაძლიერების თუ შესუსტების, ან მთლიანი მოსპობის მიზნით, ეგრისში სათანადო რეაქცია უნდა გამოეწვია. შემდგომი დაკვირვების საგანი უნდა იყოს ეგრისის საზოგადოების სხვადასხვა ჯგუფების დამოკიდებულება ცვლილებებისადმი აღწერილ ურთიერთობაში.

ეგრისის მხარეთველ წარმების განვითარება კონსტანტინოპოლის მთავრობის ამოცანების განხორციელებას ეგრისში სწორედ ის შეეჯავნული მუშტი სჭირდა, რომელსაც მათთვის უმთავრეს სიმაგრეებში, განსაკუთრებით-კი, პეტრაში დაბანაკებული ჯარები წარმოადგენდნენ. ეზლა, რომაელებს თავისუფლად შეეძლოთ ემოქმედნათ, ეკრძოდ, თავიანთი ნება ეკარნახებინათ ეგრისის მეფისა და მმართველ წრეებისათვის. ამას მშვენიერად ჰხედავდნენ და გრძნობდნენ ეგრისის დაინტერესებული პირები და ჯგუფები იგივე პროკოპი კესარიელი ეგრისელ წარჩინებულებს, ეგ-

¹ Miller K., Weltkarte des Kastorius, genannt die Peutingersche Tafel, Ravensburg, 1888, და მილერისავე სხვა გამოცემები.—ამ რუკის ცნობების დაწვრილებითი ანალიზისათვის იხ. ჩვენი „ძველი საქართველოს გზები და ქალაქები“.

რისის მეფის ელჩებს, ასეთი ბრძოლებს ათქმევინებს: „საჭიროა ითქვას ზოგიერთი ბოროტების შესახებ, რაც ჩაიდინეს ჩვენს წინააღმდეგ წყეულმა რომაელებმა. ჩვენს მეფეს ხომ მეფობის მხოლოდ გარეგნული ნიშნები დაუტოვეს, ხოლო ძალაუფლება საქმეებში თვითონ მიითვისეს; მეფეც მოსამსახურის ბედში იმყოფება და განმკარგულებელი სტრატეგოსის ემინია. უამრავი ჯარიც ჩაგვიყენეს, მაგრამ არა იმიტომ რომ დაიცვან ქვეყანა შემწუხებელთაგან (მოსაზღვრებიდან სხვა ხომ არავინ გვაწუხებდა ჩვენ, ვარდა რომაელებისა), არამედ რათა დაემწყვდიეთ ჩვენ როგორც დილეგში (ციხეში) და ჩვენს ქონებას დაპატრონებოდნენ“-ო¹.

„მწარე მიმძლავრება“, ეგრისის თავზე აღმართული, უწინარეს ყოვლისა, ახალი პოლიტიკური ვითარება, მწვავედ სცემდა სამეფო სახლის ინტერესებს. ადგილობრივ არისტოკრატიაში-კი, შესაძლოა, ისეთი ჯგუფებიც არსებულებოდნენ უკვე ამ დროს, რომელნიც გულგრილი, თუ არ მოხარული, მოცქირალნი იქნებოდნენ დატრიალებულ ამბებისა. ჩვენ ვგაქვს კანტი-კუნტი ცნობები მეფის უკმაყოფილო წარჩინებულთა შესახებ. ასევე განსხვავებულად, მაგრამ მაინც ბევრად უფრო ერთსულოვნად უნდა შეხვედროდნენ ეგრისის მმართველი წრეები თავიანთი ინტერესების შელახვას საგარეო ვაჭრობის სფეროში. საგარეო აღებ-მიცემას მათთვის ამ დროს საარსებო მნიშვნელობა უნდა ჰქონოდა.

თუ გულდასმით ჩაუფიქრებდით ზემოთ განხილულ ცნობებს ეგრისის საგარეო სააღებ-მიცემა ურთიერთობის შესახებ, დავრწმუნდებით, რომ მთავარი ადგილობრივი კონტრაქტი ამ პროცესში არის ეგრისის მეფე და წარჩინებული წოდება. ჯერ ერთი, შემოტანილი საქონლის მთავარი მომხმარებელი სწორედ ეს წრე უნდა იყოს. ცხადია, მაგ., რომ საზღვარგარეთული ძვირფასი ღვინო მდიდარ აზნაურებს სჭიროდათ, ხალხი ადგილობრივ მაღალრსაც დასჯერდებოდა. იგივე აზნაურები იყვნენ, ცხადია, შემოტანილი პურის მომხმარებლები, მდაბიონი, უეჭველია, მამაპაპეულ ფერვითა და მის მსგავს მარცვლეულით ოკვებებოდნენ. ზედმეტია იმის იტყვიება, რომ უცხოური ძვირფასი ქსოვილები და იარაღი, რაც აუცილებლად უნდა შემოეტანათ, აგრეთვე მხოლოდ დიდებულებისათვის იყო მისაწვდომი. საიმპორტო საქონელთა შორის ერთადერთი, ედლოდ ფართო

¹ B. P. II, 15; გეორგია II, 50—51.

მონპარების საგანი, იყო მარილი. შედარებით ფართო დანიშნულება | შეიძლებოდა ჰქონოდა რკინეულობას, რომლის შესახებაც, სამ-
წუხაროდ, არავითარი კონკრეტული ჩვენება არ შენახულა.

მაგრამ ეგრისის მაღალი წოდება იყო არა მარტო მთავარი
შომხმარებელი, არამედ მთავარი მიმწოდებელიც. თვით ფორპა
აღებ-მიცემობისა (ფული ან სულ არ მონაწილეობს, თითქოს, ან
მეორეხარისხოვან როლს ასრულებს, რაც, რა თქმა უნდა, ყველაზე
უფრო სარწმუნოა) მოწმობს რომ ეგრისში ამ დროს ვაჭრების მეტ-
ნაკლებად მნიშვნელოვანი წრე ჯერ კიდევ არ არსებობს. საქონელი,
აღწერილ პირობებში, უმეტეს წილად იმასვე უააქვს ბაზარში, ვინც
მას ამზადებს.

ამ მოსაზრებას მხარს უჭერს თვით გასატან საქონლის ხასია-
თიც. ჩვენ ვფიქრობთ, რომ საქსპორტო საქონელში მთავარი ადგი-
ლი მონებს უნდა სჭეროდეთ, მიუხედავად იმისა, რომ პროკოპის
ცნობებში ისინი ბოლოში იხსენიებიან. ეს იყო ყველაზე ხელსაყრე-
ლი სავაჭრო საგანი: მისი ტრანსპორტის სიიაფე (ხმელეთზე იგი სა-
კუთარი ფეხით დადის, წყალში შეიძლება ნიჩბებზე დაისვას), მისი
შოპოვების შედარებითი სიადვილეც (რადგანაც სათანადო სიძნე-
ლეები ბოლოს და ბოლოს ისეთი ხასიათისა არ არის, რომ შათი დაძ-
ლევა უსიამოვნო და სათაყლო შრომას მოითხოვდეს,—ეს „შრომა“
მოცემულ სოციალურ პირობებში მონადირის „გასართობისა“ და
აზარტიან „სპორტის“ სახესაც-კი იღებს), დიდი საბაზრო მოთხოვნი-
ლება,—ყოველივე ეს მონას ყველაზე სარფიან საქონლად აქცევს.
ასე იყო ეგრისშიაც. მეორე მხარე აღნიშნულ მოვლენისა ის იყო,
რომ მონა იმ დროს, როგორც უკვე ვამბობდით სხვა ადგილას¹, წარ-
მოშობით ტყვეა, უცხო ტომის შვილი. დასავლეთ სა-
ქართველოსათვის მონების მთავარი წყარო, რა თქმა უნდა, იყო
ჩრდილო კავკასია. ძალიან საინტერესოა ამ მხრივ, მაგ., ცნობილ
ქართველ ლექსიკოგრაფის, სულხან-საბა ორბელიანის ცნობა—
„ქ ა შ ა გ ი მოზრდილი ტყვეა“. ქაშაგი იყო ჩერქეზთა სატომო სახელი.
სიტყვამ ამ შემთხვევაში მნიშვნელობა იმიტომ იცვალა (ეთნიკურ
ტერმინიდან სოციალურად იქცა) რომ გარკვეულ ხანაში საქართვე-
ლოში ტყვეები სწორედ ჩრდილო კავკასიაში მცხოვრებ ჩერქეზები-
დან მოჰყავდათ. აღნიშნული ფაქტი, მართალია, უფრო ნაგვიანვე ხა-
ნისაა, მაგრამ იგი დამახასიათებელია ძველი დროისთვისაც.

¹ იხ. ჩვენი „საქართველო აღრინდელ-ფეოდალურ ხანაში“.

ჩრდილოეთ კავკასიის თემებიდან ტყვეების გადმოყვანას-კი შესაფერი ორგანიზაცია ესაჭიროებოდა. ამ საქმის ინდივიდუალურად | გაკეთება შეუძლებელი იყო. მიმხტომნი დარაზმულნი უნდა ყოფილიყვნენ. ამ რაზმების, რომელნიც, ცხადია, არც მცირერიცხოვანნი უნდა ყოფილიყვნენ, სათავეში ეგრისის აზნაურები და, საბოლოოდ, თვით მეფე დგანან. ეს მეფე და დიდი აზნაურები არიან ტყვეების მიმწოდებელნიც ეგრისის სანაპირო ბაზრებში. ამიტომ არის რომ, როგორც უკვე ვამბობდით, მონებით ვაჭრობას ჩვენ დიდ როლს ვაკუთვენებთ საქართველოში ფეოდალურ პროცესების განვითარების საქმისათვის.

როდესაც ეს ტყვეთა გამყიდველნი შედარებით განვითარებულ სოციალურ დიფერენციაციის ნიადაგზე საკმაოდ ფეხს მოიმარებდენ, ისინი უკვე ცდილობენ ამ სახარბიელო საქონლის შინაური წყაროებიც აღმოაჩინონ. აბაზგების შესახებ, მაგ., იგივე პროკოპი გვიამბობს: აბაზგებს „თავიანთი მთავრებისაგან საშინელი ჩაგვრა აქვთ გამოცდილი, იმათი ვერცხლისმოყვარეობის წყალობით. მათი ორივე მეფე, როგორც კი დაინახავდენ ამ ტომში კარგი გარეგნობისა და ლამაზი ტანის ბავშვებს, დაუყოვნებლივ დააშორებდენ მათ შობლებს, ევნუქებად (საჭურისებად) გადააქცევდენ და გზავნიდენ რომაელთა ქვეყანაში, რათა იქ მიეყიდათ მსურველთათვის დიდძალ ფულზე. მათ მამებს-კი მაშინვე კლავდენ, რათა ზოგიერთი მათგანი არ ცდილიყო ოდესმე ეზლო მეფისათვის მათი შვილების მიმართ ჩადენილი უსამართლობისათვის, ხოლო ზოგიერთი ქვეშევრდომთაგანი კიდევ მათთვის საეჭვო არ ყოფილიყო... აქიდან არის, რომ მეტი წილი ევნუქებისა რომაელთა ქვეყანაში, განსაკუთრებით-კი მეფის სასახლეში, ტომით აბაზგები არიან“¹. ჩვეულებრივად, მაინც ამ ხანაში მონა-ტყვე წარმოშობით უცხოელია.

სხვა საქონელიც (ტყავეული, ბეწვეული) ალბათ ამავე წრეების საშუალებით გამოდიოდა ბაზარში. ამ მხრივ საყურადღებოა სხვა ბიზანტიელ მწერლის, მენანდრეს, ცნობა, რომ ეგრისის ვასალი, სვანეთის მთავარი (პეგემონი) თავის პატრონს, ეგრისის მეფეს, ხარკის სახით აძლევდა თაფლსა („ფუტკრების ნაყოფს“) და ტყავებს². ცხადია, ეგრისის მეფეს სვანეთიდან მორთმეული ტყავები გასაყიდად უნდოდა.

¹ H. G. VIII, 3; გეორგ. II, 103—104.

² მენანდრე, ნაწყვ. 11, Dind., გვ. 30.

ყველაფერი ზემოთქმული მოწმობს, რომ საგარეო ვაჭრობას ეგრისის მეფისა და დიდებულებისათვის ამ დროს სასიცოცხლო მნიშვნელობა ჰქონდა და ცხადყოფს, რომ ამ წრეების საგარეო პოლიტიკაშიც სათანადო ინტერესებს ღიდი როლი უნდა ეთამაშნათ. რომ იმდროინდელი საერთაშორისო ურთიერთობა ეგრისის გაბატონებული კლასისა, უმთავრესად, მატერიალურ მომენტიტ იყო განსახლებული, ეს ხატოვანებით გამოხატულია იმ სიტყვებში, რომლებსაც პროკოპი ეგრისის მეფე გუბაზს ათქმევინებს ლაზი დიდებულების მიმართ, ერთ-ერთი ბრძოლის წინ: „საფრთხე არნებობს... ცოლებისთვის, შვილებისთვის, სამშობლო ქვეყნისთვის, ერთი სიტყვით, ყველაფრისათვის... არავინ არ დაუთმობს იმათ, ვინც რასმე ართმევს მას ძალით მისი ქონებიდან, ვინაიდან ბუნება აიძულებს მას იბრძოლოს თავის საკუთრებისათვის“-¹. მართალია, ეს სიტყვები სხვა შემთხვევის გამოა თქმული, მაგრამ ისინი კარგად ააშკარავებენ სტიმულებს, რომელნიც საზოგადოდ ამოძრავებდნენ საგარეო მოქმედებისა და ბრძოლისათვის თავიანთ მთქმელს. საეგზეთ გასაგები ხდება ამიტომ ის რეაქცია, რომელიც ამ მხრივ რომელებმა თავიანთი ახალი ეკონომიკური პოლიტიკით გამოიწვიეს ეგრისის მმართველ წრეებში: ამ წრეებმა თავიანთი სიუზერენისაგან პირი იბრუნეს და ირანულ ორიენტაციას დაადგინეს. ეგრისის მთავრობამ საგანგებო ელჩების საშუალებით საიდუმლო მოლაპარაკება გამართა ხოსროსთან. ირანის შაჰმა სიამოვნებით მიიღო ეგრისის მთავრობის წინადადება ამ ქვეყნის გადასვლის შესახებ ირანელების ყმობაში და გადასწყვიტა, მეგრელების დახმარებით, ძალით გაედევნა რომელები დასავლეთ საქართველოს ტერიტორიიდან. ასე ატყდა ეგრისში დიდი ომი, რომელიც ოც წელზე მეტს გაგრძელდა და რომელმაც უეჭველია ამ ქვეყნის განვითარებაზე მნიშვნელოვანი გავლენა მოახდინა.

**დიდი ომიანობა
ეგრისში**

ომიანობა ეგრისში არსებითად იყო, რა თქმა უნდა, ერთი ეპიზოდთაგანი იმ გაუთავებელი ბრძოლისა, რომელიც საუკუნეთა განმავლობაში წარმოებდა რომსა და ირანს შორის, და საბოლოო

¹ B. G. VIII, 8; გეორგ. II, 118.

ანგარიშით, ამ საერთო ბრძოლის მიზეზებით განისაზღვრებოდა.. გარდა იმ ჩვეულებრივი პირობებისა, რომელნიც საერთოდ იწვევენ ომებს ძველ სამყაროში, აქ სავაჭრო ინტერესებიც დიდ როლს კისრულობენ. ირანი იმთავითვე არის სავაჭრო შუამავალი რომსა და შუა- და შორეულ-აღმოსავლეთის ქვეყნებს შორის, და თავის ტერიტორიით გატარებულ სატრანზიტო საქონელზე (გარკვეულ დროიდან, | განსაკუთრებით, ა ბ რ ე შ უ მ ზ ე) დიდ სარგებელს იღებს.. რომაული საზოგადოების გაბატონებული წრეები ცდილობენ თავი გაითავისუფლონ ამ საკომისიონერო ბევრისაგან. •

მაგრამ ეგრისში, როგორც ნაწილობრივ შემოთაც იყო ნაჩვენები, სპეციფიკური პირობებიც იყო. კერძოდ, ირანის დანტერესება ეგრისით თვით თანამედროვეებს ასე ეხატებოდათ: ჩვენი ჩვეულებრივი მოამბე, პროკოპი კესარიელი, ეგრისის ელჩებს, მაგ., ასეთ სიტყვებს უღებს პირში, როცა ეს ელჩები ხოსროს თავის ქვეყანაში ეპატიჟებიან: „იმ სარგებლობის შესახებ, რომელიც გექნებათ თქვენ ლაზთაგან, თუ მათ თხოვნას შეიწყნარებთ, ეხლავე მოგახსენებთ.. სპარსელთა ძალას თქვენ შეჰმატებთ უძველეს სამეფოს, და მისი საშუალებით თქვენი ჰეგემონიის ღირსება გადიდებული იქნება, ხოლო ჩვენი ქვეყნის ზღვით რომაელთა ზღვას დაუკავშირდებით. აქ თუ ხომალდებს ააგებ, მეფევე, არავითარ სიძნელეს არ წარმოადგენს რომ ბიზანტიონის პალატს მიადწიო. გზაზე ხომ არავითარი წინააღმდეგობა არ შეგხვდება. უნდა დაუმატოთ ისიც, რომ თქვენზე იქნება დამოკიდებული, რომ მოსაზღვრე ბარბაროსებმა ყოველ წელიწადს არბიონ რომაელთა მიწა-წყალი... თქვენ ალბათ იცით, რომ ლაზთა ქვეყანა დღემდე კავკასიის მთების წინააღმდეგ საფარს წარმოადგენდა“-ო¹. ეხლა ძნელი გასაგებია თუ რა სთქვეს ნამდვილად ეგრისელმა ელჩებმა შაჰის კარზე. ჩვენთვის საინტერესოა ისიც, რომ ეს ნათქვამი შემომოტანილი სახითა აქვს წარმოდგენილი თანამედროვე პირსა და ამბების მონაწილეს. სხვა ადგილას იგივე მწერალი ამტკიცებს, რომ ხოსროს „ღირსშესანიშნავ მოპოვებად მიაჩნდა კოლხიდის ქვეყანა ჰქონოდა მტკიცე საკუთრებად მითვისებული, რადგან, მისი აზრით, ირანის ძალაუფლებას ეს დიდ სარგებლობას უოუტანდა. იბერიაც ხომ მომავალში სავსებით მორჩილი იქნებოდა..

¹ B. P. II, 15; გეორგ. II, 52—53.

რადგან იბერებს აღარ ეყოლებოდათ ის ხალხი, ვისთანაც ისინი, განდგომის შემთხვევაში, თავს გადაირჩენდნენ... აგრეთვე ლაზიკის შეზობლად მოსახლე ჰუნებისაგანაც სპარსელთა სახელმწიფო სამუდამოდ დაუბრუნებელი იქნებოდა, ხოლო გაცილებით უფრო ადვილად მიუხედავ იმათ რომაელთა სახელმწიფოს, როცა-კი ეს მისთვის სასურველი იქნებოდა: კავკასიაში მოსახლე ბარბაროსთათვის ლაზიკეა მხოლოდ საწინააღმდეგო ტიხარი. ყველაზე უფრო-კი, მას იმედი ჰქონდა, ლაზიკის მხრით გაძლიერება სპარსელებისთვის იმით იქნებოდა სასარგებლო რომ იქიდან შეტევით ისინი ადვილად შესძლებდნენ თავს დასხმოდნენ, | ხმელეთითაც და ზღვითაც, ეგრეთწოდებულ ევქსინის პონტზე მდებარე სოფლებს, დაემორჩილებინათ კაბადუკიელები, მათი მოსაზღვრე გალატიელები და ბითინიელები და მოულოდნელად დაეპყროთ ბიზანტიელები, ისე რომ მათ ვერაფერს წინააღმდეგობას ვერ გაუწევდა. ა მ ი ტ ო მ უ ნ დ ო დ ა ზ ო ს რ ო ს ლ ა ზ ი კ ი ს შ ე მ ო ე რ თ ე ბ ა“-ო¹.

ეგრისის პოზიციებს, წმინდა სამხედრო თვალსაზრისით, ის მნიშვნელობაც ჰქონდა ირანელებისათვის, რომ სამხრეთში ფრონტი ძალიან ფართოდ იყო გაშლილი, იქ, რომაულ მიწა-წყლის შუაგულში შექრის შემთხვევაში, ირანელებს უკან მტრის ბევრი ციხე-სიმაგრე რჩებოდათ, რაც ზურგიდან შემოვლის საფრთხეს ჰქმნიდა; აქ-კი ირანელებს ზურგი (ქართლი!) სრულებით მტკიცე ჰქონდათ. გარდა ამისა ხოსროს იმედი ჰქონდა, რომ იგი ეგრისიდან კონსტანტინოპოლს დაჰკრავდა ჩ რ დ ი ლ ო ე თ ი ს ხ მ ე ლ ე თ ი ს გ ზ ო თ ა ც, მეოტიდაზე (=აზოვის ზღვა) შემოვლით.

„მას (ე. ი. ხოსროს) გაეგო საიდანღაც,—მოგვითხრობს იგივე პროკოპი,—რომ ევქსინის პონტის მარცხნივ ის ბარბაროსები, რომლებიც მეოტის ტბის ირგვლივ ბინადრობდნენ, უშიშრად არბევდნენ რომაელთა მიწა-წყალს, და მან თქვა: სპარსელებიც, თუ იხინი ლაზიკეს ხელთ იგდებენ, ადვილად შესძლებენ, როდესაც-კი მოისურვებენ, ბიზანტიონამდე მისვლას ზღვაზე გადაუსვლელად, ისევე როგორც სხვა ბარბაროსული ტომები, რომლებიც იქ დამკვიდრებულან,

¹ B. P. II, 28; გეორგ. II, 65—66. ს. ყაუჭიშვილის თარგმანში ჩვენ მიერ ამცირეოდენი ცვლილება შეტანილი.

² B. G. VIII, 7; გეორგ. II, 115—6.

მუდამ დათარეშობენო. ამის გამო იყო რომ სპარსელებმა გადასწყვიტეს ხელთ ეგდოთ ლაზაკე“¹. პროკოპის გამგრძელებელი და იმავე ეპოქის შვილი, ისტორიკოსი აგათია, ასეთსავე შეხედულებას გამოსთქვამს მოცემულ მოვლენების შესახებ. მისი მტკიცებით, ეგრისის დიდი ომის გარკვეულ მომენტისათვის, იუსტინიანეს, ბიზანტიის კეისარს, „აფიქრებდა და აშინებდა ის, რომ თუ სპარსელები ომში გაიმარჯვებდნენ და მთელ ქვეყანას აიღებდნენ, აღარაფერი დააბრკოლებდა მათ უშიშრად შემოეცურათ ევქსინის პონტოთი და ძალიან ღრმად გაეკვალათ გზა რომაელთა სამეფოში“ და ამიტომ ახალი საუკეთესო ძალები გაგზავნა იქა (553 წლისათვის)², ლაზების ერთს წარჩინებულთაგანს, აიეტს, იგივე აგათია ასეთ აზრს | გამოათქმევიანებს ეგრისის მეფის მოკვლის გამო გამართულ ერისკრებაზე: კოლხების „ნებაყოფლობითი“ მიმხრობით ირანელები „მოკავშირედ იძენენ უადრესად გამოსადეგ ქვეყანას და მნიშვნელოვან ჯარს, რაც მათ ფულსა და ქონებას ურჩევნიათ“-ო³.

თუ რამდენად დიდ მნიშვნელობას აძლევდა ირანის მეფე აშსაქმეს, იქიდანაც ჩანს, რომ იგი პირადად ხელმძღვანელობდა სამომარ მოქმედებას. წინასწარი სიფრთხილის ღონისძიებათა დაცვით, რომ მტრის ყურადღება არ გაელვიძებინა, დიდძალი ჯარით ირანის შაჰი 542 წ. მოვიდა ქართლში და აქედან, ლაზი მეგზურების წინამძღოლობით, გადავიდა ეგრისში (შემდგომშიც ირანელებისათვის ქართლია ბაზა): მას შუა კოლხეთში მიეგება ლაზთა მეფე გუბაზი, ეთაყვანა ხოსროს, „როგორც ბატონს, და თავისი თავი სამეფო ძალაუფლებითურთ და მთელი ლაზიკე გადასცა მას“⁴. რადგანაც რომაელთა მთავარი სამხედრო ძალა პეტრაში იყო დაბანაკებული, პირველ რიგში სწორედ ამ ციხე-ქალაქის აღება იყო საჭიროდ მიჩნეული: სასტიკი და სისხლისმღვრელი ბრძოლების შემდეგ ხოსროს ჯარებმა აიღეს პეტრა. მოკლულ იქნა თვით ის ციხეც, რომელმაც ზემოთ აღწერილი როლი ითამაშა ეგრისის ამბებში. პეტრაში ჩაყენებულ იქნა ირანელთა ციხის ჯარი. თვით ხოსრო იძულებული შეიქნა ირანში გაბრუნებულიყო, რადგანაც იქ, თავისი მხრით, რომაელები შეჭრილიყვნენ.

¹ B. G. VIII, 7; გეორგ. II, 115—6.

² აგათია II, 18; პროფ. ს. ყაუხჩიშვილის თარგმ., გცოგ. III, 29.

³ აგათია III, 10; იქვე, III, 70.

⁴ პროკოპი, B. P. II, 17; გეორგ. II, 54.

• 545—6 წ. ირანელებმა და რომაელებმა ხუთწლიანი დროებითი ზავი შეკვეთეს. ამ მშვიდობიანობის გამოყენება ხოსროს, სხვათა შორის, ევრისის საქმეების საბოლოოდ მოწესრიგებისათვისაც უნდოდა. იმდროინდელი ოფიციალური რომაული ისტორიოგრაფია გვარწმუნებს, — ხოსროს განზრახული ჰქონდა მთლიანად აეყარა ევრისის მოსახლეობა და მის მიწა-წყალზე ირანელები და სხვა ხალხები დაესახლებინათ. ყოველ შემთხვევაში ის-კი ცხადი გახდა, რომ ირანის შაჰს გუბაზ მეფის თავიდან მოცილება სურდა და მისი მოკვლა დაევალებინა ერთი თავისი აგენტისათვის.

ასეთი რადიკალური ღონისძიებანი იმით უნდა ყოფილიყო გამოწვეული. რომ ირანელების მდგომარეობა ევრისში მტკიცე არ გამოდგა. რომაელებთან ვაჭრობის შეწყვეტა ევრისის მმართველ წრეებისათვის, ყოველ შემთხვევაში, ამ წრეების ყველაზე გავლენიან ნაწილისათვის და, უწინარეს ყოვლისა, თვით მეფისათვის, მიუღებელი იყო: ისინი იმთავითვე ზომ იმისთვის იბრძოდნენ, რომ ეს ვაჭრობა თავიანთ სასურველ ფორმებში მოექციათ, და არა იმისთვის, რომ მთლად მოესპოთ იგი. სხვა მხრივაც, როგორც ჩანს, ევრისელები ვერ შეეგუენ ირანელებს. ეხლა კიდევ გუბაზის, რომელიც გადარჩა სიკვდილს, პირადმა განწყობილებამ ხელი შეუწყო ურთიერთობის საბოლოო გამორკვევას: ევრისის მეფე ისევ რომაელების მხარეს გადავიდა. ამის შემდეგ, მთელი ამ ხანგრძლივი ომიანობის დასასრულამდის, ევრისელები ირანელთა წინააღმდეგ ბრძვიან რომაულ რაზმებთან ერთად.

ეს ბრძოლა გაგრძელდა სამოციან წლების დამდეგამდის. გარდა ხანგრძლიობისა, მას სისასტიკე და ძალიან ფართო არე ახასიათებდა. თითქმის არ დარჩენილა დას. საქართველოში ისეთი ადგილი, სადაც მებრძოლთა სისხლი არ დაღვრილიყო.

თავდაპირველად ბრძოლა უმთავრესად პეტრასთან და პეტრასთვის წარმოებს, შემდეგ თანდათანობით ევრისის მთელ ტერიტორიას ედება. ნაწილობრივ (მამასადაძე, წმინდა სამხედრო სტრატეგიულ მიზეზებს გარდა) გამოწვეულია ეს იმ გარემოებით, რომ საომარ მოქმედებაში ებმებიან დასავლეთ-საქართველოს სხვა წვრილი ტომები, რომელთაც საკუთარი ინტერესები აქვთ და ევრისის მე-

¹ პროკოპო. II. P. II, 28.

დისგან მეტნაკლები დამოუკიდებლობით სარგებლობენ ან მიისწრაფიან ასეთი მდგომარეობისაკენ. ბრძოლის მსვლელობაში მთავარ მოწინააღმდეგეებს სულ ახალ-ახალი მაშველი ჯარები მოსდით. საკუთარ ძალებს გარდა იყენებენ, დაქირავების გზით, ჩრდილო-კავკასიელ ნომადებსაც (ჰუნებს, ალანებს). ჯარების რიცხვი ხშირად მეტად შთამაგონებელი ციფრებითაა წარმოდგენილი (30.000 კაცს ანგარიშობენ, მაგ., იმ ირანულ რაზმში, რომელიც გუბაზის განდგომის საპასუხოდ იქნა ეგრისში გამოგზავნილი!). ხშირად იცვლებიან სარდლები, უშუალო სამხედრო მოქმედებას თანსდევს სხვა ხერხებიცა და მოვლენებიც: მოსყიდვა, ლაღატი, ვერაგობა, შური და ჯიბრი.

გუბაზის განდგომის შემდგომ მომხდარ ბრძოლების პირველ ტურში (ირანელთა მხრით სარდლობს მერმეროე, რომაელთა მხრით—დაგისტე) ირანელებმა სასტიკი დამარცხება იწვენიეს (რიონის პირას), თუმცა პეტრა მისმა გარნიზონმა მაინც შეინარჩუნა (549 წ.). ამ გარნიზონის გარდა ირანელთა სხვა ჯარებმა დასტოვეს ეგრისი.

550 წ. ირანელები ისევ შეიჭრნენ ეგრისში, ხორიანეს მეთაურობით. მაგრამ ეს ლაშქარიც სასტიკად დამარცხდა, საღლაც ცხენისწყლის შესართავთან.

ამ დროს აბაზგები აჯანყდნენ რომაელების წინააღმდეგ. ეხლა ისინი უკვე ეგრისის მეფის ყმები აღარ იყვნენ, არამედ უშუალოდ კეისარს ემორჩილებოდნენ (დაწვრილებით ქვემოთ). რომაელ მოხელეების ძალადობისაგან „აბაზგები პირდაპირ აუტანელ მდგომარეობაში ჩავარდნილან“. ისარგებლეს რა ამ არეულ დროთი, აბაზგები გადაუდგნენ კეისარს და ირანელებს მიეკედლნენ (550 წ.); ირანელების ახალმა სარდალმა მათ მძევლები ჩამოართვა სიმტკიცისათვის. ამ სამთავროს ხელში ჩაგდება ირანელებმა უფრო ადრეც სცადეს: პირველ ექსპედიციისავე დროს (542 წ.) ხოსრომ, სხვათა შორის, სცადა აბაზგების ორი ზღვისპირა ციხე-ქალაქის, სებასტოპოლის—ცხუმისა და პიტიუნტ—ბიჭვინტის დაჭერა. ამ სიმაგრეების გარნიზონებმა, რაკი თავდაცვის იმედი არა ჰქონდათ, „გადასწვეს სახლები, საფუძვლამდე დაანგრიეს კედლები“, რომ ამ ადგილების გამოყენება მტერს ვერ შესძლებოდა, და ხომალდებით გავიდნენ სამშვიდობოს. ირანელებმა მართლაც ვეღარ დაიპყრეს ეს ქვეყანა.

ახალი ცდაც ასევე უშედეგოდ დამთავრდა. რომაელებმა ენერგიულად შეუტიეს აბაზგებს, რომელთა მთავარი იმედი იყო ზღვის-

პირას მდებარე ტრაქეას ციხე (სათანადო აღწერილობის შესწავლით ცხადი ხდება, რომ ეს არის დღევანდელი გაგრა). მაგრამ რომაელებმა მოახერხეს ამ ძლიერი სიმაგრის აღება, ნაცარტუტად აქციეს იგი და ბოლო მოუღეს აფხაზთა ურჩობასაც. აბაზგების განდგომას მოჰყვა არეულობა აფშილეთშიაც, რომლის მთავარი ციხეც წიბილი (დღევანდელი წებელდა უნდა იყოს) ეგრისის მაგისტროსმა, ვინმე ტერდეტემ, გუბაზ მეფის მტრობით, ირანელებს გადასცა. მაგრამ ირანელი სარდლის სიბრძნევამ (ციხისთავის ცოლის შეურაცხყოფა სცადა) საშუალება მისცეს გუბაზსა და რომაელებს აფშილეთი ისევ უკან დაებრუნებინათ.

551 წ. რომაელებმა უკვე პეტრას აღებაც მოახერხეს, სისხლისმღვრელ ბრძოლის შემდეგ, ჰუნების სამხედრო დახმარებისა და ტექნიკური მოხერხების წყალობით. მაგრამ რადგანაც, როგორც ჩანს, რომაელებს არ ჰქონდათ მტკიცე იმედი პეტრას შენარჩუნებისა, მათ საფუძვლამდის დაანგრიეს ციხის კედლები, რომ ირანელებს მათთვის კიდევ არ მიეყენებინათ ასეთი ვაი-ვაგლახი. ამის საპასუხოდ ირანელთა ახალმოსული უზარმაზარი რაზმი ეგრისის დედა-ქალაქს არქეოპოლისს (დღევანდელი ნოქალაქევი, მდ. ტეხურის პირას), სადაც რომაელთა რაზმიც იდგა, ალყას არტყამს, მაგრამ სასტიკად მარცხდება და დიდი ზარალით (ამბობენ, რომ ირანელებმა დაჰკარგეს 4000 | მეომარი, 3 სარდალი, 20000 ცხენი)¹ დაიხიეს უკან ქუთაისისაკენ, რომელიც ამ დროს ნაციხვარს წარმოადგენდა, მაგრამ მნიშვნელოვანი იყო სტრატეგიულად (ჰეცეტავდა გზას ეგრისის პროვინციების, ლეჩხუმისა და სვანეთისაკენ) და იქ გამაგრდა.

მიუხედავად ამ დამარცხებისა, საერთო შთაბეჭდილება ისეთი იყო, რომ ირანელების მდგომარეობა ეგრისში სჯობდა რომაელებსას. ამ მდგომარეობას მოუსწრო ახალმა დროებითმა ზავმა, აგრეთვე ხუთი წლით დადებული (552 წ.), რომელმაც, ერთი მხრით, ერთგვარი ფინანსური დახმარება აღმოუჩინა ირანელებს (საზავო პირობებით, რომაელებს დიდი ფულადი სუბსიდია უნდა ეძლიათ მათთვის), ხოლო მეორე მხრით, საშუალება მისცა მათ ჩუმ-ჩუმად განეგრძოთ მუშაობა თავიანთი საქმეების განსამტკიცებლად ეგრის-

¹ B. G. VIII, 14.

² აგათია II, 18.

ში და თვით საომარი მოქმედებაც¹. ამას ხელს უწყობდა ის გარემოებაც, რომ თუმცა გუბაზ მეფე ისევ კონსტანტინოპოლის ორიენტაციისა იყო, ეგრისის მოსახლეობის ზოგიერთი ძლიერი ჯგუფები, კერძოდ სარდლები, რომაელების ძალდომრეობისაგან თავმოებეზრებულნი, უფრო ირანელების მხარეს იხრებოდნენ. ამ განწყობილებების მქონე პირებმა გადასცეს ირანელებს, ქუთაისის პირისპირ მდებარე, ძლიერი უქიმერიონის ციხე. ამან მეტად გააძლიერა ირანელები, რომელთაც განამტკიცეს თავიანთი ხელისუფლება ეგრისის მიწა-წყლის დიდ ნაწილზე და გზა მოუჭრეს ეგრისელებსა და რომაელებს ლეჩხუმისა, სვანეთისა და მთელი ქვემო-იბერეთისაკენ. გუბაზიცა და მისი მოკავშირენიც იძულებულნი იყვნენ მხოლოდ სამალაევებზე ეზრუნათ.

შემდეგ წლებში სამხედრო გამარჯვების სასწორი უფრო ირყევა, რასაც შეიძლებოდა კიდევ უფრო გარკვეული შედეგები მოჰყოლოდა. მოკავშირეებისათვის, ირანელთა ნიჭიერი სარდლის, მერმეროეს, სიკვდილის გამო (553 წ.), მაგრამ შოწინააღმდეგეებმა ამ გარემოებით ვერ ისარგებლეს შინაურ უთანხმოების წყალობით. გუბაზი დამარცხებას რომაელ მხედართმთავრების უტვინობასა და უმოქმედობას აბრალებდა და უჩივლა კიდევაც მათ კეისართან. იუსტინიანემ ზოგი დაბეზრებულთაგანი დასაჯა. ყოველივე ამან კიდევ უფრო გაზარდა შური, შფოთი და განხეთქილება. ბოლოსდაბოლოს ეს მტრობა გათავდა იმით, რომ რომაელმა სარდლებმა ვერაუღლად მოჰკლეს მეფე გუბაზი, შეასმინეს რა იგი თავის მხრით იმპერატორთან წინასწარ.

ამ მკვლელობამ უადრესად არია საქმეები. ლაზები გადაუდგნენ რომაელებს. საერთო აღშფოთებით ისარგებლა ეგრისის წარჩინებულთა ირანოფილურმა ჯგუფმა, რომელმაც მკვლელობაში ბრალი დასდო თვით იუსტინიანეს, და მოითხოვა მასთან ყოველგვარი კავშირის გაწყვეტა და საბოლოოდ ირანის მხარეს გადასვლა. მაგრამ ბოლოსდაბოლოს მაინც კონსტანტინოპოლის ორიენტაციის დიდებულებმა გაიმარჯვეს და კეისართან დეპუტაცია გაგზავნეს თხოვნით—დაესაჯა დამნაშავენი და ეგრისის მეფედ დაენიშნა წათე, გუბაზის უმცროსი ძმა, რომელიც მაშინ კეისრის კარზე ცხოვრობდა. ლაზები მოითხოვედნენ აგრეთვე მათი მამაპაპური ადათისა და სამეფო სახლის უფლებების დაცვას.

¹ აგათია II, 18.

იუსტინიანემ დააკმაყოფილა ეს თხოვნა: მკვლელები დასჯილ იქნენ და ეგრისის ტახტზე დამტკიცებულ იქნა წათე: ლაზები და-
შოშმინდენ და ისევ მხნედ შეუდგნენ ირანელების წინააღმდეგ მო-
ქმედებას, რომელსაც ეხლა უკვე საიმედო პირი უჩანდა.

ერთგვარი შეფერხება გამოიწვია რომაელ მოხელეების უდიერ
ქცევით აღელვებულ მისიმიელების აჯანყებამ. ეს ტომი აგ-
რეთვე ეგრისის მეფის ვასალად ითვლებოდა და, როგორც იმდროინ-
დელ ცნობების ანალიზით ირკვევა, წებელდისა და დალის ხეობაში
ბინადრობდა. ამბოხებულები სასტიკად იქნენ დასჯილნი (555 წ.)¹.

ირანელებმა ახალ სარდლის ხელში, თავდაპირველი გამარჯვი-
ბის შემდეგ, ორი დიდი დამარცხება იგემეს (ერთხელ ქალ. ფაზის-
თან—ფოთთან, სადაც ირანელებმა თითქოს 10000 კაცამდის და-
ჰკარგეს, მეორედ—არქეოპოლისთან), ეხლა კიდევ ისინი იძულებუ-
ლი იყვნენ მტრისათვის ქალ. ვარდიხე დაეთმოთ. ამიტომ ირანე-
ლების სარდალმა, ნახორაგანმა, უმჯობესად მიიჩნია-სამხედრო მოქ-
მედების გაგრძელებაზე ხელი აეღო, ჯარს სათანადო ბანაკი მიუ-
ჩინა და თვითონ ქართლში გადავიდა. ეგრისში დარჩენილი ირა-
ნელი რაზმები და რომაელები კი ერთმანეთს უთვალთვლებდენ
და ომის განახლებისაგან თავს იკავებდენ.

შაჰმა ნახორაგანი ფაზისთან დამარცხების მიზეზად ჩასთვალა,
ქართლიდან დაიბარა და, ირანული პოლიტიკური პედაგოგიის თა-
ნახმად, ბელუჯულმართ სარდალს ცოცხლივ ტყავი გააძრო თავის
თხემიდან ფეხის ტერფაძლის.

რაც შეეხება ეგრისში ომის განგრძობის საკითხს, შაჰი დარ-
წმუნდა, რომ ამ საქმეს მისთვის კარგი ბოლო არ უჩანდა. თუ ეგრი-
სის ფრონტს, სხვასთან შედარებით, თავისი პლუსები ჰქონდა, სამ-
ხედრო მოქმედების პროცესში მისი დიდი ნაკლიც ცხადი გახდა. დიდ-
დაბრკოლებას შეადგენდა ირანელებისათვის, უწინარეს ყოვლისა,
ეგრისში მისასვლელი გზები, რომელნიც, ქართლიდან გადასავალ
ადგილებში (ირანელები ხომ ქართლიდან გადადიოდნენ დას. საქარ-
თველოში), უღრან და გაუვალ ტყეებით იყო დაფარული და დიდი
მასების მოძრაობისათვის საჭირო ხდებოდა ტყის ვრცელი მასივების
სახელდახელოდ გაკაფვა. მეორე დაბრკოლებაც ნაწილობრივ ამავე

¹ მისიმიელებისა და მათი აჯანყების შეაჯებ მოკვი თხრობს ავათია III.

უცხოობასთან იყო დაკავშირებული. ირანელების დიდ რაზმებს საკვების ეგრისში შოვნა არ შეეძლოთ, სურხათი მათ ქართლიდან უნდა მიეტანათ, მაგრამ ასეთ გზებზე ამოდენა სანოვაგის წაღება კაცისა და სახედრის ტვირთით ძალიან ძნელი იყო. მოწინააღმდეგეს-კი ყოველივე სახმარი საგანი იოლად მოჰქონდა ზღვით. დიდი მნიშვნელობა ჰქონდა ირანელებისათვის იმ გარემოებასაც, რომ ჩვეულებრივად (უფრო მცირერიცხოვან გამონაკლის შემთხვევების გარდა) მტრულად განწყობილ მოსახლეობაში უხდებოდათ მოქმედება. ხშირი დამარცხებები ეგრისში უკმაყოფილებას ჰბადებდა ირანის მმართველ წრეებში. მაგალითად, ერთხელ როცა ირანელები ეგრისიდან დიდი ზარალით დაბრუნდნენ, დიდებულებმა „განიზრახეს აშკარად შეთქმულიყვნენ მის (ხოსრო მეფის) წინააღმდეგ და საზარელი სიკვდილით მოეკლათ ის“, „რომელსაც (ე. ი. ხოსროს) ერის დაძლუპველს უწოდებდნენ“. ასეც მოხდებოდაო, „რომ ხოსროს წინასწარ არ შეეტყო ეს და ზონები არ მიეღო და პირფერობით არ მოექონა თავი დიდგვარიანთათვის“¹.

ეხლა, უკანასკნელ დიდ დამარცხებათა შემდეგ, ხოსრომ ზავის დადება გადასწყვიტა.

დიდი ომიანობის შემდეგ იმპერიისათვის ირანელებმა და რომაელებმა ჯერ დროებითი შეთანხმება მოახდინეს სამხედრო მოქმედების არგანახლების შესახებ, ვიდრე უფრო მტკიცე ზავს არ შეჰკარავდნენ.

ეს „მტკიცე“ ზავი, რომელსაც თითქოს ორმოცდაათი წლის ვადა უნდა ჰქონოდა, 562 წ. დაიდო. ამ ხელშეკრულებით, შაჰი ხელს იღებდა ეგრისზე და უთმობდა მას კეისარს, მაგრამ ცალ ფეხს მაინც ამ ქვეყანაში იტოვებდა: ირანელები პრეტენზიას აცხადებდნენ სვანეთზე, ეს კუთხე ჩვენ გვეყუთვნისო. ისინი ემყარებოდნენ იმ ფაქტს რომ ომის დროს სვანები ირანელების მხარეს გადავიდნენ, გაბრაზებულნი იმის გამო რომ გუბაზ მეფემ, რომაულ სარდლობის ჯიბრით, ადათი დაარღვია და სვანებს დაწესებული სანოვაგე არ მიაწოდა. ირანელებისათვის სვანეთს, სამხედრო-სტრატეგიულის გარდა, ის მნიშვნელობაც ჰქონდა, რომ მის ტერიტორიაზე გზად იყო, რომლითაც ჩრდილო-კავკასიელი ტომები („სკვითები“;

¹ პროკოპი, B. G. VIII, 7; ჭეორგია II, 113—114.

როგორც მემატთანე მენანდრე აქემევიენებს ხოსროს¹) გადმოდიდონ. რომაელებიც სვანეთს არ სთმობდენ, და ამ ერთს პუნქტში მოწინააღმდეგენი ვერ შეთანხმდენ. 565 წელს იუსტინიანეს მემკვიდრემ, იუსტინე კეისარმა, ისევ აღძრა საკითხი სვანეთის შესახებ, რომელიც ჯერ კიდევ დაცლილი არ ჰქონდათ ირანელებს. კეისარი მზად იყო ფულითაც-კი ეყიდა ეს ქვეყანა, რადგანაც ირანელების წინააღმდეგ თავდაცვის საქმეში მას დიდ ღირებულებას ანიჭებდა. მაგრამ, კეისარის ელჩის წინდაუხედაობისა და თვით სვანების ირანელებისადმი მიდრეკილების წყალობით, ეს საქმე ისევ ჩაიფუშა². ბოლოსდაბოლოს მაინც ირანელები იძულებული გახდნენ სავსებით აეკვეთათ ფეხი ეგრისიდან და სვანეთიდანაც წაბარგებულყვნენ. ამრიგად, ეს ხანგრძლივი ბრძოლა რომაელების სრული გამარჯვებით დამთავრდა.

ეს იყო ყველაზე დიდი ომი, რომელიც-კი ისტორიას ახსოვს ეგრისსა და ქართლში, VI ს. უწინარეს. მას, უეჭველია, დიდი ცვლილებები უნდა მოეხდინა დას. საქართველოს ცხოვრებაში. ცვლილებები, ჩვენ ვფიქრობთ, დაახლოებით ისეთივე ხასიათისა უნდა ყოფილიყო, როგორიც ქართლშიაც გამოიწვია იმავე ირანულმა პოლიტიკურმა ექსპანსიამ (ზომ სწორედ ირანელების გააქტიურება, V—VI სს. მიჯნაზე ღა მომდევნო ხანაში, იყო მიზეზი კონსტანტინოპოლის მთავრობის საპასუხო ღონისძიებათა და, შემდეგ, თვით სამხედრო მოქმედებისაც). ცვლილებათა მეტნაკლებად ანალოგიურ ხასიათს განსაზღვრავდა აგრეთვე მეტნაკლებად ანალოგიური ხასიათი იმ სოციალურ გარემოსი, რომელშიაც აღნიშნული მოვლენები ვითარდება: ეგრისიც ამ დროს აღრინდელ-ფეოდალური ქვეყანაა. გაბატონებულ კლასს იგივე წარჩინებულთა წოდება შეადგენს. მართალია, და ეს არ უნდა დაგვავიწყდეს, რომ, როგორც უკვე თავის ადგილას ვამბობდით, ეგრისის მეფის ხელისუფლება სხვა ნიადგზეა წარმომობილი, ვიდრე ქართლის მეფისა, და ამიტომ ეგრისში მეფისა და მსხვილ მიწისმფლობელთა მკაცრი ანტაგონიზმისათვის არ არსებობს ისეთი პოზიციური ნიადგაგი, როგორც ქართლში. ამიტომევა, რომ აღწერილ ამბების დასაწყისში ეს ანტაგონიზმი ისე არ არის წარმოჩენილი, როგორც ქართლის შესატყვის ისტორიაში. მაგრამ თანდათანობით აქაც იჩენს თავს სათანადო, თუმც იქნებ უფ-

¹ მენანდრე, ნაწყვ. 11, Dindorf-ის გამოც., გვ. 28.

² იგივე, ნაწყვ. 15, Dind. 36—40; იხ. აგრეთვე იქვე ნაწყვ. 12, 13, 16, 17.

რო სუსტი, წინააღმდეგობა, რომელსაც ჰკვებავს, განსხვავებულ ინტერესთა მქონე, ლოკალურ ფეოდალურ ჯგუფთა და ტომთა სხვადასხვაობის არსებობა. ეგრისშიც, ამ მიზეზით, გარედან მოსული ძალა პოულობს თავის დასაყრდენს ახალგაზრდა ფეოდალურ ძალებში ადგილობრივ მეფის წინააღმდეგ, რომელიც (მეფე) საჭირო არ არის არც რომაელებისათვის და არც ირანელებისათვის: სათანადო პოლიტიკა და მოქმედება ეგრისშიაც, საბოლოო ანგარიშით, მეფის ხელისუფლების დასუსტებას გვაძლევს. სამაგიეროდ, შეცვლილი მდგომარეობით შეიძლებოდა ესარგებლათ გარკვეულ ფეოდალურ წრეებს და, უნდა ვიფიქროთ, რომ ისარგებლეს კიდევაც. საკმარისია ჩავუყვირდეთ მოთხრობილ ამბებს.

უკვე რომაულ ჯარების ჩაყენება ეგრისში, როგორც ვამბობდით, სამართლიანადაა გაგებული დაინტერესებულ პირთა მიერ, როგორც ეგრისის მმართველ წრის (პირველ რიგში, მეფის), „დაპატიმრება“. თანამედროვეებს კარგად ესმით, რომ ეგრისის მეფეს რძმაელები ეხლა „მეფობის მხოლოდ გარეგნულ ნიშნებს უტოვებენ, ხოლო ძალაუფლება საქმეებში თვითონა აქვთ მითვისებული: მეფე მოსამსახურის ბედში იმყოფება და განმკარგულებელი სტრატეგოსის ეშინია“¹. მაგრამ რაც უფრო მეტად ებმება კონსტანტინოპოლის მთავრობა ეგრისის გამო ბრძოლაში, რაც უფრო ძლიერი ადმინისტრაციული ყურადღების მიქცევა უხდება მას ამ ქვეყნის საქმეებისათვის, მით უფრო ბუნებრივად იზრდება ეს „განმკარგულებელი“ როლი სტრატეგოსისა, ე. ი. კეისრის ადგილობრივ უზენაეს მოხელისა.

ამ გარეგან ტენდენციას ხედება სათანადო განწყობილება ეგრისის წარჩინებულთა ზოგიერთ წრეებში. ფაქტები მეფის წინააღმდეგ განწყობილ ჯგუფების არსებობისა საკმაო რაოდენობითაა მოღწეული. ირანელების ვერაგი განზრახვის, გუბაზ მეფის მოკვლის, შესრულების იარაღად არჩეულია ერთი წარჩინებული აზთაგანი (τῆς τῆς Ἰβλίου ἑξ Ἰβლ

¹ B. P. II, 15; გეორგ. II, 50.

² იქვე II, 29; გვ. 69—70.

მაინც უნდა შერჩეს. უფრო მნიშვნელოვანია მეორე ლაზი წარჩინებულის, ტერდეტეს (Λαζος δὲ εἶναι Ἰαζῶν; λαζῶν), „რომელსაც ეგრეთწოდებული მაგისტროსის უფლება ეპყრა ამ ხალხში“ (ე. ი. დიდი თანამდებობის პირი იყო), ამბავი: ტერდეტემ სახელმწიფო ღალატი ჩაიდინა (წიბილის ძლიერი ციხე ირანელებს გადასცა) იმიტომ, რომ „ლაზთა მეფე გუბაზთან წაჩხუბებული იყო და მასთან უკმაყოფილება ჰქონდა“¹. იხსენიება კიდევ ერთი ლაზი, „ლაზებს შორის წარჩინებულნი“, არქეოპოლისის მცხოვრები, რომელიც „ღალატობს სამშობლოს“ და ირანელებს ჰპირდება, რომ მათი იერიშის დროს ცეცხლს წაუყიდებს ეგრისის სასურსათო ბეღლებს². შემდეგ, ვინმე თეოფობი, „კაცი არა უაზონ“ (ἄνθρωπος οὐκ ἄσῳτος) ღალატით აძლევს ირანელებს ეგრისის ციხეს, უქიმერიონს³. იხსენიებიან აგრეთვე სხვა უფრო წვრილი რენეგატები და შინათგამცემენი.

რომ ეგრისის ფეოდალურ წრეებში სხვადასხვა ინტერესებისა და, ამიტომ, სხვადასხვა საგარეო ორიენტაციის მქონე ჯგუფები არსებობდნენ, ეს განსაკუთრებით რელიეფურად ჩანს იმ ცნობებიდან, რომელნიც აღწერენ გუბაზ მეფის მოკვლისადმი დამოკიდებულებას ამ წრეებისას. მართალია, ამ საზიზღარო აქტის გამო „ლაზთა მთელი ჯარია აღელვებულნი“⁴, მაგრამ, განსაკუთრებით, „საგონებელში ქვეყნის მმართველები არიან ჩაცვივნულნი“⁵. მათ არ იციან, რა ქნან, რა მოისაზრონ. ბოლოს, ერთს მიყრუებულ ხეობაში, ერისკრებას იწვევენ, რომელმაც უნდა საგარეო ორიენტაციის საკითხი გადასწყვიტოს. ეს კრება მეტად საინტერესო მოვლენაა. იგი მოწმობს რომ ეგრისში VI ს. კიდევ არსებობდა გვაროვნული წყობილების ეს გარდმონაშთი, საერო კრება, რომელსაც განსაკუთრებულ შემთხვევებში იწვევდნენ. მაგრამ ცხადია რომ იგი, თავისი შეზღუდულ ფუნქციის გარდა, სხვა მხრივაც მნიშვნელოვნად განსხვავდება თავის წინაპრისაგან. კერძოდ, აშკარაა, რომ მისი სადავე წარჩინებულებს უპყრიათ ხელთ. კრებაზე „მრავალ-

¹ პროკოპი, B. G. VIII, 10; გეორგ. II 131.

² იქვე, VIII, 14; გვ. 160.

³ იქვე, VIII, 17.

⁴ აგათია, III, 4.

⁵ იქვე, III, 8.

მა (სამწუხაროდ, აღნიშნული არ არის, ვისგან შესდგება ეს სიმრავლე. ს. ჯ.) წარმოთქვა სიტყვა; ზოგი ერთ | წინადადებას იძლეოდა, ზოგი კიდევ—სხვას. იყო უთავბოლო და არეული. ყვრილი; კაცი ნათლად ვერ გაარკვევდა ვერც იმას, თუ ვინ ლაპარაკობდა, ვერც იმას, თუ რას ამბობდა. მაშინ დიდებულე ბქა (ὁ δὲ βασιλευσ-
 τας) მოუწოდეს ხალხს სიწყნარე და ეცვათ. ყოველი მსურველი, ვინც არ უნდა ყოფილიყო ის, წყნარად გამო-
 სულიყო და ეთქვა თავისი წინადადება, როგორც შეეძლო¹. ამის შემდეგ კრების ხელმძღვანელობა წარჩინებულთა ხელში გადადის. „იყო წარჩინებულთა შორის ერთი (ἀνὴρ δὲ τις τῶν
 λίγουστων) სახელად აიეტი. ის ყველაზე უფრო მძიმედ გრძნობდა მომხდარ ამბებს და წუხდა; სხვათა შორის, რომელთა მო-
 ძულე იყო და მუდამ სპარსელების მომხრე“². რაკი მისმა პირველმა სიტყვამ სათანადო შთაბეჭდილება ვერ მოახ-
 დინა, აიეტი „აღელვებული წამოდგა, შუაში გავიდა და ილა-
 პარაკა ისე, როგორც სახალხო საბჭოში (ἐν δημοκρατείᾳ
 βουλευσῆσι) ლაპარაკობენ“¹. აიეტმა მოახერხა ბოლოსდობლოს.
 „მთელი ხალხის აღფრთოვანება“, რომელიც მას „სიხარულის ყვი-
 რილით“ მიემხრო. მაგრამ მოწინააღმდეგე პარტიასაც ჰყოლია თავისი დახელოვნებული ორატორები: „ერთი ვინმე, სახელად ფარტა-
 ზი, კაცი, კოლხთა შორის გავლენიანი, გონიერი და თავისი
 ქცევით მეტად მდაბიური“, რომლის „რიდი ჰქონდათ“². მის თანამეტომეებს, კრების „შუაში წამოდგება“ და აიეტის საბუთე-
 ბის დარღვევას ცდილობს. ფარტაზი რომაული ორიენტაციისაა. ფარ-
 ტაზი იმარჯვებს: მას ეხმარება ერის არისტოკრატია და აზნაურობა—„რადგან ფარტაზის აზრმა გაიმარჯვა. ერის
 წარჩინებულმა და კეთილშობილმა კაცებმა (ὁ δὲ βῆσις: ἄλλ’ ἐπαρξίμαι τῶν εὖ νοσῶν) აცნობეს იუსტინიანე მეფეს ის,
 რაც გუბაზის გარშემო მოხდა“². ჩვენ ზემოთ უკვე განვმარტეთ, თუ როგორი რეალური პირობებით უნდა ყოფილიყო განსაზღვრული
 ლაზურ არისტოკრატის ამ უძლიერეს ჯგუფის საგარეო ორიენტა-
 ცია. მაგრამ გარკვეული რეალური პირობები განსაზღვრავდნენ მის

¹ იქვე, პროფ. ს. ყაუხჩიშვილის თარგმანი, გეორგ. III, 63—4.

² იქვე, III, 11—14; გეორგ., III, 71—81.

შემდგომს კონკრეტულ ნაბიჯებსაც: ვასალობის არსებული ფორმის რადიკალური შეცვლა მოცემულ ისტორიულ გარემოში (ვგულისხმობთ ეგრისის მიმდინარე დიდი ომიანობის მიერ შექმნილ პირობებსა და ურთიერთობას) შეუძლებელი იყო, რა თქმა უნდა. ადგილობრივი მეფე ვასალი რომაელებს ჯერ კიდევ აუცილებლად სჭირვალდათ. ლაზურ არის|ტოკრატიას მხოლოდ ის უნდა ემეცადინა, რომ მისთვის მაქსიმალურად სასურველი კაცის კანდიდატურისათვის შოებოვნებინა კონსტანტინოპოლის მთავრობის დასტური. ბიზანტიონში ჩასული ეგრისელი ელჩები სთხოვენ იუსტინიანეს: ... „დაუსჯელს ნუ დასტოვებ ამ ბოროტმოქმედებს და მეფედ ვინმე უცხოელს, არათვისტომს, კი ნუ დაგვიყენებ, არამედ წათე გამოგვიგზავნე, გუბაზის უმცროსი ძმა, რომელიც აშეამად ბიზანტიონში ცხოვრობს, რათა დაცულ იქნეს მამაპაპური წესი და ძველი სამეფო გვარი შეურევნელი დარჩესო“¹. იუსტინიანე მიზანშეწონილად სცნობს ამ თხოვნის დაკმაყოფილებას: მის მიერ ეგრისის მეფედ დამტკიცებული წათე მოდის სამშობლოში, „რომელთა მეფისაგან მიიღო მას, როგორც ეს ძველითაგანვე დაწესებული იყო, მამაპაპეული ხელისუფლება და საამისო ნიშნები (აქ აღწერილია წათეს სამეფო სამოსელი)“². წათე დიდი ზეიმითა და ბრწყინვალეობით მიიღეს ეგრისში. იგი „ჩაუდგა სამეფოს სათავეში, შეუდგა ამიერიდან საქმეების მოწესრიგებას და უვლიდა თვისტომთ, როგორც მას სურდა და როგორც მას მამაპაპური წესი უკარნახებდა“³. ჩვენ ძალიან გვეჩქვება, რომ წათე ისე მართავდა „როგორც მას სურდა“. პირიქით, აშკარა გვეგონია: წათეს ხელისუფლება ისეთ პირობებში დაიბადა, რომ იგი ბევრად უფრო ვიწრო მოცულობისა უნდა ყოფილიყო, ვიდრე გუბაზის ძალაუფლება—ერთი მხრით, იგი ბევრად უფრო დამოკიდებული უნდა ყოფილიყო რომაელებზე, ხოლო, მეორე მხრით,—ბევრად უფრო შეზღუდული ეგრისის წარჩინებულთაგან. უკანასკნელს მოწმობს, მაგ., ის ფაქტი, რომ რომაელებმა ეგრისში გუბაზის მკვლელთა საჯარო გასამართლება მოაწყვეს, სასამართლოში ბრალმდებლებად გამოვიდნენ „დ ა რ ბ ა ი ს ე ლ ი კ ო ლ ხ ე ბ ი, რომელთაც უკვე

¹ აგათია, III, 14; გვ. 82.

² იქვე, III, 15.

³ იქვე, III, 15; გეორგ. III, 85.

კარგა ხანია შეესწავლათ ელინური ენა“¹. მომჩივანნი ეგრისის წარჩინებულნი არიან: ეგრისის მეფის ხელისუფლება აშკარა დაქვეითების გზაზე იდგა.

არა ნაკლებ არყევდა ამ ხელისუფლებას ცალკე ტომთა, წინათ ეგრისის მეფის ყმათა, პარტიკულარისტული ტენდენციები (სვანების, მისიმიელების, შესაძლოა, აგრეთვე აფშილებისაც), რომელი ტენდენციებიც თავისი საკუთარი წყაროებით იკვებებოდა, მაგრამ რომელთაც გარეშე ძალა აქვზებდა და ხელს უმართავდა, საკუთარ ინტერესების სასარგებლოდ.

მდგომარეობა აშხა შემოში სპეციალურ ყურადღებას იპყრობს აბაზგის ამბები აღებულ ხანაში, აღწერილი იმავე წყაროების მიერ.

პროკოპი კესარიელის ცნობით, „აბაზგები ძველითგანვე ლაზების ქვეშევრდომები იყვნენ, ხოლო მუდამ ჰყავდათ ორი თვისტომი მთავარი. ამათგან ერთი დადგენილი იყო დასავლეთის ნაწილში, ხოლო მეორე—აღმოსავლეთისაში“². გარკვეულ დროიდან აბაზგებს უკვე დამოუკიდებლად უქირავთ თავი. აბაზგების განკერძოებითი ტენდენციები ალბათ იმავე პერიოდში მქლავნდება, როცა წყაროები კონკრეტულად მიუთითებენ სვანეთის განდგომაზე ლაზიკისგან, ე. ი. მეხუთე საუკუნის დამლეკს, ან, შესაძლოა, ცოტა უფრო გვიანაც. უნდა ვიფიქროთ, რომ აბაზგთა მთავრების ამ შედარებითი გაძლიერების ხანას გულისხმობს ის ცნობები, რომელიც აბაზგების მფლობელთა დესპოტიას გვიხატავს. „აბაზგებს—ამბობს პროკოპი—თავიანთი მთავრებისაგან საშინელი ჩაგვრა აქვთ გამოცდილი, იმათი ვერცხლისმოყვარეობის წყალობით. მათი ორივე, მეფე, როგორც-კი დაინახავდენ ამ ტომში კარგი გარეგნობისა და ლამაზი ტანის ბავშვებს, დაუყოვნებლივ დაამორებდენ მათ მშობლებს, ევნუქებად (საჭურისებად) გადააქცევდენ და გზავნიდენ რომაელთა ქვეყანაში, რათა იქ მიეყიდათ მსურველთათვის დიდძალ ფულზე. მათ მამებს-კი მაშინვე კლავდენ, რათა ზოგიერთი მათგანი არ ცდილიყო ოდესმე ეზლო მეფისათვის მათი შვილების მიმართ ჩადენილი უსამართლობისათვის, ხოლო ზოგიერთი ქვეშევრდომთაგანი კიდევ მათთვის საეჭქო არ ყოფილიყო. ამრიგად, შვილების სილამაზე მათთვის და-

¹ იქვე, IV, 2; გვ. 127.

² B. G. VIII, 3; გეორგ. II, 103.

ლუპვის მომასწავებელი იყო, ვინაიდან ისინი ილუპებოდენ საცოდავნი, შვილების საბედისწერო სილამაზით გაუბედურებულნი. აქიდან არის, რომ მეტი წილი ევნუქებისა რომაელთა ქვეყანაში, განსაკუთრებით-კი—მეფის სასახლეში, ტომით აბაზგები არიან¹. ცნობა მეტად კონკრეტული, ნიშანდობლივი და, ამიტომ, უადრესად საყურადღებოა. მეექვსე საუკუნის დამდეგისათვის, როდესაც, ჩანს, ეს ამბები ხდება, აბაზგებს განვითარების საკმაოდ გრძელი გზა ჰქონიათ განვლილი. მეფეების ვერცხლისმოყვარეობა, მათ მიერ ტყვისყიდვის (და, მაშასადამე, მონათვაჭრობის) მოწყობა ესოდენ ფართო სარეწავეს სახით, ამ გზით დიდძალი შემოსავლის მიღება,—ყოველივე ეს მიუთითებს სააღებ-მიცემო პროცესების მოცულობასა და სასიათზე ქვეყნის ცხოვრებაში. თუ ეს მთავრები საკუთარ ქვეშევრდომებსაც არ ინდობდენ, რა ხელს დააკლებდენ სხვისას, ან, საერთოდ, მეზობელ ტომთა მოსახლეობას! ამიტომ, უეჭველია, რომ აბაზგთა მთავრებს ტყვის მოტაცება, სათანადო სამხედრო ექსპედიციები მონების საშოვრად და მოსარბევად, ჩვეულებრივ ხელობად ექნებოდათ გადაკეული. ამ გარემოებას განსაკუთრებით უნდა გაეზარდა მთავართა სამხედრო რაზმების მნიშვნელობა. ასეთ ძალაზე დამყარებას შეეძლო აღმოეცნებინა აბაზგთა მფლობელების ზემოთ აღწერილი დესპოტია. ასევე უეჭველია, რომ თვით საზოგადოების შიგნითაც მთავართა ხელისუფლებას სჭიროდა და ჰქონდა ერთგვარი სოციალური მისანდობელი, საყრდენი. ყოველივე ეს უკვე საკმაოდ განვითარებული საზოგადოებრივ დიფერენციაციას გვაგულისხმებინებს. მართლაც, თუ აბაზგების მთავრებს ჰყავდათ ისეთი ქვეშევრდომები, რომელნიც „შვილების საბედისწერო სილამაზით გაუბედურებულნი“ იყვნენ, თუ ზოგნი ამ ქვეშევრდომთაგან „საექვოლაც“ გამოიქეირებოდენ და მათ მიმართ ჩადენილი უსამართლობისათვის მეფის მოსისხლე მტრებად იგულისხმებოდენ, სამაგიეროდ, ისეთი ხალხიც უთუოდ იქნებოდა, რომელიც ამ დესპოტებს სანდოდ და ერთგულად მიაჩნდათ. ადრინდელ-ფეოდალური ხანათის საზოგადოებრივი ფენიანობა, ერთი მხრით, სხვადასხვა ფეოდალური თუ, საერთოდ, გაბატონებული ჯგუფები, მეორე მხრით,—აბაზგის ეს სოციალური სურათი, მოცემულ ხანაში, თვალსაჩინოა.

¹ გეორგ. II, 103—4.

სოციალური დიფერენციაციის განვითარებას მოწმობს წყაროებში მოხსენებული ფაქტი, რომ, მეექვსე საუკუნის ორმოცდაათიან წლების დამდეგს, ირანელების სარდალი ნაზედი, რომელიც: ჯარით ჩადგება, რომაელებისა და ლაზებისაგან განდგომილ, აბაზგების ქვეყანაში, სიმტიციისათვის მოსახლეობას გამოართმევს მძევლებს—ს ა მ ო ც ბ ა ვ შ ვ ს წ ა რ ჩ ი ნ ე ბ უ ლ თ ა გ ვ ა რ ე ბ ი დ ა ნ, $\alpha\alpha\beta\delta\epsilon\zeta\eta\theta\iota\kappa\lambda\mu\nu\pi\rho\sigma\tau\upsilon\phi\chi\psi\omega$ $\xi\eta\theta\iota\kappa\lambda\mu\nu\pi\rho\sigma\tau\upsilon\phi\chi\psi\omega$ $\xi\lambda\mu\pi\epsilon^1$. აქიდან ჩანს, რომ ქვეყნის ბატონ-პატრონი სწორედ წარჩინებულნი არიან და რომ ეს წოდება ამ დროისათვის საკმაოდ მრავალრიცხოვანია. სოციალურ ფენიანობის შესახებ აბაზგიაში უაღრესად ნიშანდობლივი ცნობაა, აგრეთვე, ცნობა მათი გაქრისტიანების შესახებ, რაც დაწვრილებით ქვემოთ იქნება განხილული.

შემდეგი ამბების გაგებისათვის საჭიროა მოვიგონოთ აფხაზეთის პოლიტიკური ვითარება VI ს. მომდევნო პერიოდში, განსაკუთრებით, იუსტინიანეს მეფობაში, პროკოპი კესარიელის ცნობებით უნდა დავასკვნათ, რომ რომაელები შავი ზღვის აღმოსავლეთ სანაპიროზე განსაკუთრებულ ყურადღებას აქცევდნენ თანამედროვე აფხაზეთს. ეს ავტორი მოგვითხრობს, რომ „პირველ ხანებში რომაელ ჯარისკაცთა რაზმებს ეკირათ მთელი ადგილები ტრაპეზუნტის საზღვრებიდან დაწყებული ვიდრე სანიგების ქვეყნამდე (აქ „სანიგების ქვეყნად“ ავტორი თანამედროვე სოხუმის რაიონს გულისხმობს, ს. ჯ.)... ამჟამად კი მათ დარჩათ მხოლოდ ეს ორი სიმაგრე (ე. ი., პიტიუნტი და სევასტოპოლისი^{*}, ანუ დღევანდელი ბიჭვინტა და, მიახლ., სოხუმი, ს. ჯ.), სადაც ჩვენ დრომდე ჰქონდათ სადარაჯოები“². აქ ალბათ იგულისხმება მეექვსე საუკუნის ოციანი წლების დამდეგის ხანა. ავტორის წარმოდგენით, ამ მკომენტში დასავლ. საქართველოს ტერიტორიაზე რომაელთა გარნიზონები სხვაგან არსად დგას, გარდა თანამედროვე აფხაზეთის სანაპიროსი. აღნიშნული ფაქტი ნაწილობრივ ალბათ იმ გარემოებასთანაც არის დაკავშირებული, რომ აღებულ დროისათვის რომაელებს უკვე მოუხერხებიათ აბაზგების რაიონის ერთგვარი გამოთიშვა ეგრისის სამეფოს პოლიტიკური

* ამ სიტყვის გასწვრივ დედანში ავტორისავე ხელით წერია: „მაშასადამე, ამ დროს ჯერ კიდევ სევასტოპოლი აბაზგის საზღვრებში მოდის“!

¹ B. G. VIII, 9; გეორგ. II, 125.

² იქვე, VIII, 4; იქვე, 106-7.

სისტემიდან. ცხადია, რომ კონსტანტინოპოლის მთავრობა იძულებული გამხდარა განსაკუთრებული ღონისძიებანი განეხორციელებინა ამ მხარის შემოსამტყიცებლად. ყველაფერი იმაზე მიუთითებს, რომ რომაელებს აქ განსაკუთრებული ინტერესები ჰქონდათ. უეჭველია, რომ ეს ინტერესები მნიშვნელოვნად იყო დაკავშირებული ზემოთ მოთხრობილ მონისა და „ტყვის“ ვაჭრობასთან. აბაზგების ქვეყანაშივე იწყებოდა ჩრდილოეთისაკენ მიმავალი, უადრესად საყურადღებო საულელტეხილო გზები, რომელნიც, უწინარეს ყოვლისა, ცოცხალი საქონლის, მონების, გამტარებელ არხებს წარმოადგენდენ.

ამ სანაპიროს დიდი მნიშვნელობა ჰქონდა სამხედრო-სტრატეგიული თვალსაზრისითაც: აქ მდებარეობდა ჩრდილო-დასავლეთიდან დასავლეთ საქართველოში მომავალთათვის ისეთივე კარები, როგორიც იყო სამხრეთ-დასავლეთიდან მომავალთათვის პეტრა (თანამედროვე ციხისძირი)—ვეჯლისხმობთ გაგრა—ტრაქეას. ყოველივე ეს აფხაზეთის შემდგომდროინდელ ისტორიაში უფრო რელიეფურად გამოჩნდება.

„როდესაც მოხდა გურგენ, ივერთა მეფის წყალობით შემთხვეული ამბავი“, ე. ი. როდესაც ივერიის აჯანყება ირანელთა წინააღმდეგ მარცხით დამთავრდა (მეექვსე საუკუნის ოციან წლების დამდეგს), მაშინ „ლაზებთან დაიწყეს ჩადგომა რომაელთა ჯარისკაცებმა“¹, რადგანაც თვით „ლაზებს არ სურდათ თავისი ქვეყნის თანადაცვა“. რომაელთა იმპერატორმა გადასწყვიტა ლაზიკაში „გაეზაენა ჯარი და სარდალი ირენე“, რომელთაც დაიჭირეს აქ ივერიის საზღვრებთან მდებარე ეგრისის ორი ძლიერი ციხე (იგულისხმება სკანდა და შორაპანი)². რომაელები ამ ციხეების გამაგრებას ვერ ახერხებენ და მათს მთავარ სადგომად იქცევა, როგორც ზემოთ უკვე მოთხრობილი იყო, იუსტინიანეს მიერ ახლადაგებული პეტრა ერთი მხრით, პეტრაში დაბანაკებულ ძალებზე დაყრდნობით, მეორე მხრით აბაზგების დასახელებულ სიმაგრეებში მდგომ გარნიზონების საშუალებით, იუსტინიანე და მისი ადმინისტრაცია ატარებს, ლაზიკასა და აბაზგიაში, ეგრისისათვის თავის ადგილას აღწერილს, პოლიტიკას. ამ პოლიტიკის ხასიათი და შედეგები აბაზგიაშიაც დაახ-

¹ B. P. II, 15; გეორგ. II, 46.

² იქვე, I, 12; გვ. 24—25.

ლოებით იგივე იყო, რაც საკუთრივ ეგრისში. უწინარეს ყოვლისა, რომაელები ცდილობენ აბაზგიის უმეშვეო მართვის შესაძლებლობის მოპოვებას. თუ ეგრისში მათ შეჰკვეცეს ადგილობრივი სამეფო ხელისუფლება თავისთვის სასურველ ფარგლებამდის, აბაზგიაში მათ სრულიად მოსპეს მთავართა ხელისუფლება. უეჭველია, რომ რომაელთა უშუალო შთაგონებამა და წაქეზებამ არამცირედი როლი შეასრულა აბაზგიაში ამ დროს მომხდარ რევოლუციაში. პროკოპის მოთხრობით, „ორივე მეფე მოსპეს აბაზგებმა და გადასწყვიტეს თავისუფლად ეცხოვრათ“. ამ აქტს წინ უსწრებს რომაული მთავრობას გარკვეული ღონისძიებები. ოფიციალური ისტორიკოსი გვარწმუნებს, თითქოს ამ ღონისძიებებს მხოლოდ „ჰუმანური“ დანიშნულება ჰქონდათ—ქრისტიანობის გავრცელება აბაზგებში და კასტრაციის ბარბაროსული ჩვეულების მოსპობა. მაგრამ ცხადია, რომ პირველიცა და მეორეც მხოლოდ სასურველი ზემოქმედების იარაღი იყო ადგილობრივ გარკვეული წრეების მიმართ. გასაგებია, რომ როცა კეისრის ადგილობრივი წარმომადგენელი სასტიკად უკრძალავს აბაზგთა მეფეებს ამიერიდან ვისმე გასაკუთრისებას და როცა „ამას აბაზგები სიხარულით ხვდებიან“, ან როცა „შემდეგში“, „რომაელთა მეფის ბრძანებით გამხნეებულნი, ისინი მთელი თავისი ძალ-ღონით ეწინააღმდეგებიან ამ საქმის ჩადენას“¹, გასაგებია, ვიმეორებთ, რომ ამ შემთხვევაში კეისრის მთავრობას კურსი ადგილობრივ წარჩინებულთა წრეების გადმობირებაზე აქვს აღებული, მათი მეფეების წინააღმდეგ. წინააღმდეგობა მეფეებსა და წარჩინებულთა ამ წრეებს შორის ხელოვნურად არ იყო გაჩენილი. ადგილობრივ მთავართა ხელისუფლება, წარმოშობილი იმ სპექციფიკურ ადრინდელ სამყაროში, სადაც სოციალურ დიფერენციაციის თავდაპირველს, მონათმფლობელურ, სახეს ადრე უჩნდება ფეოდალური მეტოქე, რაც პოლიტიკურ ზედნაშენის თავისებურებას განსაზღვრავს, ეს ხელისუფლება შემდეგში კვლავ იხრება პირველი ელემენტებისაკენ, რომელსაც, სასურველ პირობებში გაძლიერების ტენდენცია უჩნდება. ყველაზე ხელსაყრელი ამ სასურველ პირობათა შორის არის მეტნაკლებად (შედარებითი თვალსაზრისი არავეითარ შემთხვევაში არ უნდა დაგვეკარგოს) ინტენსიური საგარეო ვაჭრობა, რომელსაც აღებულ მომენტისათვის ვხედავთ აფხაზეთშიაც, როგორც ზემოთ

¹ B. G. VIII, 3: გეორგ. II, 104—5.

იყო მოთხრობილი: „ანტიკურ ქვეყანაში ვაქრობის ზეგავლენა და ვაქრული კაპიტალის განვითარება შედეგად მოიღებს მუდამ მონურ მეურნეობას“¹... რა თქმა უნდა, იმდროინდელ აბაზგიაში ეს მონათმფლობელური მეურნეობა მეტად სუსტი იყო და, შესაძლებელია, რომ იგი უპირატესად მხოლოდ მონების, როგორც საბაზრო საქონლის, „წარმოებაში“ გამოიხატებოდა, მაგრამ იგი მაინც საფუძვლად იქცა აბაზგთა მთავრების ზემოთ აღწერილ დესპოტიისათვის. ეს უკანასკნელი-კი შეუთავსებელი იყო თუმცა განუვითარებელს, მაგრამ ზრდის პროცესში მყოფ, ფეოდალურ ელემენტთან.

აღნიშნული ბრძოლა დამთავრდა იმ გადატრიალებით, რომლის შესახებაც ზემოთ იყო საუბარი. რომ გადატრიალება სწორედ წარჩინებულებმა, ჩვენი გაგებით, ე. ი. ახალგაზრდა ფეოდალურმა კლასმა, მოახდინეს, ეს ჩანს, აგრეთვე აღნიშნულ ფაქტიდან რომ აბაზგის პირველ დაჰერისთანავე ირანელებმა მიქვლები სწორედ ამ წარჩინებულებს გამოართვეს: ქვეყნის ბატონი ეს წოლება იყო და პასუხისმგებლობასაც მას აკისრებდენ.

ალბათ, აბაზგი წარჩინებულების თავდაპირველი თანხმობა საიმპერატორო მთავრობასთან და მათივე ანტილაზური განწყობილება იყო იმის ერთი მიზეზთაგანი, რომ ირანელებმა თავიდანვე ვერ მოახერხეს აფხაზეთში დამკვიდრება. როცა, 541 წ., ეგრისის მეფის მიწვევით, ირანის შაჰი ხოსრო უზარმაზარი ჯარით დას. საქართველოში გადავიდა და, უწინარეს ყოვლისა, პეტრასკენ გაემურა, იმავე დროს მან ერთი რაზმი აფხაზეთის ციხე-ქალაქებისაკენ გაგზავნა, ამ პუნქტების განსაკუთრებულ სტრატეგიულ მნიშვნელობის გამო. როგორც უკვე ნათქვამი იყო, აფხაზეთში მაშინ რომაული ციხოვანი ჯარი სევასტოპოლისსა და პიტიუნტში იდგა. როდესაც ამ გარნიზონებმა ირანელების მათკენ გალაშქრების ამბავი „წინდაწინ გაიგეს, დაასწრეს და გადასწვეს სახლები, საფუძვლამდე დაანგრიეს კედლები, დაუყოვნებლივ ჩასხდენ ხომალდებში, გასწიეს პირისპირ მდებარე ხმელეთისაკენ და მივიდნენ ქალაქ ტრაპეზუნტში“. ცხადია, მათ ირანელებისათვის გამკლავების იმედი წარწყმედილი ჰქონდათ. „ამრიგად,—განაგრძობს ბიზანტიელი მემკვიდრე,—თუმცა ზარალი მიაყენეს რომაელთა ძალაუფლებას სიმაგრეების მოსპობით, მაგრამ მით დიდი სარგებლობაც მოუხვეჭეს იმ მხრივ, რომ მტრებ-

¹ კ. მარქსი, კაპიტალი, III, ნაწ. I, გვ. 289. ქართ. თარგმ. 1932 წ.

მა ვერ დაიპყრეს ეს ქვეყანა: სპარსელები ხომ იქიდან უშედგოდ გაბრუნდნენ პეტრაში¹. ჩვენ ვფიქრობთ, რომ ირანელები უკან გააბრუნა არა მარტო დანგრეულ სიმაგრეების სურათმა, არამედ იმ გარემოებამაც. რომ მათ, მაშინ ჯერ კიდევ, არ ჰქონდათ მოპოვებული საჭირო გავლენა არც ერთს ადგილობრივს, სოციალურად მნიშვნელოვან, საზოგადოებრივ ჯგუფში. ასეთ მდგომარეობას ირანელები მხოლოდ რამდენიმე ხნის შემდეგ აღწევენ, როგორც ეს ქვემოთ იქნება აღნიშნული.

მას შემდეგ, რაც აბაზგებმა თავიანთი მეფეები მოსპეს და „თავისუფალ ცხოვრებას“ შეუდგნენ, როგორც ამას ოფიციალური მემატრიანე ამბობს, ნამდვილად ეს „თავისუფლება“ იმაში გამოიხატა რომ რომაელებმა თვითონ დაიპყრეს გაძევებულ ტირანების ადგილი. ესლა უკვე „რომაელთა ჯარისკაცები, კეისრის მიერ წარგზავნილები, მათ ქვეყანაში იდგნენ ხოლმე ძალიან ხშირად. მათ უნდოდათ ეს ქვეყანა დაემორჩილებინათ რომაელთა ძალაუფლებისათვის, და მათ ახალ-ახალს რაღაც წესებს უმყარებდნენ. ამ ძალადობის გამო აბაზგები პირდაპირ აუტანელ მდგომარეობაში ჩავარდნენ“. მასასადამე, რომაელებმა სცადეს თავიანთი უმეშვეო მმართველობის დამყარება აფხაზეთში, რაც მეტად უხეში, რომაულ აღმინისტრაციისათვის დამახასიათებელი, მეთოდებით იქნა განხორციელებული. ამან ახალი მოკავშირეები გასთიშა და ერთმანეთს გადაამტერა. აბაზგებმა, „იმის შიშით, რომ ამიერიდან რომაელთა მონები არ გამხდარიყვნენ, კვლავ დაიყენეს თავისთვის მთავრები, აღმოსავლეთის ნაწილისათვის—ოფსიტე სახელად, ხოლო დასავლეთისათვის—სკეპარნა“. მასასადამე, აბაზგები გადაუდგნენ რომაელებს და კვლავ ადგილობრივი უზენაესი ავტონომიური ხელისუფლება გაიჩინეს. ცხადია, ეს ხელისუფლება განსხვავდებოდა ძველისაგან, რომელიც განადგურებულ იქნა აბაზგების მიერ. იქნებ შექმთხვევითი არ იყოს რომ უზენაეს ხელისუფლების ახალ მატარებლებს აბაზგთის თანამედროვე უცხოელი მემატრიანე „მთავრებს“, „არქონტებს“, ან „წინამძღოლებს“, „ჭეგუმენებს“, ეძახის, ძველსკი — უფრო ჩვეულებრივ, „მეფეებს“.

¹ B. G. VIII, 4; გეორგ. II, 107.

ბაზილევსებს. ეს მთავრები ქართლაც მხოლოდ წინამძღოლნი იყვნენ აბაზგიის ახალგაზრდა ფეოდალური კლასისა, წარჩინებულთა წოდებისა, რომელიც ეხლა თავისი, სავსებით საკუთარი, პოლიტიკური ორგანიზაციის გაჩენას ლაშობდა. ამ წრემ საზღვარგარეთულ დამხმარე ძალის ძებნაც დაიწყო, მოსალოდნელ რომაულ რეპრესიებისათვის შესახვედრად, ორიენტაცია ირანზე აიღო და შაჰის კარზე, სათანადო დავალებით, ერთი თავისი „წინამძღოლთაგანი“, სეპარანა მიავლინა. მაგრამ აბაზგ წარჩინებულთა ეს ცდა მარცხით დამთავრდა: იუსტინიანემ მათ წინააღმდეგ დიდძალი ჯარი გამოგზავნა, რომელმაც თუმცა დიდი გაჭირვებით, მაგრამ მაინც, აიღო აბაზგების ერთი უძლიერესი სიმაგრე, ტრაქეას ციხე, სადაც თავშეფარებული იყო მთავარი ოფსიტე, და მთელი არეშარე ცეცხლსა და მახვილს მისცა¹. თვით ოფსიტემ, მთავარმა, მოახერხა გაქცევა და ჰუნებთან შეაფარა თავი, მაგრამ, სამწუხაროდ, არაფერი ვიცით მისი შემდეგდროინდელი მოქმედების შესახებ, კერძოდ, შეიძლო თუ არა მან უკან დაბრუნება და დაკარგულ მდგომარეობის აღდგენა. იმხანობად-კი აბაზგია რომაელებს დარჩათ ხელთა. აბაზგების განდგომა 550 წელს მოხდა².

მოთხრობილ ამბებში მშვენიერად გამოჩნდა აბაზგიის სამხედრო-სტრატეგიული მნიშვნელობა: აქ, კერძოდ ტრაქეას ციხესთან ანუ თანამედროვე გაგრასთან³ იღო ის კარები, რომელიც აუცილებლად უნდა გაეცლო ყველას, ვინც ჩრდილოეთ-დასავლეთიდან მოდიოდა დასავლეთ საქართველოში. როგორც უკვე ზემოთ ვამბობდით, ტრაქეა—გაგრა და პეტრა—ციხისძირი ორს მოპირდაპირე კიდეზე მაგრად ჰკეტავდენ ეგრის-აფხაზეთს.

¹ B. G. VIII, 9; გეორგ. II, 126—130.

² ასეთი თარიღი აქვს მიღებული შ. დილსაც: Юстиниан и византийская цивилизация в VI в.; СПб. 1908 г., გვ. 223.

³ ტრაქეა გაგრას იგივეობას თვალსაჩინოდ ამტკიცებს, ჩვენი აზრით, პროკოპის ტრაოგრაფიული აღწერილობა: „აფსოლიის სახლვრების შემდეგ აბაზგიის შესავალში ასეთი აღგილია: მაღალი მთაა გადაკიპიული, რომელიც კავკასიის მთებიდან იწყება და თანდათან ეშვება, როგორც კიბე, და ევქსინის პონტოსთან თავდება. ამ მთის ძირში აბაზგებს ძველადვე აუშენებიათ უმტკიცესი სიმაგრე ღირს-შესანიშნავი სიდიდისა. აქ შეხიზნულები მუდამ იგერიებენ მტრის შემოტევას, რომელსაც არსად არ შეუძლია ამ მწელი ადგილის გადალახვა. ერთი შესავალი გზა მიდიოდა ამ ციხეშიც და აბაზგების დანარჩენ მიწა-წყალზეც და იგი წყვილ-წყვილად მიმავლთათვის ძნელად გასავლელია. არავითარი შესაძლებლობა არ არის იქ გასვლისა, თუ არა კაცად-კაცად [ე. ი. დაცალკევებით, ს. ჯ.] და ისიც

იუსტინიანეს სამხედრო და პოლიტიკური ღონისძიებანი აფხაზეთში იდეოლოგიურ ზემოქმედების საშუალებებითაც იყო შეზავებული. მეექვსე საუკუნის დამდეგამდის აბაზგები წარმართები ყოფილან და მათი განსაკუთრებული კულტის საგანს თურმე ხეები წარმოადგენდენ. მაგრამ იუსტინიანეს მიერ აბაზგიაში განხორციელებული ცვლილებები არა მარტო პოლიტიკური ხასიათისა იყო, როგორც ვთქვით. კეისარმა აბაზგ წარჩინებულებს ქრისტიანობის მიღებაც დაავალა. რომ იუსტინიანე ამ შემთხვევაში სრულიად გარკვეულს საზოგადოებრივ ფენას მიმართავდა, ეს საეხებით ცხადია აფხაზეთის შესახებ მოთხრობილი ამბებიდან ამავე მომენტი-სათვის და აგრეთვე იმიდანაც, რაც ჩვენ სხვა ადგილას გავარკვიეთ, ქრისტიანობის, როგორც ოფიციალურ სარწმუნოების, შემოღების შესახებ ქართლსა და ეგრისში¹. ამ შემთხვეულებიდანაც უეჭველი ხდება რომ აზნაურობა აბაზგიაში გაბატონებულ ძალას წარმოადგენდა.

პოლიტიკური გადატრიალებისა და ქრისტიანობის ოფიციალურ კულტად შემოღების ერთდროულობას აბაზგიაში წყაროებიც მოწმობენ და მოვლენათა განვითარების ლოგიკაც გულისხმობს. პროკოპი მოგვითხრობს: „იუსტინიანეს მეფობისას აბაზგების მდგომარეობა შეიცვალა, უმჯობესი გახდა. იმათში იღეს საქრისტიანო რწმენა და იუსტინიანე მეფემ მათ პალატის ერთი ევენუქთაგანი გაუგზავნა, ტომით აბაზგი, სახელად ევფრატა. მან სასტიკად აღუქრაძალა მათ მეფეებს, რომ მათ ამიერიდან აღარა-

ფებით. ამ გზას ზედ ადგას ნაპრაღი, მეტად სახარი, რომელიც ციხიდან ზღვამდეა გადაქიმული. თვით ადგილიც ამ ნაპრაღის შესაფერ სახელწოდებასაც ატარებს: იქაური მცხოვრებლები ელინურად მის „ტრაქეას“. უწოდებენ“... როდესაც გამდგარი აბაზგების წინააღმდეგ გამართული რომაელები „ტრაქეას მიუახლოვდნენ, დაინახეს აბაზგები, ყველანი შეიარაღებულნი, რომელნიც იმ გზის ზემოთ, რომელიც ახლახან მოვიხსენიე, მთელი ნაპრაღის გასწვრივ იდგნენ დარაზბულნი, და დიდი გაჭირვებაში ჩაგარდნენ, რადგან ვერ გარკვეულიყვნენ შექმნილ მდგომარეობაში, ვიდრე იოანემ დიდი ჩაფიქრების შემდეგ არ გამოძებნა ერთი საშუალება ამ უბედურების წინააღმდეგ. ულიგაგე ნახევარი ჯართთურთ იქ დასტოვა და თვითონ წაიყვანა დანარჩენები ხომალდებზე. მათ გასცურეს, მოუარეს, და გაიარეს მთელი ადგილი ტრაქეისა და მოექცნენ მტერს ზურგით. მაშინ ამართეს მათ დროშები და გასწიეს მტრის წინააღმდეგ. აბაზგებმა რომ დაინახეს მტერი მათ ორივე მხრით მოაწვა, ველარ შესცლეს წინააღმდეგობის გაწევა“... (პ. G. VIII, 9. გეოგ. II, 127—9). ვინც აფხაზეთის ზღვის სანაპიროს იცნობს, ის დაგვეთანხმება, რომ მოცემული აღწერილობა მხოლოდ გაგრას გვაგულისხმებინებს—სხვაგან არსად ასეთი ადგირი არ მოიპოვება. გაგრის გასავლის ხასიათი ასევე აქვთ აღწერილი XIX საუკუნის (ვიდრე აქ გზატკეცილს გააკეთებდენ) წყაროებს.

¹ ს. ჯანაშია, საქართველო ადრინდელ ფეოდალურ ხანაში.

ვინ დაესაქურისებინათ, ბუნებაზე ძალა არ ეხმარათ დანით. ამას აბაზგები სიხარულით შეხვდნენ. როგორც ამ ეფთის ბრძანებით გამხმევებულნი ისინი მთელი თავისი ძალ-ლონით ეწინააღმდეგებოდნენ ამ საქმის ჩადენას: თითოეულ მათგანს ხომ ეშინოდა, ოდესმე არ გამხდარიყო ლამაზი ბავშვის ძამა. მაშინ იუსტინიანე მეფემ აბაზგების ქვეყანაში ღვთისმშობლის ტაძარიც ააშენა და მათ მღვდელთ-მსახურნი დაუყენა და მიიღწია იმას, რომ მათ შეითვისეს საქრისტიანო წესები. მალე ორივე მეფე მოსპეს აბაზგებმა და გადასწყვიტეს თავისუფლად ეცხოვრათ“-ო¹. ეს ამბები 541 წლამდის, ე. ი. ირანელების ეგრისში პირველ შეჭრამდის, უნდა მომხდარიყო, დაახლოებით, ალბათ, ოციან და ოცდაათიან წლების მიჯნაზე². ამრიგად, საკუთარი პოლიტიკური აპარატის მოპოვებასთან ერთად აბაზგის წარჩინებულებმა საკუთარი ოფიციალური რელიგიაც მოიპოვეს. დიდი სოციალური მნიშვნელობა ამ მოვლენებისა აფხაზური ფეოდალიზმის განვითარების ისტორიაში თვალსაჩინოა.

მეექვსე საუკუნის დიდს ირანულ-რომაულ ომს დასავლეთ საქართველოში აფხაზეთისათვისაც დაახლოებით იგივე შედეგი მოჰყვა, როგორც ჩანს, რაც ეგრისისათვის. როგორც დამოუკიდებელი შექრა ირანელებისა აფხაზეთში 541 წ., ისე მათი მიწვევა, ადგილობრივ წარჩინებულთა მიერ, აბაზგების ქვეყანაში 550 წ., ხოლო

¹ B. G. VIII, 3; გეორგ. II, 104—5.

² ყურადღებას იპყრობს ბარონიუსის ქრონოლოგიური ჩვენება, ვახუშტი, საქ. გეოგრ., ჟან., 311, რომელიც აბაზგების გაქრისტიანების თარიღად 529 წ. დასდებს.—В. Латышев, К ист. христианства на Кавказе, СПб. 1911 წ., გვ. 8, ემზრობა, არ ჩანს-კი რა მოსაზრებით, 546 წლის ახლო ხანას, ხოლო Ю. Кулаковская, Где был построен имп. Юстинианом храм для Аваагов, Археол. изв. и зам. V, М. 1897, გვ. 34-35, —547—8 წლების უშუალოდ წინამორბედ წლებს და ამას საფუძვლად უდებს ცნობას გუთების მოციქულობის შესახებ კონსტანტინოპოლში. აქ აშკარა ჩაუკვირვებლობაა: პროკოპი გვიამბობს, B. G. VIII, 4, რომ, იუსტინიანეს მეფობის ოცდაპირველ წელს, ე. ი. 547—8 წ., გუთებმა კეისარს ეპისკოპოსი სთხოვეს, რადგანაც მათი გარდაცვლილიყო და ამასთანავე გაგებულნი ჰქონდათ,—იუსტინიანეს აფხაზეთისათვის მოძღვარი გაუგზავნიაო. აქ არაა ნათქვამი რომ აფხაზების პირველი გაქრისტიანების ამბავი იგულისხმება. განა შემდეგში-კი არ შეეძლოთ აფხაზეთისათვის მოძღვარი გაეგზავნათ, თუნდაც იმავე „გარდაცვალების მიზეზით“? პოლიტიკური პირობები აბაზგების გაქრისტიანებისათვის 546—548 წლებში სრულიად შეუფერვბელი იყო.

მისიმიელთა ქვეყანაში--554 წ., მარცხით დამთავრდა, რომაელებმა მოახერხეს ამ პროვინციების უკან დაბრუნება და სათანადო დასტური ფორმალურადაც გამოსტაცეს ირანელებს: არც „50-წლიან ზავის“ პირობებით, არც მერმინდელ დიპლომატიურ მოლაპარაკებათა პროცესში, აფხაზეთის შესახებ ირანელები კრინტსაც არ სძრავენ,— ისინი მხოლოდ სვანეთს ედავებიან რომაელებს. აფხაზეთი რომაული გავლენის სფეროში რჩება. სამწუხაროდ, ამ გავლენის პოლიტიკურ და გეოგრაფიულ ფარგლების ზუსტი განსაზღვრა ძნელი ხდება ცნობათა ნაკლოვანების გამო. საერთო შთაბეჭდილება მაინც ისეთია, რომ იუსტინიანეს მთავრობა აბაზგებისა და მისიმიელების ქვეყანაში თავს მკვიდრად ვერ ჰგრძნობდა. ალბათ ამაზე მიუთითებს პირდაპირი ცნობა ლაზიკის შესავალში „კლისურის“, ე. ი. სტრატეგიულად მნიშვნელოვანი „ხეობის“ („კლისურებს“, პროკოპის ჩვენებით, რომაელები ვიწრო ხეობებში გამავალ გზებს უწოდებდნენ, იხ. B. P. II, 29) გამაგრების შესახებ იუსტინიანეს მიერ¹. თუმცა ამ „შესავლის“ მდებარეობას წყაროები კონკრეტულად არ განსაზღვრავენ, მაგრამ, სხვადასხვა მოსაზრების გამო, შესაძლოა ვიფიქროთ, რომ აქ საუბარია ეგრისის ჩრდილოეთ სანაპიროს შესახებ. სადაც (დღევანდელ აფხაზეთში, სოხუმიდან სამხრეთისაკენ ხუთი კილომეტრის მანძილზე), ამჟამადაც „კელასურად“ წოდებულ ხეობაში, დიდი კედლის ნაშთები ნაწილობრივ დაცულია ჯერ კიდევ ანგარიშგასაწევი ცნობებით, ეს ნაგებობა მდ. კელასურის ხეობაში იწყება და ამ ხეობასვე მიჰყვება ჩრდილოეთით წებელდამდის და შემდეგ სამხრეთისაკენ უხვევს. რაკი, როგორც ჩანს, ზღუდის ფასი (წინაპირი) ჩრდილოეთისკენ არის მიქცეული, გამოდის, რომ მდ. კოდორის ხეობის ზემოთა ნაწილი და სოხუმის მიდამოები, უფრო ჩრდილოეთით მდებარე ტერიტორიაზე რომ არ ვილაპარაკოთ, ამ გალავნის უშუალო მფარველობას მოკლებული რჩებოდა. შესაძლოა დავუშვათ, რომ ვიწრო ზღვისპირა ზოლი, მდ. კელასურის შესართავიდან თვით ქალ. სოხუმის მიწა-წყლითა და ამ უკანასკნელის მიჯნებამდის ასეთისე დაკავშირებული იყო ამ რთულ სტრატეგიულ-საფორტიფიკაციო სისტემასთან. ზღვისგან დაშორებული და ქვეყნის შუაგულა ადგილები უკვე სხვა ვითარებაში იმყოფებოდა და

¹ პროკოპი, De aedificiis III, 7; გეორგ. II, 189.

თავისთავს იყო მინდობილი. ეს გარკვეული მოწმობაა ამ მხარეში იმხანად არსებული მდგომარეობის შესახებ¹.

ქალღმრ. რომის იმპერატორის იუსტინიანეს მემკვიდრეების დროს ის რიის (გიზანტიის) შიშ-პროცესი, რომლის შესახებაც ზემოთ გეგონდომი წარმართებანი ნდა საუბარი (იხ. გვ. 23—27)—აღმოს.

აიმიერ-მამკასნიში რომის იმპერატორის ბიზანტიად გარდაქმნა— უკვე იმდენად დასრულებულ სახეს იღებს, რომ ჩვენ უფლება გვაქვს ჩვენს სიტყვახმარებაში სათანადო ცვლილება შემოვიტანოთ:—აღმ. რომის იმპერატორის ბიზანტია ვუწოდოთ და მისს მოსახლეობას—ბიზანტიელები. განმეორებთ აღსანიშნავია და ყურადღება მისაქცევით არ უნდა ვიფიქროთ თითქოს ეს რაღაც უეცრად წამოჭრილი მოვლენა ყოფილიყოს. არა, ეს მრავალსაუკუნოვანი განვითარების შედეგების წარმოჩენა იყო, წარმოჩენა ეხლა უკვე საბოლოო და გამოკვეთილი. გარეგნულად ეს ფაქტი სხვადასხვა ნიშნებში გამოიხატა, კერძოდ, სახელმწიფო ენად უკვე ლათინურის მაგიერ ბერძნულის დამკვიდრებაში—თუ იუსტინიანეს დროს ლათინურ ენის პოზიციები ძალიან შერყეულია, მიუხედავად თვით იუსტინიანეს პირადი ენერგიული ცდებისა ამ პოზიციების გასამაგრებლად რომ არის მიმართული, იუსტინიანეს მიმდევროების დროს ბერძნული სულ უფროდაუფრო შეუზღუდველად იპყრობს ამ პოზიციებს. ამ ცვლილებაზე მიუთითებენ ერთი მხრივ—ევროპაში ლანგობარდელი და მეორე მხრივ—აზიაში სირიელი ქრონიკები, როდესაც ისინი „ბერძენი“ იმპერატორების რიგს მავრიკეს გან (მესამე მემკვიდრეა იუსტინიანესი, მეფობს 582—602 წ.წ.) იწყებენ².

საგარეო პოლიტიკის სფეროში ცვლილება გამოიხატა იმაში რომ იუსტინიანეს ყოვლისმომცველი, „რომაული“, პოლიტიკა მიტოვებულია და ეხლა ყურადღება საკუთრივ „ბიზანტიური“ (ე. ი. აღმ.-რომაული) ტერიტორიის ინტერესებისაკენ არის მიპყრობილი. საგარეო პოლიტიკა „აღმოსავლურ“ მიმართულებას იღებს უპირატესად: უწინარეს ყოვლისა, ჩრდილო-აღმოსავლურ (დუნაის აღმოსავლეთით) და აღმოსავლურ (ირანულ) საზღვრების შესახებ ზრუ-

¹ საკითხს ვრცელი ლიტერატურა აქვს. ამ უკანასკნელის განხილვა, ისე, როგორც დაწვრილებითი მსჯელობა თვით საკითხის შესახებ იხ. ს. ჯანაშია ვგორის—აფხაზეთი (თავი „ტერიტორიის“ შესახებ).

² Гельпер, История Византии, 40—41.

ნავენ. ბუნებრივია ამიტომ რომ ამიერ-კავკასიაც ეხლა კიდევ უფრო მტკიცედ ექცევა კონსტანტინოპოლის მთავრობის პოლიტიკურ გულისყურისა და მოქმედების ცენტრში.

562 წლის „ორმოცდაათწლიანი“ ზავი, როგორც მოსალოდნელი იყო, მალე დაარღვიეს, და ამის ერთი მთავარი საბაბთაგანი იყო, როგორც უკვე ვამბობდით, სვანეთი. 568 წ. სვანეთი ჯერ კიდევ, როგორც ჩანს, ირანელების გავლენის ქვეშ იმყოფება: ალანთა მთავარი ურჩევს ზიმარხს,—კეისრის ელჩს, რომელიც თურქების სახელმწიფოდან კონსტანტინოპოლში ბრუნდება და ჩრდილო-კავკასიიდან შავი ზღვისაკენ გასვლას ცდილობს,—მინდომიელების (მისიმიელების? ს. ჯ.) ეზით ნუ წახვალ, რადგანაც სვანეთის მახლობლად ირანელები არიან ჩასაფრებულნი, სჯობს ე. წ. დარინის გზით დაბრუნდეთ. ზიმარხი უსმენს ამ რჩევას, აფსილიაში ჩადის და როგორცაა და შავ ზღვას აღწევს¹. პირველი მარშრუტი ან მამისონის, ან სვანეთზე გარდამავალ ერთ-ერთ გზას უნდა გულისხმობდეს, მეორე-კი აფხაზეთისას, კოდორის ხეობაზე მიმავალს.

უშუალო მომდევნო წლებში ბიზანტიელებმა მაინც მოახერხეს, ჩანს, ირანელების განდევნა სვანეთიდანაც. მეტიც: მათ ეხლა მოქმედება უფრო აღმოსავლეთითაც გადაიტანეს, გამოაცხენეს რასომხეთისა და ქართლის ამბები. როგორც სომეხი ისტორიკოსი სებოსი მოგვითხრობს, „ხოსრო კობადის ძის მეფობის 41 წელს (571—2 წ.) აჯანყდა ვარდანი (მამიკონიანი, სომეხ ნახარარების ერთი ჯგუფის ბელადი) და ყველა სომხის თანხმობით განთავისუფლდა სპარსთა სამეფოს სამსახურისაგან. მოჰკლეს ქალ. დეინში მარზბანი სურენი უეცრად, აიღეს დიდი ძლავი და გადავიდნენ ბერძნების სამსახურში“². მართლაც, 571 წ. იუსტინე კეისარმა პირდაპირ განუცხადა ირანის ელჩს, რომ თუ პერსარმენები (ირანის ქვეშევრდომი სომეხები) განუდგებიან ირანელებს, ის მიიღებს და გამოესარჩლება სომეხებს, როგორც თავის თანამორწმუნეებს, და ომიც გამოაცხადა³. ეს ომი, პაუზებით, ოცი წელიწადი გაგრძელდა. სომხეთის შემდეგ ირანელების წინააღმდეგ აჯანყების დროშა ააფრიალა

¹ ბენანდრე, ნაწყვ. 22: Dind. 55—6.

² *Արեւոյ, պատմութիւն ի Յերակն*, პატრიარქის გამოც. 1879 წ., გვ. 26 (ქვემოთ ყველგან ეს გამოცემაა ნაგულისხმევი).—ამასვე ადასტურებს თოფანე ბიზანტიელიც.

³ ბენანდრე, ნაწყვ. 36: Dind. 72—4.

ქართლმაც, რომლის მოსახლეობაც, ვინმე გურგენის მეთაურობით, ბიზანტიელების მხარეს გადავიდა (571 წ.). 572 წ., როგორც ჩანს, ირანელთა წინააღმდეგ მებრძოლ სომხებს ეხმარებიან კოლხები (ე. ი. ეგრისელები), აბაზგები და ალანები და ამ ხანებშივე ქართლში დამარცხებას განიცდის ირანელთა სარდალი გოლონმიპრანი¹. ამ (ირანელთა საწინააღმდეგო) ამბების უკან, ცხადია, კეისარი ღვას, რომელიც ეხლა უკვე პერსარმენიისა და ქართლის "შემოსამტკიცებლად" ზრუნავს და ამას ახერხებს კიდევაც მომდევნო წლების განმავლობაში. 576 წ. ბიზანტიელები მოკლე ხნით ჰკარგავენ პერსარმენიას, მაგრამ ინარჩუნებენ, როგორც ჩანს, ქართლსა და ალვანეთის ნაწილს, მტკვრის ჩრდილოეთით მდებარეს². ირანელები მიისწრაფოდნენ თეოდოსიოპოლისაკენ (კარნუ-ქალაქი, ეხლანდელი ერზერუმი), რომლის დაპყრობით იმედოვნებდნენ თავიანთ ხელისუფლების განმტკიცებას სომხეთსა და ქართლში, მაგრამ მიზანს ვერ მიაღწიეს³. მომდევნო წლებში ისევ წარმოებს განუწყვეტელი მოლაპარაკება სომხეთისა და ქართლის შესახებ, რომელნიც კვლავ ბიზანტიელების ხელში იმყოფებიან. რადგანაც სამხედრო წარმატება რამდენადმე ცვალებადია⁴, ბიზანტიელები მზად არიან დაუთმონ ირანელებს პერსარმენია და ქართლი, იმ პირობით, რომ ვინც არ მოისურვებს ირანულ ბატონობის ქვეშ ცხოვრებას, მას ნება მიეცემა რომაელების მხარეს გადავიდეს. ირანელები ამ პირობას სთანხმდებიან ფარული ვარაუდით: მათ კარგად იციან, რომ არც ერთი პერსარმენი და ქართველი, გარდა აჯანყების მოთავე ორიოდე უფროსისა, უცხო ქვეყანაში არ გადასახლდება, რადგანაც მათ თანდაყოლილი აქვთ სიყვარული თავიანთი გამზრდელი მიწისადმიო. ასე მოგვითხრობს ბიზანტიელი მემკვიდრე⁵. სხვადასხვა მიზეზების გამო ასეთი შეთანხმება თავის დროზე არ განხორციელდა. შემდეგ ირანელების საქმე ცუდად წავიდა. ატყდა შინაური შფოთი, ირანის შაჰი

¹ თეოფანე ბიზანტიელი, Hist. gr. min., Dind., 1870 წ., გვ. 448;—სებეოსი, 29.

² მენანდრე, ნაწყვ. 41, Dind., 79—83.

³ იქვე.

⁴ მენანდრე, ნაწყვ. 59, Dind 114, მოგვითხრობს, 580 წლისათვის, რომ ბიზანტიელთა რაზმები, ღვინსა და ქართლში რომ გზავნიდა სარდალი, არა ერთჯერ იყვნენ დამარცხებულნი. თვით სარდალი მავრიკეც, მომავალა იმპერატორი, აიღიეს გადარჩა ხიფათსაო.

⁵ მენანდრე, ნაწყვ. 47, Dind., 92—8.

ტახტს ჰკარგავს და მის დასაბრუნებლად ბიზანტიელების დახმარებას ეძებს. გვირგვინოსანი გვირგვინოსანს ეხმარება, არც-თუ უანგაროდ (591 წ.): ამ დახმარების საზღაურად შაჰმაჰმადის დიდი ტერიტორია დაუთმო, კერძოდ, ქართლის უდიდესი ნაწილი ქალ. ტფილისამდის¹. საფიქრებელია, რომ ეს იყო ფაქტიურ მდგომარეობის ფორმალური დადასტურება.

VII ს. დამდეგს სამხედრო გამარჯვების გენიამ უკანასკნელად გაუღიმა ირანელებს. ესლა მათ უწყობს ხელს შინაური შფოთი ბიზანტიაში. ისინი ღრმად იჭრებიან კეისრის მიწა-წყალზე და იჭერენ ისეთ ქალაქებს, როგორც იყენენ: ანტიოქია, კესარია კაბადოქიისა, იერუსალიმი, ანკირა და სხვ. იპყრობენ ეგვიპტეს. თვით კონსტანტინოპოლიც შიშით კანკალებს მათ წინაშე. საფიქრებელია, რომ ამ დროს ირანელებმა ისევ მოახერხეს თავიანთი ძველი მდგომარეობის აღდგენა საქართველოში, ყოველ შემთხვევაში, ქართლში. მაგრამ რამდენადაც ბრწყინვალე იყო ირანელების წარმატება, იმდენადვე ხანმოკლე გამოდგა იგი (606—619 წ. წ.). ირანელების ჯავრის ამოყრა პერაკლე კეისარმა მოახერხა, რომელმაც დიდი საომარი მოქმედება ჩაატარა ირანელების წინააღმდეგ (622—629) და საბოლოოდ შემუსრა თავისი მოსისხლე მტრის სამხედრო ძლიერება.

ჩვენთვის ძალიან საინტერესოა, რომ ამ ომის, ნიშანდობლივ: II და III ექსპედიციების (624—628 წ. წ.), დროს პერაკლე კეისრისათვის მთავარი ბაზა არის ამიერ-კავკასია და, კერძოდ, საქართველო, მიუხედავად იმისა რომ ტფილისის ძლიერი ირანული გარნიზონი სრულებით არ ეპუება ბიზანტიელებს. აქ, „ქართველებსა, მეგრელებსა და აბაზგებში მან იპოვა მნიშვნელოვანი მოკავშირენი და უძვირფასესი თანამოლაშქრენი“, როგორც ამბობს გერმანელი ისტორიკოსი გელცერი. შემდეგ (626 წ.) პერაკლე კავშირს აბამს ხაზარებთანაც, ჩრდილო-კავკასიის ველების ახალ მებატონებთან, რომელნიც მომდევნო საუკუნეების განმავლობაში დიდ როლს ითამაშებენ აქ. ამ თავის სადგურიდან პერაკლე აწყობს, დროგამოწვევით, რამდენსამე ლაშქრობას ირანელების წინააღმდეგ და ენერგიული, მოხერხებული, მოქმედებით ანადგურებს მოწინააღმდეგეს. არასოდეს წინათ ირანს ასეთი დამარცხება არ უნახავს. მრავალსაუ-

¹ სეზოსი. 33, 45.

კუნოვანი, უძლიერესი, სახელმწიფო ეხლა უფსკრულის პირას იდგა. საჭირო იყო კიდევ ერთი პატარა ბიძგი, რომ მისი პოლიტიკური არსებობაც გამჭრალიყო. სულ ცოტა წნის შემდეგ ეს კიდევაც შეასრულეს არაბებმა.

საკუთრივ საქართველოში კენისარს საქმე გაუჭირა ტფილისმა, რომელიც დანებებას სრულებით არ აპირებდა: ბიზანტიელებმა და მათმა მოკავშირე ხაზარებმა დიდი ენერგია შეაღიეს ტფილისის ციხის წინააღმდეგ ბრძოლას. ბოლოს, როგორც იყო, ხაზარებმა მოახერხეს ქალაქის აღება (626 წ.), მცხოვრებნი შეუბრალებლად გაჟლიტეს და უთვალავი ნადავლი—ოქრო-ვერცხლი და თვალ-მარგალიტი—იგდეს ხელთ.

ჩვენ განზრახ შევჩერდით იმ წვრილ ფაქტობიზანტიის წარმატება-ტებზე, რომელნიც, VI ს. სამოციან წლებიდან მოყოლებული, აშკარად გვიჩვენებენ ბიზანტიის სამხედრო-პოლიტიკური უპირატესობის შეუჩერებელს, თუმცა ხანმოკლე შეფერხებით დახასიათებულს, ზრდას. VII ს. ოციან წლების დამლევისათვის მთელს ამიერ-კავკასიაში და, მით უმეტეს, საქართველოში, ბიზანტიის ჰეგემონია უკვე უცილობელი ფაქტია. ეს ახალი პოლიტიკური ვითარება—კი ძალიან მნიშვნელოვანი გამოდგა იმ ადგილობრივ ძალების ჩამოყალიბების პროცესისათვის, რომელთა განვითარებასაც ჩვენ აქ სპეციალურად ვაკვირდებით.

იმპერია, თვითონაც, ეხლა უკვე საბოლოოდ, ფეოდალურ განვითარების გზაზე შექმდარი, ახლად შექმნილ ქვეყნებში ხვდება გამორკვეულს ფეოდალურ სამყაროს. თუმცა ფეოდალური საზოგადოებრივი კლასები და მათი ურთიერთობა ჯერ სავსებით დასრულებულ სახეს არ ატარებენ, მაგრამ გადაჭრით-კი მიისწრაფიან აქითკენ. კერძოდ პოლიტიკურ სფეროში, როგორც ქართლის მაგალითზედაც ეს სომეხმა მკითხველს, ახალგაზრდა ფეოდალურმა კლასმა უკვე VI ს. დამდეგს მიაღწია გაბატონებულ მდგომარეობას. აღებულ პერიოდის მეორე ნახევრისათვის აქ უკვე ახალ ნიადაგზე ადგილობრივს ფეოდალურ სახელმწიფოებრიობასაც გარკვეული წარმატებისათვის მიუღწევია და აშკარად მოჩანს, ან უკვე წარმოქმნილ ან ჯერ ჩანახანად მოცემულ, ახალ ფეოდალურ პოლიტიკურ

6. ს. ჯანაშია, შრომები. ტ. I.

ერთეულების კონტრები. ასეთია მდგომარეობა ქართლში (რაც ქვემოთ სპეციალურად იქნება განხილული), ასეთივეა, დაახლოებით, მდგომარეობა მეზობელ პერსარმენიასა და ალვანეთშიც. ამიტომ, ამ ორს, სოციალურად მონათესავე ძალას, მოსულსა და დამხდურს, შორის შესაძლებელი, და აუცილებელიც, იყო კონტაქტი. აუცილებელი იყო შეთანხმება იმდენად, რამდენადაც, ახალს პოლიტიკურ პირობებში, ორივე მხარე ურთიერთსაჭიროებას განიცდიდა. შეთანხმება, მართლაც, მოხდა.

თუნდაც დავეთანხმეთ სომხეთის ისტორიის მკვლევარს ადონცს, რომ სომხური მოსახლეობის იმ რაიონებში, რომელნიც იმთავითვე აღმოსავლეთ-რომის იმპერიას ეკუთვნოდნენ, იუსტინიანე ახორციელებდა პოლიტიკას, ადგილობრივ სომხურ არისტოკრატის განადგურებისაკენ მიმართულს (ფაქტები მაინც ცოტაა)¹. ეს ჩვენი | თეზის წინააღმდეგ არაფერს ამბობს. ჯერ ერთი, როგორც მრავალგზის გვითქვამს, იმპერიის პოლიტიკა ამ მხრივ განსაზღვრული იყო ადგილისა და დროის პირობებით. საკუთარს, ძველთაგანვე შეძენილსა და ახლად მოპოვებულ ტერიტორიებში, რა თქმა უნდა, ეს პოლიტიკა მთლად ერთიდაიგივე არ იქნებოდა. მაგრამ მთავარია აქ თვით ეპოქების სხვაობა: იუსტინიანეს მეფობა, როგორც უკვე ვამბობდით, იყო უკანასკნელი აღმოდგენივა ძველი, მომაკვდავი, წესწყობილებისა, თუ გნებავთ, ერთგვარი რეაქციაც, რამდენადაც იუსტინიანე აქტიური ხელოვნური ღონისძიებებით ერეოდა ამ პროცესში და ძველს ესარჩლებოდა,—ჩვენ-კი ვგულისხმობთ ალებულ პერიოდის, მეექვსე საუკუნის (ჩვენი გაგებით), მეორე ნახევარს, კიდევ უფრო მეტად ამ პერიოდის დასასრულს, როდესაც, თვით იმპერიაში მდგომარეობა უკვე სულ სხვაგვარია; ამ მომენტისათვის გამარჯვებული ელემენტები, ცხადია, წინათაც არსებობდნენ და თავს წამოპყოფდნენ ხოლმე ხან ერთს, ხან მეორე სფეროში, მიუხედავად ცალკე პირთა, თუნდაც ისეთი დესპოტის, როგორც იყო იუსტინიანე, მტრული პირადი განწყობილებისა. ასეთ მოვლენას ვხედავთ ჩვენ, მაგ., სამხედრო ორგანიზაციაში, რომელიც, საერთოდ, უაღრესად დამახასიათებელია საზოგადოებრივი სტრუქტურისათვის. ძველი რომაული სამხედრო წყობილება VI საუკუნისათვის უკვე აჩენს თავის სრულ გამოუსადეგრობას და თანდათანობით ახალ ორგანიზაციაში გადა-

¹ Адонц, — Армения в эпоху Юстиниана, 157 შემდ.

დის. სამხედრო ძალა თანდათან მეომრების წოდებად იქცევა. სამხედრო სამსახური მიწისმფლობელობას უკავშირდება. ცალკე სარდლები თავის საკუთარ ხარჯით აწყობენ საკუთარ რაზმებს ფედერატებისაგან, ე. ი. მოკავშირე ბარბაროსებისაგან. ეს სარდლები სულ უფროდაუფრო კერძო პირთა სახით გვევლინებიან, და არა თანამდებობის პირებად, ისინი კეისართან დაკავშირებული არიან პირადად ფიციით შეკრულ ერთგულების პირობით. ერთი სიტყვით, ჯარი უკვე ფეოდალურ საფუძველზე ეწყობა. ასე ყალიბდება თემი, რომელიც არის ადმინისტრაციული ოლქი, მოწყობილი იმრიგად, რომ მისმა მოსახლეობამ სამხედრო სამსახური გასწიოს, სათანადო ადგილმამულის მიღების პირობით. მხედარი არის ის, ვინც მამულის მკირავია. სამხედრო ბეგრის ხასიათი და მოცულობა თვით მამულის სიდიდით („სრული მიწის“ ქონება თუ არქონება, მერმინდელ ქართულ ფეოდალურ ტერმინოლოგიით რომ ვთქვათ) არაის განსაზღვრული. თემის სათავეში მდგომი პირი აღჭურვილია როგორც სამოქალაქო, ისე სამხედრო უფლებებით.

ასეთი სამხედრო სამოქალაქო ოლქების, თემების, ხსენება VII ს. | დამდეგს ჩნდება პირველად და სწორედ პერაკლე კეისრის სახელთან არის დაკავშირებული. პირველი თემები აღმოსავლეთის განაპირა პროვინციებში ჩნდება. მეორე მხრით, თემურ წყობილების განვითარებაში დიდ როლს თამაშობენ ე. წ. ფედერატები, ბარბაროსი ტომები, რომელნიც იმპერიის მიწა-წყალზე სახლდებიან სამხედრო სამსახურის პირობით. ყოველგვარ სხვა გადასახადისა და გამოსაღებისაგან ფედერატები განთავისუფლებული არიან¹.

საერთო მდგომარეობისა და პოლიტიკის აღწერილი ხასიათი გვირკვევს, თუ როგორი უნდა ყოფილიყო კეისრის მთავრობის მოქმედების ხაზი ამიერ-კავკასიის იმ ქვეყნებში, სადაც, აღებულ მომენტისათვის, ბიზანტიის გავლენა ვრცელდება.

ბიზანტიელები ადგილობრივ წვრილ ფეოდალურ მფლობელებისაგან, ან ფეოდალურ წრის ისეთ პირთაგან, რომელნიც პოლიტიკურ უზენაესობისაკენ მიისწრაფიან, მოითხოვენ ერთგულ სამ-

¹ „თემის“ საკითხისათვის იხ. თ. უსპენსკის, კ. უსპენსკის, ა. ვასილიფისა და გ. გელცერის კურსები ბიზანტიის ისტორიიდან.

ხედრო სამსახურს და ამით კმაყოფილნიც, არიან; საშაგიეროდ ისინი მფარველობას ჰპირდებიან. მფარველობა, ჩვეულებრივ ფეოდალურ სიუზერენის მოვალეობათა გარდა, იმაშიაც გამოიხატება, რომ კვისარი ადასტურებს ამა თუ იმ მსხვილ ფეოდალის უკვე არსებულ პოლიტიკურ მდგომარეობას და, ჩვეულებრივად, თანხმობას აცხადებს, როგორც ამას თავის დროზე ირანელები სჩადიოდენ, ამ მდგომარეობის შემკვიდრებით გადაცემაზე.

ასეთი იყო ვითარება, მაგ., ქართლში. მემატინე ჯუანშერის მტკიცებით, როცა ქასრე ამბარვეზი, სპარსელთა მეფის ძე, რომელიც ბარდავში იჯდა და რომელსაც, ალვანეთის გარდა, ერთგვარი პოლიტიკური გავლენა ქართლზედაც ჰქონდა, სპარსეთში წავიდა თავის გაჭირვებული და მტერთაგან შევიწროებული მამის საშველად (მაშასადამე, ავტორი ამ ამბავს VI ს. ოთხმოციან წლებს მიაკუთვნებს, რადგანაც ქასრეს მამა, ჰორმუზდ IV, 579—590 წ. წ. მეფობს), და რაკი „ესრეთ რა უცალო იქმნეს სპარსნი“, ქართლის ერისთავებმა მნიშვნელოვანი ნაბიჯი გადადგეს—„შეითქუნეს ყოველნი ერისთავნი ქართლისანი ზემონი და ქვემონი და წარგზავნეს ზოციქული წინაშე ბერძენთა მეფისა და ითხოვეს, რათა უჩინოს მეფე ნათესავთაგან მეფეთა ქართლისათა [და] რათა იყუნენ ერისთავნი იგი თვის-თვისსა საერისთავოსა შემუცვალებელად. მაშინ | კეისარმან აღასრულათხოვა მათი“-ო¹. შემდეგ ამ ბერძენთა მიერ დადგენილის (თითქოს, ნამდვილად კი საქმის ვითარება სხვაგვარია, იხ. ქვემოთ) პირის, გუარამის, შესახებ ნათქვამია: „მეფობდა კეთილად და უშფოთველად, არამედ ერისთავნი ქართლისანი ვერცვალნა საერისთავოთაგან მათთა, რამეთუ სპარსთა მეფისაგან და ბერძენთა მეფისაგან ჰქონდეს სიგელნი მკვიდრობისანი საერისთავოთა მათთა, არამედ იყუნეს მორჩილებასა გუარამი კურატპალატისასა“-ო². შემდეგ კიდევ არის ხაზგასმული: „ერისთავნი იგი იყუნეს თვის-თვისსა საერისთავოსა შინა, ჰმკვიდრობდეს“-ო³. ამ ამბებთან დაკავშირებით საინტერესოა კიდევ ერთი ფაქტი, რომელსაც სხვადასხვაგვარად გადმოგვცემენ ძველი ქართუ-

¹ ჯუანშერი, მარ. 190.

² იქვე, 192.

³ იქვე, 196.

ლი წყაროები, თუმცა ერთხმოდ თარიღად (და, უმეტესობა, მიზნულად) არაბების პირველ გამოჩენას ასახელებენ. „ქართლის მოქცევა“ ამბობს: „ჰამბავი მოგდა, ვითარმედ ბაღდადი (შეცთომითა აქ ეს ქალაქი დასახელებული, ს. ჯ.) აგარეანთა (ე. ი. არაბებმა) დაიპყრესო. და ამისთვის ბერძენთა ქუეყანაჲ ჯორსა აჰკიდეს და წარიღეს საბერძნეთა“¹. მეტერთმეტე საუკუნის მწერალი, სუმბატ დავითის-ძე, სხვანაირ რედაქციას იძლევა: „ქუეყანა ქართლისა აღწერეს და წარიღეს საბერძნეთს“-აო.² ცნობილი ჯუანშერი-კი ავრცობს თხრობას და ლაპარაკობს უმთავრესად, „შიშინობის გამო, ბერძენ და ირანელ წარჩინებულთა მიერ განძების დაფვლის შესახებ, „წარჩინებულნი ჰფლვიდეს ქუეყანათა შინა განძთა მათთა, რათა რაჟამს გამოვიდენ, პოვონ განძი იგი და არღარა ნახონ ჭირი წაღებასა და მოღებასა“, და დასძენს: „შეიტანნეს ყოვლისა საგანძურისა გუჯარნი. და რა გუჯართა აღწერეს ნათესავე თვისი და ქუეყანა,—დადგეს, რათა, ოდეს მოვიდეს ბერძენნი, მით გუჯართა მოიძინნენ (ე. ი. იპოვონ) ნათესავენი მათნი და თვთოეულად განუყონ განძი და ქუეყანა“-ო³. მიუხედავად ტექსტის ერთგვარი დამახინჯებისა სამსავე შემთხვევაში (ცხადია, მაგ., რომ „ქართლის მოქცევის“ უცნაური „ჯორი“ არის „გუჯარის“ დამახინჯება. „გუჯარი“-კი, როგორც გარკვეულ ტიპის საბუთის სახელი, აქ სავსებით | გასაგებია), მაინც აქ გარკვეული მითითებაა იმის შესახებ, რომ ბიზანტიელები, განსაზღვრულ, გარკვეულ მომენტში, საკმაოდ ენერგიულად ჩარეულან ადგილობრივს სამიწისმფლობელო ურთიერთობაში. იქნებ ამ ბუნდოვან ცნობაში განძების დაფვლის სავსებით გასაგებ ფაქტს გარდა საადგილმამულო კადასტრიც იგულისხმებოდეს, რომელიც, ეპოქისათვის დამახასიათებელ სამხედრო-ორგანიზაციულ ღონისძიებებთან შეფარდებით, აქაც უნდა ჩაეტარებინა ბიზანტიის მთავრობას? საყურადღებოა რომ შემდეგში საქართველოში ფართო გავრცელებას პოულობს ტერმინი „თემი“, რომლის წარმოშობა და ზუსტი მნიშვნელობაც-კი შეუსწავლელია. ხომ არ უკავშირდება იგი ამ ეპოქას?

¹ Опис. II, 726.

² მარ. 342. საინტერესოა რომ, სუმბატის მიხედვით, „ბაღდადის“ დაპყრობის ამბავი წინ კი არ უსწრებს,—მოსდევს ბერძენთა წასვლას ქართლიდან.

³ მარ. 199. ტექსტი შესწორებულია ჩვენ მიერ.

შემდეგ, მეტად დამახასიათებელია ბიზანტიის კეისარსა და ახალგაზრდა ადგილობრივ ფეოდალურ მფლობელებს შორის დამყარებულ ურთიერთობისათვის, რომ ეს უკანასკნელი ატარებენ კეისარისაგან ბოძებულს უმაღლესს ბიზანტიურ საკარისკაცო ტიტულებსა და წოდებებს. ეს გარემოება, ერთი მხრით, მიუთითებს არსებულს (ზოგჯერ, სრულიად გარეგნულ) დამოკიდებულებაზე, მეორე მხრით, ხელს უწყობს ამ წვრილი მფლობელების პოლიტიკურ უფლებათა გაფორმებას და მათი ადგილობრივი ავტორიტეტის ზრდას. ფორმალური საფუძველი აღნიშნული მოვლენისა ის შეხედულებაა, რომ ერთადერთი უზენაესი სუვერენი არის კეისარი—ბაზილევსო (როგორც, მეშვიდე საუკუნიდან მოყოლებული, უწოდებენ თავიანთ თავს ბიზანტიის იმპერატორები), სხვები-კი მისი მოადგილეები და ვასალები არიან, სხვადასხვანაირ დამოკიდებულებაში მყოფნი თავიანთ პატრონისაგან.

საქართველოს მფლობელებს წინათაც მიუღიათ ბიზანტიური საკარისკაცო წოდებანი: მაგ., უკვე VI ს. დამდეგს, ეგრისის მეფე გუბაზი ჩარიცხული ყოფილა „პალატის სილენტიარი ეპი“¹ სათანადო სარგოს გაჩენით¹, ე. ი. იგი წევრად (რა თქმა უნდა, ფაქტიურ წევრად) დაუნიშნავთ იმპერიის საწარმომადგენლო ორგანოში, რომელსაც მნიშვნელოვანი სახელმწიფო საქმეების განსახილველად იწვევდენ². VI ს. დამლევს უკვე ასეთ ტიტულად გვევლინება, როგორც საქართველოში, ისე მეზობელ ქვეყნებში (მაგ., სომხეთში) „კუროპალატი“ (იყო სხვებიც, მაგ., იპატოსი, მაგრამ მათ ისეთი მნიშვნელობა არ მოუპოვებიათ). კუროპალატობა, რომელიც მერმინდელს ქართულ-ბიზანტიურ ურთიერთობაში განსაკუთრებულ ადგილს | დაიჭერს, VI ს. დამლევს კეისარს უბოძებია ქართლის პირველ ერისმთავრის, გუარამისათვის. VII ს. დამდეგიდან აღნიშნული ფუნქცია მეორე, აგრეთვე უმაღლესს საკარისკაცო, ტიტულს, „პატრიკიოზს“ ანუ, ბერძნულ დაბოლოების მოკვეციან, „პატრიკს“ ეკისრება. „პატრიკობამ“ უდიდესი გავრცელება ჰპოვა. არა მარტო მთელს ამიერ-კავკასიაში, არამედ მომდგომ ქვეყნებშიაც, ამოიჭამა თავისი წარმომშობელი ეპოქა და პოლიტიკური ვარემო და თანდათანობით იქცა სპეციფიკურ ტექნიკურ ტერმინად, რომელიც

¹ პროკოპი. კესარიელი, В. Р. II, 29.

² Б ъ ѱ и, Гос. строй Визант. империи, 47 შემდ.

აღნიშნავდა წერილ, ნახევრად დამოუკიდებელ თუ ზოგჯერ ხავსე-ბით დამოუკიდებელ, ფეოდალურ მფლობელის ხელისუფლების მო-ცულობას. მას არაჩვეულებრივი გამძლეობის უნარი აღმოაჩნდა (სწორედ იმიტომ, რომ რეალურს სოციალურ-პოლიტიკურ ვითარე-ბას დაემყნო): საქართველოში, მაგ., პატრიკების ხსენებას ჯერ კი-დეც XI ს. ვხვდებით.

განსაკუთრებით დიდი სტიმული „პატრიკობის“ გავრცელებას მისცა პერაკლე კეისრის ლაშქრობათა ეპოპეამ, რომელმაც სწორედ მთელი ამიერ-კავკასია და მომდგომი ქვეყნები (მაგ., ჩრდილოეთი ირანი) მოიცვა. პერაკლეს თანამედროვე, ქართლის ერისმთავარი, სტეფანოზი, მაგ., უკვე ატარებს „ქართლის პატრიკიოსის“ წოდებას (იხ. ჯვარის საყდარის წარწერა). აქ „პ ა ტ რ ი კ ი ო ს ი“ ა რ ა მ ა რ - ტ ო უ ბ რ ა ლ ო ტ ი ტ უ ლ ი ა, ა რ ა მ ა ე დ ხ ე ლ ი ს უ ფ ლ ე - ბ ი ს მ ო ც უ ლ ო ბ ი ს ა დ მ ნ ი შ ვ ნ ე ლ ი ტ ე რ მ ი ნ ი ც. არა-ბულ ცნობებიდან ჩანს, რომ პატრიკებით (არაბ. გამოთქმით—„ბატ-რიკ“) მოფენილია ეს მხარეები VII—IX სს.: არაბი ისტორიკოსი ბლადორი იხსენიებს, მაგ., არმენიაკის (ბიზანტიის სანაპირო თემი იყო), ხლათის (ქალაქი ვანის ტბის პირას), ბაგრავანდის, ბოსფორ-აჯანის (ვასპურაკანის), ჯურზანის (ქართლის), სისაჯანის (სივნიეთის) და სომხეთის მრავალ ცალკე სამფლობელოს პატრიკებს: მისთვის ეს სიტყვა ჩვეულებრივი ტერმინიც-კია ამ ქვეყნების ყველაზე მაღალი (აზნაურებზე მაღლა მდგომი) წრის აღსანიშნავად¹. ასეთივე მნიშვნელობა აქვს „ბატრიკს“ მეორე არაბი მწერლის, იაკუბისათვის². აღ-გილობრივ არსებული შეხედულებისათვის „ბატრიკობაზე“ საინტე-რესოა სომეხი მემატრიანის, მოსე კალანკატუელის ცნობა, რომ როდეს-საც ალვანეთის მთავარი ჯუანშერი ნებსით ეყმობ ბიზანტიის კეისარს, კეისარმა კონსტანტინემ (იკულისხმება VII ს. ორომოციანი წლები) დაუწერა ფიცო, გაუგზავნა ძვირფასი საჩუქრებო, თვითონ ჯუან-შერს უბოძა პ რ ო ტ ო ნ - პ ა ტ რ ი კ ო ბ ა და მიანიჭა უფლება მიეცა

¹ Из соч. Б л а д о р и, Книга завоевания стран, ეუბეს გამოც. ბაქო, 1927.

² Из соч. Я к у б и, История, გამოც. ფუბესი, ბაქო 1927.—ასეთსავე სურათს ვკაძლევენ სხვა არაბული წყაროებაც.

თავის მხრით, 1200 კაცისათვის (!) ტიტულები პატრიკისა, ჰიპატოსისა, აპა-ჰიპაქოსისა (თუ: აპა-ჰიპატოსისა?) და სტრატელატისა¹.

ადვილად წარმოსადგენია, რომ ცოტა სხვაგვარად უნდა მოქცეულიყვნენ ბიზანტიელები დას. საქართველოში, სადაც ისინი სულ სხვანაირად გრძნობდნენ თავს. ამ მხრივ საინტერესოა ჯუანშერის ცნობა, რომ ჰერაკლე კეისრის ლაშქრობათა დროს „უჟალად წარიღეს ბერძენთა საზღუარი ქართლისა: სპერი და ბოლო კლარჯეთისა—ზღვის პირი“-ო². ასეთი ანექსია დასაჯერებელია, რადგანაც ზღვის პირის შემომტკიცება ბიზანტიისათვის მართლაც საჭირო საქმე იყო. ამისდა შესაბამისად, თვით ეგრისში ბიზანტიელები სულ უფროდაუფრო ახლო უნდა დაინტერესებულიყვნენ უშუალო მმართველობის სფეროთი, ე. ი. კიდევ უფრო მეტად შეეკვეცათ ეგრისის მეფის ისედაც შეზღუდული და დასუსტებული პრეროგატივები: ამიტომ ჩვენ ნიშანდობლივ ჩვენებად მიგვაჩნია, როდესაც 697 წლისათვის ეპოქაობთ ბიზანტიურსავე ცნობას რომ ლ ა ზ ი კ ი ს პ ა ტ რ ი კ ი ო ზ ი , ἡ ἀρχαία τῆς Ἀζίας, სერგი (თუ გიორგი) ბარნუკისძე ასჯანყებია კეისარს და თავისი სამფლობელო არაბებთანათვის დაუშორჩილებია³. აქაც, ჩვენი აზრით, „პატრიკიოზი“ უბრალო ტიტული კი არ არის (მაშინ გვექნებოდა ფორმა: „ლაზიკის მეფე, სერგი პატრიკიოზი“), არამედ იგი ხელისუფლების ხასიათზე მიუთითებს. თუ ჩვენ არ ვცდებით, მაშინ გამოდის, რომ ეგრისის მფლობელს უკვე მეფის უფლებები წართმეული ჰქონია. დამახასიათებელია ცნობა მისი აჯანყების შესახებაც: შესაძლოა უკმაყოფილების მოტივად სწორედ ეს გარემოება გამხდარიყო. თუნდაც მოტანილი ტექსტი ასეთ საბუთად არ ვარგოდეს (რაც არა გვეგონია), ჩვენ სხვა მოსაზრებებითაც იძულებული ვართ ვიფიქროთ, რომ როქმელილაც მომენტში VI—VII სს. სიგრიძეზე უნდა მოსპო-

¹ ემინის გამოც. 1860 წ., გვ. 143—144. — საკუთრივ სომხეთის პატრიკების შესახებ ბევრი ცნობა იქვთ დაკული სებეოსისა და ლევონდს.

² მარ. 196.

³ თეოფანე, Chronographia, Bon. II, 566. თეოფანე ასახელებს თარიღს „დანაბაშიდან სოფლისა“ (= 6189 წ.). რადგანაც თეოფანეს გამოყენებული აქვს პანოლორეს სისტემა (5492 წ. ქრისტ. ერამდის), რაზედაც ჩვენი ყურადღება თავახიანად მიაქცია პროფ. ს. ყაუხჩიშვილმა, ამიტომ განზილულ ამბის თარიღად, ახალ წელთაღრიცხვით, ვიდებთ 697 წ.

ბილიყო, ცხადია, ბიზანტიელების წყალობით, მეფობა ეგრისში. ეს უნდა მომხდარიყო VI ს. დამლევს, ან VII ს. ოცდაათიან წლებში, ჰერაკლე კეისრის ლაშქრობათა შემდეგ და შედეგად. სხვაგვარად ძნელი იქნებოდა აგვეხსნა, მაგ., ის ფაქტი, რომ VIII ს. დამლევს აფხაზეთის მთავრებმა ერთი დაკვრით გაანადგურეს ეგრისის სამეფო.

საბაბის მოძებნა ასეთი აქტისათვის ცბიერ ბიზანტიელ მმართველებს არ გაუჭირდებოდათ. ამ მხრივ ყურადღებას იქცევს ის გარემოება, რომ უკვე ჰერაკლე კეისრის ლაშქრობათა მგორე პერიოდში ბიზანტიური წყაროები გვიმბობენ იმ უთანხმოების შესახებ, რომელიც კეისარს მოსვლია თავის მოკავშირე ლაზ, აბაზგ და ივერიელ ჯარებთან: როგორც ჩანს, მოკავშირეები წინააღმდეგი იყვნენ შორეული ექსპედიციისა, და როცა ჰერაკლემ თავისი მანც არ დაიშალა, ლაზებმა და აბაზგებმა კეისარს ლაშქრობაზე უარი უთხრეს და შინისაკენ გაემგზავრნენ. ცხადია, ასეთ რამეს ჰერაკლე თავის ყმებს არ აპატიებდა, თუ-კი პერსარმენიის, ქართლისა და ალვანეთის მთავრებს, რომელთაგანაც ბევრი არა მარტო ფორმალურად, არამედ ფაქტიურადაც ირანის შაჰის ყმები იყვნენ, უთვლიდა ომის დასაწყისში: ნებაყოფლობით მემსახურეთ თქვენი ჯარებით, თორემ ისე მოგექცევით, როგორც წარმართებს, და ნაცარტუტას აგადენთო¹. ამიტომ, არც ის არის შეუძლებელი, რომ ჰერაკლეს დროს მომხდარიყო აღნიშნული პოლიტიკური ცვლილებები ეგრისში.

ანალოგიურია ქართ. მატრიანეებში წარმოდგენილი სურათიც, თუმცა მისი ჭეშმარიტების ფარგლების გარკვევა ამჟამად ძნელია. ჯუანშერთ, VIII ს. დამლევს ეგრისში ადგილობრივი დინასტია სულ არ ჩანს და მთელი ქვეყანა აფხაზეთის სამთავროს საზღვრამდინხ ქართლის ერისმთავრებს ეკუთვნის. უეჭველია, ამ შეხედულებასაც ისტორიულ ჭეშმარიტების მარცვლი უძევს საფუძვლად, სახელდობრ მერმინდელი გამოძახილი იმ მდგომარეობისა, როდესაც ეგრისის მეფეების უპატრონოდ დარჩენილ (როგორც ადგილობრივ სამეფო დინასტიის გადაშენების, ისე ბიზანტიის დასუსტების წყალობით) მემკვიდრეობის ხელში ჩაგდებას ცდილობ-

¹ *ყაყანსკათიყაქ*, 102—103.

დენ მეზობელი ფეოდალური ძეგლობელები: ჯერ ქართლის ერის-
მთავრები, ხოლო, შემდეგ, აფხაზთა მთავრები.

სამართო სურათი ზი- საქართველოს სამეურნეო და სოციალურ
ნაგან უკითხიართობის (კლასობრივ ურთიერთობის) ისტორიისა-
განვითარებისა თვის VI ს-ში ცნობები უაღრესად მცირეა,
VI ს-ში თითქმის სრულებით არ მოგვეპოვება. იძუ-
ლებული ვართ ამიტომ მეტად სქემატურად და ისიც ხშირად პრობ-
ლემატურობის ფარგლებში განვიხილოთ ეს საკითხები.

ქართლში ამ ხანაში, ყოველ შემთხვევაში, VI ს. ოთხმოციან
წლებამდის, ხელსაყრელი პირობები უნდა ვიგულისხმოთ სოფლის
მეურნეობის,—რომელსაც ბევრად აღრევათ საკმაოდ განვითარებუ-
ლი სახე ჰქონდა, როგორც ვნახეთ,—შემდგომი ზრდისათვის. ასეთი
პირობა იყო პოლიტიკური მდგომარეობის სტაბილიზაცია, რომე-
ლიც ირანელთა უმეშვეო მმართველობის დამყარებამ მოიტანა. მარ-
თლაც, საერთო ცნობებით ამ პერიოდის აღმოს. საქართველო მდი-
დარი და ნაყოფიერი ქვეყანა ჩანს. მაგრამ სასოფლო-სამეურნეო
კულტურების შესახებ კონკრეტულად, არც სასაქონლო წარმოების
ხასიათისა და მოცულობის შესახებ მის შიგნით, არაფერია შენახუ-
ლი. მემპტიანის უაღრესად საყურადღებო და ექვმიუტანელი (ჩვენი
აზრით) ცნობა რომ უკვე IV ს. მეორე ნახევრისათვის თრდატ ქარ-
თლის მეფემ „რუასთვისა რუა გამოიღო“, ე. ი. რუსთავის (აქ იგუ-
ლისხმება უთუოდ მტკვარზე მდებარე ქალაქი, ტფილისის სამხრე-
თით, სადაც შემდეგში საეპისკოპოსო კათედრა არსდება) სარწყავი
არხი გაიყვანა¹, მიუთითებს მეურნეობის საკმაოდ ინტენსიფიკაცია-
ზე ბევრად აღრე ჩვენს ხანამდის, მაგრამ გაურკვეველი რჩება, რა

¹ მოქცევა ქართლისა, 720.—ცნობა ძველის შთაბეჭდილებას, უწინარეს
ყოვლისა, თავის კონკრეტულობით ჰქმნის, მიუხედავად იმისა, რომ აშკარაა მისი
გატარება მერმინდელ რედაქციის ბრძმედში, როცა სახელწოდება „რუსთავი“,
წარმოშობილი ამ სამეურნეო აქტის შედეგად, უკვე განმტკიცებული იყო. მეორე
მხრით, სწორედ ამ ქალაქის სახელწოდება. დოკუმენტალურად დადასტურებული
VI ს. დამდგისათვის, უდავოდ ამტკიცებს ხსენებული საირიგაციო სისტემის არ-
სებობას უფრო ანდრინდელ ხანისათვის, ყოველ შემთხვევაში, მეხუთე საუკუნისა-
თვის. რუსთავთან იყო (და არის დღესაც) ყარაიის არხის თავი. ვახტანგ VI -მ
„ნაგებიდამ“, ე. ი. რუსთავიდან (ასე იწოდებოდა ეს ნაქალაქარი ახალ საუკუ-
ნეებში) „გაიღო... რუ მტკვრისაგან, და მიერ უაშითგან ნაყოფიერებს ჰალებს.
ქვეითი მინდორი“: ვახუშტი, გეოგრ. ჯან. 67. უნდა ვიფიქროთ, რომ ეს იყო ძველი
არხის განახლება.

კულტურებს ემსახურება აქ ეს სარწყავი სისტემა. მარცვლეული-კულტურების გავრცელებასა და ნაწილობრივ, შესაძლოა, სასაქონლო ხასიათსაც გვიმოწმებს ცნობა რომ დიდი ომიანობის დროს ეგრისში (542—562 წ.წ.) ქართლი ირანელებისათვის არის არა მარტოსამხედრო, არამედ აგრეთვე | სასურსათო ბაზა: აქედან ეზიდებიან ისინი ეგრისში, სახედრისა და კაცის საშუალებით (ანუ, ჰველი ქართ. ტერმინოლოგიით, „სატვირთავითა და მკვირცხლით“), სანოვაგეს, უწინარეს ყოვლისა, პურს (ე. ი. საერთოდ, მარცვლეულს).

პროკოპი მოგვითხრობს რომ პეტრას საშველად მოსულ ირანელების სარდლის ერთს მთავარ საზრუნავს შეადგენდა თავის ჯარისსურსათით მომარაგება ეგრისში: პეტრაში ახალ გარნიზონის ჩაყენების შემდეგ უკან გაბრუნებულ მერმეროს დანარჩენი ჯარი ახალი, მთის, გზებით მიჰყავს, „რათა ჯარისკაცებს შესძლებოდათ რბევით ერჩინათ თავი“, იმიტომ რომ „მას, იმავე (ე. ი. ძველი) გზით იქითკენ მიმავალს, არაფერი საჭირო სახსარი აღარ ხვდებოდა, ყველაფერი ი-კი, რაც ჯარმა იბერიიდან მოიტანა, პეტრაში დასტოვა“¹. მაინც, რაკი პეტრაში დატოვებული სანოვაგეც არასაკმარისი ყოფილა და არც ლაზიკის მთებში შეიძლებოდა სურსათის დიდი რაოდენობით შოვნა, ამიტომ ირანელები იძულებული შეიქნენ უმეტესი ნაწილი თავისი ჯარებისა მთლად გაეყვანათ ამ ქვეყნიდან². დარჩენილებმა მწარე დამარცხება იწვინეს რომაელებისა და ლაზებისაგან, რომელთაც მტრის ბანაკში „დაიტაცეს ბევრი იარაღი და დიდძალი ფული და აუარებელი ცხენი და კერძო ვირი... სხვა სურსათიც და აუარებელი ფქვილიც იპოვეს იქ და ყველაფერი დასწვეს, რაც-კი ბარბაროსებს იბერიიდან წამოეღოთ, რათა პეტრაში შემოეტანათ“. მომავლისთვისაც, გამარჯვებულმა მოკავშირეებმა „მრავალი ლაზი დასტოვეს ვიწრობაში, რომ სპარსელებს აღარ შესძლებოდათ პეტრაში სურსათის შეტანა“³. 550 წ. ირანის ჯარმა კვლავ გაამარა „პეტრაში მყოფი მცველი რაზმები დიდძალი:

¹ B. P. II, 30; გეორგ. II, 83-4.

² იქვე, 85-6.

³ იქვე, 88; B. G. VIII, 8, 123.

სანოვავითა და ყველა საჭირო საგნით“¹. მართლაც, როცა რომაელებმა ციხე-ქალაქი აიღეს, იქ „უამრავი აღმოჩნდა პური, დამარხებული ხორცი და სხვა სურსათიც: ალყაშემორტყმულთ ის ხუთი წლის განმავლობაში ეყოფოდათ“². საფიქრებელია, რომ მრავალგზისი მითითება აღნიშნულ სურსათის იბერიიდან შემოტანის შესახებ ქართლს გულისხმობს, როგორც ადგილობრივს დასამზადებელ პუნქტს, და არა როგორც გადამცემ სადგურს. ჩვენ ძალიან საეჭვოდ მიგვაჩნია, რომ ეს სანოვავე, პირველ რიგში, მარცვლეული ქართლში შემოტანილი ყოფილიყო რომელიმე მეზობელი ქვეყნიდან (მაგ., სომხეთიდან, რომელიც თავისი სამეურნეო მდგომარეობით, ყველა ნიშნით, დიდად არ უნდა განსხვავდებოდეს ქართლისაგან), ან, მით უმეტეს, ირანიდან.

ქართლში ეს მარცვლეული ირანელებს შეეძლოთ, რა თქმა უნდა, ხარკის ნატურალურ კატეგორიის სახითაც აეღოთ, მაგრამ, ვფიქრობთ, რომ ეს პური აქ ნაწილობრივ მაინც, შესყიდული უნდა ყოფილიყო. ეგრისში მდგომი ბიზანტიური რაზმის შესახებ, მაგ., დაცულია ერთი საინტერესო ცნობა (აგათიასი), რომ იგი ბალახსაცკი ყიდულობდა, ისეთი გაჭირვებული იყო. ერთ-ერთ ბიზანტიელ მოწოდების შესახებ, მაგ., ნათქვამია: მას „შეეძინა სატვირთო ხომალდები და ადგილობრივ ნაყოფებს იძენდა (კრებდა), ბევრი რამე ეყიდა მეტად დაბალ ფასებში, გაჰქონდა უცხოეთში და ჰყიდდა. ამიტომ, რასაკვირველია, პირველ საჭიროების საგანთა ნაკლებობა შეექმნათ ჯარებს, ისე რომ ბალახსაცკი საყიდელი იყო“³. ნათელია რომ ეს ჯარები ეგრისში თავისთვის საჭირო სურსათ-სანოვავეს უმთავრესად ყიდვის გზით იძენდნენ.

პირველ, ხარკის, შემთხვევაშიაც, ირანელებს არ შეეძლოთ მოსახლეობის საკვები ფონდის გარკვეულ ზომაზე მეტად შეკვეცა, თავიანთი პოლიტიკური მდგომარეობის გამო ქართლში (ზურგი ეგრისის სამხედრო ფრონტისათვის, ადვილად გასაშისვლებელი და მეტად საშიში სტრატეგიული ხაზი ქართლის ჩრდილოეთ საზღვარზე—დარიალანთან და სხვ.). მაშასადამე, მარცვლეულის საკმაოდ ფართო წარმოება ქართლში VI ს. არ უნდა იყოს შეუძლებელი. განსა-

¹ B. G. VIII, 8, 123. ² იქვე, VIII, 12, 147.

³ IV, 22. Hist. Gr. Min. II, 328—9. თარგმანი ეკუთვნის პროფ. ს. ყაუხჩი-შვილს, რომელმაც ჩვენი თხოვნით სათანადო ამონაწერი გადმოგვცა, რისთვისაც მას მადლობას მოვასხენებთ.

კუთრებით თუ მოვიგონებთ ირან. ჯარების რაოდენობას ეგრისში (იხსენიება ხომ ცალკეული რაზმები 30000 მეომრის შემადგენლობით!). ქართლის სოფლის მეურნეობის საერთო ვითარებისათვის უეჭველად დამახასიაფებელია პროკოპის ცნობა მესხების შესახებ, რომელნიც, ამავე მწერლის მტკიცებით, „ძველითგანვე იბერთა ქვეშევრდომი“ არიან (ე. ი. ტერიტორიულად და პოლიტიკურად ქართლს ეკუთვნოდენ) და „რომელთაც მთებში აქვთ საბინადრო ადგილები“. „მესხეთის მთები არც მწირია და არც ნაყოფიერებას მოკლებული, არამედ სასვია ყოველგვარი სიკეთით, რადგან მესხებიც მარჯვე მიწის მუშები არიან და იქ ვენახებიც არის“, ამბობს პროკოპი¹. შეიძლება უეჭველად მივიჩნიოთ, ბუნებრივ-ისტორიულ პირობების მიხედვით, რომ, მესხეთთან შედარებით, შიდა ქართლის არა ერთი რაიონი თუ უფრო კარგს, ყოველ შემთხვევაში უფრო ცუდ, მდგომარეობაში არ იქნებოდა. ქართლის სასოფლო-სამეურნეო პროდუქტის, როგორც სააღებ-მიცემო საგნის შესახებ, პირდაპირი ცნობის მსგავსი არაფერი მოღწეულა. ღვინის გამო შეიძლება მხოლოდ მოგვეგონებინა, რომ იგი საიმპორტო საგანი იყო მეზობელ ეგრისში. მაშასადამე, სათანადო საბაზრო მოთხოვნილება მეზობელ ქვეყნებში არსებობდა, და ქართლის მევენახეებს ვაჭარი ეყოლებოდათ.

რომ ქართლს ამ დროს მართლაც ინტენსიური საგარეო აღებ-მიცემა აქვს, კარგად ჩანს პროკოპი კესარიელის ცნობიდან იმდროინდელ ირანულ სომხეთის სატახტო ქალაქის ღვინის შესახებ. პროკოპი, სხვათა შორის, ამბობს რომ ღვინის გარშემო „მრავალი მჭიდროდ დასახლებული სოფელია გაშენებული... აქ მრავალი ვაჭარიცხოვრობს და საქმიანობს, რადგანაც აქ საქონელი შემოაქვთ ინდოეთიდან, მეზობელი ივერიიდან და თითქმის ყველა, სპარსელთა და რომაელთა ქვეშევრდომ ხალხის, ქვეყნიდან და ერთმანეთში აღებ-მიცემას აწარმოებენ“-ო². ინდოეთის შემდეგ ერთბაშად, და მხოლოდ, ქართლის დასახელება სომხეთთან მოვაჭრე ქვეყნებიდან ცხადად მოწმობს რომ ქართლის მონაწილეობა სომხეთის საგარეო ვაჭრობაში მართლაც დიდი იყო. ამასვე კვირს უკრავს ის ცნობილი ფაქტი, რომ როდესაც VII ს. დამდეგს, საეკლესიო გან-

¹ B. G. VIII, 2; გეორგ. II, 97; შეადრ. პროფ. ივ. ჯავახიშვილი, საქართველომ ისტორია, II, 110.

² B. P. II, 25.

ხეთქილების ნაიდაგზე, საშინელი მძულვარება და გათიშულობა ჩამოეარდა ქართულ-სომხურ მმართველ საეკლესიო წრეებს შორის, სომეხთა კათალიკოზმა თავის სამწყსოს უბრძანა—ქართველებთან საერთო არაფერი იქონიოთ, არც ლოცვაში, არც ქამა-სმაში, არც მეგობრობაში, არც მოყვრობაში; შეგიძლიათ მხოლოდ ივაჭროთ მათთან, როგორც ურჩებთანო. „ცხოვრებისგან გამდგარი“ ბერი, რომელიც ყოველგვარი ბრძოლისათვის მზად იყო სრულიად განყენებულ დოგმატიკურ საკითხების გამო, ქართველებთან ვაჭრობას მაინც ვერ კლევოდა!

ქართლის საიმპორტო საქონლის შესახებ ცნობები არ შენახულა. მაგრამ თავის ხასიათით იგი ისეთივე იქნებოდა, როგორც ეგრისისათვის იყო ჩვენ მიერ აღნიშნული—მისი მთავარი მომხმარებელი წარჩინებულთა წრეა და, სათანადოდ, განსაზღვრულია თვით საქონლის რაობაც. ვარსკენ პიტიახშის ცოლს, მაგ., ანტიოქიური | სამოსი აცვია (ანტიოქია იყო წინა აზიის ერთი ყველაზე უფრო მდიდარი ქალაქი, სირიაში)¹.

ეს სოფლის მეურნეობის სასაქონლო წარმოება, რომლის ზრდას, გარკვეულ მიჯნამდის, ხელს უწყობს ფულადი ხარკი, როგორც უკვე ნათქვამია თავის ადგილას (იხ. ზემოთ), ჰქმნის პირობას საქალაქო ცხოვრების გაფართოებისათვის. ქართლის იმდროინდელი ქალაქებია: მცხეთა, ტფილისი, უჯარმა, რუსთავი, ბოლნისი, მანგლისი, ერუშეთი, ჰერეში, ხუნანი და სხვ. ბევრი ამათავანის შესახებ ჩვენ მხოლოდ გუमानით ვამბობთ, ქალაქიანო, ვეყრდნობით რა ზოგიერთ არაპირდაპირს ჩვენებას: ფაქტიური ცნობები არ შენახულა. ვიცით მხოლოდ რომ VI—VII სს. მიჯნაზე ტფილისი ძალიან მდიდარი ქალაქი ყოფილა. ძველ სომეხ მემბტიანის, მოსე კალანკა-

¹ შუშანიკის მარტილობა, გორგ. გამ., 18: „რამეთუ შინაგან ძაძა ემოსა და არავინ იცოდა ჩემსა გარეშე, ზოლო გარეგან, კაცთა თუალსა, ანტიოქიისა პალეკარტი ემოსა“; შეადრ. სომხ. თარგმანი *և էր հանդէք յորս 'ի մեքիւղք քուրջ. և 'ի վերայ պարէ Գոսք անտիգայի* ვენეტისკის გამოც., გვ. 43-შიოს სასწაულებში, საქ. სამ., 254—6, მოთხრობილია ერთი საინტერესო ეპიზოდი ირანელი კაცის შესახებ, რომელსაც ძღვენი მოაქვს მონასტრისათვის ჯორებით [ირანნიდან]: „აქუნდეს ორნი კერძო-ვირნი აღტვირთულად ზეთითა, სიმსიმიითა, თაფლითა და ლედვითა ზმელითა“. აქ ალბათ დასახელებულია ის საქონელი, რომელიც, ნაწილობრივ მაინც, შემოქონლდათ უცხოეთიდან. ძველი ამბავს VI ს-ით თარიღებს, მაგრამ ამ თარიღის სიმართლეს შემდგომი გარკვევა სჭირია.

ტუელის, ცნობით, როცა პერაკლე კეისრის მოკავშირემ, ხაზართა ხაკანმა, ტფილისი აიღო, მან აქ დიდი სიმდიდრე იშოვა. ხაზარებმა, ამბობს მემეტიანე, „გარემოიცივეს ნებიერი, მოვაკრე, სახელოვანი დიდი ქალაქი ტფილისი“ და მიუხედავად პირველი ცდების დამარცხებისა, მანამ არ მოეშენენ ქალაქს, სანამ არ დაიმორჩილეს იგი. ჯერ მოსახლეობა გაელიტეს და შემდეგ „ხელი მიჰყვეს საგანძურებს. მთელი სიმრავლე მეომრებისა შიძმედ დატვირთული მოდიოდა თავის ბატონთან და მოჰქონდა ნადავლის ზვინები და ხვავები. იმდენი მოჰყარეს, რომ თვალს წყალი ელეოდა ოქროსა და ვერცხლის ქანქრების უთვალავ რაოდენობის ცქერაში. ენით უთქმელია თვალშარგალით მოოჭვილ, საეკლესიო, საქაულ-სამსახურებელის ამბავი, რომელიც წაიღესო“. შემდეგში აღვანელ წარჩინებულებს მათ ქვეყანაში დაბანაკებულ ხაზარების ნადიმზე უნახავთ მოოქროვილი ვერცხლის თასები და სასმისები, რომელიც ტფილისურ ნადავლიდან ყოფილა წამოღებული¹.

| დასავლეთ საქართველოშიაც ამ დროს ქალაქები ბლომად იხსენიება: სატახტო ქალაქი არქეოპოლისი ანუ ქართულად ციხეგოჯი (ეხლანდელი ნოქალაქევი), პეტრა — ქაჯთა-ციხე (ციხისძირი), ფაზისი (ფოთი), როდოპოლისი—ვარდციხე, სკანდა, შორაპანი, სევასტოპოლისი—ცხუმი (სოხუმი), პიტიუნტი (ბიჭვინტა), და სხვა.

თუ ბევრი ამ პუნქტთაგან, იმპერატორ იუსტინიანეს საკუთარი თქმით, „სიმაგრეები“, *φεισρα* იყო, როგორც, მაგ., სკანდა, სარაპანი (შორაპანი), მურისი, ლისირი და სხვ., ზოგიც კიდევ, როგორც „პიტიუნტი და სეხასტოპოლი ხომ უფრო ციხე-სიმაგრეებშია ჩასათვლელი, ვიდრე ქალაქებში“, *ὅς φεισραῖς: μαλλὰν ἀρμιστῆριον ἢ πᾶλαιον*, ზოგიერთს, კერძოდ, პეტრას, ამ სიტყვების პატრონი, უკვე ნამდვილ ქალაქად სთვლის. შემდეგ როცა კეისარი თავის ნოველაში ამბობს, რომ „არქეოპოლისი და როდოპოლისი უდიდესი და ძველი სიმაგრეებია“-ო², აქ, საფიქრებელია, მათი ქალაქობაც არის ნაგულისხმევი. პროკოპი, მაგ., გვაცნობს რომ ლაზთა ქალაქები — *παισμαχρα*, უმეტეს წილად, ფაზისის მარჯვნივ არის გაშენებული, მათ შორის „არქეოპოლისი ძალიან გამაგრებული“ და სხვ. ყველაზე შესანიშნავი ქალაქები-კი მაინც არის

¹ *Κατὰ τὴν ἱστορίαν*, 107, 119—126.

² იუსტინიანეს XXXI ნოველა, გეორგ. II, 198.

აქ როდოპოლისი და მოხირისი“-ო¹. სხვაგან, არქეოპოლისი დახასიათებულია როგორც „მთავარი და უდიდესი ქალაქი ლაზების ქვეყანაში“².

აღნიშნული პირობებივე ჰყვებოდნენ ხელოსნურს (კერძოდ, ქალაქისას) წარმოებას: მცხეთაში, როგორც უკვე ვიცით, ბლომად ყოფილან, მაგ., მეხამლეები და მეჭადაგეები. ყურადღებას იქცევს ის გარემოება, რომ ბევრი მათგანი უცხოელი ყოფილა ტომით. ის გარემოება რომ ამ ხელოსნებს ჩვეულება ჰქონათ ერთად ედღესასწაულნათ თავიანთი სარწმუნოებრივი უქმე დღე (ეესტათის მარტივლობა), საკითხს ჰბადებს, ხომ არა აქვთ ამ ხელოსნებს უკვე იმდროს რაიმე კორპორაციული კავშირი (საერთო დღესასწაულები დამახასიათებელია ამქრული წყობილებისათვის). ასეთსავე ეჭვს აძლიერებს ამ ხელოსნების საერთო სოლიდარული მოქმედება გარკვეულ შემთხვევის გამო. ხელოსნობის შესახებ დას. საქართველოში არავითარი ცნობა არ მოიპოვება.

საქართველოს მჭიდრო ეკონომიური კავშირი მეზობელ დიდ სახელმწიფოებთან მუდამ ნდობა უკანასკნელთა საფას-საზომების გავრცელებაში ჩვენს ტერიტორიაზე. ამ მხრივ დამახასიათებელია რომ აღმ. საქართველო უფრო ახლო დაკავშირებულია ირანთან, დასავლეთი — აღმ. რომის იმპერიასთან (შეადრ. სამეგრელოში ეხლაც ხმარებული ბერძნ. საზომი „ორგია“ და მრავალი სხვა ფაქტი). ფულიც, სათანადოდ, ამ პერიოდში უცხოური ტრიალებს: ქართლში — უპირატესად, ირანული, ეგრისში — უპირატესად, რომაული³. საყურადღებოა, რომ როცა ქართლის დამოკიდებულება ირანზე შესუსტდა და ირანული მონეტის სათანადო რაოდენობით შემოსვლა შეფერხდა (VI ს. დამლევი), ქართლში დაიწყეს ადგილობრივი ფულის ქრა ქართული წარწერით, იმდენად დიდია, მაშასადამე, მოთხოვნილება. ეს არის დღემდის ცნობილი ყველაზე ძველი ფული ქართული ზედწერილით. იგი, სხვათა შორის, იმაზედაც მიუთითებს რომ VI ს. დამლევის პო-

¹ B. P. II, 29; გეორგ. II, 72-3,

² B. G. VIII, 13; იქვე, 152.

³ ამ რთულ საკითხს ავტორი სპეციალურ მონოგრაფიაში იხილავს.

ლიტიკურ ამბებს ქვეყნის ეკონომიურ ცხოვრებაში დიდი დაბრკოლებები არ უნდა გამოეწვიათ.

ეხლა თუ გავითვალისწინებთ ლიტერატურულ ცნობებსაც ქვეყნის საერთო სამეურნეო მდგომარეობის შესახებ, სურათი შედარებით უფრო სრული იქნება. როცა 577-8 წ. კვლავ დაიწყო საზავო მოლაპარაკება ირანელებსა და რომაელებს შორის, პირველნი განსაკუთრებით დაჟინებით მოითხოვდნენ დაებრუნებინათ მათთვის პერსარმენია და ივერია, და, უკიდურეს შემთხვევაში, უარს ამბობდნენ ფულად საზღაურზე. ამ ამბების მომთხრობელი ბიზანტიელი მემატიანე ამტკიცებს, რომ ირანულმა საზავო პირობებმა კონსტანტინოპოლში საერთო სიხარული გამოიწვიეს: „ქვისარი მზად იყო დაეთმო სპარსელებისათვის პერსარმენია და თვით ივერიაც. იგი დარწმუნებული იყო რომ სპარსელები, მხნეობის დაცემისა და უკიდურესი დასუსტების დროსაც, არ დათანხმდებოდნენ ხელი აეღოთ ასეთ მნიშვნელოვან ქვეყანაზე“. შემდეგ მემატიანე დასძენს, რომ თავის მხრით ირანის შაჰი ძალიან ნასიამოვნები იყო ამ ქვეყნების უკან დაბრუნების შესაძლებლობით. იგი იმედოვნებდა, რომ „ომის დამთავრების შემდეგ სასურველად მოაწყობდა საქმეს (იგულისხმება პოლიტიკური მდგომარეობა) პერსარმენიასა და ივერიაში; ხოლო ეს ქვეყნები, არაჩვეულებრივი ნაყოფიერების გამო, დიდ შემოსავალს იძლეოდა“-ო¹. ეგრისი, საერთოდ, უფრო ღარიბი ქვეყანა ჩანს. სათანადო ცნობა | ზემოთ იყო განხილული, მაგრამ იქვე ჩვენ ვამბობდით, რომ ეს ცნობა კრიტიკულ დამოკიდებულებას საპირობებს და რომ მისი განზოგადება არ შეიძლება. მართლაც, იგივე ავტორი სხვა ადგილას მოულოდნელად ამბობს, რომ ლაზიკის ერთ რაიონში, მუხირესის მხარეში, რომელიც ერთი დღის სავალით იყო დაშორებული არქეოპოლისს (ნოქალაქევს), ბევრი მკვიდროდ დასახლებული დაბა იყო. ეს არის ყველაზე ნაყოფიერი, „საუკეთესო“ მხარე კოლხეთში, რადგანაც აქ ღვინოც კარგი მოდის და სხვა ნაყოფიც იქ კარგი იცის, თუმცა ლაზიკის სხვა მხარეებზე არ შეიძლება იგივე ითქვას“-ო. აქ ჩაულის მდინარე რიონი, სადაც ძველ კოლხებს დაუარსებიათ, ამჟამად უკვე დანგრეული, ციხე ქუთათისია. იქვე განმეორებით, მუ-

¹ მენანდრე, ნაწყვ. 47.

7. ს. ჯანაშია, შრომები, ტ. I

ხურისი „კოლხეთის საუკეთესო ნაწილადაა“ მოხსენებული¹. ცხადია, აქ იგულისხმება მერმინდელი ვაკე ანუ ქვემო-იმერეთი. ტლანქი მოხაზვით ცხენის წყალსა და რიონს შორის მდებარე ტერიტორია აღწერილობით, ეს ბალ-ბოსტანის რაიონია უფრო, ვიდრე მარცვლეული კულტურებისა.

საერთო ეკონომიურ სიძლიერეზე მიუთითებენ იმდროინდელი ქართ. ხუროთმოძღვრების ნაშთები, როგორც, მაგ., ჯვარის-საყდარი (არაგვის შესართავთან), უბერებელი და უმშვენიერესი ძეგლი ქართ. ხელოვნებისა, ტფილისის სიონი (პირვანდელ სახით მოღწეული არ არის), და მრავალი სხვ.

ამრიგად, აღმ. საქართველოში უფრო დიდ არეზე, დას. საქართველოში უფრო მცირე არეზე, სოფლის მეურნეობა ამ დროს ინტენსიურ ხასიათს ატარებს და მაღალ-შემოსავლიანი დარგია. კერძო საკუთრების ინსტიტუტის არსებობის პირობებში (რასაც ჩვენ ბევრად ადრეც ვხვდებოდით და რაშიაც ქვემოთ უეჭველობით დავრწმუნდებით), ამ ნიადაგზე, იქმნება შესაძლებლობა მაღალი რენტის მიღებისა. ეს-კი იწვევს მიწის, ძირითად საწარმოო საშუალების, მიმართ ყურადღების კონცენტრაციას. ჩქარდება შესაბამისი პროცესები მიწისმფლობელობის სფეროში. მწვავედებიან სათანადო დამოკიდებულებანი. ხდება საადგილმამულო უფლებების გადაჯგუფება იმ მიმართულებით რომ მიწის ძირითადი ფონდები თავს იყრიან (მიისწრაფიან აქეთკენ) გაბატონებულ უმცირესობის ხელში.

ეს განვითარება მიმდინარეობს როგორც ეკონომიური, ისევე, და შესაძლებელია უფრო მეტადაც, უმეშვეო ძალადობის გამოყენების გზითაც.

არსებული პირობები ხელს უწყობდნენ მიწის სულ უფროდა-უფრო ღრმა ჩათრევას საერთო აღებ-მიცემის პროცესში. გალატაკებული მესაკუთრენი (გალატაკება-კი იმ შფოთიან ხანაში, როგორც ზემოთ თავის ადგილას ვნახეთ, ძნელი არ იყო გარკვეული წრეებისათვის) ნებსით, ან არაპირდაპირი ზეგავლენის წყალობითაც, ჰყიდიან თავიანთ მამულებს, რომლებიც, ცხადია, მათი მდიდარი მეზობლების ხელში გადადის. თუ რამდენად შორსაა უკვე იმ დროს ეს პროცესი წასული, ამის მშვენიერი დოკუმენტი ჩვენ ამჟამად მოგვეპოვება ერთი ქვანიშნის წარწერის სახით.

¹ B G. VIII, 14, § 46; გეორგ. 163, 165.

წარწერის ენის სიძველეს მისი ჰაემეტობა და ტერმინოლოგია ადამტიცებს. დათარიღებაც გარკვეულ ფარგლებში უზრუნველყოფილია: პროფ. აკ. შანიძის აზრით (რომელიც წარწერის ირანულ-ქრისტიანულ თარიღების სინქრონიზმზეა დამყარებული), წარწერა მიახლოებით 616—619 წ.წ. უნდა ეკუთვნოდეს. მაგრამ თვით წარწერის ცნობა რომ ეს ქვანიშანი აღმართული ყოფილა „სახელსა ზედა მცხეთისა ჟუარისასა“, თითქოს უფრო ადრინდელ ხანაზე მიუთითებს (თუ „ჯვარის“ ქვეშ ჯვარის-საყდრის წინამორბედ ნიშანს ვიგულისხმებთ, რაც ყველაზე უფრო დასაჯერებელია: ეს ქვანიშანიც ხომ „ჯუარი ქრისტისი“ იყო, როგორც იგი თავის თავს უწოდებს; ხოლო თვით ტაძრის გულვების შემთხვევაშიც, რაც ნაკლებ საფიქრებელია, თარიღი უფრო დაბლა უნდა იყოს დაწეული, VII ს. ოციან წლების დასასრულის ქვეშოთ, რადგანაც ამ ტაძრის შენება მაშინ მთავრდება). თვით წარწერის ტექსტი გვამცნობს, რომ ეს ქვანიშანი, ჯვარის სახით, აღმართავს ვინმე კოსტანტის, სტეფანესა და გუდას შვილს, „ნასყიდევსა ქუეყანასა ზედა“, ე. ი. ნაყიდ მიწაზე¹. იმ დროს საერთოდ ჩვეულებრივი ამბავია მამულზე მსგავსი ნიშნის აღმართვა საკუთრების გამოსაცხადებლად². ამ შემთხვევაში ჩვენთვის საინტერესო ის გარემოებაა, რომ მიწის გასხვისების (გაყიდვის ფორმით) ფაქტი დოკუმენტალურად დამტკიცებულია მეექვსე საუკუნისათვის და ისიც საკმაოდ მაღალ ზონაში და საკმაო ძოშობებით ცენტრალურ რაიონებიდან; ქვა აღმართული ყოფილა ერაი მიწის ნაქერზე სოფ. წყისეში (სამხრ.-დასავლ. 4 კილომეტრზე სოფ. უდესგან ახალციხის | რაიონი)³. რამდენად უფრო ფართოდ უნდა ყოფილიყო გავრცელებული ასეთი ურთიერთობა ძირითად რაიონებში! ცხადია, რომ იქ მიწის ყიდვა-გაყიდვა სრულიად ჩვეულებრივი ამბავია.

¹ ამჟამად წარწერა უკვე გამოცემულია: პროფ. აკ. შანიძე, ძვ. ქართ. ქრისტომათია, ტფ. 1935, გვ. 25. ჩვენ ვისარგებლეთ პროფ. აკ. შანიძის სპეციალური ცნობით, რასაც მადლობით აღვნიშნავთ.

² ამ საინტერესო ჩვეულებასა და მის გავრცელებას, კერძოდ, საქართველოში ავტორი სპეციალურ მონოგრაფიაში ეხება.

³ თუმცა ამ რაიონს ჰქონდა საფუძველი გარკვეული დაწინაურებისათვის, რადგანაც იგი მნიშვნელოვან ვაზზე მდებარეობდა მესხეთის აღმ. სექტორიდან დასავლ. სექტორისაკენ, მაგრამ იგი მაინც არ შეიძლება იმდროინდელ ქართლას ეკონომიურად წაშყვან რაიონების პირველ რიგში იყოს დაყენებული.

რაც შეეხება მსხვილ მიწისმფლობელობის ტენ-
დენციას შემდგომი ზრდისაკენ უშუალო მი-
ტაცების გზით, ამის საილუსტრაციოდ ჩვენ ერთი საინტერე-
სო ცნობა მოგვეპოვება. საქმე ეხება ახლად აღმოცენებულ ქართ-
ლის საერისმთავრო ხელისუფლების ბრძოლას ადგილმამულისათვის.
შიო-მღვიმის მონასტერთან. ერისმთავარი სტეფანოზ (VII ს. დამდე-
ვი) მონასტერს ესტუმრება კათალიკოზთან ერთად. მას ჰგონია, რომ
კათალიკოზს ბერებმა შეტი პატივი სცეს და ფრიად ნაწყენია, „გა-
ნიხერხებოდა შურითა“. ერისმთავარი მონასტრის მამასახლისს სტუ-
ქსავს: „ბერო არაკეთილო... ვითარ შეურაცხ მყავთ რამეთუ არაჩაჲ
პატივი მთავრობისა წინა მიყავთ, და ოდეს სცანით ეპისკოპოზისა.
თქუენისა მოსლვა, ესეოდენ ადიდეთ იგი“-ო. ბერის მიკიბულ-მო-
კიბულ პასუხის უკმაყოფილო, სტეფანოზი ეკითხება მას: „უძეტეს
არსა საყდარსა ჩემსა—ეპისკოპოზისა? მე მეფეთა საყდართა ვზი“...
ჩემს სამეფო ტახტზე უფროსი ეპისკოპოზის ტახტი (ე. ი. ხელისუფ-
ლება) როგორ შეიძლება იყოსო. აქ ქრისტეს მსახურიც ჰკარგავს
მოთმინებას და შეურაცხებას აყენებს ერის მთავარს. საპასუხოდ
„განრისხნა გულისწყრომითა სტეფანოზ მხილებათა მათთვის და
მისტაცნა ორნი აგარაკნი და თქუა: „არა მივსცე შეურაცხისმყო-
ფელთა მამული ჩემი“-ო¹. თავის მამულს ეძახის ამ მიწებს სტეფა-
ნოზ, ალბათ იმიტომ, რომ ისინი შეწირული იქნებოდნენ მონასტრი-
სათვის ქართლის წინანდელ მფლობელებისაგან. ერთ-ერთი მათგანის
შესახებ იგივე ძეგლი, მაგ., მოგვითხრობს, რომ მან „მიანიჭა უკვე
მონასტერსა ოთხი რჩეულნი სამეფოთა დაბათაგან და დაწერა ჯელი-
თა თვისითა თავისუფლება მათი“-ო². ეხლა სტეფანოზს უკან მიჰ-
ქონდა ნაჩუქარი, „შეწირულის“ „გამოწირვას“ აპირებდა, რაც შემ-
დეგში ჩვეულებრივ აშბად იქცევა: კიდევაც ემუქრებოდა, „უთქმი-
და შინებათა“. შემდეგ ავტორს გამოჰყავს სცენაზე წმ.-შიო, მონას-
ტრის პატრონი და მფარველი, რომელიც ვითომც ძილში ჩვენებით
გავლენას | ახდენს სტეფანოზზე, რათა მან დაუბრუნოს ტაძარს მისი
ქონება: „სტეფანოზ ბოროტო და მედგარო, რად მისტაცენ მონას-
ტერსა ჩემსა აგარაკნი?—თუ ეხლავე უკახ არ დააბრუნებ, ვაი შენს
ტყავსაო“. სტეფანოზი შეშინებულია; მაგრამ ეს მიწაც საშინლად

1 „თხრობა სასწაულთათვის... შიოსთა“: საქართვ. სამოთხე, 256-7.

2 შიოს ცხოვრება: საქ. სამ. 237.

ენანება და წმინდანისა და ეკლესიის მოტყუებას ცდილობს, მხოლოდ ერთს აგარაკს უბრუნებს მონასტერს. მაგრამ არამც თუ ეს ხრიკი არ გაუღის, მას ეხლა წარმისაც ახდევინებენ, ნაძატიც მოიტაო. სასჯელსაც ადებს შიო: სტეფანოზ და მისი ოჯახი ცოფდება — „ძალით იპყრობდეს ჯელებითა მთავარნი და ყოველი ერი... გულისხმაპყვეს ესე უკვე წარჩინებულთა მათ ქართლისათა“ და შეკრული წაიყვანეს ისინი მღვიმედ, ე. ი. დამნაშავე საკუთარი ფეხით მიდის ცოდვის მოსანანიებლად. როცა ეს მიღწეულია, სტეფანოზმა მიუწოდა „მწიგნობარსა თვისსა და უბრძანა, რათა დასწერნეს ორნი დაბანი დაბათაგან სამეფოთა ურჩეულესნი“... ეს დოკუმენტი შიოს საფლავს დაადო და ჰგოდებდა: „აჰა, მამო, პატიჟი ბრალისა ჩემისა“, აი, ჩემი დანაშაულისათვის სასჯელიო. შემდეგ, „დაამტკიცა უკვე ჯელითწერილი იგი ჯელითა თვისითა და მასვე ეამსა დასწერა ჰროარტაგი და დამტკიცა ჯელითა თვისითა და წარსცა ყოველსა შინა ჭუეყანასა ქართლისასა. რათა ყოველნი ეკლესიანი განათავსულენენ მძლავრებისაგან და ხარკის მიცემისა“¹. ეკლესიამ გაიმარჯვა, ან ყოველ შემთხვევაში, ამ საეკლესიო მწერალს სურს ასე.

მაგრამ იყვნენ ისეთი მესაკუთრენიც, რომელთაც ძლიერთა ამ მიმტაცებლობისათვის არ შეეძლოთ აღწერილის მსგავსი წინააღმდეგობა გაეწიათ, და რომელთა მამულებზედაც წარჩინებულთა სიხარბე უფრო ადვილად იკმაყოფილებდა თავს. ანტაგონისტურ საზოგადოებაში ნორმალურია რომ ცვლილებები ერთი ძირითადი კლასის მდგომარეობაში მომხდარი, გავლენას ახდენს მეორე კლასის ვითარებაზედაც, თუმც შესაძლოა, სრულიად საწინააღმდეგო ხასიათისადაც. ყოველი მნიშვნელოვანი საზოგადოებრივი მოვლენა უთუოდ ეხება, თავის სხვადასხვა მხრით, ორსავე ფრთას: ერთის გაძლიერება მეორის დაუსტებას უღრის და უკანასკნელის ხარჯზედაც ხდება.

ის განსაკუთრებული სიძლიერე, რომელსაც VI ს. წარჩინებულთა ჯგუფმა მიაღწია, — განსაკუთრებით, ქართლში, არ შეიძლებოდა თავის რომელიღაც მხრით, სოფლის ძირითად მოსახლეობას არ დასტყობოდა. სოფლის მოსახლეობის ძირითად კატეგორიას-კი ამ დროს „წერილი ერი“ შეადგენს, რომლის დამოკიდებულება წარჩინებულთაგან აღებულ ხანაში, და ისიც ბარის რაიონებში ჯერჯერობით მხოლოდ ადრინდელ-ფეოდალურ ხასიათისაა, განსხვავებით „გლეხებისაგან“, ბევრად უფრო მცირერიცხოვან ჯგუფისაგან, რო-

¹ „თხოვა სასწაულთათვის... შიოსთა“: საქ. სამოთხე, 257-8.

მელიც უკვე ბატონყმურ დამოკიდებულებაში იმყოფება. „წვრილი ერის“ მდგომარეობისათვის დამახასიათებელია, რომ უმეტესწილად შემთხვევაში მას ჯერ კიდევ შერჩენილი აქვს თავისი სამამულო უფლებები, ჩვეულებრივად, თემურ მიწისმფლობელობის ფორმით, ნაწილობრივ კერძო საკუთრების სახითაც (აქ მნიშვნელოვანია თვით-საადგილმამულო კატეგორიები). ამ თავის სამამულო უფლებების დაკარგვით, ძირითად საწარმოო საშუალებების მიწის—დაკარგვით, ეს კლასი მიდის ყმობისაკენ, მაშინ როდესაც „გლებთა“ ყმობა პირად უთავისუფლობისაგან მომდინარეობს.

მეექვსე საუკუნეში „წვრილ ერს“ უხდა გაევლო ერთი უმნიშვნელოვანი საფეხურთაგანი თავისი განვითარებისა: წარჩნებულთა წოდება, რომელმაც ესა და ასეთი ჩინებული პირობები მოიპოვა თავის სოციალურ ინტერესების დასაპურებლად, ცხადია, მგლის თვალებით უცქერის იმ მიწის ფონდებს, რომლებიც ჯერ კიდევ შერჩენია „წვრილ ერს“ და ყოველგვარი საშუალებით ცდილობს მათს ხელში ჩაგდებას. ეს ხანგრძლივი ბრძოლაა, რომელიც მეექვსე საუკუნეში არც დაწყებულა და არც დამთავრებულა. აქ ჩვენ მხოლოდ მისი ერთი უმძაფრესი გამოხატულების პერიოდი გვეგულება. გარდა ამისა, ამ ბრძოლის აღებულ მოქმედებისათვის დამახასიათებელია ისიც, რომ, როგორც ეს ჩვენთვის უფრო ცხადი გახდება საქართველოს ისტორიის მომდევნო პერიოდის განხილვიდან, მიტაცებისა და მიძძლავრების საგხად და მიზნად ჯერ კიდევ მხოლოდ სახნავ-სათესი მიწები საგულვეთელი¹.

პირდაპირი ცნობის უქონლობის გამო ჩვენ ამ შემთხვევაში სხვა ხასიათის მასალას ვეყრდნობით. საინტერესო კვალი ჩანს, მაგ., ტერმინოლოგიაში. ავიღოთ თუნდაც სიტყვა „ბეგარა“, რომელიც შემდეგში ერთი ძირითადი ტერმინთაგანია ყმის ფეოდალურ გამოსაღებების აღსანიშნავად. იგი მთელი ირანული გამოთქმის ნაშთად ითვლება („ბე ქარ ამადან“) და „სამუშაოზე გასვლას“ ნიშნავს. თავდაპირველად „ბეგარა“ ქართლში შეიძლება და შემოსულიყო,

¹ იხ. ჩვენი ნარკვევი საქართველოს ვითარების შესახებ VII—IX სს.

როგორც ირანული ხარკის ერთ-ერთი სახეთაგანი, მოსახლეობის ნა-
| ტურალური შრომითი გამოსაღები დამპყრობელების სასარგებლოდ.
სწორედ ასეთი ურთიერთობის აღსანიშნავად აქვს ნახმარი ეს ტერ-
მინი უძველეს ქართველ მემბტიანეს, ჯუანშერს, როცა იგი ლაპარაკობს
ირანელების მიერ ჯორჯანეთის, ე. ი. გურჯანის, დაპყრობის
შესახებ: „წარმოტყუენეს ჯორჯანეთი და შემდგომად უმკვიდრო
ყვეს. და დასხნეს ადგილსა მათსა ნათესაენი სპარსთანი და ელამ-
თანი, და მიერთგან ქმნნეს ჯორჯანი * გლეხად,
რომელნი აწარიან მებეგრენი სპარსთანი და
ელამთანი“¹. როცა დამპყრობელი სცენიდან ჩამოდის, მოსახ-
ლეობის ვალდებულებებს მის მიმართ ეპატრონება ადგილობრივი
უმაღლესი წრე, რომელიც წინაბთ მხოლოდ აგენტი იყო გარედან
ბოსული ძალისა. საგარეო ხარკი შინაურ ფეოდალურ გამოსაღებად
იქცევა, ასეთი მეტამორფოზი საქართველოს მერმინდელ ისტორია-
ში სრულიად ჩვეულებრივი ამბავია. — ამ შემთხვევაში სწორედ ბე-
გარას მოსდის აღწერილი ცვლილება იმიტომ, რომ იგი თავისი ხა-
სიათით ალაგობრივ განსახორციელებელი გამოსაღები იყო (ტვირ-
თის ზიდვა, სამხედრო სამუშაოები და სხვ.). ამასვე ხელს უწყობს
ბეგარის ნატურალური ფორმა (მისი „გადაგზავნა“ არ შეიძლება).
„ხარკი“-კი, როგორც ფულადი, ცენტრალური დანიშნულების გამო-
საღები, უფრო მტკიცედ ინარჩუნებს თავის ხახელმწიფობრივს,
ფისკალურ ხასიათს. თუ მისი მითვისება ხდება, მიმთვისებელი ად-
გილობრივი ცენტრალური (მეექვსე საუკ. დამლევებიდან, ქართლის
ერისმთავრების) ხელისუფლებაა. მართლაც, არის ცნობები, რომ
„ხარკი“ იხმარება ადგილობრივ სახელმწიფო გადასახადის აღსანიშ-
ნავად გარკვეულ ხანაში (იხ. თუნდაც ამ პარაგრაფში, ზემოთ)—
მეზობელ სომხეთში „ბეგარა“ უკვე VII ს. შუაწლებში ფეოდალურ-
ი გამოსაღები ჩანს². საქართველოშიაც, აღებულ პერიოდის დამ-
ლევისათვის, „ბეგარა“ თავისუფლად შეგვიძლია ვიგულისხმოთ,
როგორც ერთი საშუალება თავგანი „წვირილთ
ერიის“ ზედმეტი შრომის მოთვისებისა ფეო-
დალები მის მიერ. მასალების სიმცირე არ გვაძლევს საშუალებას

¹ ქ. ცხ., მარ. 168.

² А л о н ц, Армения в эпоху Юстиниана, 484.

* ამ სიტყვის გასწვრივ ავტორის ხელით აშიახე მიწერილია: „არაბ.
ხანა ჯ-გ“.

წევამოწმით ჩვენი ექვი, რომ მეორე საყურადღებო ტერმინი, „ხო-
დაბუნნი“. უდაოდ ირანული სიტყვა, აგრეთვე იმ ხანებშია შემოსუ-
ლი ჩვენში. სულხან-საბას ლექსიკონით, „ხოდაბუნნი საბატონო-
ნო დიდი ყანაა“. ასეთივე მნიშვნელობა უნდა ჰქონოდა მას
ძველადაც, რასაც სიტყვის ეტიმოლოგიური სტრუქტურა ამტკი-
ცებს (ხოდა — ბატონი, ბუმ — მიწა, ხოდაბუნ — ბატონის მიწა.
მორფოლოგიურად შეადრ. ხუდაბანდა, ქეთხული და სხვ. მანის ნა-
რად ცვლისათვის შეადრ. ბამ — ბანი) ¹. ამ მოსაზრების გამართლე-
ბისას მივიღებდით საბუთს რომ ფეოდალის (ბატონის) მსხვილ მი-
წისმფლობელობასთან ერთად ეპოქა უკვე იცნობს ფეოდალის (სა-
ბატონო) მეურნეობასაც. რამდენად მსხვილია ეს საბატონო მეურ-
ნეობა, არაფერი ვიცით. ასეთსავე მდგომარეობაში იმყოფება „პარ-
ტახტი“ ო „ფარდახტი“ და სხვა ტერმინებიც უწყებული კატეგო-
რიისა, მაგრამ მათ შესახებ დაწვრილებით ჩვენ სხვაგან გვექნება
საუბარი ².

მსხვილ მიწისმფლობელთა ინტერესების მოქცევას სახელმწი-
ფობრივ რეგლამენტაციის ცენტრში ადასტურებს აგრეთვე ის ფაქ-
ტიც, რომ, ჩანს, სწორედ ამ ხანაში, საქართველოში ყოველი მხრი-
დან მოედინება საადგილმამულო მფლობელობის აქტების აღმნიშ-
ვნელი ტერმინები. ირანიდან, ჩანს, შემოდის „გუჯარი“, მეშვიდე
საუკუნის დამდეგის ბიზანტიურ ტალღას კიდევ მოაქვს „სიგელი“.
ორივე ტერმინი უფრო ფართო მნიშვნელობისაც იყო არსებითად,
მაგრამ ჩვენში ისინი სწორედ სამიწისმფლობელო ურთიერთობა-
ს უნდა დაემკვიდრებინა.

მემამულეობის კონცენტრაცია, როგორც ვთქვით, უმთავრესად

¹ ტერმინი „ხოდაბუნნი“ „ხოდაბუნნი“ ეგონებთ პირველად გვხვდება დავ-
იდმაშენებლის ანდერძში, შიომღვიმის ისტ. საბ., 17, სამწუხაროდ, მისი მნიშვნე-
ლობა იქ მთლად კარგად არ ჩანს.—შეადრ. პროფ. ივ. ჯავახიშვილი, საქართვე-
ლომ. ისტორია, წ. 1, ტფ. 1907 წ., გვ. 18.

² საკითხი, თავის სირთულის გამო, სპეციალურ განხილვას საჭიროებს.
აქ აღვნიშნავთ მხოლოდ რომ ამ ტერმინებს ჩვენში დამკვიდრების დასათარი-
ლებლად ერთგვარი (ირასაკმარისი, რა თქმა უნდა) საშუალებაა სწორედ მათი
ირანულობა. შემდეგ ხანაში ჩვენში, უპირატესად, არაბული ან გაარაბუ-
ლებული ტერმინები შემოდის, ფეოდალურ საწარმოო ურთიერთობის ცნებე-
ბის გამოსახატავად. ასეთებია, მაგ., ღალა, სუნრა, ხარაჯა (და სანარაჯო, მე-
ხარაჯე), კაბალა (და საკაბალო), ნადი, ხასი (და სახასო), მალი, ულუფა, ხი-
ზანი და სხვ.

სწორედ „წვრილი ერის“ საკუთრების ხარჯზე ხდება. მაგრამ ეს „წვრილი ერი“ ამ დროს არც სულიერად არის გატენილი და არც საკუთრო თავდაცვის სახსარსაა მთლიანად მოკლებული. ამიტომ, გასაგებია, რომ იმართება მძაფრი ბრძოლა მიმხტომებსა და დამხდურებს შორის. ვიდრე წარჩინებულთა წოდებას ირანელებთან საქმე კარგად ჰქონდა და ვიდრე თვით ირანელები ჯერ კიდევ იყვნენ ქართლში, ამ ბრძოლაში¹ გაბატონებული კლასი, ცხადია, ფართოდ იყენებს ირანულს ადმინისტრაციულ მანქანას. მაგრამ, გარკვეულ ხნიდან, ქართლის ფეოდალებსა (ყოველ შემთხვევაში, საერო არისტოკრატიასა) და ირანელებს შორის ურთიერთობა ფუჭდება. ირანელები, როგორც ჩანს. თვითონაც სუსტდებიან და ადგილობრივი წარჩინებულნიც მათ თავიანთ ქვეყნიდან ერეკებიან. ეს ლა უკვე იბადება საკუთროება შექმნილ იქნას ისეთი იძულები საკუთარი აპარატი, რომელიც გაძარცულთა წინააღმდეგობას დასთრგუნავს. ამ ნიადაგზე ყალიბდება სწორედ ქართლის ახალი დამოუკიდებელი პოლიტიკური ორგანიზაცია.

შესანიშნავად აქვს ეს განვითარება გამოხატული „ქართლის მოქცევის“: „ნელად-რც შეკრბა ქართლი“, ამბობს მათიანე¹. ეს იყო მართლაც ფეოდალური ქართლის შეკრების, გაერთიანების, შედარებით ნელი პროცესი. უკვე VI ს. სამოცდაათიან წლები და მდევს ირანელების წინააღმდეგ აჯანყდენ ქართლის წარჩინებულნი: უკანასკნელთა წინამძღოლი მაშინ ვინმე გურგენი ყოფილა (ბიზანტიური ცნობით)². ალბათ ამ გურგენს ეკუთვნის უძველესი მოღწეული ფული ქართული ზედწერილით (მონოგრამა „გნ“, რომელსაც, როგორც ჩანს, სამართ-

¹ Опис. II, 724.

² სტეფანე ბიზანტიელის მოთხრობით, ირანელებს. სომხებთან ერთად, „გადაუღწენ იბერებოც და მიემხრნენ რომაელებს. მათ მთავრობდა (ჩვენ ვფიქრობთ რომ უფრო მართებული თარგმანი იქნება „წინამძღოლობდა“, „ზელადობდა“. ს. ჯ.), გორგენი Γοργენιος ἀνατολῆς ἡγεμόνης οὐροც, ხოლო იბერთა დედაქალაქი მაშინ ტიფლისი იყო“. იხ. ს. ყაუხჩიშვილი, პირველი ბერძნული ცნობა ტფილისის შესახებ: საქ. სახ. მუზეუმის მოამბე IV, 283.

ლიანად კითხულობენ ნუმიზმატები როგორც „გურგენს“), რომლის მომჭრელის ვინაობა დღემდის გაურკვეველად ითვლებოდა. აუ ეს ფული მართლაც აჯანყების მეთაურს გურგენს ეკუთვნის,—გამოდის რომ მას (ფული მოჭრილია ოთხმოციან წლებში) ერთგვარი სახელმწიფოებრივი პეროგატივები მიუთვისებია. მაგრამ, შესაძლებელია, რომ სამხედრო ამბებში და ომის ასპარეზზე მოპოვებულ გურგენის უფლების მოცულობა მთლად სასურველი არ აღმოჩენილიყო გაბატონებული წრისათვის. იგივე ქართული ფულები VI ს. დამლევისა გვიჩვენებენ, რომ მათი მომჭრელის (მაშასადამე, სახელმწიფოებრივ პეროგატივების მკერობელის) ვინაობა სწრაფად იცვლება, კიდევ უფრო მეტი: მოღწეულია ისეთი ფული, რომელზედაც არავითარი წარწერა არ არის — თითქოს იგი გაბატონებული კოლექტივის მიერაა მოჭრილი. ამავე დროს აქ უკვე ირანულ პოლიტიკურ გავლენის ყოველგვარი კვალი წამლილია: თუ წინა ფულებზე მაზდიანური ემბლემა, ანთებული ცეცხლია გამოსახული, ეხლა მის ადგილს უკვე ჯვარი იჭერს. მართლაც, VII ს. დამდეგის სომხურ-ქართულ საეკლესიო მიწერ-მოწერიდან ნათლად ჩანს რომ ქართლს იმ დროს „მთავარნი და ყოველნი წარჩინებულნი“ ჰმართავენ, რომელნიც თუშცა აშკარად ანტიირანულ საქმეს აკეთებენ (ამას პირში აყვედრიან მათ სომხები), მაგრამ თავიანთ ირანული ქვეშევრდომობის ფორმალურადაც საჯაროდ უარყოფას ჯერ ვერ ბედავენ (პოლიტიკური მდგომარეობა ხომ უაღრესად ცვალებადი იყო).

მაგრამ ბოლოსდაბოლოს ხელისუფლების ერთგვარი ცენტრალიზაცია მაინც აუცილებელი იყო და აი, როგორც ამბობს მათიანე, „გ ა ნ ა ჩ ი ნ ე ს ე რ ი ს თ ა ვ ა დ გ უ ა რ ა მ“¹. ვინ „გ ა ნ ა ჩ ი ნ ა“ ეს გ ვ ა რ ა მ? ც ხ ა დ ი ა, ი მ „ქ ა რ თ ლ მ ა“, რომელიც ამის წინ „ნ ე ლ ა დ - რ მ შ ე კ რ ბ ა“, ე ი, როგორც ჯამბობდით, ქართლის უმაღლესმა ფეოდალურმა წრემ, ქართლის წარჩინებულებმა. ამ კ ლ ა ს მ ა ე ხ ლ ა ი პ ო ვ ა ი ს პ ო ლ ი ტ ი კ უ რ ი ფ ო რ მ ა დ ა ფ ო რ მ უ ლ ა, რომელსაც

¹ Опис. II, 724.—ჩვენ აქ არ ვეხებით იმ საკამათო საკითხს, თუ ვინ არის ეს გვარამი, ან როდის მოხდა აღნიშნული ამბავი, ან ხომ არა აქვს რამე კავშირი „გვარამს“ „გურგენთან“. ჩვენთვის აქ საინტერესოა გოვლენის სოციალურ-პოლიტიკური ბუნება და მისი გამოხატულება მათიანეში.

დიდი ხანია ეძებდა. ახალი ხელისუფლების შემთავური კიარიყო მეფე „ნებითა ღვთისათა“, „თვითფლობით მპყრობელი“, როგორც თავის უფლებას უთუოდ განმარტავდა ძველი ქართლის მეფე, ან საითეენაც მერმინდელი მონარქი მიისწრაფის, არა, ეს თვით წარჩინებულთა მიერ „განჩენილი“, დადგენილი, დანიშნულია, თვითონაც წარჩინებულთა და მემაძულე, მსგავსად თავის „განმაჩენელთა“, იგი მხოლოდ ყველაზე წარჩინებულთა წარჩინებულთა შორის, სხვებზე დიდი მემაძულე, ერთი სიტყვით — „პრიმუს ინტერ პარეის“ (ტოლთავან პირველი). ასე აღმოცენდა ახალი, მეტ-ნაკლებად სუვერენული, ხელისუფლება ქართლში.

როგორ იწოდება ამ ხელისუფლების მატარებელი, კარგად არ ჩანს. ზოგი წყარო მას „ერისთავს“ უწოდებს (რაც ყველაზე საეკვოა), ზოგი — „ერისმთავარს“ (ი. საბანისძე, რომლის ტექსტის მერყეობის მიუხედავად ჩვენ მაინც ეს ტერმინი ყველაზე რეალურად მიგვაჩნია), ზოგი — „ერისთავთა მთავარს“. ჯუანშერი, მაგ., ამტკიცებს, რომ მეორე მფლობელმა დინასტიების ამ სიიდან, სტეფანოზ გვარამისძემ, „მეფობისა სახელი ვერ იკადრა სპარსთა და ბერძენთა შიშისაგან, არამედ ერისთავთა მთავრად ხალოდეს“-ო¹. შესაძლოა, სტეფანოზს შინაურებისა არა ნაკლებ ეშინოდა, ვიდრე გარეუღებისა ყოველ შემთხვევაში, ტექნიკურად ჩვენ ვარჩევთ ტერმინს „ერისმთავარს“, ჩვეულებრივ „ერისთავისაგან“ განსასხვავებლად.

ქართლის ერისმთავრებმა იმთავითვე ბიზანტიური ორიენტაცია აირჩიეს. ცხადია, ისინი წარჩინებულთა უმრავლესობის ინტერესებს გამოხატავდნ ამ შემთხვევაში. რამ გამოიწვია ცვლილებები ქართლის მმართველ წრეებში?

ქართლის წარჩინებულთა და ირანელების თანხმობა არ შეიძლებოდა უსასრულო ყოფილიყო, რამდენადაც სასანიდების დინასტიის საერთო პოლიტიკის საბოლოო მიზნები, კერძოდ ქართლში, გამორიცხავდა ასეთ შესაძლებლობას. მას შემდეგ, რაც ირანმა საგ-

¹ ქ. ცხ., მარ. 193. ამასვე ამბობს მემატინე ადარნასეს შესახებაც: სხუაყოველი ქართლი დაიპყრა ადარნასე ბაქურის ძემან მთავრობით, და მეთობისა სახელი ვერცა მან იკადრა“, იქვე, 196.

სებით უარი თქვა დას. საქართველოს მიმართ პრეტენზიებზე, მას უკვე აქ (ქართლში) ზურგის რიდი აღარა ჰქონდა. ესა და სხვა მიზეზებიც ალბათ ამძიებენ ამ პერიოდში ირანულ რეჟიმს. სავსებით ასევე ცვალებადია პოლიტიკური მდგომარეობა და ადგილობრივ ფეოდალურ არისტოკრატის დამოკიდებულება ირანელებისადმი მუზობელ ქვეყნებშიაც, კერძოდ და განსაკუთრებით, სომხეთში. შესაძლოა, სომხეთისავე მსგავსად, ამ ამბებში ქართლის საერო და საეკლესიო არისტოკრატის ურთიერთობაც გაერია: იქნებ ზემოთ მოთხრობილი ამბავი სტეფანოზ ერისმთავრისა და შიო-ძღვინის მონასტრის ბრძოლის შესახებ შემთხვევითი ეპიზოდი არ იყო.

**ირანელების კულ-
ტურულ-იდეოლო-
გიური პოლიტიკა**

როგორც არა ერთგზის გვქონდა აღნიშნული, ირანელებს მტკიცედ ჰქონდათ გადაწყვეტილი ამიერ-კავკასიის მთლიანი და უპირობო შემომტკიცება. ეს იყო მათი სა-

ბოლო მიზანი, რომლის მისაღწევადაც შაჰის მთავრობა არავითარ საშუალებას არ ერიდებოდა. როცა VI ს. ორმოციან წლების დამდეგს ირანელები დასავლეთ საქართველოში შეიჭრნენ თვით ადგილობრივ მმართველ წრეების მოწვევით, მათ მოთმინება აღარ ეყოთ! და უმაღვე თავიანთი ფარული ზრახვა გამოამქლავნეს: დაემყარებინათ უმეშვეო და შეუზღუდველი ირანული მმართველობა ეგრისში. თუნდაც ამისთვის საჭირო გამხდარიყო ადგილობრივი მოსახლეობის აყრა და მის ადგილას ირანელების დასახლება. ასევე დაურიდებლად იქცეოდნენ ირანელები სხვა ქვეყნებშიაც, ადგილობრივ პირობებთან შეფარდებით.

ამ დაჭიმულ ბრძოლაში, სრული ბატონობის მოპოვებისაკენ რომ იყო მიმართული, ირანელები, ისე როგორც მათი მეტოქეებიც, ფართოდ იყენებდნენ იდეოლოგიურ იარაღსაც. რადგანაც იმ ხანაში იდეოლოგიის ძირითადი ფორმა რელიგიაა, ამიტომ ეს იდეოლოგიური პოლიტიკა არსებითად სარწმუნოებრივ პოლიტიკის ხასიათს იღებს.

რა თქმა უნდა, ირანული რელიგიური პოლიტიკა დაპყრობილ ქვეყნებში, საბოლოო მიზნად, ირანული ეროვნული სარწმუნოების, მაზდეიზმის, დანერგვას ისახავს. სათანადო ფაქტებს ჩვენ დიდი რაოდენობით ვპოულობთ.

ამიერ-კავკასიის ქვეყნებში იმ დროისათვის, როდესაც ირანელებმა საბოლოოდ შესძლეს აქ თავიანთი ხელისუფლების განმტკი-

ცემა, თავისებურ მდგომარეობას ჰქმნიდა ის გარემოება, რომ ქრისტიანობა უკვე დიდი ხნის სახელმწიფო კულტი იყო და გაბატონებული კლასის ფართო მასების შეგნებაში საკმაოდ მაგრად იყო ფესვგამდგარი.

ამასთან ერთად, ჩვენ გარკვეული გვაქვს, რომ ქრისტიანობა შეთვისებულ იქნა აზნაურობის მიერ როგორც იარაღი თავისი სრულიად მკაფიო სოციალურ-ეკონომიური ინტერესების განხორციელებისათვის თავისი საზოგადოებრივი მტრის და, იმავე დროს, სხვა-სარწმუნოების მატარებელი, კლასის წინააღმდეგ ბრძოლაში. ამიტომ ქრისტიანობისათვის მაზდეიანობის უშუალო დაპირისპირება არც ისე ადვილი იყო. ამ მხრივ ირანის მთავრობა ბოლოსდაბოლოს პირდაპირი ძალადობის მეთოდს უარჰყოფს: სასტიკად (სიკვდილით) ისჯებიან მხოლოდ მაზდეიანობის რენეგატები, ვინც ირანულ სარწმუნოებიდან ქრისტიანობაში გადადის. ამ გვარი დევნულობის ეპიზოდია ევსტათი მცხეთელის ცხოვრება. არაპირდაპირს ზემოქმედებაზე ირანელებს ამ მხრივ ხელი არასოდეს არ აუღიათ. V საუკუნისათვის შემატიანე ამტკიცებს: ირანული ადმინისტრაცია ქართლის მთავრობისაგან მოითხოვდა, „ვინცა ქართველი ნებითა თჳსითა აღი-რჩევდეს სჯულსა ჩვენსა, ნუ აყენებთ (ხელს ნუ შეუშლით)“-ო. და თითქოს ამ შეთანხმების მიხედვით მცხეთის ერთ უბანში, მოგვთაში, დამსხდარქნი ცეცხლისმსახურნი და მათი ეპისკოპოზი დიდ პროპაგანდას აჩაღებენ. შემატიანე ამტკიცებს, ამ ქადაგებამ „წარჩინებულთა“ შორის, ე. ი. მაღალ წოდებაში, ვერავითარი ნაყოფი ვერ გამოიღო, მაგრამ საძაგიეროდ „წვრილისა ერისაგანი მოაქცია ცეცხლისმსახურებასა“ და ამნაირად „შეერია ქართლსა შინა ერსა ზედა წვრილსა ცეცხლისმსახურება“¹. მდაბიოთა შორის მაზდეიანობამ მომხრენი ჰპოვაო. რამდენად ზუსტად გამოჰხატავს ეს სურათი ისტორიულ სინამდვილეს, ეს კიდევ სარკვევია (მართალი, ყოველ შემთხვევაში, ისაა რომ „წარჩინებულთა“ და „წვრილი ერის“ ინტერესები რელიგიურადაც სხვადასხვაგვარად იმოსებიან), ისე-კი მოღწეულია ცნობები ცეცხლის მსახურთა ცალკე კოლონიების არსებობის შესახებ აღმ. საქართველოს სხვადასხვა რაიონში. მაგ., „საგზებელი ცეცხლისა“ თითქოს ყოფილა ნიქოზში, შემდეგ კახეთ-

¹ ჯუანშერი, მარ. 122-123.

ნი, ლაპოტიხევი, მოსახლეობა „წყლისა და ცეცხლისა მსახური“ ყოფილა¹. თუ, მეფობის დროს, სადმე შეეძლოთ ირანელებს მაზდეიანობის გავრცელება ეცადნათ, უწინარეს ყოვლისა, რა თქმა უნდა. ე. წ. „ქართველთა საპიტიახშოში“. და, მართლაც, ჩვენ ვიცით კარგად, რომ V ს-ში ქართლის ამ პროვინციის მფლობელთა სახლის მეთაურები, პიტიახშები, ქრისტიანობიდან მაზდეიანობაში გადადიან. ასე მოიქცნენ არშუშა და ძე მისი ვარსკენი (იხ. ზემოთ). მაგრამ, იმავე დროს, სწორედ ამ ფეოდალურ სახლის ისტორია, კერძოდ ვარსკენის ეპიზოდი, მკვევრმეტყველებით აღწერილი იაკობის მიერ. უდავოდ ადასტურებს ზეპოთგამოთქმულ აზრს მაზდეიანობის მასობრივი გავრცელების სიძნელის, მეტიც, შეუძლებლობის შესახებ: ვარსკენი თავის საკუთარ ცოლის გადაბირებასაც ვერ ახერხებს ახალ სარწმუნოებრივ გზაზე (თუმცა, უეჭველია, შუშანიკს სხვა უფრო ჩვეულებრივ ადამიანური მოტივებიც ამოძრავებენ).

ამიტომ, ბოლოსდაბოლოს, ირანის მმართველი წრეები სხვა გზას ადგებიან. ამ შემთხვევაში, ერთ-ერთ ძირითადად განმსაზღვრელ ფაქტორის როლში რომისა და ირანის დაუსრულებელი ბრძოლა გამოდის. რადგანაც ქრისტიანობა რომის იმპერიის სახელმწიფოებრივი კულტია, რადგანაც ირანის ქვეშევრდომ ქრისტიანულ ქვეყნებში (სომხეთი, ქართლი, ალვანეთი და სხვ.) რომის ოფიციალურ კულტისათვის ასეთისავე ოფიციალურ ირანულ კულტის უშუალო | დაპირისპირება მარცხს განიცდის, ამიტომ ირანელები ცდილობენ ისარგებლონ ქრისტიანულ ეკლესიის შინაგან წინააღმდეგობებითა და დაბრკოლებებით და მხარი დაუჭირონ ისეთს ქრისტიანულ სექტას, რომელიც მტრული სახელმწიფოს მფართველობის გარეშე დგას.

აღმოსავლეთ რომის იმპერია ამ დროს საეკლესიო სარწმუნოებრივ თვალსაზრისით აბობოქრებულ ზღვას ჰგავდა. საზოგადოებრივმა და ეთნიკურმა სიჭრელემ ძალიან ადრე იჩინეს თავი იმდროინდელი იდეოლოგიის ძირითად სფეროში — რელიგიურ-კონფესიონალურ აღსარებაში: ამ მხრივ იმპერიის აღმოსავლური პროვინციები ყოველთვის ცენტრალურ რაიონებისაგან განსხვავე-

¹ ჯუანშერი, მარ. 179, 181.—საინტერესოა, რომ ეს ლაპოტიხევი ყოფილა „ქუეყანა, კლდეთა მოზღუდვილი“, მაგრამ ამ საკითხებს შესახებ დაწვრილებით—სპეციალურ მონოგრაფიაში.

ბულსა და განკერძოებულ ხაზს ადგენენ. V ს., მაგ., სირიისა (ძვ. ქართ. ტერმინოლოგიით — ასურეთის) და ეგვიპტის მოსახლეობის დიდი უმრავლესობა და აღმოსავლეთ მცირე-აზიის ნაწილი ე. წ. არიანობასა და სხვა მის ნაბარტყ სექტებს მისდევდა. მეხუთე საუკუნეშივე ყალიბდება აგრეთვე ნესტორიანობა, რომელიც სირიის დედაქალაქ ანტიოქიიდან გამოდის და რომლის მიმდევართა უმრავლესობა სირია-მესოპოტამიაში ბინადრობს. შემდეგ, ნესტორიანობასთან ბრძოლაში დაიბადა ე. წ. მონოფიზიტობა. თუ არიოზი ამტკიცებდა, რომ „ძე ღვთისა“ არ არის „მამა-ღმერთის“ თანატოლი, ნესტორი ქრისტეს ადამიანურ ბუნების სრულ დამოუკიდებლობას ქადაგებდა, მონოფიზიტები (ე. ი. ერთბუნებიანები, ერთი ბუნების აღმსარებელნი) უპირატესობას აძლევდნენ ღვთაებრივ ბუნებას ქრისტეში, ადამიანურის საწინააღმდეგოდ, და იმასაც ამბობდნენ, რომ ღვთაებრივმა შთანთქა ადამიანური და, ამრიგად, ქრისტეში მარტოოდენ ღვთაებრივი ბუნება დარჩაო. მონოფიზიტობაც აღმოსავლური სექტა იყო — ეგვიპტესა და სირიაში უმრავლესობა მოსახლეობისა საბოლოოდ მონოფიზიტობას დაადგა. ასეთ პირობებში, მთავრობა, თავის საეკლესიო პოლიტიკის განხორციელებისას, დიდ გასაპირს განიცდიდა. თუ, ერთი მხრით, მას მთავარი ყურადღება დედაქალაქისა და ცენტრალურ რაიონების განწყობილებისათვის უნდა მიექცია, მეორე მხრით, მას არ შეეძლო აღმოს. პროვინციების უგულვებლყოფაც, რადგანაც ამ პროვინციებს ყოველმხრივ დიდი მნიშვნელობა ჰქონდათ იმპერიისათვის. იმპერატორ კონსტანტინოპოლის მმართველი წრეების კურსი ამ სფეროში ძალიან მერყევი იყო. არიანობა და ნესტორიანობა შედარებით ადვილად გაიმეტეს. განსაკუთრებული დევნა განიცადეს, V ს. დასლევს, ნესტორიანებმა, რომლებმაც თავი შეაფარეს ირანს, სადაც დამოუკიდებელი საეკლესიო ორგანიზაცია გაიჩინეს, ცალკე კათალიკონით. გაცილებით უფრო რთული იყო მონოფიზიტობის საკითხი, ზოგი კენისარი (მაგ., ანასტასი, ზენონი, ნაწილობრივ სხვებიც) აშკარად თანაუგრძნობდა ამ მოძღვრებას, სწორედ იმავე პოლიტიკური მოტივებით, მაგრამ ბოლოსდაბოლოს მთავრობა იძულებული შეიქნა ხელი აეღო მონოფიზიტების მფარველობაზე და დევნაც-კი გამოეცხადებინა ამ სექტისათვის. უარყოფილ იქნა ეს მოძღვრება ე. წ. ქალკედონის საეკლესიო კრებაზე (451 წ.), რომელიც ისევ ძველს ორთოდოქსალურ „ორბუნებიანობას“ დაუბრუნდა.

ყველა ამ ამბავს თან სდევდა საშინელი სამოქალაქო შფოთი, აპობოხებები, რეპრესიები და სისხლის ღვრები, რითაც იმპერიის მტრები კარგად სარგებლობდნენ. რელიგია უაღრესად ინტიმურად ექსპოზებოდა პოლიტიკას. დამახასიათებელია ამ მხრივ ერესიარქ ნესტორის სიტყვები, რომლითაც მან მიმართა იმპერატორს, თავის არჩევისთანავე კონსტანტინოპოლის პატრიარქად: „მომეცი მეფევე, მწვალებლებისაგან (ე. ი. ვინც ნესტორის მოძღვრებას არ ეთანხმებოდა) განწმენდილი ქვეყანა, და ამისთვის მე შენ მოგცემ ზეცას. მიშველე მწვალებლების განადგურება, და მე შენ გიშველი სპარსელების განადგურებას“-ო.

რადგანაც ირანელების მიზანი ის იყო, ძველი ქართველი მემკვიდრის სიტყვით რომ ვთქვათ, „რათა სიძულილი შთავარდეს შორის მათსა (ე. ი. აღმ. რომის მმართველ წრეებსა და ირანის ქრისტიან ქვეშევრდომებს შორის) გამოშორებითა სჯულისათა და ამით უმეტეს მორჩილ იყვნენ (ეს ქვეშევრდომნი) სამეფოსა სპარსთასა“, ამიტომ „სპარსთა მეფენი აიძულებდეს“ საერთოდ თავის ქრისტიანულ პროვინციების მოსახლეობას, „რათა განეშორნენ ბერძენთა სარწმუნოებასა“. თუ რომელს ქრისტიანულ სექტას მიემხრობდნენ ეს ხალხები, ირანელებისათვის თავდაპირველად სულ ერთი იყო. იმავე ქართველი მწერლის სიტყვით, ჯერ ირანელებს სომეხთაგან განესტორიანება მოუთხოვიათ: „აიძულნა მეფემან პეროზ (მეფობს ირანში 459 — 483) სომეხნი მსახურებად სჯულსა ნისტორის უღმრთოჲსასა“. მაგრამ სომეხებს ეს მწვალებლობა არ მიუღიათ. მაშინ შაჰს სხვა ხერხისთვის მიუძართავს და თავისი უსაიდუმლოესი ზრახვაც გამოუმტკიცებია: „ხოლო მეფე იქცა კუალად სხ უ ა დ მ ა ნ ქ ა ნ ე ბ ა დ და განუცხადა საქმე თვისი განყოფისათვის ბერძენთაგან, და ესრეთ მიუვლინნა მოციქულნი, ვითარმედ ერთი ორთაგანი ყავთ: ანუ გამოირჩიეთ ყოველთა ასურთაგან სჯული თვნიერმელქთაჲსა, რომელნი არიან სჯულითა ბერძენ, ანუ დაუტევეთ ქვეყანაჲ თქუენი და ივლტოდეთ ჩუენგან“-ო¹. ჩვენთვის მთავარი ის არის რომ ბერძენებს, ე. ი. აღმოსავლეთ რომის სამეფოს, ჩამოშორდეთ; ამისთვის ხელი უნდა აიღოთ ბერძენულ სჯულზე (აქ უკვე ბერძენი ნიშნავს გარკვეულ ეკლ-

¹ არსენი, განყოფისათვის, ქრწკ. I, გვ. 324, 315-6,

სიის წევრს, ეროვნება ეკლესიურ-კონფესიონალურ ნიშნით განისაზღვრება), მ ე ლ ქ თ ა სარწმუნოებაზე (ტერმინი „მელქთა“ ნიშნავს „სამეფოთა“-ს, ე. ი. რომაელთა ოფიციალურ აღსარებაზე და ამ უკანასკნელის პოლიტიკურ მნიშვნელობაზე მიუთითებს), ისე-კი შეგიძლიათ ერთ-ერთი აღმოსავლური („ასურნი“ აქ ასეთი ზოგადი მნიშვნელობითაა ნახმარი; გარდა ამისა, ზემოთ ნაჩვენები იყო, რომ მწველებლობათა ერთი მთავარი ბუდეთაგანი სწორედ ასურეთი, ანუ სირია იყო) ქრისტიანული სექტა აირჩიოთ, რომელიც „მელქთა“ ანუ „ბერძენთა“ სჯული არ არის, ე. ი. კონსტანტინოპოლის მთავრობის მფარველობით არ სარგებლობს; თუ ამ მოთხოვნას არ შეასრულებთ, უნდა თქვენი მიწაწყლიდან აიყარნეთ და თავიდან მოგვმორდეთ. სომხები იძულებული შეიქნენ დაჰყოლოდნენ შაჰის წადილს. რადგანაც ქალკედონში მოწვეულმა აღმ. რომის ეკლესიის ოფიციალურმა კრებამ საბოლოოდ ჩამოაყალიბა, გაბატონებულ შეხედულებათა ნიადაგზე, სათანადო სავალდებულო აღსარება, ამიტომ ანტიქალკედონიტური, ე. ი. ქალკედონის კრების დადგენილებათა მოწინააღმდეგეების, დროშა იქცა კეისართა მთავრობისადმი მტრულად განწყობილი ძალების მთავარ დროშად. ქალკედონის აღსარება დიოფიზიტური იყო — მთავარი მოწინააღმდეგენი მონოფიზიტები იყვნენ. ირანული სომხეთი ირანის მთავრობის ზეგავლენით, ანტიქალკედონიტურ, მონოფოზიტურ, წრეში ექცევა. ახალი ვითარება გავლენას ახდენს სომხეთის ეკლესიის ორგანიზაციულად — ირანელებისავე მოთხოვნით, ეს ეკლესია ავტონომიურ ორგანიზაციის სახით ეწყობა: „სომხეთმან ბრძანება მოიღო სპარსთა მეფასაგან ელთდასნმად ეპისკოპოსობისა თავით თუსით“-ო¹.

საინტერესო ცნობები ამ ამბების შესახებ დაცულია სომხურს საისტორიო მწერლობაში. კერძოდ, ჩვენს ყურადღებას იპყრობს VII ს. მწერლის, სებეოსის, მიერ შემონახული წერილი, რომელიც პასუხობს სომხეთის საეკლესიო და საერო არისტოკრატისა (კათალიკოს ნერსესის და მთავარ ჯეოდორე რშტუნის მეთაურობით) ბიზანტიელების მოწოდებაზე ამ უკანასკნელებთან სარწმუნოებრივი შეერთების შესახებ. ეკუთვნის ეს დოკუმენტი, რომელშიაც საკითხის ისტორიაა მოთხრობილი, VII ს. შუაწლებს. როცა, ვკითხულობთ ამ ეპისტოლეში, ირანელებმა მეფობა მოსპვეს სომხეთში

¹ ქრონიკები, I, 319.

8. ს. ჯანაშია, შრომები, ტ. I.

(428 წ.) და ამ ქვეყნის ძალა გასტეხეს, მათ გადარჩენილ სომხების მოცუთუნებაც (აქ იგულისხმება გამაზღვდიანება) სცადეს; მაგრამ მიზანს ვერ მიადწიეს, სომხები მტკიცედ იდგნენ ქრისტიანობაზე. მაშინ მეფე კობადმა (მეფობს ირანში 488 — 531 წ.წ.) და მისმა შვილმა (იგულისხმება ხოსრო ანუ შირვანი, 531 — 579 წ.წ.) ბრძანება გამოსცეს: „ღე, თვითეული თავის რჯულზე იდგეს, და ნურავინ გაბედავს სომხების შეწუხებას: ისინი ჩვენი მსახურნი არიან ხორციით, ხოლო სულის საქმე იმან იცის, ვინც სულეbsა სჯის“—ო.

ჩვენ ვიცით რომ შაჰების ეს „ლმობიერება“ სარწმუნოებრივ პოლიტიკაზე უარის თქმას კი არ ნიშნავდა, არამედ ამ პოლიტიკის შეეცვლას: მაზღვდიანობის სომხეთში გავრცელების მარცხი აიძულებს მათ ეხლა თვით ქრისტიანულ ეკლესიის შიგნით ეძიონ თავიანთვის მისაღები ფრთა და ისინი იწყებენ სომხეთის რომისაგან საეკლესიო სარწმუნოებრივ ჩამოშორების მცდელობას.

შემდეგში, ეპისტოლეს მტკიცებით, როცა ირანმა თავისი საუკუნოებრივი მტერი წამოაჩოქა, შაჰმა ხოსრომ, ორმუზდის ძემ (590 — 628 წ.წ.), იერუსალიმის წარტყვენვის (614 წ.) შემდეგ, თავის სასახლეში ქრისტიანული საეკლესიო კრებაც მოიწვია, ვითომც თავის „თეორიულ“ ინტერესის დასაკმაყოფილებლად: თუ რომელი ამ ორ მებრძოლ ქრისტიანულ დასთაგან (ქალკედონიტები და ანტიქალკედონიტები) არის მართალიო. საინტერესოა რომ ამ კრებას, ერთ სომეხ ფეოდალთან ერთად, შაჰის ლაიზ-მედიკი (მთავარი ექიმი) თავმჯდომარეობს! კრებაზე დიდი ვნებათაღელვა ყოფილა, რადგანაც აქ ისეთი ქრისტიანული სექტებიც ყოფილან წარმოდგენილნი, რომელთა რელიგიურ-დოგმატიკურ შეხედულებების „სისწორე“ შემავრებული არ ყოფილა ისეთი მძიმე „საბუთებით“, როგორიცაა ძველ მეფეთა ხელმოწერილი და სამეფო ბეჭდით დაბეჭდილი სათანადო ფირმანები! ასეთი „საეკევა“ ხალხის გაძევების შემდეგ ნათელი გახდა მსჯელობის სავალდებულო გზაც: შაჰის ღირექტივა იყო დაედასტურებინათ ისეთი აღსარება, რომელიც ირანის სახელმწიფო პოლიტიკის მთავარ გზას („*კარგაკლანს* *აყიოიოთან*“) ეთანხმებოდა! ასეთი „დახმარების“ წყალობით კრებამ სწრაფად გაარკვია. რომ მართალი ყოფილა ნიკეას საეკლესიო კრება (325 წ.) და რომ მას სავსებით ეთანხმება სომხური აღსარება, დანერგული გრიგოლ ვანმანათლებლის მიერ, ხოლო ქალკედონის კრებას ამ წმინდა

სარწმუნოებასთან საერთო არაფერი აქვსო. ამის შემდეგ შაჰის ბრძანებით სამეფო საგანძურში (1). მოიძიეს. ნიკეას მოძღვრება და დაადასტურეს მისი | იგივეობა სომხურ სარწმუნოებასთან. ეს დოკუმენტი დაბეჭდილი ყოფილა (ე. ი. ოფიციალურად მოწონებული) ზემოთხსენებულ კობაღ შაჰისა და მისი შვილის ხოსროს ბეჭდით. მაშინ ამ მეორე ხოსრო მეფემაც ბრძანებუ გამოცა — ყველა ქრისტიანმა, ვინც ჩემს ხელმწიფებას ემორჩილება, სომეხთა სარწმუნოება უნდა მიიღოსო. სამეფო კარიც ამ დადგენილებას თანაუგრძნობს. ბოლოს, სამეფო განკარგულებითვე, ამ საბოლოოდ „გამორკვეულ“ „ქეშმარიტ“ სარწმუნოების აღსარებას შაჰის ბეჭდით ბეჭდავენ და სამეფო საგანძურში ინახავენ¹. ქართლის მიმართ თავის საეკლესიო პოლიტიკის გატარება ირანის მთავრობას შედარებით თავისუფლად შეეძლო მას შემდეგ, რაც უკვე სცენიდან ჩამოსული იყო ისეთი ძლიერი მოწინააღმდეგე, როგორც იყო ვახტანგ გორგასალი. 506 წ., რა თქმა უნდა, სწორედ ირანელების კარნახით, მოწვეულ იქნა სომხეთის, ქართლისა და ალვანეთის გაერთიანებული კრება, რომელმაც აშკარად დაჰგმო ქალკიდონის აღსარება და მონოფიზიტებს მიემხრო. ამ კრებაზე, ისე როგორც მთელს მომდევნო პერიოდში, ინიციატივას სომეხები ჩემულობენ, როგორც უფრო ძველი მონოფიზიტები და ირანის პოლიტიკურ ცენტრებთან უფრო დაახლოვებულნი. შესაძლოა უკვე ამ დროს, ირანელებისავე მოთხოვნით, შექმნილიყო ერთგვარი ორგანიზაციული ცენტრი სომხეთის, ქართლისა და ალვანეთის ეკლესიების მოქმედების კოორდინაციისათვის, მაგრამ ეს საკითხი ჯერ საბოლოოდ გადაწყვეტილი არ არის.

ყოველ შემთხვევაში, აღნიშნულ კოორდინაციის ინტერესებისათვის სხვა, არანაკლებ რთული ღონისძიებები იყო განხორციელებული. საკიროდ იქნა მიჩნეული დამტკიცებულიყო ქრისტიანობის საერთო, ერთი წყაროდან, წარმომავლობა აღნიშნულ ქვეყნებში. ასე იბადება და ყალიბდება VI ს. ლეგენდა იმის შესახებ, რომ სომხეთი, ქართლი და ალვანეთი (შემდეგში ამ სიას სხვა ქვეყნებიც ემატება) გაქრისტიანებულია ვინმე გრიგოლის ღვაწლის მეოხებით. ეს გრიგოლი კიდევ თავის ჩამომავლობით ირანიდან გამოიყვანეს. V ს. შუა წლებში გრიგოლს ჯერ კიდევ ასეთი ფუნქცია დაკისრე-

¹ *Ukhtuu* 120 შემდ.

ბული არ ჰქონია: ალბათ ეს გრიგოლი უნდა იგულისხმებოდეს ერთი ასურული ცნობის (პროფ. ივ. ჯავახიშვილის დათარიღებით ეკუთვნის ხანას, V ს. შესაშე ათეულიდან VI ს. პირველ მეოთხედს შორის, რის დასაზუსტებლად შეიძლება ითქვას, რომ ცნობა არ უნდა იყოს 461 წ. გვიანდელი, რადგანაც მასში მოხსენებულია ალვანეთის მეფე, ხოლო მეფობა ალვანეთში უკვე 461 წ. მოსპეს ირანელებმა)¹ გრიგოლში, რომელიც იქ წარმოდგენილია როგორც „კათალიკოზი, მართალი და განთქმული კაცი“². ადგილობრივი გარდმოცემები ქრისტიანობის უფრო ძველ მოციქულთა შესახებ (მაგ., ქართლში — ნინოს შესახებ) ამ თხრობას დაუკავშირეს და დაუმორჩილეს. ასე წარმოიშვა ე. წ. „აგათანგელოსი“, ე. ი. წიგნი წმ. გრიგოლის ცხოვრებისა და ღვაწლის შესახებ. თუ როგორ კარგად უპასუხებდა ეს ლიტერატურული ქმნილება თავის წარმომშობელ პოლიტიკურ ინტერესებს, რელიეფურად არის გამოხატული ერთს ძველ სომხურ ცნობაში: სომხეთის წარჩინებულებმა ირანის მეფე შაბურს „აგათანგელოსის მშვენიერი ისტორია წარუდგინეს“ თავიანთ გვარტომობის გასარკვევად. შაჰმა ათარგმნინა წიგნი ირანულად და როცა გაეცნო მის შინაარსს და ისიც გაიგო, რომ ამ წიგნის დასაწყისი მის წინაპარ არღაშირთანა დაკავშირებული, „დიდი სიხარულით აივსო, აქებდა მას (წიგნს) და ლმობიერებით თვალბზვიდებდა“-ო³.

საკიროდ იყო მიჩნეული აგრეთვე დამტკიცებულებით. ერთიანობა არა მარტო ქრისტიანობის წყაროსი, არამედ ამ ქრისტიანობის უმთავრეს იარაღთაგანის — მწერლობის — წარმომავლობისაც. ამ ნიადაგზე შეთხზულ იქნა (როგორც ჩანს, VI ს. პირვ. ნახევარში) აშკარად ტენდენციური თქმულება იმის შესახებ, რომ სომხური, ქართული და ალვანური ანბანები ერთი პირის, ვინმე მესროპის თქმამტოცის, მიერაა გაძოგონილი, V ს. დამდეგს. პრიმატობა აქაც სომხურ ანბანსა აქვს მიჩემებული.

¹ ქართვ. ერის ისტ. I, 300-301. შემდეგ ავტორი კიდევ უფრო შვიდროდ ზღუდავს ქრონოლოგიურ ფარგალს: ცნობა „არ შეიძლება 450 წ. უწინარესი იყოს, არამედ V ს. მეორე ნახევრისა“, იქვე, 302.

² თვით ცნობა იხ. Адонц, Армения, 219; ი. ჯავახიშვილი, ქართვ. გრ. ისტ. I, 296.

³ *История Грузии*, 82.

რაკი ეხლა სამივე ქვეყნის ოფიციალურ საეკლესიო წრეებს ერთი სარწმუნოებრივი აღსარება ჰქონდათ მიღებული, რაკი სამსავე ქვეყანაში ქრისტიანობა ერთ წყაროდან მომდინარედ იყო დასახული და მწერლობის ძირითადი იარაღიც — ანბანიც — საერთო წარმოშობისა იყო, აქედან უცილობლად გამომდინარეობდა საჭიროება თვით მწერლობის ერთს იდეოლოგიურ ყაიდაზე შეუზრელად გამართვისა. არსებული მწერლობა, ამ ქვეყნების წარსული განვითარების სხვადასხვა გზების წყალობით, კრელი იყო. ამიტომ საჭირო იყო არა მარტო სავალდებულო ნორმა მიმდინარე ლიტერატურული | მუშაობისათვის, და, მაშასადამე, მკაცრი ცენზურაც, აუცილებელი იყო ძველი მწერლობის ხელახალი განხილვა, შემოწმება და შეჯერება, რათა აღმოფხვრილი ყოფილიყო ყველაფერი, რაც ამჟამად გაბატონებულ დოგმას არ ეთანხმებოდა. და, მართლაც, მეექვსე ს. გარკვეულ პერიოდში (ქართლისათვის, საუკუნის დასაწყისიდან სამოცდაათიან წლების დამდეგამდის), ამ მხრივ მონოფიზიტებს (ე. ი. პოლიტიკურ-კულტურულად — ირანოფილებსა და სომხოფილებს) დიდი მუშაობა ჩაუტარებიათ: ძველი მწერლობა მთლიანად „გაწმენდილ“ იქნა, არასასურველი ელემენტი შეუბრალებლად მოსპეს ან ძირეულად გადააკეთეს, ბერძნულიდან ნათარგმნი წიგნები სხვა, უფრო „მისაღებ“, ენებზე არსებულ ვერსიებს (მაგ. სომხურსა და ასურულს) შეუდარეს და შეასწორეს, ზოგი რამ ახლად ან ხელმეორედ სთარგმნეს. ამ პროცესში უღარესად უნდა დაზიანებულიყო კერძოდ უძველესი ქართული ისტორიოგრაფიაც. მაგრამ ამით არ დამთავრებულა ძველი ქართული მწერლობის განადგურების საქმე. ახალი ღვაწლი ამ საქმეში ეკუთვნის უკვე დიოფიზიტური (პოლიტიკურად, მაშასადამე, ბიზანტიური) რეაქციის ტალღას, რომელმაც VI ს. სამოცდაათიან წლებიდან მოიცივა საქართველო.

ბიზანტიის სამკლესიო-სარწმუნოებრივი პოლიტიკა

ასეთივე იყო აღმოსავლეთ რომის იმპერიისა და მისი მემკვიდრის, ბიზანტიის მთავრობის საქმიანობა საეკლესიო-სარწმუნოებრივ სფეროში. კარგად არის ცნობილი, რომ ბიზანტიაში კონფესიონალურმა ინტერესებმა, ქრისტიანულმა დოგმატიკამ და სქოლასტიკამ, საეკლესიო იდეოლოგიამ და პოლიტიკამ არაჩვეულებრივად გაზვიადებული გამოხატულება ჰპოვეს სამოქალაქო და სახელმწიფოებრივ ცხოვრებაში. ბიზანტიის კეისრების ჭელში ქრისტიანიზმი და ქრისტ. ეკლესია არის იდეოლოგიური და

საზოგადოებრივი ზემოქმედების ერთი უმთავრესი საშუალებათაგანი, და ამ ნიადაგზეა აღმოცენებული მათი ე. წ. ცეზარეპაპიზმიც. ე. ი. თეოკრატიის ადგილობრივი, სპეციფიკური, ფორმა, როცა სახელმწიფოს მეთაური (ცეზარი ანუ კეისარი) თავის თავს იძვეოდნის ეკლესიის მეთაურადაც (პაპი) სთვლის. ზედმეტია განმეორება რომ ყოველივე ეს ჰფარავს და ჰფერავს სოციალურს, ეკონომიკურსა და პოლიტიკურ ინტერესებსა და სულისკვეთებას.

რაც უფრო ირკვეოდა ირანის მფარველობა ჯერ ნესტორიანობისა და შემდეგ მონოფიზიტობისადმი, მით უფრო გარკვეული ხდებოდა ბიზანტიის მმართველ წრეების დამოკიდებულებაც ამ სექტებისადმი. ბოლოსდაბოლოს ისინი აშკარა და სასტიკ დევნულების საგნად იქცევიან. განსაკუთრებით მწვეავდება ამ მხრივ მდგომარეობა VI ს. დამლევდიან, როცა კეისრები მკაცრი მართლ-მადიდებლობის, ე. ი. დიოფიზიტობის, კურსს ითვისებენ. აღმოსავლეთში, კერძოდ. ქართლსა და სომხეთში, აქტიური სარწმუნოებრივ-იდეოლოგიური პოლიტიკა იწყება მავრიკის დროიდან (582 — 602 წ.წ.), როდესაც სამხედრო გაძარკვებათა მზემ ისევე გააშუქა ბიზანტიური პოზიციები აღმოსავლეთის ბრძოლის ველზე. მავრიკის სომხეთში ბრძანება გაუტია ქალკიდონის აღსარების სავალდებულოობის შესახებ, რასაც დიდი შფოთი და ორი საკათალიკოზო ტახტის დაარსება გამოუწვევია (მიუხედავად იძულებისა, ერთი ნაწილი მაინც შეჰრჩაძველ დოგმას) ¹. იგივე პოლიტიკა გრძელდება სომხეთში ჰერაკლე კეისრისა და მისი მემკვიდრეების დროს. ჰერაკლეს სარდლის, მუჟეგუნის, მოქმედებით სომხეთის კათალიკოზი ეზრა გადადის ბერძნების მხარეს, რისთვისაც იმპერატორის აგანკობის მარილის მაღაროებს იღებს ². მაგრამ მონოფიზიტური პარტია სომხეთში მაინც უფრო ძლიერი იყო და ისარგებლეს-რა ახალი პოლიტიკური სიტუაციით, ჰერაკლეს შვილიშვილის დროს, სომხეთის მმართველმა წრეებმა აშკარად გამოაცხადეს თავიანთი ანტიქალკედონიტური რწმენა და შეჩინენ კიდევაც ბოლომდის ამ პოზიციას, თუმცა 'შემდეგშიაც სომხეთში, იშვიათად, დიოფიზიტური განწყობილება იჩენს თავს.

¹ *სსკსსს*, 52—53.

² იქვე, 101.

სხვა გზას დაადგა ქართლი. იქ, — ალბათ საერო-არისტოკრატიულ პარტიის უპირატესობის წყალობით საეკლესიოს წინაშე და რაკი პირველი ანტიირანულად იყო განწყობილი, — ანტიირანულმა პოლიტიკურმა მოძრაობამ იმთავითვე ანტიმონოფიზიტიზმის სახეც მიიღო. საინტერესოა რომ უკვე 574 წ. (ირანელების წინააღმდეგ აჯანყება ხომ 571—2 წ. ხდება!) ქართველებსა და ალვანელის მონოფიზიტ სომხებისათვის უარი უთქვამთ მათ თხოვნაზე დახმარებოდნენ ქალკედონიტების წინააღმდეგ ბრძოლაში¹. მევრიკოზ კეისრის საეკლესიო ხაზი, ცხადია, ცხოველ გამომხაურებას ჰპოვებდა ამ წრეებში. ყველაფერი ეს თავდება მწვავე უთანხმოებით სომეხ-ქართველ მმართველ, საერო და საეკლესიო, ფენებს შორის და გვირგვინდება სრული სარწმუნოებრივ-საეკლესიო განხეთქილებით სომხეთსა და ქართლს შორის (608 წ.). თუმცა ირანის მოჩვენებით

სუვერენიტეტის აჩრდილი ამ დროს ჯერ კიდევ ეკიდა ქართლს თავზე, რის გამოც, ყოველ შემთხვევისათვის, ქართლის წარჩინებულნი თავს ირანის ქვეშევრდომებად აცხადებდნენ საჯაროდ, მაინც ფაქტიურად ქართლის გაბატონებული საერო ფეოდალური ჯგუფი იმდენად დამოუკიდებელია და მას იმდენი გავლენა აქვს მოპოვებული საეკლესიო საქმეებზე, რომ ჰბედავს და ახერხებს ასეთი მნიშვნელოვანი ნაბიჯის გადადგმას. უკანასკნელი მახვილი „მართლმადიდებლობის“ მტრებისათვის ქართლში ჰერაკლე კეისარს ჩაუტია. „მოქცევაჲ ქართლისაჲ“ გვიამბობს: „ამან ჰერაკლს ტფილისს და მცხეთას და უყარმას განავლინნა ქადაგნი, რათა ყოველნი ქრისტიანენი, ქალაქთა შინა, ეკლესიათა შინა შემოკრბენ და ყოველნი მოგუნი და ცეცხლისა მსახურნი ანუ მოინათლნენ, ანუ მოისრნენ. ხოლო მათ ნათლისღებაჲ არა ინებეს. ზაკვით თანა აღერინეს ქრისტიანეთა. ვიდრემდის ყოველთა ზედა წარჰმართა მახვლი და ეკლესიათა შინა მდინარენი სისხლისანი დიოდეს“-ო². თუმცა ჰერაკლე მთავარ ქრისტიანულ სექტებისადმი თითქოს ოდნავ უფრო ლიბერალურად იყო განწყობილი, მაინც დაუჯერებელია რომ ეს დევნულობა მხოლოდ წარმართებს და მაზდეიანობის მიმდევართ შეჰხებოდა. ან როგორ უნდა შერეოდნენ ისინი ქრისტიანებს და ტაძრებშიაც-კი დამალულიყვნენ? ცხადია, რეპრესიები აღგილობრივ ქრის-

¹ პროფ. ივ. ჯავახიშვილი, ქართველი ერის ისტორია, I², 321.

² Опис. II, 725—6.

ტიან მწვალებლებსაც შეეხო, რასაც მათიანის მომდევნო ფრაზაც ამტკიცებს. ჰერაკლემ „განწმიდა შჯული ქრისტესი და წარვიდა“-ო. ეკლესიებში დადენილი სისხლის მდინარეები კარგი საშუალება იყო ქრისტეს სარწმუნოების გასაწმენდად!

გასაგებია ისიც, რომ ამ რეპრესიებში ადგილობრივ, აგრესიულად განწყობილ, წრეების ხელიც ერია. მათი მხრით ამ ხასიათის საქმიანობა არც იწყებოდა და არც თავდებოდა მოცემული მომენტით. განსაკუთრებით უნდა აღვნიშნოთ ის რომ რეპრესიებს ამ წრეების მხრით სხვა მიმართულებაც ჰქონდა: ნადგურდებოდნენ არა მარტო ადამიანები, არამედ ამ ადამიანების კულტურულ-იდეოლოგიური შემონაქმედიც ისპობოდა და სახიჩრდებოდა. ცხადია, მელანიც სისხლზე ცოტა არ დადენილა ამ შფოთის ხანაში. მთელი მწერლობა, ერთხელ უკვე გადაკეთებული და „გადასწორებული“ ძოხოფიზიტურ ყაიდაზე, ეხლა ხელახალი ჭიჯგნის საგნად იქცა. შეუბრალებლად აცამტვერებდნენ ყოველივე „სომხურს“, რადგანაც მონოფიზიტობა გაიგივებული იყო სომხობასთან. ჯერ კიდევ X-XI ს. ს. ქართული ეკლესიის ორთოდოქსები ეძებდნენ „გესლს“, ძველითგანვე საქართველოში დანთხეულს იმის გამო, რომ „ვითარცა ღვარძლნი რაჲმე, დათესულ იყუნეს ქუეყანასა ჩუენსა ბოროტნი იგი თესლნი სომეხთანი“, რომელნიც „რეცა მიზეზითა წესიერებისათა ცთუნებად აზმნობდეს“ ქართველებს, ეინაიდან ქართველთა ტომი „წრფელ იყო და უმანკო“-ო. ამ მხრივ, ქალკედონიტებმა დიდი მუშაობა ჩაატარეს აღებულ ხანაში.

საერთო მიმოხილვა მძაფრმა ბრძოლამ, რომელიც კულტურულ-კულტურულ-იდეოლოგიურ საფარველით, წარმოებდა სალოგიურ ვითარებისა ქართველოში, VI ს. სხვადასხვა სოციალურ-სამართმელოში VI ს. ს. და პოლიტიკურ ინტერესებს შორის, ღრმა კვალი გაავლო ქვეყნის განვითარების აღებულ მხარეს. ორივე მებრძოლი ბანაკი დაუნდობელი იყო. გამარჯვებას მოსდევდა დამარცხებულის არა მარტო მოქალაქეობრივი ან ზნეობრივი, არამედ ფიზიკური დევნაც. იდევნებოდნენ არა მარტო ადამიანები, რომელნიც ცოცხალი წარმომადგენელნი იყვნენ ძველ რწმენათა და შეხედულებათა, არამედ ამ უკანასკნელთა მატარებელი ნივთებიც. ყველაზე მეტად დაზიანდა მწერლობა: მტრის გესლის ძიება, შეჩვენებულ შეხედულებების განქიქება, ჩხრეკა და რეცენზია, ცენზურა

და დაბრკოლება, გადაკეთება და მოსპობა, ყოველივე ეს ყველა მხრიდან არღვევდა ლიტერატურის არსებულს მატერიალურ მხარეს და იმდენად უცვლიდა მას სახეს, რომ თითქმის წყდებოდა ორგანული კავშირი ძველსა და ახალ ეპოქას შორის. მეექვსე საუკუნე შავი ნაპრაღივით ჩაწვა ქართული ქრისტიანული მწერლობის დასაწყისსა და საშუალო პერიოდებს შორის. ყველაზე სამწუხაროა ძველი ქართული საისტორიო მწერლობის განადგურება. „ქართლის მოქცევის“, „ჯუანშერის“ და სხვა მათიანებში ამ მწერლობიდან შერჩენილია მხოლოდ დამახინჯებული ფრაგმენტები.

რადგანაც მებრძოლ მოწინააღმდეგეთა ძალები გეოგრაფიულადაც სხვადასხვაგვარად იყო განაწილებული, ცალკე რაიონების ძალთა განწყობილების განსხვავებულ სტრუქტურისა და განსხვავებულ პოლიტიკურ-კულტურულ ორიენტაციის წყალობით, ამიტომ აღნიშნული ცვლილებები ფორმალურადაც ძალიან ჰრელ სამოსელში გვევლინებიან. უეჭველია, მაგ., რომ ქართულ ლიტერატურის ისტორიისა და ისტორიულ გრამატიკის ისეთი კარდინალური მნიშვნელობის მოვლენები, როგორიცაა ხანშეტობა და ჰაემეტობა, განფთვარების უწყებულ პირობებთანაა დაკავშირებული. თვითეულს მსხვილს საზოგადოებრივ-კულტურულ რაიონს საკუთარი ნიუანსი შეაქვს საერთო საქმწერლო ენობრივსა და ორთოგრაფიულ ნორმებში. ძველი ქართული კულტურული ცენტრების ისტორია სრულიად შეუსწავლელია. აღნიშნულ ხანისათვის ქართლში, მაგ., უეჭველია, რომ შიდა-ქართლთან (მცხეთა-ტფილისი) ერთად თავისებურ სახეს ატარებენ ქართველთა საპიტიახშო ანუ მერმინდელი ქვემო ქართლი (ცურტავ-ბოლნის-მანგლისი), კლარჯეთი (ერუშეთ-ახიზა; კლარჯეთი აქ ფართო გაგებითაა აღებული), კახეთი (უჯარმა-ნიონოწმინდა, რუსთავი, ჰერემი).

ცალკე რაიონების ამოძრავებას სხვა მხარეც ჰქონდა. უეჭველია, რომ არასოდეს მანამდის ისეთი ხშირი და ცხოველი ურთიერთობა საქართველოს სხვადასხვა მხარესა და პროვინციებს შორის არ არსებულა, როგორსაც ჩვენ ამ ხანაში ვხედავთ. აქ ჩვენ ვგულისხმობთ არა მარტო ქართულ სახელმწიფოების ცალკე ადმინისტრაციულ-გეოგრაფიულ ერთეულების კავშირს, არამედ თვით ამ სახელმწიფოების ურთიერთ დამოკიდებულებასაც. უკანასკნელის საყურად-

ლებო ფაქტები უკვე V ს-შია მოცემული¹. VI ს. დამდეგს ქართლის აჯანყებული მეფის, გურგენის, ეგრისში გახიზნვა აგრეთვე დამახასიათებელია. კიდევ უფრო მაჩვენებელია ამ მხრივ ირანელების პოლიტიკური მოტივი, რომელიც მათ ეგრისის დასამორჩილებლად ამოძრავებს, როგორც ეს თვალსაჩინო გაჰმხარა უკვე იმდროინდელ მეთვალყურეებისათვისაც: მოუსპონ მეამბოხე ქართლს მუდმივი მოკავშირე, თანამოსაგრე და თავშესაფარის მიძღვემი მასპინძელი. VI საუკუნის ამბები: ხოსროს ხანგრძლივი ომები ეგრისში მუდმივი ბაზით ქართლში, იუსტინიანეს ძლევამოსილი მემკვიდრეების მოქმედება ქართლში, უკვე ბაზით ეგრისში, განსაკუთრებით ჰერაკლე კეისრის ლაშქრობანი, სადაც გვერდის-გვერდ იბრძვიან ქართლის, ეგრისისა და აფხაზეთის მეომრები, მუდმივი მისვლა-მოსვლა, მოციქულობა, ხიზნობა (შორეული სომხებიც-კი, ირანელებისაგან ლტოლვილნი, ეგრისის ქ. ფოთში აფარებენ თავს) და სხვადასხვაგვარი ურთიერთობის კომბინაციები, ცხადია, ამოძრავებენ უფრო დიდ მასებს, აახლოებენ მათ ერთმანეთთან, აძლიერებენ ძველ კავშირებსა და აბამენ ახალთ. დასასრულ, ძალიან მნიშვნელოვანი იყო ის გარემოება, რომ საკმაოდ გრძელი პერიოდის განმავლობაში (დაახლოებით, VI ს. სამოცდაათიან წლებიდან VII ს. სამოციან წლებამდის) თითქმის მიმდებლად (ან მცირე წყვეტილებით) ეგრისი და ქართლი ერთს საერთო საეკლესიო-რელიგიურ ფარვატერსა და ბიზანტიის ერთიან პოლიტიკურ ეგიდის ქვეშ ექცევიან. ისე, როგორც უფრო ადრე ირანი, ესლა ბიზანტიის მთავრობაც ეცდებოდა გარკვეული ორგანიზაციული თანხმობა დაემყარებინა ადგილობრივ ეკლესიებს შორის. რა კონკრეტულ სახით ხორციელდებოდა იგი, ამჟამად გადაჭრით ძნელი სათქმელია, მაგრამ რაღაც გავლენა, საეკლესიო-კულტურული, უნდა კი გავრცელებულიყოს, სწორედ ამ დროს, ქართლიდან ეგრისში. რომ ქართლი ახდენდა გავლენას ეგრისზე, და არა პირუკუ, ეს გასაგებია: ქართლში არსებობდა ავტონომიური ეკლესია მწერლობით ადგილობრივ ენაზე, ეგრისში-კი არა. გარდა ამისა, ქართლი ყოველმხრივ (პოლიტიკურად, ტერიტორიულად, რიცხოობრივად) უფრო დიდი და ძლიერი ერთეული იყო, ვიდრე ეგრისი. გავლენის გამტარებელი გზებიც ძალიან ხელსაყრე-

¹ ს. ჯანაშია, საქართველო ადრინდელ ფეოდალურ ხანაში.

ლი იყო. მოვიგონოთ რომ არგვეთი, ე. ი. მთელი ზემო-იმერეთი, იმათავითვე პოლიტიკურად ქართლს ეკუთვნოდა. არგვეთი-კი მკიდროდ იყო დაკავშირებული სამოქალაქო-მუხურის მხარეებთან, ე. ი. ზესტაფონ-ჩხარ-ქუთაისის რაიონებთან, და, ამათი შემწეობით, დანარჩენ ეგრისთანაც. ამ მხრივ, ძალიან საინტერესოა ერთი ძველი სომეხი ისტორიკოსის ცნობა რომ კირიონი, რომელიც მეთაურობდა ქართლის ეკლესიის სრულ დაშორების საქმეს სომხეთისაგან VII ს. დამდეგს, ქ ა რ თ ვ ე ლ თ ა, გ უ გ ა რ ე ლ თ ა (გუგარეთი=ქართველთა საპიტიახშოს) და მ ე გ რ ე ლ თ ა ა რ ქ ი ე ბ ი ს კ ო პ ო ს ა დ. ყოფილა ხელდასხმული „პ ი რ ვ ა ნ დ ე ლ წ ე ს ე ბ ი ს თ ა ნ ა ხ მ ა დ“¹. უეჭველია, პირვანდელ წესად ავტორი ხელდასხმის წესს გულისხმობს, ხოლო რაც შეეხება თვით იურისდიქციის ტერიტორიის განსაზღვრებას, აქ მერმინდელ ვითარების არქაიზაციასთან უნდა გვქონდეს საქმე (კირიონი ნაურთხია თითქოს სომხეთა კათალიკოზის მოსეს მიერ, რომელიც მონოფიზიტად ითვლება, ეგრისი-კი ამ დროს სავსებით მტკიცედ უჭირავს ხელთ ბიზანტიას და მონოფიზიტების აგენტს, რა თქმა უნდა, იქ არ გააჰაჰანებენ). თუ როდისმე შეიძლებოდა ასეთ კავშირს ადგილი ჰქონოდა, ეს მხოლოდ VII ს. პირველ ათეულიდან მოყოლებული იმავ საუკუნის შუაწლებამდის, როცა აქ ერთგვარი პოლიტიკურ-საეკლესიო პირობები დაშვარდა.

მაგრამ აღნუსხულ ფაქტებზე ბევრად უფრო საინტერესო და ნიშანდობლივია ქართლის, როგორც ისტორიულ-პოლიტიკურ ირგანიზმის, ის კონცეპცია, რომელიც წარმოდგენილია უძველეს ქართულ ისტორიულ თხზულებაში, ე. წ. „ქართლის მოქცევაში“. როცა ალექსანდრე მაკედონელმა ამიერ-კავკასია დაიპყრა, მცხეთა, როგორც სატახტო ქალაქი, „საჯდომი“, მან მიუბოძა თავის ერთ სარდალს, აზოს, არან ქართლისა მეფისძეს, რომლითაც, მემატიანის შეხედულებით, იხსნება მცხეთის (ქართლის) მეფეთა გრძელი სიავიდრე მეფობის მოსაპობამდის ქართლში ირანელების მიერ (VI ს.): ჩვენ ვიცით, რომ ეს ამბავი არ ეთანხმება ისტორიულ კეშმარტებს, მაგრამ საინტერესოა სხვა რამ — მემატიანის წარმოდგენა აზოს სამფლობელოს მოცულობის შესახებ: „თანა ჰყვანდა ალექსანდრეს მეფესა აზოჲ, ძმ არან ქართლისა მეფისაჲ. და მას მიუბოძა მცხე-

¹ პროფ. ივ. ჯავახიშვილი, ქართვ. ერის ისტ. I², 279.

თაჲ საჯდომად. და საზღვარი დაუდგა მას ჰერეთი და ეგრისწყალი და სომხითი და მთაჲ ცროლისა¹. აღმოსავლეთი საზღვარი ამ პოლიტიკური ერთეულისა არის ჰერეთი ანუ ალვანეთი, სამხრეთი — სომხეთი, ჩრდილოეთი — კავკასიონის ქედის ერთი ნაწილი, ცროლის მთა, დასავლეთი (მემატიანის გეოგრაფიული წარმოდგენები მთლად ზუსტი არ არის, რაც გასაკვირველს არაფერს შეიცავს) — ეგრისწყალი, ე. ი. თანამედროვე სამურზაყანოს ერისწყალი ან დალიძგა, უკიდურეს შემთხვევაში, თუნდაც ენგური. ასე თუ ისე, ეგრისწყალი აქ ეგრისის ანუ ლაზიკის ჩრდილოეთის პოლიტიკურ საზღვარზე მიუთითებს.

ამრიგად, ყოველ ექვს გარეშეა რომ ავტორისათვის „ქართლის“ პოლიტიკურ ცნებაში შედის არა მარტო კახეთი, არამედ ეგრისიც. რაც არ უნდა გვიან გადმოიტანონ მათიანის საბოლოო რედაქციის დრო, IX საუკუნეს იგი მაინც ვერ გადმოსცილდება, ე. ი. ეს ლიტერატურული ძეგლი ბევრად აღრინდელია საქართველოს გაერთიანების ხანაზე. მაშ როდის-ღა იყო შესაძლებელი „ქართლის“ ასეთი ფართო ცნების შემუშავება და ან რა ნიადაგზე უნდა აღმოცენებულიყო იგი? ყველაზე ბუნებრივი იქნებოდა ასეთ ხანად მიგვეჩინია VII ს. პირველი ნახევარი (იქნებ უფრო ოცდაათიანი ან ორმოცდაათიანი წლები), როცა ზემოთ აღწერილი კავშირი მყარდება ქართლსა და ეგრისს შორის, თვით კონსტრუქცია-კი ჩაგვეთვალა უფრო საეკლესიო-კულტურულისა და საეკლესიო-ორგანიზაციული ერთობის ანარეკლად, ვიდრე პოლიტიკური მთლიანობის გამოხატულებად. მართალია, VII ს. შუა წლებში, მეორე მათიანის მტკიცებით, თითქოს რაღაც პოლიტიკური ერთობაც-კი ხორციელდება ქართლსა და ეგრისს შორის, და აღნიშნული კონცეპცია თითქოს პოლიტიკურ საყრდენსაც პოულობს, მაგრამ მათიანის ეს ცნობა ჯერ კრიტიკულად შესწავლილი არ არის, და მისი ზოგი ელემენტი გარკვეულ ექვსაც კბადებს | (მაგ., ქრონოლოგია: თუ ერთი მხრით, ეპიზოდი VII ს. შუა წლებით უნდა დათარიღდეს თავის ადგილობრივ მოქმედ პირთა ვინაობის მიხედვით, მეორე მხრით იგი დაკავშირებულია იმ არაბ სარდალთან, რომელიც VIII ს. ოცდაათიან წლებში მოქმედებს ამიერ-კავკასიაში. ექვს კბადებს აგრეთვე თხრობის პოლიტიკური ტენდენცია — ჰერაკლე კეისრის თანამედროვე სტეფა-

¹ Опис. II, 709.

ნოზს, ქართლის ერისმთავარს, ქუთაისში უმზადებენ შვილები საფლავს, „რათა იყოს იგი საწამებლად სამკვდროსა ჩუენისა“¹, ქართლის მეფეების უფლებებს ამტკიცებდეს ქუთაისის მიმართ; ეს-კი, ჩანს, იმ დროის გამოძახილია, როცა ქუთაისი სატახტო ქალაქად იქცევა საქართველოს მონარქებისათვის, ბაგრატიონთა, პოლიტიკურ-წარმომავლობის მიხედვით, ამერულ, საგვარეულოსათვის).

ამრიგად, აღებულ ხანაში უკვე მზადდება ნიადაგი იმიერ-ამიერ საქართველოს ტომთა ფეოდალურ კლასების მჭიდრო კულტურული დაახლოებისათვის².

სამართო დასკვნები მკითხველს, ალბათ, საფუძველი აქვს ეხლა-ვეტორთან ერთად გაიმეოროს, რომ მეექვსე საუკუნე, მართლაც, ნამდვილი ისტორიული მოსაბრუნია ძველი საქართველოს განვითარებისათვის. მთელი წიგნის სივრცეზე გაშლილს საზოგადოებრივი ქმნადობის სურათს უნდა დაერწმუნებინა იგი, რომ აღებულ ხანაში ევოლუციის „თანდათანობის შეწყვეტით“, გარკვეულმა სოციალურ-ეკონომიურმა ძალებმა მოიპოვეს ახალი და საკუთარი ფორმა თავისი შინაგანი ზუნების სრული დასაბოლოო გამომქლავებისათვის შემდგომი განვითარების გზით. მართალია, წყაროების უაღრესი სიმცირე და ცალმხრივობა საშუალებას გვაძობს ღრმად შევიხედოთ აღებულ და წინამორბედ პერიოდების საწარმოო ურთიერთობის კონკრეტულობაში, მაგრამ რადგანაც ახლადდამდგარი ხანა სრულიად უექველსა და სავსებით გარკვეულს ფეოდალურ ხასიათს ატარებს, რადგანაც ყველაფერი, რაც ჩვენ მიერ აღებული წინამორბედი ხანიდან მოღწეულა, აგრეთვე ფეოდალურ ძალების წამყვან მნიშვნელობაზე მიუთითებს, ამიტომ, ვამბობთ ჩვენ, მეექვსე საუკუნე ფეოდალიზმის საბოლოო გამარჯვების საუკუნე იყო.

ეს გარდატეხა აშკარად რევოლუციონურ გარდატეხის ხასიათს აცხადებს. რევოლუციის საკითხი თავისებურად წყდება თვითეულ საზოგადოებრივ-ეკონომიკურ ფორმაციის მიერ. თავისებურება ახასიათებს აგრეთვე ფეოდალურ რევოლუციასაც. პირველყოფილ

¹ ჯუანშერი, მარ. 207.

² ჯუანსენელ პარაგრაფებში აღძრულ საკითხებისათვის შეადრ. პროფ. ივ. ჯავახიშვილი, ქართვ. ერის ისტორია, I², 263—5, 269—271, 280—290, 321—324, 342—347, 348—359; პავლე ინგოროყვა, ძველი ქართული წარმართული კალენდარი, საქ. მეზეუმის მოამბე, VI, 380—395, და სხვ.

კომუნისტურ ურთიერთობის დაძლევა ეკონომიკასა და შეგნებაში, უპირისპირების ბატონობის დამყარება მთელი საზოგადოების თვითმმართველობის ნანგრევებზე აუცილებელს ხდიდა ხანგრძლივსა და როულს წინასწარს, მატერიალურსა და იდეოლოგიურს, მომზადებას იქ, სადაც საქმე ეხებოდა წინაკლასობრივი წყობის შეცვლას კლასობრივით. ხოლო საკუთრივ ფეოდალურ საწარმოო წესის გაბატონებისათვის ბრძოლაში ახალ სირთულეს ჰქმნიდა მონათმფლობელი ურთიერთობის ამათუიპ სახით არსებობა. სადაც მონათმფლობელობა არ განვითარებულა იმდენად, რომ საბოლოოდ დაერღვია გვაროვნული საზოგადოება, მაგრამ თავის გარკვეულ მნიშვნელობას იგი მაინც საგრძნობელს ხდიდა, იქ ფეოდალიზმს ბრძოლა უნდა ჩაეტარებინა როგორც ერთის, ისე მეორის წინააღმდეგ. ასე იყო საქართველოში.

ქართლის ისტორიაში, მაგ., ჩვენ ვნახეთ¹, რომ ახალგაზრდა ფეოდალურმა კლასმა თავის პირველს დიდ გამარჯვებას მეოთხე საუკუნის შუაწლებისათვის მიაღწია. მაგრამ მაშინ მას ერთი დიდი საკითხი დარჩა გადაუწყვეტელი—ეს იყო ხელისუფლების საკითხი, რომელიც, როგორც ვიცით, საზოგადოდ ძირითადია რევოლუციისათვის (ლენინი). ეს საკითხი ქართლის ფეოდალებმა მეექვსე საუკუნის დამდეგისათვის გადასჭრეს, როცა მათ ძველი, მონათმფლობელთა საპირობების ნიადაგზე აღმოცენებული და ფეოდალიზმისათვის შეუფერებელი, სახელმწიფოებრივი ორგანიზაცია დაამხვეს. ეს ამბავი მშვენივრად აქვს გამოხატული, როგორც ვამბობდით; ძველ ქართულ მატთანეს, როცა, მისი მტკიცებით, მეექვსე საუკუნეში „ეპყრათ უფლება ქართლისა აზნაურთა“. ძველ ქართულად უფლება სხვას არას ნიშნავს, თუ არ ბატონობას. მაშასადამე, ძველი დამკვირვებელიც ხედავდა, რომ აზნაურობამ ეხლასრული და შეუზღუდველი (პოლიტიკური) ბატონობა მოიპოვა.

ასევე აშკარაა აფხაზეთში (აბაზგიაში) მომხდარი გადატრიალების მნიშვნელობაც. განსხვავება, ქაროლთან შედარებით, ისაა რომ აქ, ძირითადად, აღებული პროცესი მეექვსე საუკუნის ფარგლებში განვითარდა მთლიანად.

¹ იხ. ს. ჯანაშია, საქართველო ადრინდელ ფეოდალურ ხანაში.

უფრო თავისებური იყო მდგომარეობა საკუთრივ ეგრისში. აქ ფეოდალურ კლასს ნაკლები დაბრკოლებები ეღობება თავის მისწრაფებების განხორციელების გზაზე, ვიდრე, ვთქვათ, ქართლში, და სათანადო წინააღმდეგობაც ისე მძაფრად არ ვითარდება. მაინც, როგორც ვნახეთ, აქაც არსებული წესწყობილება, მეშვიდე საუკუნის ოცდაათიანი წლების დამლევს, დაახლოებით, საკმაოდ მნიშვნელოვან ტეხილს განიცდის და კიდევ ერთხელ გაივლის, ასე ვთქვათ, საზოგადოებრივ ბრძედში.

როგორც აღმოსავლეთ, ისე დასავლეთ საქართველოში, აღწერილ ამბებში გარკვეული როლი შეასრულა გარეშე ძალამ. მაგრამ ეს იყო მხოლოდ პირობა, რომელიც აჩქარებდა პროცესს. უამფაქტოროდაც განვითარება მაინც იმავე გზით წავიდოდა.

მოსალოდნელი იყო და ასევეც მოხდა, რომ აღნიშნულ ბრძოლებს თან სდევდა დაუნდობელი იდეოლოგიური ჭიდილიც. ისიც გასაგებია, რომ იდეოლოგიურმა ბრძოლამ განსაკუთრებით მწვავე ხასიათი ქართლში მიიღო — სწორედ აქ ექსოვებოდა უაღრესად ინტიმურად სოციალურ-პოლიტიკური ინტერესები იდეოლოგიურ მომენტს. ფეოდალიზმმა გამარჯვებას მიაღწია ამ სფეროშიაც ისევე, როგორც სხვა სფეროებში.

ამრიგად, შეგვიძლია მივიღოთ, რომ მეექვსე საუკუნიდან მთელ საქართველოს მიწა-წყალზე შეუზღუდველად მკვიდრდება ფეოდალური საწარმოო წესი, ფეოდალური საკუთრება და სახელმწიფოებრივობა, ფეოდალური იდეოლოგია. ზედმეტია იმის მტკიცება, რომ ახალ საზოგადოებას თავის განვითარების ზენიტამდე ჯერ კიდევ დიდი გზა უძევს.

საქართველო ადრინდელი
ფეოდალიზაციის გზაზე

9. ს. ჯანაშია. შრომები, ტ. I.

თავი პირველი

ამოსავალი ვითარება

§ 1. უძველესი ბანკი-წინამდებარე ნარკვევი მიზნად ისახავს თავიანთ მოსახაზი გაითვალისწინოს იმ პროცესების განვითარება, რომელთაც საქართველო აღებულ პერიოდის დამლევისათვის (V—VI საუკუნეების მიჯნა) აღრინდელ ფეოდალურ ქვეყნად აქციეს. პერიოდის დამლევისათვის ქვეყანას სულ სხვა სახე ჰქონდა. აქ ჩვენ ვხედავთ მდგომარეობას, რომელიც წინა ხანგრძლივი განვითარების შედეგია და, რაც ამჟამად ჩვენთვის უფრო საინტერესოა, ამოსავალი წერტილია შემდგომი განვითარებისათვის. ამ მნიშვნელობის გამო ჩვენ გვსურს აქ, წინასწარ და სქემატურად მაინც, გადმოვსცეთ ჩვენი შეხედულება საქართველოს ვითარების შესახებ პირველ საუკუნეში ძვ. წ. და, კიდევ უფრო სქემატურად, წინამორბედი გზებიც მოვხაზოთ¹.

ქართველ ტომთა წინაპარ ეთნიკურ კოლექტივების მიწაზე დაჯდომა, ბინადარ ცხოვრებაზე გადასვლა, მიწისმოქმედებაზე გადასვლასთან უნდა ყოფილიყო დაკავშირებული. მიწისმოქმედება აქ, როგორც ჩანს, პრიმიტიულ მებოსტნეობის სახით არის წარმოდგენილი. სოციალურად ამ ცვლილებას შეეფარდებოდა „სახლ“-ის, როგორც ძირითად სოციალურ ერთეულის, ჩამოყალიბება. „სახლი“ (ქანურ-მეგრული „ოხოარი“, სვანური „ლაზორ“ ანუ „ლალზორ“) არის გარკვეული საზოგადოებრივი ერთობა, რომელიც დასახლებულ საშეურნეო ფაქტისა (მებოსტნეობა) და წინა პერიოდიდან მიღებულ ტრადიციების ნიადაგზე მატრიარქალურ წესის მიხედვით ეწყობა. „სახლ“-ის სათავეში დგას ქალი, დედათმთავარი, „დიასახლისი“. სახლის წევრები ანუ „სახლისშვილები“ ურთიერთნათესაობას დედის ხაზით ანგარიშობენ. ამიტომ არის, რომ დასავლეთ სა-

¹ იხ. ს. ჯანაშია, საქართველოს ისტორია, კურსი დაუსწრებელ პედაგოგიურ ინსტიტუტის მსმენელებისათვის, ნაკვეთი I და II, ტფ. 1932 წ. ეს ნაკვეთები ამჟამად თავიანთ გადამუშავებულ გამოცემას ელოდებიან.

ქარტიველოში დღესაც „სახლისშვილი“, ისევე როგორც ქანური „ოხრასკირი“ (სკირი ნიშნავს „შვილს) და „ოხრასურე“, მეგრული (აქეაქად, მხოლოდ ნაწილობრივ) „ოხორასკილი“ ისეთი ტერმინებია, რომელიც აღნიშნავენ ნათესაობას დედის, ქალის, ხანით. ხოლო „სახლის“ ჩამოყალიბების კავშირი ბინადარ ცხოვრებაზე ვადასვლასთან ბიზეზია იმისა, რომ ეს სიტყვა, ასევე ტრადიციულად, მერმინდელ ხანებშიც „მიწაზე ჯდომის“, „მკვიდრობის“, „მოსახლობის“ მნიშვნელობის მომენტს შეიცავდა. შემდეგ, ეს „სახლი“ არის, ეთნოგრაფების ენით რომ ვთქვათ, „დიდი ოჯახი“—ისეთი ერთობა ადამიანებისა, რომელიც ერთს ჰქერ ქვეშ, ერთ ბინაში ცხოვრობს. ამიტომ გახდა შესაძლებელი, რომ „სახლი“ ადამიანთა საცხოვრებელ შენობასაც დაერქვა, და დღეს ხომ ეს ტერმინი უპირატესად სწორედ ამ მნიშვნელობით იხმარება. სახლისშვილების სოციალური ერთობა დამყარებულია მათს ეკონომიკურ ერთობაზე. ერთ ჰქერ ქვეშ ერთად ცხოვრება სწორედ ამ ეკონომიკურ ერთობის ერთ-ერთი მომენტია. გარდა ამისა, სახლი, გარკვეულ დროში მაინც, კოოპერირებულ სამეურნეო საქმიანობას ეწევა მიწის გარკვეულ ნაჭრის საერთო მფლობელობის ნიადაგზე. აქედან—„სახლი“ შემდეგში, უკვე კლასობრივ საზოგადოებაში, შესაძლებელია ხმარებული ყოფილიყო, ერთი მხრით, მიწის გარკვეულ ნაკვეთის, რომელიც გლეხურ მეურნეობის საფუძველს შეადგენდა (—მერმინდელ „ფუქეს“), აღსანიშნავად, ხოლო, მეორე მხრით, თვით ფეოდალურ საზოგადოების ძირითად ერთეულის, სენიორიის, მენორის, — რომელიც აგრეთვე თავისებურ ხასიათის ეკონომიკურ ერთობას წარმოადგენდა,—აღსანიშნავადაც. თავისთავად ცხადია, რომ ყოველივე ამასთან ერთად, პირველყოფილი „სახლი“ პრიმიტიულ კომუნიზმის პრინციპსაც ემყარებოდა.

ამრიგად, თავდაპირველად ქართული „სახლი“ წარმოადგენდა მიწაზე მჯდომს მატრიარქალურ კომუნას, რომელიც, თავის ზრდის გარკვეულ საფეხურამდე, ერთს ჰქერ ქვეშაც ცხოვრობდა.

ზემოთ აღწერილი ხანის სამეურნეო პროცესების ენობრივი ნაკვალევი, როგორც ჩანს, ტერმინი „მარგლეა“, რაც დღეს „თოხნას“ ნიშნავს, დას. საქართველოში—პირველ თოხს. ეს ზმნა ნაწარმოებია სიტყვისგან „მარგილი“, რაც თავის მხრივ, „წვერწათლილ ზეს“ ნიშნავს (სულხან-საბა, ლექსიკონი). წვერწათლილი ზე, როგორც სამუშაო იარაღი, უპრიმიტიულესი საშუალებება უძველესი ხანისა, და

მისი გამოყენება სწორედ ბოსტნის კულტურაში იყო შესაძლებელი. იმავე საბას განმარტებით (იქვე), მარგლა „ბალახთ ამოგლეჯას“ ნიშნავს, „ნამარგლი“ კიდევ „მარგლით მოფხურბილი შამში“-აო. | ჩუბინაშვილის განმარტებითაც (იხ. მისი დიდი ქართული ლექსიკონი) მარგლა, მარგლვა „ბოსტანთა და ჭეჭილთა შუა ამოგლეჯაა ცუდი ბალახისა“. შემდეგში, როცა სიმინდის კულტურა ასე ფართოდ გავრცელდა ჩვენში, ტერმინმა თოხნის მნიშვნელობა მიიღო და, ამასთან ერთად, პირველი გათოხნისა სწორედ იმიტომ, რომ პირველი თოხი, ასე ვთქვათ, „შავი“ თოხია, რომელმაც ზედმეტი სიმინდი და ბალახ-ბუღახი უნდა ამოიღოს. თვით „მარგილი“ შეიძლება „რგვასთან“ იყოს დაკავშირებული, მაგრამ ეს კავშირი ისე ნათელი არ არის. „მარგილ“—„მარგლვას“ დიდ სიძველეს მოწმობს აგრეთვე მეგრული პარალელი „ბერგი“—„ბარგუა“ (—თოხი და თოხნა), რაც, რა თქმა უნდა, იმავე ძირისაა. საინტერესოა „თოხის“ ეტიმოლოგიაც, რომელიც „თხრა“ ზმნასთან კავშირში იხსნება.

ეს პერიოდი მრავალი ათასეული წლითაა დამორებული ჩვენი ზანისაგან. საწარმოო ძალთა შემდგომი განვითარება იწვევს იმას, რომ მატრიარქალური „სახლი“ ადგილს უთმობს პატრიარქალურს, სადაც უპირატესობა მამაკაცს ეკუთვნის და რომლის სათავეშიც „მამასახლისი“ დგას. „სახლისკაცობას“ (გვარიშვილობას) ახლა უკვე მამის ხაზით ანგარიშობენ. მეურნეობრივად ქართველ ტომთათვის ეს ცვლილება, როგორც ჩანს, დაკავშირებული იყო მიწისმოქმედების შემდგომ განვითარებასა (მეზოსტენოზის ინტენსიფიკაცია და შებაღობის გაჩენა) და შინაურ საქონლის მომშენებლობასთან მეტნაკლები სიძლიერით (რასაც ქართველურ ენების შედარებითი მასალა გვაფიქრებინებს). სათანადოდ ვითარდება და რთულდება ტომური ცხოვრებაც. „სახლთა“ კავშირი შეადგენს „ნათესავს“ (ტომს). „ნათესავის“ ყველა სახლისშვილები შეადგენენ კრებულს, რომელსაც ეწოდება „ერი“. „ერი“ უალრესად შესანიშნავი ძველი ქართველი ტერმინია, რომელიც ერთსადაიმავე დროს აღნიშნავს როგორც „ხალხს“, ისე „ჯარსაც“. ეს იმიტომ, რომ გვაროვნული საზოგადოება ამ საფეხურზე წარმოადგენს „სამხედრო (მილიტარულ) დემოკრატიას“: ხალხი და ჯარი აქ ერთმანეთისაგან განუყრელნი არიან. ყოველი „ერის კაცი“, ყოველი „სახლის შვილი“, იმავე დროს მეომარია, „ერისკაცი“ „ჯარისკაცსაც“ ნიშნავს. ყველა „ერისკაცი“ (ანუ „ერისგანი“), ყველა „სახლისშვილი“, თანასწორუფლებიანი წევრია

საზოგადოებისა. ეს უფლებები, სხვათაშორის, გვაროვნულ დემოკრატიის უზენაეს ორგანოების წევრობაში გამოიხატება. ასეთ ორგანოებს წარმოადგენს სახლი-გვარისა და ნათესავ-ტომის სახლის-შვილთა ყრილობა, რომელსაც გარკვეულ ხანაში „ერისკრება“ ეწოდება, როგორც მერმინდელ მასალებიდან არის საგულისხმებელი. ამ „ერისკრების“ საშუალებით ახორციელებს თავის ნებას გვაროვნული საზოგადოება ანუ „ყოველი ერი“. „ყოველი ერი“ ანუ, ჩვენებურად რომ ვთქვათ, „მთელი ხალხი“, არის უზენაესი ბატონ-პატრონი. ვინც ამ „ნათესავს“, ამ „თესლს“ (ე. ი., ამ მოდგმას) არ ეკუთვნის, ის „უცხო თესლი“-ა და, მამასადამე, აქ, არა თავის გვაროვნულ საზოგადოების წიაღში, სათანადო უფლებებს მოკლებულია.

რაკი ამ მომენტში მაინც, „ერი“ აღნიშნავდა, საფიქრებელია, გვაროვნულ საზოგადოების მაძრობით ნაწილს უპირატესად, აქედან, *pars pro toto*, „ერი“ შეიძლებოდა გვარის ცალკეულ ვაჟ-წევრის მნიშვნელობამდის დავიწროებულყო. ამ ნიადაგზე ჩნდება სომბურის *სყრ*.

ასეთი მნიშვნელობით ტერმინი ქართულშიც გვხვდება. ლ. მროველის მტკიცებით, აზონმა „ამცნო სპათა მისთა: ყოველმან ქართველმან ერმან, რომელმან პოვოს საქურველი, მოკალით იგი“-ა და ჰყოფდეს ესრეთ რომღი ქართველთა ზედა: ვინცა ვინ გამოჩნდის ქართველთაგანი ქმნულ(დედანშა ქმნა)-კეთილი და ჰასაკოვანი (←ასაკი), მოკლიან“-ო (მარ., 16). ტერმინის სემანტიკურ ფუნქციის მრავალფეროვანება კარგად ჩანს ნინოს ცხოვრების თხრობაში მირიან მეფის შემთხვეულ „სასწაულისა“ და მისი შედეგების შესახებ: „[მზის დაბნელებისას] განიბნივნეს ურვისა მისგან და ქირისა ურთიერთარს ყოველნი ერნი მისნი (ეს ხდება ნადირობის დროს!) და დარჩა მეფე მარტო... ვითარცა იხილეს ნათელი ერმან მისმან, მყოვარ ეამ შეიერთნეს და მეფე... ეტყოდა ყოველსა მას ერსა მისსა, ვითარმედ — „მეცით დიდება... ღმერთსა ნინოსსა ყოველმან ერმან“... (ბრუნდებიან მცხეთაში) „ნანა დედოფალი და ყოველი ქალაქი განვიდეს მიგებებად მეფისა... (მეფე ეძებს ნინოს და როცა ვაიგებს მისს ადგილმყოფობას) მოდრკა მეფე და ყოველი ლაშქარი და გარდამოიჭრა ჰონისაგან თვისისა... იყო გრგვნვაჲ და ტირილი ყოველისა მის ერისაჲ... მას ეამსა შინა წარემართა მეფე და ყოველი ერი ქართლისა“ (Опис. II, 772-5). აქ „ერი“ ხან მეფის მხლებელ

მეომარს, მხედარს, გულისხმობს, ხან ამ მხედართა კრებულს (დო უკანასკნელ შემთხვევაში მისი სინონიმია სპარს. „ლაშქარი“), ხან „ყოველ ქალაქს“, ე. ი. ქალაქის მკვიდრ მოსახლეობას (მკვიდრი—უფლებამოსილი, ძირეული, ავტონომიური გვარიშვილი), დასასრულ კიდევ—მთელი ქვეყნის მოსახლეობასაც!

ეს პატრიარქალური პერიოდიც დიდი მანძილითაა დაშორებული ჩვენი ხანისაგან. საზოგადოებრივი დიფერენციაცია იწყება ქართველ ტომებში ძალიან ადრე და ძალიან ადრევე ისინი აღწევენ კულტურული განვითარების მაღალ საფეხურს. ეს ხანა, რომელიც ქართველ ტომებს წინააზიის სამხრეთ რაიონებში—შუამდინარეთში, მცირე აზიაში, ვან-არარატის მხარეში მობინადრეებად გულისხმობს, ჩვენ მიერ სპეციალურ ნარკვევებში იქნება განხილული.

ზემოხათქვამს, ენობრივ ანალიზის გარდა, § 2 საპატრიარქო სტრუქტურის ადასტურებენ ისტორიული და ეთნოგრაფიული ფაქტებიც.

„გვაროვნული წყობილების ნაშთებმა ქართველ ტომებში XX საუკუნემდისაც მოაღ-

- წიეს... მთელი ეს ეთნოგრაფიული მასალა იმდენად მდიდარია, მრავალფეროვანი და, ამასთან, ერთიანიც, მთლიანი, რომ მარტო მის ნიადაგზე მდგომთაც ჩვენ უფლება გვექნებოდა დაგვესკვნა, რომ ქართველ ტომებს, ყველას, უკლებლივ, განუვლიათ გვაროვნული წყობილება და უმალდეს ფორმადე განუვითარებიან იგი. მაგრამ ეთნოგრაფიასთან ერთად, ჩვენ ისტორიაც გვაძლევს სათანადო ჩვენებებს, და ეს გარემოება ჩვენთვის კიდევ უფრო საყურადღებოა: ისტორიულ, ლიტერატურულ, მოწმობათა შემწეობით შესაძლებელი ხდება ქართული გვარის განვითარების ზოგიერთი საფეხურის გათვალისწინება მაინც“¹. „ამავე საზოგადოებრივ ფორმაციისაკენ (ე. ი. პირველყოფილ კომუნიზმისაკენ) მიყვებათ უცხოურ ცნობებსაც, რომელთაგანაც ყველაზე ძველი (თუ გაბმულს წერილობით ცნობებს ვიგულისხმებთ) ბერძენთა ცნობილ მწერლის, სტრაბონის, „გეოგრაფიაშია“ დაცული“. სტრაბონის ცნობა სვანების შესახებ „ნიშანდობლივია და უეჭველად მოქმედ გვაროვნულ საზოგადოებას ახასიათებს“. რა ფაქტებზეა და-

¹ ს. ჯანაშია, გვაროვნული წყობილება ქართველ ტომებში, ტფ. 1932, გვ. 23—24.

ყრდნობილი ეს დასკვნა? მეურნეობის, მმართველობის ორგანიზაციის („ტომს მოეპოება ის ორგანო, რომლითაც ხალხი თავის სუვერენულ უფლებებს ახორციელებს—სატომო საბჭო“), შეიარაღების (ხალხი—ჭარი!) სპეციფიკურ ხასიათზე. სტრაბონის „ცნობა (სვანთა) „მეფის“ შესახებ ამ დასკვნას ვერ დაარღვევს... „შეუძლებელი არ არის, რომ იმდროინდელს გარეშე დამკვირვებელს ძლიერ ტომის მეთაურის ხელისუფლების განსაზღვრისას სიზუსტე ვერ დაეცვა“ (იქვე, გვ. 27—28). მაშასადამე, ჩვენი აზრით, სტრაბონის ცნობების თანახმად სვანები გვაროვნულ წყობილებაში იმყოფებიან. ასეთივე წყობილება ჰქონდათ სხვა ქართველ მთიელ ტომებსაც, რომელნიც იმავე ზონაში ცხოვრობდნენ.

„ბარის ქართველ ტომებს-კი სტრაბონისეული იმავე ხანის ცნობები სულ სხვანაირად გვისურათებენ... უკვე იმ დროს მთის განვითარება რამდენადმე ჩამორჩებოდა ბარისას“... (იქვე, გვ. 29). ბარის ვითარების განხილვა, სტრაბონის ცნობების საფუძველზე, მოცემულია იმავე „ისტორიის“ მეორე ნაკვეთში (ტფ. 1932 წ.).

აქ ჩვენ აღვნიშნავთ შემდეგ ფაქტებს: არსებობა განვითარებული შრომის საზოგადოებრივი განაწილებისა, ამ ნიადაგზე აღმოცენება ადგილობრივი ქალაქებისა (სტრაბონის ცნობა: იბერია არის „მდიდარი ქვეყანა, რომელსაც შეუძლია ფრიად ხშირი მოსახლეობა დაითიოს, და მართლაც, იბერია მშვენივრად არის დასახლებული, უმეტეს წილად, ქალაქებად და დაბეზად, ისე, რომ აქ კაცს ზვდება კრამიტის სახურავები და ხუროთმოძღვრების წესების თანახმად აგებული სახლები, ბაზრები და სხვა საზოგადოებრივი შენობები“, იქვე, გვ. 27); მოსახლეობის სიმჭიდროვე განვითარებულ ტრანსპორტის (ნაოსნობა მტკვარზე, ალაზანზე, ყვირილაზე შორაპნის ქვემოთ, რიონზე, ას-ოცი ხიდი მდ. ფაზისის იმ ნაწილზე, სადაც ნაოსნობა შეუძლებელი იყო, ადგილობრივ და საერთაშორისო ვზების ფართო ქსელი) პირობებში, რაც ხელს უწყობს შრომის საზოგადოებრივი განაწილების გაღრმავებას, საკმაოდ ფართო (იმ დროისათვის) ფულადი ურთიერთობა ბევრად ადრე სტრაბონის ხანამდე, ადგილობრივი ფული—მონეტა; კერძო საკუთრების არსებობა; კერძოდ, სპეციფიკურ ფორმის კერძო საკუთრების არსებობა მიწაზე; სოციალურ სფეროში—საზოგადოების განაწილება ოთხ „გენედ“, რომელთაგანაც პირველი—სამეფო დინასტიაა, დანარჩენი სამი წოდება, წინაფეოდალური ხასიათისა; ხელისუფლების სფეროში —

ტომური ორგანიზაციების არ ჰრსებობა, სამაგიეროდ არსებობა მემკვიდრეობითი სამეფო ხელისუფლებისა, რომელიც ქვეყნის ბატონ-ბატონია და რომელიც საკუთარს, ხალხისაგან გამოყოფილს, რაზმებს ეყრდნობა.

რას წარმოადგენენ სტრაბონის დასახელებული გენეები? ამ საკითხისათვის ჩვენ სპეციალური ნარკვევი გვაქვს მიძღვნილი¹. ამ მოკლედ უნდა განვმარტოთ ჩვენი შეხედულება, ადრევე გამოთქმული, და ზოგიერთი ახალი მოსაზრებაც წარმოვადგინოთ.

პირველი „გენე“, როგორც უკვე ვთქვით, სამეფო დინასტიაა, ე. ი., სამეფო საგვარეულო. მაშასადამე, ამ საგვარეულოს მეთაური, ჩვენი აზრით, მეფეა, ქართლის მეფე. სტრაბონი მას „ბაზილევსს“ უწოდებს. ამიტომ, უწინარეს ყოვლისა, იბადება საკითხი, რა მნიშვნელობა აქვს სტრაბონის დროს და თვით სტრაბონის ტექსტში ამ ტერმინს.

ბერძნული ტერმინის „ბაზილევსის“ მნიშვნელობას ეხება ფრ. ენგელსი თავის საყოველთაოდ ცნობილ თხზულებაში: „ოჯახის, კერძო საკუთრებისა და სახელმწიფოს წარმოშობა“-², იმ ადგილას, სადაც ენგელსი ავთიწერს უძველესი, ე. წ. გმირული ხანის ბერძნებს, ჰომეროსის პოემაში მოცემულ ბერძენ ტომთა სურათს.

„ამ ტომებისა და ხალხების წესწყობილება შემდეგნაირი იყო“, ამბობს ენგელსი (იქვე, გვ. 121) და ჩამოსთვლის სათანადო დაწესებულებებს: პირველი—საბჭო, მეორე—სახალხო კრება, მესამე მხედართმთავარი (basileus). ამ ბაზილევსის შესახებ აქ ენგელსი ილაქვება შემდეგ განმარტებას: „მარქსი შენიშნავს:“ ევროპიელი მეცნიერები, რომელნიც უმეტეს ნაწილად მეფეების მსახურებად არიან დაბადებულნი, ბაზილევსისაგან თანამედროვე მონარქს ჰქმნიან. ამ შეცდომის წინააღმდეგ იანკი-რესპუბლიკელი მორგანი ილაშქრებს. იგი ირონიულად, მაგრამ სწორად ლაპარაკობს მირონის მწროთლვარე გლადსტონსა და მის „Juventus Mundi“-ზე: ბატონი გლადსტონი გმირული ეპოქის ბერძენ სარდლებს მე-

¹ იხ. დასახელებული „საქართველოს ისტორიის“ მეორე ნაკვეთი, რომლის განვრცობილი და გადამუშავებული გამოცემა ახლო მომავალში უნდა გამოქვეყნდეს.

² ქართ. გამოცემა 1932 წ., ტფ., გვ. 120 'შემდ.', ჩვენ ვსარგებლობდით ავრეთვე გერმანულ დედნითა და რუსულ თარგმანით.

ფეებად და მთავრებად გვისახავს, მხოლოდ ამის გარდა ისინი ჯენტლმენებიც იყვნენო“ (ხაზი ჩვენია. ს. ჯ. იქვე, გვ. 122). მაშასადამე, აქ ლაპარაკია იმის შესახებ, რომ არ შეიძლება „გმირული ეპოქის“ ბაზილევსის გაგება მეფედ. რომელია ეს „გმირული ეპოქა“? ეს არის მე-13—11 სს. ძვ. წ. ასახული, გარკვეული გადამუშავებით, „ილიადასა“ და „ოდისეაში“, რომელნიც თავის მხრივ მე-10—9 სს. ეკუთვნიან. ენგელსიც ადასტურებს, რომ აქ მხოლოდ აღნიშნულ ხანაზეა ლაპარაკი:... „ბაზილევსის გერმანულ კონიგად (მეფედ) გადმოთარგმნა ეტიმოლოგიურად სრულიად მართებულია იმიტომ, რომ კონიგი (ანუ Kuning) Kuni-სა Künne-საგან წარმოადგება და გვარის უფროსს, მამასახლისს ნიშნავს. მაგრამ სიტყვა კონიგის დღევანდელს მნიშვნელობას ძველი ბერძნული ბაზილევსი სრულიადაც არ შეესაბამება. თუკიდიდე ძველ Basileia-ს პირდაპირ patrikḗ-ს უწოდებს, ე. ი. გვარის მიერ წარმოშობილს, და ამბობს, მას

მტკიცედ გარკვეული, მაშასადამე, შეზღუდული უფლებები ჰქონდაო. ხოლო არისტოტელე ამბობს, გმირული პერიოდის Basileia თავისუფალი ადამიანების მეთაურობას წარმოადგენდა, ბაზილევსი კი მთავარსარდალს, მსაჯულს და მღვდელმთავარსო; მაშასადამე, მას არ ჰქონია ხელისუფლება შეძღვევ დაძყარებული გაგებით. ზემონათქვამიდან ჩანს, რომ გმირული პერიოდის ბერძნების წესწყობილებაში ძველ გვაროვნულ ორგანიზაციას ჯერ კიდევ შენარჩუნებული ჰქონდა სიცოცხლის ძალა, მაგრამ მისი დაქვეითება უკვე დაწყებული იყო“... (გვ. 124—125, ხაზი ყველგან ჩვენია. ს. ჯ.). მაშასადამე, აქ ყველგან ლაპარაკია გმირული პერიოდის ბაზილევსის შესახებ, რომელიც სტრაბონის ეპოქას დაშორებულია თორმეტი საუკუნით. შემდეგში „ბაზილევსმა“ იცვალა მნიშვნელობა და ბერძნულ ენაში იგი იქცა ერთადერთ სიტყვად „მეფის“ ცნების გამოსახატავად. როდის მოხდა ეს ამბავი? ძალიან ადრე. უკვე ენგელსის ზემოთ მოყვანილ ციტატიდან ჩანს, რომ თუკიდიდე და არისტოტელე ასხვავებდნენ „ძველსა“ და „გმირული პერიოდის“ ბაზილევსსა და ბასილევს თავის დროის ასეთივე დაწესებულებებისაგან. პეროდოტე (მე-5 ს. ძვ. წ.) ბაზილევსს ეძახის ეგვიპტის ფარაონს (I, 105) ცნობილ დარიოსს, ირანის აქემენიდ მბრძანებელს (IV, 97). მეორე ცნობილი ბერძენი

მწერალი, ქსენოფონტე (V ს. დამლევი—IV ს. დამდეგი ძვ. წ.) ბაზილევსს ეძახის აგრეთვე იმავე აქემენიდ მეფეებს, რომელნიც სატრაპების საშუალებით ჰმართავენ თავიანთს უზარმაზარ იმპერიას (IV, 4, 4; 5, 10 და სხვა). სტრაბონის თანამედროვე ეგვიპტის ცნობილ დედოფლის კლეოპატრას ფულზე, რომელიც, სხვათაშორის, ქ. გორთან არის ნაპოვნი, წარწერილია „ბ ა ს ი ლ ი ს ა კ ლ ე ო პ ა ტ რ ა“¹. თვით სტრაბონი სომხეთის შესახებ ამბობს: „არმენია, რომელსაც თავდაპირველად ვრცელი ფარგლები არ ჰქონდა, გადიდებულ იქნა არტაქსიასა და ზარიადრის მიერ, რომელნიც ჯერ ანტიოქოს დიდის სარდლები („სტრატეგები“) იყვნენ, ხოლო მერმე, მისი (ანტიოქოსის, ს. ჯ.) დამარცხების შემდეგ (190 წ. ძვ. წ.), მეფეები („ბაზილევსი“) გახდნენ“, ერთი—სომხეთის ერთ ნაწილში, მეორე—სომხეთის მეორე ნაწილში, მეზობელ ხალხებს დიდი ტერიტორია წაართვეს და თავისი სამფლობელო გაადიდესო (XI, 14, 5). ცხადია, სტრაბონის ბაზილევსი მეფედ უნდა ითარგმნოს.

მაგრამ სწორი თარგმანი ჯერ კიდევ არ სწყვეტს საკითხს საბოლოოდ. არა ნაკლებ სავალდებულო და უფრო მეტად საჭირო არის ცნობის სწორი ინტერპრეტაცია, განმარტება. ეს უკანასკნელი სავალდებულოა ხომ იმისათვისაც, ვისაც თარგმანი სრულიად არ სჭირდება და ვინც დედნის ფარგლებში რჩება. ჩვენ თითონ სტრაბონის ცნობაში სვანების შესახებ ბაზილევსი მეფედ გადმოვსთარგმნეთ, მაგრამ ტომის მეთაურად განეშარტეთ, რადგანაც ვიგულისხმეთ, რომ უცხო დამკვირვებელმა ადგილობრივი დაწესებულების ნამდვილი ბუნება ვერ გაიგო. იქნებ ასეთსავე გაუგებრობასთან გვაქვს საქმე ცნობაში ქართლის (იბერიის) შესახებაც? აი, რას ამბობს სტრაბონი ამის შესახებ: იბერიის მოსახლეობის პირველი გენეარის ის, „რომლისგანაც აყენებენ („კათისტასი“) მეფეებს („ბაზილევსებს“), ნათესაობისა და წლოვანობით უხუცესობის მიხედვით. მეორე (პირი მეფის შემდეგ, რომელიც ტახტის მემკვიდრეა და რომელიც „ბაზილევსი“ გახდება მეფის სიკვდილის შემდეგ, ს. ჯ.) მოსამართლეობს და სარდლობს („სტრატელატი“). მაშასადამე, სარდლად იბერიაში (ქართლში), სტრაბონის მიხედვით, ტახტის მემკვიდრე ითვლებოდა და არა მეფე-ბაზილევსი იქნებ ბაზილევსი მამასახლისი იყო?

¹ Пахомов, Монетные кланы Азербайджана, стр. 39—40.

არც ეგ არის სწორი: როცა ირანელებმა ქართლში მეფობა მოსპეს და ქვეყნის მმართველად მარზპანი დანიშნეს, მათ ხელუხლებლად დასტოვეს „ქართლის მამასახლისის“ თანამდებობა. „ქართლის მეფე“ და „ქართლის მამასახლისი“ სრულიად სხვადასხვა მოვლენებია. ამრიგად, სტრაბონისეული იბერიის ბაზილევსი არა მარტო ეტიმოლოგიურად ქართულ „მეფეს“ უდრის.

მოცემული გადაწყვეტა საკითხისა ქართლის მეთაურის ხელისუფლების შესახებ თავისთავად სწევებს საკითხს აგრეთვე თვით მმართველობის ორგანიზაციის ბუნების შესახებ. ჩვენი აზრით, იმ ხანის ქართლში, გარკვეული კლასობრივი ურთიერთობის პირობებში, უკვე არსებობს სახელმწიფო (იხ. ნაკვ. II).

სტრაბონის აღწერილობაში მოცემულ იბერიის მმართველობის დაწესებულებათა ბუნების განმარტებისათვის ძალიან დაგვეხმარება მათი შედარება გმირული ხანისავე ბერძენთა სათანადო დაწესებულებებთან. აქაც ივენ ენგელსს უნდა მივმართოთ.

სათანადო თავის დასაწყისშივე („ბერძენული გვარი“) ენგელსი ამბობს რომ „იმ დროს, როცა ბერძენები ისტორიაში შედიან, ისინი ცივილიზაციის მიჯნაზე დგანან; მათსა და ამერიკელ ტომებს შორის, რომელთა შესახებ ზემოთ იყო საუბარი, თითქმის ორი დიდი განვითარების პერიოდი ძევს, რომლითაც გმირული დროის ბერძენები იროკეზებს წინ უსწრებენ“ (ხაზი ჩვენია. ს. ჯ. გვ. 115 და 88). იროკეზების წყობილება კი, მორგანის აზრით, არის „პირვანდელი გვარის კლასიკური ფორმა“ (იქვე, გერმ. დედ. 72), ხოლო ენგელსის დახასიათებით, ეს ამერიკული მაგალითი „გვაროვნული წყობილების აყვავებას“ წარმოგიდგენს (ქართ. 113, შეად. გერმ.: „Die Gentilverfassung in ihrer Blüte, wie wir sie in Amerika sahen“)¹.

გმირული ხანის ბერძენთა წესწყობილების შესახებ-კი ენგელსი სწერს: „ზემონათქვაამიდან ჩანს, რომ გმირული პერიოდის ბერძენების წესწყობილებაში ძველ გვაროვნულ ორგანიზაციას ჯერ კიდევ შენარჩუნებული ჰქონდა სიცოცხლის ძალა, მაგრამ მისი დაქვეითება უკვე დაწყებული იყო: შემოღებული იყო მამის უფლება და ქონების გადაცემა შვილებზე“ და სხვა. ენგელსის აზრი ცხადია: რომ გმირული პერიოდის ბერძენების წესწყობილებაში გვაროვნულ

¹ ვსარგებლობ მასკოვის გერმანულ გამოცემას 1934 წლისას.

ორგანიზაციას ჯერ კიდევ შენარჩუნებული ჰქონდა სიცოცხლის ძალა, ეს „ზემო ნათქვამიდან ჩანს“ (გერმან. დედანში: „wir sehen also“, რუს. თარგმანში — „Итак, мы видим“), ეს ენგელსს ზევით აქვს განმარტებული. ხოლო რომ მისი დაქვეითება უკვე დაწყებული იყო, ეს ქვემოთ არის განმარტებული. ამ აზრით თებებს ორი წერტილი, რომელიც არის გერმანულ დედანშიაც (გვ. 97) და რუსულ თარგმანშიაც (პარტგამომცემლობის გამოც. 1933 წლისა, გვ. 132). დაქვეითების ნიშნების ჩამოთვლის შემდეგ, ფრაზას — „ძველ გვაროვნულ წესწყობილებას ბოროტად იყენებდნენ, რათა სიმდიდრის მოტაცება გაემართლებინათ“, უშუალოდ მოსდევს: „ამ ეპოქას მხოლოდ ერთი რამ აკლდა: ისეთი დაწესებულება, რომელიც არა მარტო უზრუნველყოფდა კერძო პირების მიერ ახლად შექმნილ ქონებას გვაროვნული წესწყობილების კომუნისტური ტრადიციების წინააღმდეგ, რომელიც არა მარტო წინათ ათვალისწინებული კერძო საკუთრების კურთხევას წარმოადგენდა და ამ კურთხევას ყოველი ადამიანური კოლექტივის უზენაეს მიზნად სახავდა, არამედ საკუთრების შექმნის ახალ ფორმებს, მამასადამე, სიმდიდრის გაძლიერებულ დაგროვებას საყოველთაო საზოგადოებრივი აღიარების ბეჭედს აქდობდა; ეს ისეთი დაწესებულება უნდა ყოფილიყო, რომელიც ამუღმივებდა არა მარტო საზოგადოების ახლად დაწყებულ დაყოფას კლასებად, არამედ შეძლებული კლასების უფლებასაც ებატონა შეუძლებელ კლასებზე და მათი ექსპლოატაცია მოეხდინა. და ეს დაწესებულებაც გაჩნდა, გამოგონებულ იქნა სახელმწიფო“ (იქვე, ქართ. 125-6, გერმ. | 97, რუს. 132; ხაზი ჩვენია. ს. ჯ.). ენგელსის აზრი სრულიად მკაფიო და ნათელია: ზემოთ მოყვანილ ციტატაში გპირული ხანის ბერძენთა წესწყობილების შესახებ მის მიერ მოცემული ნიშნები ახასიათებენ არა გვაროვნულ საზოგადოებასა და წყობილებას, არამედ მათ შიგნით ძალუმი განვითარების გზაზე დამდგარს კლასობრივ დანაწილებასა და სახელმწიფოებრივ ორგანიზაციას, რომელთა საბოლოო გაბატონებისათვის მხოლოდ ერთი ნაბიჯის გადადგმა-დაა საჭირო.

მაშ რატომ-ღა ამბობს ენგელსი, რომ ამ პერიოდის ბერძენების წესწყობილებაში ძველ გვაროვნულ ორგანიზაციას ჯერ კიდევ შენარჩუნებული ჰქონდა სიცოცხლის ძალა? ეს მას, მისივე სიტყვით, ზემოთა აქვს განმარტებული, წინამორბედ სამ გვერდზე.

ენგელსი ამბობს: „ამ ტომებისა და ხალხების (თუ ვინ არიან ესენი, ამის შესახებ ენგელსი იქვე ზემოთ ამბობს: „ჰომიროსის პოემებში ბერძენთა ტომები გვევლინებიან, როგორც გაერთიანებულინი პატარა ხალხებად, რომელშიც გვარები, ფრატრიები და ტომები მაინც სრულს დამოუკიდებლობას ინარჩუნებენ“, იქვე, 120-121. ს. ჯ.) წესწყობილება შემდეგი იყო („die Verfassung dieser Stämme und Völkchen war nun wie folgt“; აქ გერმანულ დედანში და რუს. თარგმანში ორი წერტილი ზის და ის აუცილებელიცაა): 1) მუდმივ მოქმედ მთავრობას (die stehende Behörde) საბჭო, ხულე, წარმოდგენდა, რომელიც თავდაპირველად გვარების უხუცესებისაგან შესდგებოდა, ხოლო შემდეგ, როცა მათი რიცხვი შეტად გაიზარდა, მათში არჩეული წარმომადგენლებისაგან; არჩევანის მოხდენა საბაბს იძლეოდა არისტოკრატიული ელემენტის შესაქმნელად და გასაძლიერებლად. . . . სახელმწიფოს დაარსების შემდეგ ეს საბჭო სენატად იქცა. 2) სახალხო კრება (agora) ... მას საბჭო იწვევდა მნიშვნელოვანი საქმეების გასარჩევად; ყოველ მამაკაცს შეეძლო სიტყვა მოეთხოვა... იგი სუვერენული იყო საბოლოო ინსტანციაში, მიტომ რომ, შემანისა არ იყოს („Griechische Geschichte“), როცა საკითხი ისეთ საქმეს ეხებოდა, რომლის გასაკეთებლად ხალხის მონაწილეობა იყო საჭირო, როგორც ჰომიროსიდან ჩანს, ვერავითარი ღონისძიებებით ხალხს ვერ აიძულებდნენ თავისი სურვილის წინააღმდეგ წასულიყო“. ეს გასაგებია: ამ ეპოქაში, როცა ყოველი მომწიფებული მამაკაცი მეომრად ითვლებოდა, არ არსებობდა ხალხისგან გამოთიშული საჯარო ხელისუფლება, რომელიც შეიძლებოდა მას დაპირისპირებოდა. ბუნებრივად აღმოცენებული დემოკრატია | ჯერ კიდევ აყვავების ხანას განიცდიდა და მხოლოდ ამ თვალსაზრისით უნდა აიხსნას, როგორც საბჭოს, ისე ბაზილევსის ძალა და მდგომარეობა (ხაზი ჩვენია. ს. ჯ.). 3) მხედართმთავარი (basileus) ... (აქ ენგელსი იძლევა ზემოთ მოყვანილს მარქსის განმარტებას, რომ ეს ბაზილევსი უნდა გაგებულ იქნას, როგორც მხედართმთავარი და არა მერმინდელი მეფე. ს. ჯ.)...

თუ ბერძნებში მამის უფლების ბატონობის დროს ბაზილევსის თანამდებობა ჩვეულებრივ ვაჟს ან ერთ-ერთ ვაჟზე გადადიოდა, ებმხოლოდ იმას ამტკიცებს, რომ ვაჟებს მეტი შანსი ჰქონდათ მემკვიდრე გავხდებით ხალხის არჩევნების შემწვეობით და არა იმას, თითქო კანონიერი მემკვიდრეობის წესი არსებულ იყოს ხალხის არჩევნების გარეშე. ეს იროკეზებში და ბერძნებში განსაკუთრებულ წარჩინებულ ოჯახების პირველი წარმონაქმია (რუს. თარგმანში *первыи зародыши*), ხოლო ბერძნებში აგრეთვე მომავალი მემკვიდრეობითი წინამძღოლობის თუ მონარქიის პირველი წარმონაქმი (*первыи зародыш*; ეს წინადადება ჩვენ ხელახლა ვთარგმნეთ, რადგანაც ქართ. თარგმანი რამდენადმე დაშორებულია გერმან. დედანს; შეადრ. ეს უკანასკნელი „*wa hier vorliegt, ist bei den Irokesen und Griechen die erste Anlage zu besondern Adelfamilien innerhalb der Gentes, und bei den Griechen noch dazu die erste Anlage einer künftigen erblichen Führerschaft oder Monarchie*“. ს. ჯ.). მაშასადამე, კეკუსთა უფრო ახლოა, რომ ბერძნებში ბაზილევსი ან ხალხს უნდა აერჩია ან კიდევ მის ავტორიტეტიან ორგანოს—საბჭოს ან აგორას დაემტკიცებინა, როგორც ეს რომში ხდება „მეფის“ (წინწლებში ზის ეს სიტყვა დედანში და რუს. თარგმანში. ს. ჯ.) (*Rex*) დაყენების დროს. ილიადაში მამაკაცთა მბრძანებელი აგამემნონი გვევლინება არა ბერძენთა უზენაეს მეფედ, არამედ მოკავშირეთა ჯარის მთავარსარდლად ალყაშემორტყმული ქალაქის წინაშე... „ბერძნები ტროის გალავანთან მხოლოდ ჯარს წარმოადგენდნენ, მათი აგორაკი საკმაროდ დემოკრატიული დაწესებულება იყო. როცა აქილესი ძღვენიზე, ე. ი. ნადავლის განაწილებაზე ლაპარაკობს, განმანაწილებლად არც აგამემნონს ასახელებს, არც სხვა რომელიმე ბაზილევსს, არამედ „აქაველების ვაჟებს“, ე. ი. ხალხს... ერთის სიტყვით, *basileu*. რომელსაც ბერძენი მწერლები ჰომიროსის ე. წ. მონარქიისათვის (*Königtum*) იყენებენ (მიტომ რომ მის მთავარ თვისებას მთავარსარდლობა წარმოადგენს) და საბჭოსა და | სახალხო კრების გვერდით სვაშენ, მხოლოდ მილიტარულ

დემოკრატიას წარმოდგენს“ (მარქსი). სამხედრო ხელისუფლებას გარდა ბაზილევს მღვდელმთავრის და მსაჯულთუხუცესის მოვალეობაც ჰქონდა დაკისრებული... მოქალაქეობრივი, მმართველობითი, ხელისუფლების შესახებ არსად არაა ლაპარაკი... (აქ მოსდევს ზემომოყვანილი ციტატი რომ გმირული ხანის ძველი ბერძნ. ბაზილევსი თანამედროვე მეფე არ არის. ს. ჯ.). არისტოტელი ამბობს, გმირული პერიოდის Basileia თავისუფალი ადამიანების მეთაურობას წარმოადგენდა, ბაზილევსი კი მთავარსარდალს, მსაჯულს და მღვდელმთავარსო; მაშასადამე, მას არ ჰქონია ხელისუფლება შემდეგ დამყარებული გაგებით“ (ხაზი ყველგან ჩვენია. ს. ჯ. იხ. ენგელსი, დასახ. შრ., ქართ. 121-124; გერმ. 93-96, რუს. 128-131).

მაშასადამე, სრულიად ცხადია რომ გმირული ხანის ბერძნებში (XIII—XI სს. ძვ. წ.), მიუხედავად იმისა რომ ისინი ცივილიზაციის ზღურბლთან იდგნენ და კლასობრივი საზოგადოებისა და სახელმწიფოს ჩამოყალიბებისათვის უკვე მზად იყვნენ, ენგელსი ჭერკიდევ გვაროვნულ წყობილებას ხედავს ამ უკანასკნელის შემდეგი ძირითადი ნიშნების არსებობის გამო: 1) საბჭო, ბულე, როგორც მუდმივი მოქმედი მთავრობა, 2) სახალხო კრება, აგორა, როგორც სუვერენული ორგანო ბუნებრივად აღმოცენებული დემოკრატიისა, რომლის არსებობა იმიტოა განსაზღვრული, რომ ყოველი მოწიფული მამაკაცი მეომარია და ხალხისაგან გამოთიშული საჯარო ხელისუფლება ჭერკიდევ არ არსებობს, 3) „ბასილეია“, მთავარსარდლობა, შეერთებული ქურუმობასა და მსაჯულობასთან. იგი თავისუფალი ადამიანების მეთაურობაა. ბაზილევსის მთავარი თვისება მთავარსარდლობაა. ის გარემოება რომ ბაზილევსის თანამდებობა უკვე ერთგვარს გაურკვეველ მემკვიდრეობის წესზეა დამყარებული, წარმოდგენს მემკვიდრეობითი წინამძღოლობისა თუ მონარქიის ჩანასახს. ეს ბაზილევსი ხალხისაგან უნდა იყოს არჩეული და ან მისი უზენაესი ორგანოების—საბჭოს ან სახალხო კრების—მიერ დამტკიცებული. ბაზილევსის ხელისუფლება ბულესა და აგორას მიერ არის განსაზღვრული და შეზღუდული. ამ საკითხის შესახებ ამავე თავში ენგელსი ამბობს: ძველი ბერძ. გვარის ერთი დამახასიათებელი თვისება იყო „მამასახლისების არჩევისა და გადაყენების უფლება. ჩვენ ვიცით, რომ თითოეულ გვარს თავისი არხონტი ჰყავდა, მაგრამ

რომ ეს თანამდებობა მემკვიდრეობითი იყო განსაზღვრულ ოჯახებში, ეს არსად არ არის ნათქვამი. ბარბაროსობის დასასრულამდე ყოველთვის საგულისხმებელია არარსებობა მკაცრი მემკვიდრეობისა, რომელიც სრულიად შეუთავსებელია იმ მდგომარეობასთან, როცა მდიდრებსა და ღარიბებს გვარის შიგნით სავსებით თანასწორი უფლებები ჰქონდათ“ (იქვე, გერმ. გამოც. 90).

„მხედართმთავარი, საბჭო, სახალხო კრება წარმოადგენენ ორგანოებს გვაროვნული საზოგადოებისა, რომელიც მილიტარული დემოკრატიისაკენ ვითარდება“, იმეორებს ენგელსი თავის წიგნის განზოგადებულ თავშიაც (იქვე, 196).

მთავარი ამ წესწყობილებაში სწორედ ეს ბუღე (საბჭო), აგორა (სახალხო კრება) და სამხედრო დემოკრატიაა. ჩვენ სწორედ ამ თვალსაზრისზე ვიდევით სტრაბონის ცნობების ანალიზის დროს. სტრაბონის მიერ დახატული სვანების წესწყობილება ჩვენ გვაროვნულ წყობილებად მივიჩნით, უწინარეს ყოვლისა, იმის გამო რომ იქ საბჭო (სტრაბონი მას „სინედრიონს“ ეძახის) და, საერთოდ, სამხედრო დემოკრატია აღმოვაჩინეთ. იბერიაში-კი (ქართლში) არავითარი ხსენება არ არის არც საბჭოსი, არც სახალხო კრებისა. რომ ამ დაწესებულებათა მოუხსენებლობა სტრაბონის ტექსტში შემთხვევითი გამორჩენის შედეგი არ არის, ეს ცხადი ხდება მისი პოზიტიური ცნობების ანალიზით: ამ დაწესებულებებს აქ საქმე და ფუნქცია აღარ რჩებათ. მართლაც და, ეს იბერია რომ სახელმწიფო კი არ იყოს, არამედ „მილიტარული დემოკრატია“, მარქსისა და ენგელსის ტერმინოლოგიით, მაშინ „მეზობლებთან სადავო საქმეებს“ უმცირესობა, ქურუმთა გენე, კი არ უნდა განაგებდეს, როგორც გვამცნობს სტრაბონი, არამედ საბჭო და სახალხო კრება, იმიტომ რომ სამხედრო დემოკრატიაში „ომი და ომის ორგანიზაცია რეგულარული ფუნქციები გახდენ“ (ენგელსი, იქვე, ქართ. 196). სარდლობა და მართლმსაჯულება პირველს, ბაზილევსების, გენეს ეკუთვნოდა, იმვე სტრაბონის ცნობით. რაღა დარჩა? სამოქალაქო მმართველობის სფერო. მაგრამ უეჭველია, რომ სამოქალაქო მმართველობა იბერიის „ბაზილევსის“ ხელშია.

მართლაც, ჩვენ ვნახეთ, რომ იბერიის „ბაზილევსი“ მხედართმთავარი არ არის. სტრაბონის ცნობით, მხედართმთავრობა ეკუთვნის მეორე პირს ბაზილევსის შემდეგ, ბაზილევსებისავე გვარში.

ესევე პირია აგრეთვე მსაჯულიც. მაშ რაღა დარჩა ბაზილევსს, თუ იგი არც მხედართმთავარია, არც მთავარმსაჯული? გასათვალისწინებელია ის გარემოებაც, რომ ეს მეორე პირი „ბაზილევსობის“ მემკვიდრე უნდა ყოფილიყო, რადგანაც, სტრაბონის ცნობით, ბაზილევსად იყო ბაზილევსების გვარის ის წარმომადგენელი, რომელიც ყველაზე უხუცესი და ანლობელი ნათესავი იყო წინანდელი მეფისა. ბუნებრივია | რომ ასეთ პირს, ვიდრე მეფე ცოცხალია, „მეორე“ პირი ეწოდოს. შეიძლება თუ არა ვიფიქროთ, რომ მემკვიდრე ჰყარავდა იმ უფლებებსაც კი, რომელიც მას მემკვიდრეობის დროს ჰქონდა, მაშინ, როცა იგი თითქოს წინაურდებოდა. უნდა ვიფიქროთ ამიტომ რომ სამოქალაქო მმართველობა ბაზილევსის, მეფის, ხელშია. დასაჯრებელია განა ისეთი მეფის არსებობა, რომელსაც არაფერი ეკითხება არც სარდლობის, არც მართლმსაჯულების, არც მუშობლებთან სადაო საქმეებისა და არც სამოქალაქო მმართველობის სფეროში?

მაგრამ ჩვენ ხომ სტრაბონის გარდა მრავალი სხვა წყაროების ჩვენებაც მოგვეპოვება იბერიის (ქართლის) მეფეების შესახებ პირველ საუკუნეში ძვ. წ. და ახ. წ. ამ ცნობებიდან ჩანს, რომ რომაელები იბერიის ბატონ-პატრონად სწორედ იბერიის ბაზილევსებს სთვლიდნენ და მასთან იკერდნენ. უწინარეს ყოვლისა, საქმეს. ცხადი ხდება, რომ სტრაბონი აგვიწერს კონსტიტუციას, თეორიულ ნორმას, რომელთან შედარებითაც სინამდვილე გაცილებით უფრო შორს იყო წასული და ქართლის მეფე თავის ხელს მმართველობის ყველა დანარჩენ სფეროშიაც ურევდა, მეტ-ნაკლები უფლებამოსილებით.

საყოველთაოდ ცნობილს „ანკვირიის ძეგლში“, რომელიც იმპერატორ ოქტავიანე ავგუსტუსის ოფიციალური დოკუმენტია, მისივე ბრძანებით ამოკრილი ქვაზე და დედნის სახით მოღწეული ჩვენს დრომდე, ნათქვამია (ძეგლი, ყოველ შემთხვევაში, 14 წელზე გვიანდელი არ არის ახ. წ.): „ჩვენს მეგობრობას თხოულობდნენ, ელჩების პირით, ბასტარნები, სკვითები, მდინარე ტანაისის გაღმა-გამოღმა მცხოვრები სარმატების მეფეები და აგრეთვე ალვანელების, იბერების და მიდების მეფეები“ (SC II, 41). აქ ყურადღებას იქცევს ის გარემოება, რომ ბასტარნები და სკვითები უმეფოდ არიან მოხსენებულნი, მათ იმპერატორთან ურთიერთობა აქვთ როგორც ტომებს, სარმატებს, ალვანელებს, იბერებს და მიდებს-კი მეფეები (ლა-

თინურ ტექსტში — „რეგეს“, ბერძნ. ტექსტში — „ბახილეის“) ჰყავთ და ეს მეფეები უგზავნიან ელჩებს კეისარს. მეტად საყურადღებოა ის გარემოებაც, რომ იბერების (ქართველების) და სხვა კავკასიელ ტომთა მფლობელები რომაულს ოფიციალურ დოკუმენტში იმავე წოდებულობას ატარებენ (რეგეს, ბაზილევს), რომელსაც ატარებს მიდების მფლობელიც. მიდებად აქ პართელები იგულისხმებიან. პართიის პოლიტიკური ორგანიზაციის შესახებ ხომ არავის შეუძლია ექვი შეიტანოს რომ ეს სახელმწიფო იყო და მისი მეტაური — მეფე. შესავსი ფაქტების გამრავლება ადვილად შეიძლება, ნაწილობრივ ისინი უკვე აღნუსხულია ჩვენს დასახელებულ ნაშრომში.

| ამ საკითხს აქვს სხვა მხარეც. იმავე ძველ ბერძნების შესახებ ენგელსი ამბობს: „ბერძნები, ისევე, როგორც პელასგები და სხვა მათი მონათესავე ხალხები უკვე პრეისტორიული ხანიდან იმავე ორგანული რიგის მიხედვით იყვნენ დაწყობილი, როგორც ამერიკელები: გვარი, ფრატრია, ტომი, ტომების კავშირი“ (იქვე, ქართ. 115). ცალკე ტომებს საკუთარი სარწმუნოებრივი დღესასწაულები ჰქონდათ, რომელსაც ტომის მამასახლისი (ფილობაზილევსი) ხელმძღვანელობდა (116). ტომური სტრუქტურა ძალიან მკაფიოდ ჩანს: ატიკაში, მაგ. ოთხი ტომი არსებობდა, თვითთულში სამ-სამი ფრატრია იყო, თვითთული ფრატრია თავის მხრით ოცდაათ გვარად იყოფოდა (120). პომპროსის ცნობების შესახებ კიდევ ენგელსი ამბობს: „პომპროსის პოემებში ბერძენთა ტომები გვევლინებიან, როგორც გაერთიანებულნი პატარა ხალხებად, რომელშიაც გვარები, ფრატრები და ტომები მაინც სრულს დამოუკიდებლობას ინარჩუნებენ“ (იქვე, გვ. 120—121). ტომური ორგანიზაციის არსებობას ენგელსისათვის ძალიან დიდი მნიშვნელობა აქვს. ასწერს რა იროკეზების გვარს, იგი ამბობს... „ეს ორგანიზაცია განწირული აყო. იგი ვერ გასცილდა ტომის ფარგლებს; ტომთა კავშირი მისი დამხობის დასაწყისს მოასწავებს, როგორც ამას ქვემოთ დავინახავთ და როგორც უკვე დავინახეთ იროკეზების ცდაში სხვა ტომები დაემორჩილებინათ“ (იქვე, გვ. 113. ხაზი ჩემია. ს. ჯ.). როგორია ამ მხრივ მდგომარეობა იბერიაში?

ამ პუნქტში საკითხი იბერიის პოლიტიკური ორგანიზაციის შესახებ საბოლოოდ წყდება. იბერიაში ტომური ორგანიზაციის უკვე ყოველგვარი კვალი წაშლი-

ლია, მიუხედავად იმისა, რომ მრავალი სხვადასხვა, ზოგჯერ სრულიად სხვადასხვა მოღვაწის, ტომი ცხოვრობს. ეთნიკურად და ეთნოგრაფიულად ცალკე ტომები დღესაც განსხვავდებიან აღმ. საქართველოში (ფშავლები, ხევსურები, წოვა-თუშები და ჩალმა-თუშები, მოხევეები, მთიულები, ქისტები, ოსები და მრავ. სხვ.). რა თქმაუნდა, სიჭრელე მაშინ ნაკლები არ იქნებოდა. თვით სტრაბონი ამბობს: იბერიის „ბარი დასახლებულია იმ იბერების მიერ, რომელნიც უფრო მიწისმოქმედებას მისდევენ, მშვიდობიან ცხოვრებისადმი არიან განწყობილნი და სომხურად და მიდურად ირთვებიან, ხოლო მთიანი ნაწილი უკავია მეომარ უმრავლესობას, ცხოვრების წესით მსგავსს სკვითებისა და სარმატებისას, რომელთაც ისინი კიდევაც ემეზობლებიან და კიდევაც ენათესავენ“... (წ. მე-11, თავი მე-3, § 3). მაშასადამე, ბარელები და მთიელები | ერთმანეთისაგან განსხვავდებიან არა მარტო მეურნეობით, ცხოვრების წესით, ზნით, მორთულობით, არამედ მოღვაწეობითაც—მთიელები სკვითებისა და სარმატების მონათესავენი იყვნენ. გარდა ამისა, სტრაბონივე ამბობს, რომ მესხების ქვეყანა სამ ნაწილად იყოფა: ერთს ჰფლობენ კოლხები, მეორეს—იბერები, მესამეს—არმენიელები (იქვე, თ. 11, § 18). პროკოპი კესარიელიც, ცნობილი ბიზანტიელი მემატიანე, ექვსასი წლის შემდეგაც-კი, სავსებით ნიშანდობლივ ცნობას იძლევა მესხებს შესახებ: ლაზიკის „გვერდით, სახელდობრ იბერიის გასწვრივ, ცხოვრობენ ძველი თგანეგ იბერთა ქვეშევრდომი („კატეკოლი“) მესხები, რომელთაც მთებში აქვთ საბინადრო ადგილები“¹. მაშასადამე, სრულიად ცხადია: თვით სტრაბონმა და მისმა წყაროებმა იციან, რომ იბერიაში (რომელიც, სტრაბონისავე ცნობით, მკიდროდ დასახლებული ვრცელი ქვეყანაა შორაპნიდან ალაზნამდე და კავკასიის ქედიდან სომხეთამდე) სხვადასხვა ტომი ცხოვრობს, რომ ზოგი მათგანი ძალით არის დამორჩილებული იბერების მიერ. მიუხედავად ამისა, ერთი კრიტიკ დაძრული არ არის ტომური ორგანიზაციების შესახებ, აშკარაა იმიტომ, რომ ცალკე ტომებს საკუთარი ორგანიზაცია სრულებით არ გააჩნდათ. თავისი თხზულების მე-11 წიგნის მესამე თავი სტრაბონს მთლიანად იბერიისათვის აქვს მიძღვნილი. აქ ეს ქვეყანა აღწერი-

¹ კ. რ. ს. ყაუხჩიშვილი, გეორგია, II გვ. 97 (ხაზი ჩვენია. ს. ჯ.)

ლია ტერიტორიის, ტოპოგრაფიის, მოსახლეობის, მეურნეობის, გზებისა და ტრანსპორტის, ეთნოგრაფიისა და კულტურის, სოციალურ-პოლიტიკური წყობისა და სხვა მხრივ, ერთი სიტყვით—ყოველმხრივ. უკანასკნელი ფრაზა ამ თავისა კი არის: „ასეთია იბერები და მათი ქვეყანა“. სტრაბონმა ხომ იცოდა, რომ იბერიაში მარტო იბერები არ ცხოვრობენ, რომ აქ ცხოვრობენ სკვითებისა და სარმატების მოდგმის მთიელები, მესხები და სხვანი, მაშ რა მნიშვნელობით შეიძლებოდა მას ეთქვა, რომ ეს სხვადასხვა ტომით დასახლებული ქვეყანა იბერების ქვეყანაა? ცხადია, მხოლოდ პოლიტიკური მნიშვნელობით! მეტიც შეიძლება ითქვას: ეს ტერიტორიული წყობა, რომელმაც შესცვალა ტურ-გვაროვნული, უკვე იმდენად შორს არის წასული, რომ უკვე გაჩენილია ამ ტერიტორიალურ-პოლიტიკურ ერთეულის ტერიტორიული სახელწოდება—„იბერია“. ეს უაღრესად დამახასიათებელი ფაქტია. ჩვენ სხვა ადგილას უფრო დაწვრილებით ვუჩვენებთ, სწორედ კავკასიურ სინამდვილის კონკრეტულ მასალაზე, თუ როგორ წარმოებს ეს პროცესი. ტომური ორგანიზაციის დაცემა და მის ადგილას აღმოცენებულ სახელმწიფოებრიობის პირველი, დასაწყისი, პერიოდი ჯერ კიდევ იგუბებს ძველ სახელწოდებას ძველი ფორმით. ეს არის ტომური სახელწოდება მრავლობითი რიცხვის ფორმით. მაგრამ სახელმწიფოსა და მისი ტერიტორიული წყობის შემდგომი განმტკიცება უკვე აჩენს ახალი ფორმის სახელწოდებას, რომელიც ესალა ტერიტორიას აღნიშნავს და არა ტომს. საფუძვლად მასაც ტომის სახელი უძევს, მხოლოდ ეს ფუძე ეხლა გაფორმებულია ადგილსათავისის ფორმანტით.

მეორე „გენე“ ქურუმების, „წარმართული“ სარწმუნოების ტაძართა მსახურების, წოდებაა. კლასობრივად ისინი მონათმფლობელები არიან, წარმოების მონათმფლობელური წესის წარმომადგენელნი. სტრაბონის ცნობა რომ ეს ქურუმები განაგებენ მეზობლებთან სადაო საქმეებს, ისევე, როგორც ქვემოთ აღნიშნული ისტორიული ფაქტები, ჩვენ საფუძველს გვაძლევენ ეს ქურუმები იბერიის გაბატონებულ საზოგადოებრივ წრედ წარმოვიდგინოთ.

ზედმეტია სიტყვის განვრცობა იმის შესახებ, რომ ამგვარი სოციალური სტრუქტურა ფართოდაა გავრცელებული ძველს აღმოსავლეთში. სტრაბონიც თავის დროის შესახებ ამბობს, რომ აზიაში რო-

შეელებს „ეპორჩილებიან ზოგიერთი დინასტიები, ერისთავები და ქურუმები, რომელნიც მამაპაპური კანონების მიხედვით ცხოვრობენ“ (წ. XVII, თ. III, § 24).

შესაშვ „გენე“, ჩვენი განძარტებით, თავისუფალ წვრილ მწარმოებელთა წოდებაა. მისი ადგილობრივი, ქართული, სახელწოდება, ჩვენი აზრით, „ერია“ (ხალხი—ჯარი), და არსებითადაც იგი იმ ძველი „ერის“ ნაშთია, რომლის შესახებაც ჩვენ ზემოთ გვქონდა საუბარი. აქ საჭიროდ მიგვაჩნია შევჩერდეთ, კიდევ ერთხელ, სტრაბონის ცნობის ანალიზზე მეოთხე „გენეს“ შესახებ. სტრაბონი ამბობს შემდეგს: იბერიის (ქართლის) მოსახლეობის „მეოთხე (გენე არის) „ლაოების“ გენე, რომელნიც სამეფო მონები არიან და რომელნიც ასრულებენ ყოველგვარ სამსახურს, რაც საჭიროა ცხოვრებისათვის“ (ამ ფრაზის თარგმნა სიძნელეს წარმოადგენს. რუსულად მას ასე გადმოსცემენ: მიშჩენკო— „Эти царские рабы, производящие все необходимое для жизни“, ხოლო აკადემიკოსი ლატიშვი: „Служит рабами у царей и доставляет все необходимое для жизни“. ს. ჯ.). მაშასადამე, იბერიის (ქართლის) უკანასკნელ გენეს საკუთარი სახელი ყოფილა „ლაოების გენე“. „ლაოს“ ბერძნულად ნიშნავს „მდაბიო ხალხს“ და ასე სთარგმნიან მას რუსულადაც: მიშჩენკო „пристойн народ“, აკად. ლატიშვი: „пристонародье“. მაგრამ ამ ტერმინს ბერძნულად უფრო სპეციალური მნიშვნელობაც ჰქონდა: იგი აღნიშნავდა ისეთ მდაბიო ხალხს, რომელიც სხვის მიწაზე იჯდა, მას ამუშავებდა და პირად თავისუფლებასაც მეტ-ნაკლებად მოკლებული იყო. ბერძნ. „ლაოი“ უახლოვდებოდნენ რომაელ კოლონებს. განსაკუთრებით ბლომად იყვნენ ეს „ლაოი“ მცირე აზიაში, ე. ი., სწორედ სტრაბონის სამშობლოში, რაც ჩვენთვის მეტად საყურადღებოა. იქ ისინი, ესეც ძალიან საყურადღებოა, უპირატესად მეფეებზე ჰყავთ და სამეფო მიწაზე სხედან. ცხადია, იბერიის აღწერილობაშიაც სწორედ ასეთი დამოკიდებული მოსახლეობაა. ცნობა რომ ისინი „სამეფო მონები“ არიან, ჩვენი კლასობრივი კლასიფიკაციისათვის სრულებით არაფერს არ ამბობს. „დულოს“ ბერძნულში ნიშნავს არა მარტო „მონას“, არამედ „მსახურსაც“, სტრაბონისავე ტექსტში ტაძრის მსახურნი „პიეროდულებად“ იწოდებიან. ფეოდალურ ხანაში „დულოს“ აღნიშნავდა „ვასალს“, ხოლო „დულეია“—ფეოდალურ „სამსახურს“, ვასალის სათანადო ვალდებულებას. თუნდაც სტრაბონიდან ამოღებულ ამონაწერში „დუ-

ლოს“ ჩვენ რომ „მონად“ გაგვეგო და ასევე გვეთარგმნა (როგორც მოვიქვით ჩვენ, რომ სრული ობიექტურობა დაგვეცვა), მაინც უნდა დაგვესკვნა, რომ აქ მხოლოდ მათი იურიდიკული დამოკიდებულებაა გამოხატული, არა ზუსტად ტერმინოლოგიურად, და ასეთი უზუსტობა ძველი ღრის-თვის სრულებით არ არის გასაკვირველი. საქართველოში, მე-19 ს-შიაც ყმა-გლეხებს ზოგჯერ ჰყავდათ ნაყიდი მონები, რომელნიც „გლეხის გლეხად“ იწოდებოდნენ—ამ ტერმინოლოგიაში სრულიად წაშლილია განსხვავება ყმასა და მონას შორის, მაშინ როცა რეალურად ეს განსხვავება ძირითადი ხასიათისაა. ესეც არ იყოს, იმისთვის, ვინც იცნობს ანტიკურ სამყაროსა და მის შეხედულებებს, მისთვის აბსოლუტურად გამორიცხულია შესაძლებლობა რომ სტრაბონისა თუ მისი წყაროს მეოთხე გენეში ნამდვილი მონები იგულისხმება.

ასეთივე არაპირდაპირი მნიშვნელობით ჩვენ ხშირად ვუწოდებთ მონას როგორც ყმას, ისე პროლეტარსაც: „მონობა პირველი, ანტიკური მსოფლიოსათვის დაწახასიათებელი ფორმაა ექსპლოატაციისა; მას სამუშალო საუკუნეებში ბატონყმობა მოსდევს, ახალ ეპოქაში—დაქირავებული შრომა. ეს მონობის სამი დიდი ფორმაა; ისინი ახასიათებენ ცივილიზაციის სამ დიდ ეპოქას; მონობა მუდამ ცივილიზაციას მოჰყვება თან, ახდელი თუ ნიღბჩამოფარებული სახით“ (ენგელსი, ოჯახი, 211; იხ. აგრეთვე „კაპიტალი“, I, 701). ამიტომ უეჭველია, რომ სტრაბონიც აქ „მონას“ არაპირდაპირი მნიშვნელობით ხმარობს.

ანტიკურ სამყაროში „მონათმფლობელები მონებს სთვლიდნენ თავის საკუთრებად, კანონი ამტკიცებდა ამ შეხედულებას და განიხილავდა მონებს, როგორც ნივთს, რომელიც მთლიანად იმყოფება მონათმფლობელის მფლობელობაში. ყმა-გლეხის მიმართ დარჩა კლასობრივი ჩაგვრა, დამოკიდებულება, მაგრამ მებატონე-მემამულე არ ითვლებოდა გლეხის, როგორც ნივთის, მფლობელად, არამედ მას ჰქონდა მხოლოდ უფლება მის შრომაზე და განსაზღვრული ვალდებულებების შესრულების იძულებაზე. პრაქტიკაში, როგორც ყველამ იცით, ბატონყმობა, განსაკუთრებით რუსეთში, სადაც მან ყველაზე დიდხანს გაძლო და ტლანქი ფორმები მიიღო, არაფრით არ განსხვავდებოდა მონობისაგან“ (ლენინი, ლექცია სახელმწიფოს შესახებ). ლენინის მიერ აღნიშნული განსხვავება შეხედულებათა

მონასა და ყმაზე ძალიან დიდი იყო: „მონათმფლობელური ეპოქის სახელმწიფო იყო მონათმფლობელთა სახელმწიფო, სულ ერთია — იყო ეს მონარქია თუ რესპუბლიკა არისტოკრატიული თუ დემოკრატიული. ძველი დროის ისტორიის ყოველ კურსში, როცა თქვენ ნოისმენტ ლექციას ამ საგნის შესახებ, თქვენ გაიგონებთ ბრძოლაზე, რომელიც მონარქიულ და რესპუბლიკურ სახელმწიფოთა შორის იყო, მაგრამ ძირითადი იყო ის, რომ მონები არ ითვლებოდნენ ადამიანებად: არამც თუ არ ითვლებოდნენ მოქალაქეებად, არამედ ადამიანებადაც არ ითვლებოდნენ. რომაული კანონი მათ განიხილავდა, როგორც ნივთს. კანონი მკვლელობის შესახებ, ადამიანის. პიროვნების დაცვის სხვა კანონთა შესახებ რომ არ ვილაპარაკოთ, არ განეკუთვნებოდა მონებს. იგი იცავდა მხოლოდ მონათმფლობელებს, რომელნიც, მხოლოდ და მხოლოდ, მიჩნეულნი იყვნენ სრულუფლებიან მოქალაქეებად. მაგრამ თუ არსებობდა მონარქია, ეს იყო მონათმფლობელთა მონარქია, თუ რესპუბლიკა, ეს იყო მონათმფლობელთა რესპუბლიკა, მათში ყველა უფლებით სარგებლობდნენ მონათმფლობელები, ხოლო მონები წარმოადგენდნენ ნივთს, კანონის მიხედვით, და მათ მიმართ არამც თუ შესაძლებელი იყო რანაირიც გინდა ძალმომრეობა, არამედ მონის მოკვლაც-კი არ ითვლებოდა ბოროტმოქმედებად“... (იქვე, ზაზი ყველგან ჩვენია). ამრიგად, ძველ სამყაროში მონები არამც თუ მოქალაქეებად არ ითვლებოდნენ, ისინი არ ითვლებოდნენ ადამიანებადაც-კი, ისინი მხოლოდ ნივთად (რომაული სამართლის ენაზე — „რეს“) იყვნენ მიჩნეულნი. არისტოტელე ამბობს, რომ მონა მხოლოდ ცოცხალი იარაღია, სულდგმული საკუთრება, სატვირთავი პირუტყვი! რას წარმოადგენენ იბერიის „ლაოი“? ისინი ამ ქვეყნის მოსახლეობის ერთი ოთხ „გენეთაგანია“: პირველი ბაზილევსების გენეა, მეორე — ქურუმებისა, მესამე — მეომართა და მიწათმოქმედთა, მეოთხე — ლაოებისა. თითქოს „ითვალისწინებდნენ“ მომავალ მკვლევართა საკუროებას, სტრაბონი აქ განსაკუთრებით ზუსტია, იგი ამბობს: τῆς αἰτίας ὅς τῃ. τὰν λῆξιν,

აქ არტიკლი „ტო“, საშუალო სქესის გრამატიკული ნიშანი, სრულიად უექველად გულისხმობს სიტყვა „გენოს“-ს, რომელსაც ჩვენ „გენედ“ ვაქართულებთ და რომელიც სტრაბონის ფრაზაში, ბერძნული ენის ჩვეულებრივი წესის თანახმად, გამოტოვებულა, მაგრამ აუცილებლად იგულისხმება. ამას ადასტურებს მომდევნო სიტყვის, გრამატიკული მსაზღვრელის, ნათესაობითი ბრუნვის ფორმა. მაშასადამე, მთელი ფრაზა უნდა გადმოითარგმნოს: „ძეოთხე გენე არის გენე ლაოებისა“. მაგრამ რა არის „გენოს“ გენე? ეს სიტყვა ბერძნულად, უწინარეს ყოვლისა, ნიშნავს „გვარს“ (ლათინ. „გენუს“), შემდეგ — შთამომავლობას, ნაშიერს, ტომს, ხალხს (შეადრ. ძვ. ქართ. „ნათესავე“—ტომი), თაობას, რასას, ნათესაობას, სქესს, „პოლიტიკურსა და სამოქალაქო ცხოვრებაში—კლასს, რიცხვს“ (იხ. მაგ. პოსპიშილის ბერძნ.-რუს. ლექსიკონი), შემდეგ აგრეთვე—წარმომობას. ორი ყველაზე უფრო ცნობილი რუსი მთარგმნელი სტრაბონისა, მიშჩენკო და აკადემიკოსი ლატიშევი, სტრაბონის ცნობაში იბერიის შესახებ გენოსს სთარგმნიან „კლასად“. ჩვენ ეს არ მიგვაჩინია სწორად, ისევე როგორც სწორად არ მიგვაჩინია აქ მისი გადმოსთარგმნა „გვარად“ გვაროვნული ორგანიზაციის მნიშვნელობით (იბერია იყო ვრცელი ქვეყანა, მრავალ ქალაქად და სოფლად მჭიდროდ დასახლებული, რომელსაც შეეძლო 80000 კაცამდე მეომრის გამოყვანა, და მისი ოთხ გვარში მოთავსების ცდა სრული უაზრობაა). აქ, რა თქმა უნდა, იგულისხმება ოთხი საზოგადოებრივი წრე, სტრაბონისა და მისი წყაროს თვალსაზრისით—უწინარეს ყოვლისა, განსხვავებული თავისი წარმოშობის მხრივ, ხოლო რეალ-ისტორიულად, განსხვავებული თავის სოციალურ-პოლიტიკურ მდგომარეობის მხრივაც. ჩვენი აზრით, პირველი გენე სამეფო დინასტიაა, დანარჩენი სამი თავისებური, წინაფეოდალური, წოდებები. ყოველ შემთხვევაში, აბსოლუტურად ცხადია რომ აქ ლაპარაკია ერთისა და იქვე საზოგადოების ოთხ სხვადასხვა განაყოფზე, წრეზე, რომელიც რომელიღაც პუნქტში შეიძლება ერთ სიბრტყეზე იქნან განხილულნი, ოთხივე ერთნაირად გენეა. ეს ქრა თქმა უნდა, მოქალაქეობრივი თვალსაზრისითა. სტრაბონი ამ აღწერილობას ხომ ასე იწყებს: „ადაშიანთა ოთხი „გვარი“ (გენე) სახლობს (ბინადრობს) ამ ქვეყანაში“. გამოთქმდა „ხან-

ლობს“ („ოიკეი“) კიდევ უფრო მეტად ამტკიცებს ჩვენს მოსაზრებას — მეოთხე გენეც აქ, ბირველი სამივით, ქვეყნის „მოსახლეთა“, „ბინადართა“, მკვიდრთა რიცხვშია ჩათვლილი. აბსოლუტურად შეუძლებელია, რომ მონათმფლობელურ საზოგადოების ღვიძლ შვილებს, როგორც იყენენ სტრაბონი თუ სხვა ბერძენი მწერლები, მონები მიეჩნიათ ასეთს ორგანულ სოციალურ წრედ. აქ დამახასიათებელია ცნობაც, რომ ეს „ლაოი“ ყოველგვარს, ცხოვრებისათვის საჭირო, სამსახურს ასრულებდნენ სამეფო დინასტიის სასარგებლოდ. რომელ ძველ მწერალს ჩოუვიდოდა თავში აზრი ეთქვა ასეთი რამ მონების შესახებ — სხვა რა დანიშნულება ჰქონდათ მონებს, თუ არ მხოლოდ სამსახური? ესლა თუ „გენეს“ გავიგებთ, როგორც „გვარს“, გვაროვნული ორგანიზაციის მნიშვნელობით, ან ტომს, რაც თავისთავად აბსურდია, მაშინ ზეშო აღნიშნულ უაზრობას კიდევ ახალი ემატება — მონები მიჩნეულ არიან ერთ მთლიან, მეტნაკლებად დიდ მკვიდრო საზოგადოებრივ წრედ, რომლის წევრები ურთიერთ შორის სისხლის ნათესაობით, საერთო წარმოშობით, არიან დაკავშირებულნი, მაშასადამე, აქ ქორწინება, ოჯახიანობა, ბუნებრივი გამრავლება თავისთავად საგულისხმებელი მოვლენაა. მოკლედ: გამოვა რომ მონები მონები არ არიან.

ამრიგად, გასაგები ხდება, რომ სტრაბონის ცნობაში ამ წრეს შემთხვევით არ ეწოდება „ლაოების“ გენე: ესენი მართლაც „ლაოი“, დამოკიდებული, ექსპლოატირებული, სოფლის „მდაბიო ხალხია“, და არა მონები.

ამ დასკვნას ჩვენთვის დიდი მნიშვნელობა აქვს. ასეთი საზოგადოებრივი წრის არსებობა სრული მიუცილებლობით ჩვენ გვაგულისხმებინებს მონობის და მონების წინარსებობას და არ გამოირიცხავს მონობისა და მონების თანარსებობასაც. ვინც ოდნავ მაინც იცნობს საქართველოს არქეოლოგიას, მისთვის ასეთ ამტკიცებაში მოულოდნელი არაფერი იქნება — მონური შრომის გამოყენება აქ ბევრ რამეში უდაოდ ჩანს მრავალი საუკუნით ადრე სტრაბონის ეპოქამდე. მოიპოვება ჭაჭვით დაბმულ მონების ბრინჯაოსგან გაკეთებული ქანდაკებანიც-კი. მაგრამ ამას ენლა თავი დავანებოთ. არა-

ვის შეუძლია იმის უარყოფა რომ, სტრატონის აღწერილობით, იბერიაში ქურუმებს ერთგვარი გაბატონებული მდგომარეობა აქვთ მოპოვებული. აქ დავა შეიძლება იყოს, და არის კიდევაც, მხოლოდ იმის შესახებ, თუ რა დონეს მიაღწია უკვე ამ ბატონობამ. მაგრამ რანაირად მოიპოვეს ქურუმებმა ეს, თუნდაც განსაზღვრული, ბატონობა? ჩვენი აზრით: „ეკვს გარეშეა რომ ტაძრებს ამ დროს იბერიაში საკუთარი, არამცირედი, სივრცის მამულები აქვთ, რომელთა დამუშავებისათვისაც ისინი არათავისუფალ შრომას იყენებდნენ (საფიქრებელია, რომ უფრო მონების შრომას, რადგანაც სტრატონის ტექსტში კოლონების მფლობელად მხოლოდ მეფის „გენე“-ა აღნიშნული). საფიქრებელია აგრეთვე, რომ ეს ტაძრები განძებრს მფლობელნი არიან“ (ნაკვ. II, გვ. 21). შემდეგ, აღწერით რა ტიპურ გზას ტაძრებისა და ქურუმების დაწინაურებისას, ვამბობთ: „თანდათან ტაძრები და მათი წარმომადგენლები იქცევიან უდიდეს მემამულეებად, რომელნიც თავიანთ მიწებს მონების ან ყმების შრომით ამუშავებენ. ფულად ურთიერთობათა განვითარებასთან ერთად ტაძრები, რომელთაც დიდი განძები აქვთ დაგროვილი, სავაზო კაპიტალის როლში გამოდიან და კიდევ უფრო ჰბოჭავენ მათი გავლენის ქვეშ მყოფ ხალხს... იბერიის ქურუმთა წოდების განვითარების კონკრეტული ისტორია ჩვენთვის უცნობია პირდაპირი ცნობების სრულ უქონლობის გამო, მაგრამ აქაც განვითარების გზა ზემოთ აღწერილის მსგავსი იყო“ (იქვე, 24).

შრომის ექსპლოატაციის რომელ სახესთან გვაქვს საქმე ტაძრების მამულებზე? რაკი ლაოი-კოლონები მხოლოდ სამეფო დინასტიას ჰყავდა, აქედან ლოგიკური აუცილებლობით გამომდინარეობს, რომ ტაძრები და ქურუმები მონების შრომით სარგებლობდნენ. და, მართლაც, უეჭველი ხდება, რომ ტაძრები თავიანთ მამულებზე შედარებით ფართო მეურნეობის წარმოებას იწყებენ და ამისათვის საჭირო ხდება მონების შრომის უფრო დიდი მასშტაბით გამოყენება. იმათთვის-კი, ვინც მეოთხე გენეს მონათა გენედ სთვლის და, მამასადამე, სამეფო დინასტიის გარდა, სხვა საზოგადოებრივი წრისათვის მონური შრომის გამოყენების შესაძლებლობას უარყოფს. (მეოთხე გენეს წარმომადგენლები ხომ მხოლოდ სამეფო დინასტიას ემსახურებოდნენ), ასეთივე აუცილებლობით გამომდინარეობს, რომ ქურუმთა თუნდაც განსაზღვრული სახით ბატონობასაც არავითარი ეკონომიური საფუძველი არა აქვს, რომ ტაძრების მამულებზე არა-

ვითარ შრომის ექსპლოატაციას ადგილი არ ჰქონია, რაც, რა თქმა უნდა, არ არის სწორი.

ტაძრებისა და ქურუმების გარდა, მონები ჰყავდათ, ცხადია, სხვებსაც — სახელდობრ, სამეფო დინასტიას, ერთი მხრით, და მეორე ! მხრით — მესამე გენეს, თავისუფალთა წოდების ანუ „ერის“, წარმომადგენლებსაც.

ჩვენ კარგი ცნობები მოგვეპოვება იმის შესახებ, თუ რამდენად იყო გავრცელებული მონური შრომა საქართველოს უახლოეს მეზობელ ქვეყნებში. ეს ცნობები ჩვენ ამ ნარკვევში, ქვემოთ, გვაქვს განხილული.

თვით საქართველოს ისტორიიდანაც ჩვენ შეგვიძლია მრავალი არაპირდაპირი ჩვენების მოპოება მონობის განსაკუთრებული მნიშვნელობის შესახებ საქართვ. უძველეს ისტორიაში. არავის არ მიუტყვევია ყურადღება, მაგ., იმ უაღრესად საინტერესო გარემოებისათვის, რომ სწორედ მონობასთანაა დაკავშირებული და მხოლოდ მის ნიადაგზე არის გასაგები განსაკუთრებული გავრცელება ტრანსპორტის იმ სახისა, რომელიც შემდეგში ჰქარგავს თავის მნიშვნელობას სოციალურ-ეკონომიურ პირობების გამოცვლასთან დაკავშირებით, სახელდობრ, ნაოსნობისა (ალაზანზე, მტკვარზე, რიონზე, ყვირილაზე), რომლის შესახებაც ლაპარაკობს სტრაბონი: შედარებით ჩქარი დენის მქონე ჩვენს მდინარეებზე ნაოსნობის ფართო გამოყენება ტვირთების გადასაზიდად, განსაკუთრებით, როცა მოძრაობა ზევით მიიმართებოდა, შესაძლებელი იყო რენტაბელურად მხოლოდ მონა მენიჩბეების უხვი და მუქტი შრომის გამოყენებით. წარმოების ამ წესის დაცემასთან ერთად ეცემა ტრანსპორტის ამ სახის მნიშვნელობაც: ფეოდალურ საქართველოში მდინარეებზე ნაოსნობა შეუღარებლად უფრო სუსტადაა წარმოდგენილი. ცვლილება დრმად ეხება თვით გზების მოპართულებას და მათს ხასიათსაც სხვა მხრივ, მაგრამ ამის შესახებ შემდეგ.

§ 3. სტრაბონის ცნობების საკონტროლო პარალელები და უაძრებში

სტრაბონის ცნობის შემოწმება უნდა მოხდეს არა მარტო სხვა წყაროების საშუალებით, არამედ საქართველოს ისტორიის მთელი შემდეგდროინდელი მსვლელობის ფაქტებზედაც. ჩვენი ანალიზით მიღებული დას-

კვნები არა მარტო მართლდება ამ ფაქტებით, არამედ მერმინდელი უმნიშვნელოვანესი ისტორიული მოვლენების გაგებისათვის ეს დასკვნები სრულიად აუცილებელია. აღწერილი სოციალურ-პოლიტიკური სტრუქტურის ნიადაგზე შეიძლება მხოლოდ ავსხხათ ისეთი უღრესად მნიშვნელოვანი ცვლილება ქართლის ცხოვრებაში, როგორც იყო ქრისტიანობის | სახელმწიფო სარწმუნოებად გამოცხადება აქ სამეფო ხელისუფლების მერმეთხე საუკუნის შუაწლებისათვის (იხ. ქვემოთ, § 16). ჩვენ ვფიქრობთ, რომ ამ ამბებში, კერძოდ, ვპოულობთ საყურადღებო საბუთებს იმისათვის, რომ სტრაბონის მეორე წრე, ქურუმები, როგორც მონათმფლობელები, მართლაც შეადგენდნენ უძველესი ხანის ქართლში გაბატონებულ სოციალურ ფენას. ნაწილობრივ უკვე აღნიშნულიც გვაქვს, რომ ანალოგიურ მოვლენებს ჩვენ ვპოულობთ მეზობელ ქვეყნებშიც. განსაკუთრებით საყურადღებოა ამ მხრივ ალბანეთისა და სომხეთის ანალოგიები. ალბანეთის შესახებ, მაგ., სტრაბონი ამბობს (წ. 11, თ. 4, § 7): „ღმერთებად მიჩნეული ჰყავთ მათ (ალბანელებს) მზე, ზევესი და მთვარე, განსაკუთრებით კი — მთვარე. არის ამისი ტაძარიც იბერიის მახლობლად. ქურუმობს ყველაზე პატივცემული, მეფის შემდეგ, პირი. იგი მეთაურობს სატაძრო მიწის, რომელიც ვრცელია და კარგად დასახლებული, გამგობას და აგრეთვე ჰიეროდულებს (ტაძრის მსახურთ)...“. ეს ცნობა საყურადღებოა სხვა მხრივაც. ჩვენ ვფიქრობთ რომ აქ დასახელებული მთვარის ტაძარი იყო სწორედ ის ადგილას, სადაც შემდეგში, ქრისტიანულ ხანაში ალავერდის წმ. გიორგის ეკლესია ააშენეს. შემთხვევითი არ არის, რომ იქვეა სოფ. ალვანი და რომ თვით ტაძრის ადგილის სახელწოდებაც ამავე ფუძეზეა აგებული: „ალავერდი“ ალვან-გვერდის განვითარებაა. სასაზღვრო ხაზი ძველ იბერიასა და ალბანეთს შორის სწორედ აქ გადიოდა. მაშასადამე, ამ სახელწოდებაში მეზობელი ქვეყნის სახელის მოგონება და კვალი შეიძლება ვივარაუდოთ. ერთი მსგავსი ტაძარი სტრაბონის აღწერილი აქვს საქართველოშიც. იგი ამბობს: „დასახელებულ მდინარეებს ზემოთ მოსხიკეში (მესხეთში) არის ლევკოთას

ტაძარი, აგებული ფრიქსეს მიერ, და აგრეთვე მისი საწინასწარმეტყველო. სადაც მსხვერპლად ვერძს არ სწირავენ. ოდესღაც იგი მდიდარი იყო. მაგრამ ჩვენს დროებაში გაძარცვულ იქნა ფარნაკის მიერ და ცოტა ხნის შემდეგ მითრიდატ პერგამელის ძიერ. ხოლო, ევრიპიდესი არ იყოს, როცა ქვეყანა აოხრებულია, „ღმერთებიც შეწუხებული არიან და მათ პატივისცემის მიღება არ კსურთ“ (წ. 11, თ. 11, § 17). „დასახლებულ მდინარეებს“ ქვეშ აქ ნაგულისხმევია კოლხეთის, ამავე პარაგრაფში აღწერილი, მდინარეები ფაზისი და მისი შენაკადები—გლაკვი და ჰიპპი, ე. ი., რიონი და მისი შემდინარეები. ამ მდინარეთა, კერძოდ, თვით ფაზისის,—სათავეების შესახებ ძველ გეოგრაფებს არ ჰქონდათ ზუსტი წარმოდგენა—ფაზისის სათავეს მაგ., ჩვეულებრივად, სამხრეთით გულისხმობდნენ. სტრაბონიც აქვე ამბობს, რომ ფაზისს სათავე არ მენია ში | აქვსო. ამიტომ აქ მესხეთას ის ნაწილია ნაგულისხმევი, რომელიც კოლხეთის აღმოსავლეთ ნაწილს სამხრეთიდან ეკრა, დაღო-ფერსათის (ახალციხის ქედის) გასწვრივ, რომელ მთაშიაც ფაზისის სათავე იყო შეცდომით დადებული (მაგ. ვთქვათ, ფაზისის თავნაკადად ხანისწყლის მიხედვით). ეს ტერიტორია კიდევ დიდი ხნით ადრე საქართველოს პოლიტიკურ ფარგლებში იყო შემოსული. ასეთი მდიდარი ტაძარი, რომელიც გაძარცვული იყო მეზობელ ქვეყნების რამდენიმე მეფის მიერ, უეჭველობით მოწმობს ამ მოვლენის სათანადო სოციალურ-ეკონომიურ საფუძვლის შესახებ. სავსებით ანალოგიურ ფაქტებს ვხედავთ მეზობელ სომხეთშიაც. სტრაბონის ცნობით, ხომხები თაყვანს სცემდნენ ირანელების ყველა ღმერთს. მაგრამ განსაკუთრებულ პატივს სცემდნენ ისინი ღმერთ-ქალის ანაპიტის ტაძრებს, რომლებიც აგებული ჰქონდათ აკილისენასა და სხვა ადგილებში. ამ ტაძრებში იყვნენ მსახური ვაჟები და ქალები. აქვე ყვარდა საღმრთო პროსტიტუცია: ყველაზე წარჩინებულნი სწირავდნენ ღმერთ-ქალს თავის ასულებს, რომელთათვისაც არსებობდა წესი რომ ღმერთ-ქალის სამსახურად დიდხანს ემეძავნათ, შემდეგ-კი გათხოვილიყვნენ. ეს ღმერთის მსახური მეძავი ქალები თავის საყვარლებს განურჩევლად კი არ იყვანდნენ, არამედ უპირატესად თავის საკუთარ საზოგადოებრივ წრეში ეძებდნენ. საყურადღებოა ისიც, რომ საღმრთო მეძავნი თვითონ უფრო დიდ საჩუქრებს უძღვნიდნენ ხოლმე თავიანთ რჩეულებს, ვიდრე იღებდნენ მათგან, და ამ საქმეზე დიდ ქონებას ხარჯავდნენ (წ. 11, თ. 14, § 16). მეორე ძველი

ქწერლის, პლინიუსის, ცნობით, აღნიშნულ ღმერთ-ქალის პატივსაცემად აღმართული ყოფილა ერთიან ოქროსაგან გაკეთებული ქანდაკება. საყურადღებოა ტაციტუსის ცნობაც რომ სომხეთის მეფე თრდატ I (I ს. დამდეგი ახ. წ.) იმავე დროს პირველი ქურუმიც იყო.

მერმინდელ ქართულ წყაროების მიხედვით ჩვენ სრული უეჭველობით დავადგინეთ ქურუმების გარდა სხვა საზოგადოებრივ ერთეულების არსებობაც, რომლებსაც სტრაბონი „გენეებს“ უწოდებს. ოთხთავის უძველესი ქართული ვერსიების, რომელნიც უკვე მეოთხე საუკუნეში ჩნდებიან, ცნობებით გამოვარკვეით, რომ ბაზილევს— მონარქის ძველი ქართული შესატყვისობა სწორედ „მეფე“-ა. ირკვევა ამასთანავე, რომ „მეფე“ ჩნდება ძლიერი გარდატეხის შედეგად, რადგანაც მისი პროტოტიპი „მეუფე“ (პროფ. ივ. ჯავახიშვილის სამართლიანი განმარტებით „მეფე“ „მეუფის“ განვითარებაა), გვაროვნული წყობილების ხანაში წარმოშობილა, ახალ შინაარსს ვედარ იტევს და წარმოდგენილი სახით იცვლის ფორმას. მეფის ხელისუფლების წარმოშობის შემდეგ ჩნდება სამეფო დინასტია: გამოირკვა, რომ ძველი ქართული სამეფო დინასტიის და, მაშასადამე, სტრაბონის პირველ გენეს, სახელწოდება არის „სეფე“, რომელიც ენობრივად სწორედ „მეფესთან“ დაკავშირებით არის აღმოცენებული. „მეუფეს“ კი ასეთი მნიშვნელობის შესატყვისი არ მოეპოვება. „მეუფის“ მსგავსი შესატყვისის როლში გამოდის ნაწილობრივ „სოფელი“, რომელსაც „სეფეს“ მნიშვნელობა არასოდეს არ მიუღია. „მეფე“-„სეფის“ აქ განსაზღვრული სემანტიკა სრულიად უეჭველია. მერმინდელ ცნობებითვე ირკვევა, რომ „სეფის“ მოცემული მნიშვნელობის ნიადაგზე ვითარდება ძველი ქართული ისეთი ტერმინები, როგორიცაა „სეფე“-ს ა მ ე ფ ე ს ა ს ა ხ ლ ე (აქედანაა დასავლ. საქართველოში გავრცელებული „სეფა“, საქორწილო შენობა, ნ ე ფ ე-დ ე დ ო ფ ლ ი ს საჭლომად განკუთვნილი), შემდეგ, სეფე—ყოველივე ის, რაც სამეფო დინასტიას ეკუთვნის, მაგ., მიწა („ს ე ფ ე ყ ა ნ ა“), თუ სხვა რაიმე ქონება, თვით წევრებიც ამ საგვარეულოსი. აღნიშნული მნიშვნელობიდან გამოდის ძველი ქართული „სეფის-კვერი“, ზეციერი მეფის პური, და ახალი ქართული— „სეფე-სიტყვა“. სამეფო დინასტიის წევრთა აღსანიშნავად ძირითადი ტერმინის როლში გვევლინება „ს ე ფ ე-წ უ ლ ი“ ან, მისი უფრო აშვიათად გავრცელებული პარალელი, „ს ე ფ ე-შ ვ ი ლ ი“. „წული“

და „შვილი“ აქ სწორედ წარმოშობის, „შთამომავლობის, სისხლით ნათესაობის მომენტზე მიუთითებენ. სეფე-წულები თანდათანობით დაშორდნენ მთავარ სამეფო შტოს და გადასცენნენ ძველი ქართლის არისტოკრატიის უმაღლეს წრედ, ყველაზე ძლიერ მემამულეებად, უძველეს მესაკუთრეებად და უძველეს აზნაურებად. ასეთი დასკვნა გამომდინარეობს ძველი სომეხი მემკვიდრის მოსე ხორენელის ცნობიდან (II, 7), მეექვსე საუკუნის ორიგინალური ქართული ლიტერატურული ძეგლის, „ვესტათი მცხეთელის მარტვილობის“, ჩვენებიდან და მრავალ სხვა წყაროს ცნობებიდანაც. ამ მოვლენასთან დაკავშირებით, შემდეგ, გაცილებით უფრო გვიანდელ ხანაში, როცა „სეფე-წულების“ საკუთარი წრე უკვე გადაშენდა, „სეფე“ ზოგჯერ იხმარებოდა საერთოდ ფეოდალის სასახლის და ქონების აღსანიშნავადაც.

კიდევ უფრო საყურადღებოა ტერმინები „სეფე-ქალი“ და „სეფე-კაცი“. „ქალი“ და „კაცი“, რომელნიც წარმოშობაზე, „შთამომავლობაზე არას ამბობენ, ძირითად ტერმინთან კავშირში უკვე სხვა მნიშვნელობას გვაძლევენ. „სეფე-ქალი“ და „სეფე-კაცი“ ძველ ქართულში მეფის, სამეფო კარის, სამეფო ხელისუფლების მსახურებს აღნიშნავენ, პირველი — / სასახლის მოახლეს, მეორე — სამეფო მოხელეს. ოთხთავის ქართულ თარგმანის უძველეს ვერსიებში „სეფე-კაცი“, მაგ., სწორედ ამ აზრითაა ნახმარი: აქ ავტორი ურჩევს (ლუკას თავი, 12,58) დროზე განთავისუფლებას მეტოქე მოცილისაგან, თორემ თუ „მთავართან“ მიხვედრი, „მთავარი“ გადაგცემს შენ „მსაჯულს“, მსაჯული გადაგცემს „შენ სეფესა კაცსა და სეფემან კაცმან მიგცემს შენ საპყრობილედ“. ამ საპყრობილიდან კიდევ ვერ გამოხვალ, ვიდრე უკანასკნელ „წვილილს“ არ მისცემო. ქართული ოთხთავის სხვა, უფრო ნაგვიანვე ვერსიებში, „სეფე-კაცის“ მაგიერ „მეხარკე“ არის ნახმარი (ახალ რუს. თარგმანში ამას შეესატყვისება „Истязатель“). დაწვრილებით ამ საკითხების შესახებ ჩვენ სხვაგან გვექნება მსჯელობა. აქ კი ვიტყვი, რომ „სეფე-კაცის“, როგორც სახელმწიფო მოხელის აღმნიშვნელი ტერმინის, არსებობა ამ ციტატით სრულიად უპყველია.

ზოგიერთი ძველი ქართული ძეგლი ამ ტერმინების სხვადასხვა, აქ აღნიშნულ, აზრით ხმარების საყურადღებო მაგალითებს იძლევა (იხ. მაგ., ნინოს ცხ., Оиш., II, 766, 767, შემდ. 761 და სხვა).

და საესებით ადასტურებს გამოთქმულ დებულებას, რომლის დაწვრილებითი განვითარებისათვის ჩვენ აქ ადგილი არა გვაქვს.

მესამე გენის („მიწისმოქმედნი და მეომარნი“) ქართული სახელწოდება, როგორც ზემოთ იყო აღნიშნული, არის „ერი“, მილიტარულის ანუ სამხედრო დემოკრატიის წიაღში წარმოშობილი ცნება—ტერმინი. ამდენად, „ერის“ აყვავების პერიოდად უნდა მიჩნეულ იქნას გვაროვნულ წყობილების უმაღლესი საფეხური, რომელიც სტრაბონის ცნობის დროისათვის უკვე განვლილია, რადგანაც „ერისგან“ გამოყოფილია და ცალკე წოდებრივ წრედ არის ჩამოყალიბებული მონათმფლობელ ქურუმების ჯგუფი (მეორე გენე). რომ სტრაბონის დროინდელი „ერი“ უკვე ძველი ერი აღარ არის, ეს კიდევ უფრო კარგად ჩანს მისი სუვერენული თვითმყოფობის ძირითადი ნიშნის, ძველი მმართველობის უმაღლესი ორგანოების, საბჭოსა და სახალხო კრების („ერის-კრების“) გაქრობის ფაქტიდან. სტრაბონისეული „ერი“, რომელიც ჯერ კიდევ შეიცავს ქვეყნის მოსახლეობის უმრავლესობას, თავის სოციალურ-ეკონომიური შემდგომი დიფერენციაციის გზაზეა შემდგარი. ქართლის ფეოდალიზაციის ხანგრძლივი პროცესი ამ გენეში, „ერში“, მიმდინარეობს. „ერს“ ეთიშება და ზევით მიიწევს მისი უმეტესობა—„ერისთავები“, საერთოდ „თავები“ და „თავადები“ (ამ სიტყვის ძველი მნიშვნელობით), „მთავრები“, „წარჩინებულნი“ და სხვ., რომელნიც ბოლოს და ბოლოს ერთიანდებიან „აზნაურთა“ ახალ წოდებაში. ქვევით მიდის და უფლებებისაგან სულ უფრო და უფრო მეტად იძარცვება „ერის“ უმრავლესობა, რომელიც ჰქმნის ყმათა ფეოდალური კლასის ძირითად სარეზერვო სოციალურ მასას, წყაროებში „წვრილი ერის“ სახელწოდებით აღნიშნულს (ზემოთ დახასიათებული ჯგუფი მასთან შეპირისპირებით „მსხვილი“ ერია). „წვრილი ერი“ დიდხანს იბრძვის თავის ძველი უფლებების დასაცავად (მისი ნაშთები, „ჰეროვანთა“, „ერისგანთი“ და სხვ. სახელით, ქართ. ფეოდალიზმის კლასიკურ პერიოდშიაც გვხვდება), მაგრამ, საბოლოოდ, მარცხდება და ყალიბდება, როგორც ქართველ „ყმათა“ ძირითადი ფეოდალური კლასი.

ასევე დოკუმენტალურად ვადასტურებთ ჩვენ, ქართული წყაროების მერმინდელ ჩვენებათა მიხედვით, სტრაბონისეული მეოთხე გენის („ლაოი“) არსებობას, რომელიც, ჩვენი დებულებით, კოლონებისაგან შესდგება. ამ ჯგუფას ადგილობრივი უძველესი წოდებრივი სახელწოდებაა „გლეხი“ (ს ხ ვ ა დ ა ს ხ ვ ა დ ი ა ლ ე ქ ტ უ რ ი

ფორმით). ეს „გლეხობა“ ჰქმნის შემდეგში ქართული ფეოდალური საზოგადოების ძირითადი კლასის, ყმების, ყველაზე ძველს ელემენტს. რომელიც შეესატყვისება, ზოგადად, ევროპულ „სერვებს“ (გერმ. Leibeigene), ხოლო „წერილი ერი“, „ერისგანნი“ და სხვა მსგავსი „ქვეყანისმოქმედნი“ ჰქმნიან იმავე კლასის უფრო გვიანდელს (წარმოშობით) ელემენტს, რომელიც შეესატყვისება ევროპ. „ვილანებს“ (გერმ. Grundhörige). სტრაბონის ცნობით, ეს „ლაოი“, „გლეხები“ (სხვათა შორის, ეხლა ჩნდება ძველი წყაროები, რომელთა მიხედვითაც, „გლეხნი“, ძველ ქართულში, ლაოის შესაბამისად, „მდაბიო ხალხსაც“ აღნიშნავს)¹, ჰყავს მხოლოდ მეფის საგვარეულოს ანუ, ჩვენი განმარტებით, „სეფეს“. ეს გარემოება სავსებით დასტურდება გვიანდელ ფეოდალურ საქართველოში „მესეფე“ ტერმინის არსებობით: „მესეფე“ აქ უცხოურ წარმოშობის „მებეგრეს“ შეესატყვისება და მუშაობავალდებულ ყმას აღნიშნავს (იხ. მაგ., „საისტორიო კრებული“, I, 39—40). სტრაბონის ცნობით, ეს „ლაოი“ იყვნენ „ბასილიკოი დულოი“, რაც შეიძლება ადგილობრივი „მესეფე გლეხების“ პირდაპირ გადაცემად იყოს მიჩნეული. „მესეფე გლეხები“ სამეფო გვარისათვის, „სეფესათვის“, მუშაობდნენ და უმზადებდნენ მას ყველაფერს, რაც ცხოვრებისათვის იყო საჭირო. ბუნებრივად უნდა ვიფიქროთ, რომ ამ ვალდებულება-გამოსაღების ადგილობრივი სახელწოდება იყო სწორედ „სეფეობა“, რომელიც ტერმინიც მერმინდელ საუკუნეებში არც თუ იშვიათად გვხვდება, ემა-გლეხის საბატონო სამუშაოს მნიშვნელობით (როსტომ მეფის ბიეგლი 1637 წ., საქ. სიძვ. II, 32; იასე ერისთავთ-ერისთავის სიგ.

¹ რიფსიმეანთა ეპაზოდის ძველ ქართულ თარგმანში, რომელიც ამ ძეგლზე მომუშავეს დოც. ილ. აბულაძის აზრით VIII—X ს. ს. უნდა იყოს შესრულებული, არის ასეთი ადგილი: „და ხილვასა მას კეთილისასა მიკრებოდა სიმრავლე დიდი, და მთავართა მათგანნი იგიცა ერთი ერთსა ჰხდებოდა და სრბით მივიდოდეს ბილვად სიკეთისა მისსა, და აზნაურნი იგი აღრეულად გლეხით ერთ ეტენებოდეს და დასდებდეს ერთიერთსა“. ზახგანსმული უდრის სომეხური დღენის *აղაოასიკიონ, ქაიანასაიყანზ ამიონისაზ ზარფიკბ, ე. ი. „გლეხით“* გადმოცემულია სომხ. „ამბობ“. ილ. აბულაძის აზრით აქ „გლეხი“ ჯერ კიდევ არ ნიშნავს მიწისმოქმედს. ყოველ შემთხვევაში. „გლეხს“ აქ „მდაბიო ხალხის“ ზოგადი მნიშვნელობაც აქვს. მაგრამ მისი „აზნაურისადმი“ დაპირისპირება ტერმინს აშკარად აძლევს უკვე წოდებრივ მნიშვნელობასაც. თარგმნის თარიღად, ჩვენი აზრით, ადრინდელი მიჯნა უნდა იყოს აღებული. — ამონაწერის მოწოდებისათვის ილ. აბულაძეს მადლობას მოვასხენებთ.

XVI ს., საქ. სიძე. III, 562—3; გივი ამილახვრის სიგ. 1689 წ., საისტ. კრებ. I, 113—4; განსაკუთრებით იხილეთ ჭრუჭის საბეგრო დაეთარი 1809 წ., საისტ. კრებ. I, 45—56, და სხვ.).

§ 4. მერმინდელი ანალოგიები

ისტორიული წერილობითი სურათი ქართველ ტომთა სოციალურ დიფერენციაციის პროცესისა შენახული არ არის, მაგრამ საშაგიეროდ მოგვეპოვება მერმინდელი ანალოგიები, რომელნიც საშულალებს გვაძლევს თვალსაჩინოდ წარმოვიდგინოთ აღნიშნული პროცესის ზოგიერთი, მეტად საყურადღებო, მოქმენტი ცოცხალ ცხოვრების მასალაზე. შევჩერდებით აქ მხოლოდ ერთს მაგალითზე, რომელსაც გვაძლევს ძველ ქართულ საისტორიო მწერლობის შესანიშნავი ძეგლი, ქსნის ერისთავების საგვარეულო მათიანე, რომლის, როგორც სოციალურ ისტორიის დოკუმენტის, მნიშვნელობა სცილდება საქართველოს ფარგლებს. ავტორი აგვიწერს ბიბილურთა გარის ქსნის ხეობაში გაერისთავების ისტორიას. თავის ფეოდალურ ტენდენციის გამო ის ხშირად არღვევს ისტორიულ პერსპექტივას, უმართებულოდ აშუქებს ისტორიულ ფაქტებს, აზვიადებს ერთი რიგის მოვლენებს, ამცირებს მეორე რიგისას. მაგრამ კრიტიკული თვალსაზრისი ობიექტურ სინამდვილის აღდგენას შესაძლებელს ხდის. პოლიტიკურ უბედობის მიზეზით სამშობლოდან გადმოხვეწილი, ცხრაზმის ხევში მოდის როსტომ ბიბილური, თავის ორი ძმით, შვილებით და საშოცდაათი „კეთილი“ (კარგი, რჩეული) მოციხით. ცხრაზმისხეველებს ამ დროს სამხედრო გასაჭირი აღგას. მოსულნი, პირველ რიგში, რათქმაუნდა, როსტომ, ჩინებული შემოშრები არიან. იგულისხმება რომ შეიარაღებითაც ეს რაზმი უზადოა. როსტომ და მისი მსლებლები დაუფასებელ სამხედრო სამსახურს უწევენ თავიანთ მასპინძლებს. ამიტომ ეს უკანასკნელი გადასწყვეტენ, ამიერიდან „ეს გოლიათი კაცი“ თავიდან აღარ მოიშორონ. იქნებ მათ ჰსურთ როსტომის მხოლოდ შეყვანა ჩვეულებრივ წევრად თავის საზოგადოებაში, მაგრამ თვით როსტომს სხვა განზრახვები აქვს. იგი უკავშირდება ცხრაზმის ერთ-ერთ მთავარ პუნქტის მამასახლისს გუგაკ ხუციანდაბისძეს. ეს მამასახლისი უკვე გვაროვნულ საზოგადოების წარმომადგენელი კი არ არის, იგი მეფის მოხელეა, მისი „პატივი და ქელი“ (თანამდებობა) მეფეთაგან არის მოცემული“. როსტომი მოითხოვს

გუგაისაგან, რომ იგი „უქმნიდეს და ეტყოდეს“ ხოლმე, ყველაფერს, „რომელი სჯობდეს საქმედ“ როსტომისთვის, ე. ი., საქმით და სიტყვით ეხმარებოდეს მას. სანაცვლოდ როსტომი ჰპირდება ლარგვისის მამასახლისს მისი „პატივი და ჯელი, რომელმეფეთაგან მოცემულ არს“ (მამასახლისობა) სამუდამოდ შეუნარჩუნოს მის შთამომავლობას. გუგაკ სავსებით კმაყოფილია იმ პირობისა: „მე თავი ჩემი დავსდვა ერთგულებით მსახურებად შენდა და ღმერთმან წარგიმართოს უმჯობესი ყოველი“, არის გუგაის პასუხი: იგი თავის მხრით ერთგულსამსახურს კისრულობს. აქ დახატულია ტიპიური სურათი იმისა, თუ როგორ მყარდება ორ პირს შორის განსაზღვრული სახე ფეოდალურ ურთიერთობისა, რომლის შესახებაც ჩვენ შემდეგში გვექნება საუბარი. აი ეს მამასახლისი საიდუმლოდ ურჩევს როსტომს: თუ გინდა ამ ქვეყანაში დამკვიდრება, „ითხოვე საფლავი მონასტერსა ამას, რამეთუ ყოველთა დიდებულთა აზნაურთა საფლავი აქა არს, და სოფელნი ესე, რომელნი ღვთივ-გვირგვინოსნისა იყო, იუსტინიანე აღმაშენებლისაგან შემოწირულ არიან, იყო წინამძღუარ მათდა“-ო. მონასტერს მამულები აქვს. ამ მამულების გამგეობა ტაძრის, საყდრის, წარმომადგენელთა, მსახურთა, მოხელეთა ფუნქციაა. ტაძრის, საყდრის, წარმომადგენლის ერთ-ერთი გარეგნული ნიშანია უფლება დასაფლავებულ იქნას მონასტერში (ამით ცხადდება მისი სიახლოვე და განსაკუთრებული კავშირი ტაძართან). როსტომმა ამ უფლების შექენით უნდა თვით საყდრის, ტაძრის, წარმომადგენლის უფლებებიც და პატივიც შეიძინოს, რომ შემდეგ ამ გზით ხელი დაადოს თვით ტაძრის მამულსაც. აქ მემპტიანეს საჭიროდ მიაჩნია სცენაზე „ყოველი ერი“ გამოიყვანოს. „მე მოვითხოვო ყოველისა ამის ერისაგან“ საფლავი მონასტერში, ეუბნება როსტომი | გუგაკს. შემდეგ: „რქუა ყოველმან ერმან როსტომს“, რა გასურს. რომ შენთვის ვქნათო. ეს ყოველი ერი ქვემოთაც რამდენიმე გზის იხსენიება. სხვა შემთხვევაში იგი უდრის „ყოველთა ცხრაძმისხვევლთ“ ან მარტივად—„ცხრაძმისხვევლებს“, ე. ი. „ყოველ ერს“ შეადგენს ცხრაზმის ხვობის მთელი თემი, მოსახლეობა. „ყოველ ერის“, მთელი ხალხის, უფლება ყოფილა შეუსრულოს როსტომს ეს საწადელი, რომელიც მის ფარულ ზრახვების განხორციელების გზაზე პირველ საჯარო ნაბიჯს წარმოადგენს. შესაძლებელია (და, უფრო სწორედ, ასეც უნდა

იყოს) რომ აქ ავტორი ტენდენციურად სცდილობს ხალხის ნება-ყოფლობითი სანქციის შთაბეჭდილება შექმნას ბიბლიურთა გაერის-თავეების საქმეში. სინამდვილე სხვანაირი უნდა ყოფილიყო, მაგრამ შაინც ცხადია, რომ გვაროვნულ საზოგადოების სუვერენს „ყოველ ერს“, რომელსაც ამ დროს, რა თქმა უნდა, თავის ძირითადი პრეროგატივები უკვე აღარ გააჩნდა, მაინც შერჩენილი ჰქონდა იმდენად ძლიერი ტრადიციები, რომ შესაძლებელი იყო მიზეზი გამხდარიყო ფეოდალურ მემკვიდრის აღნიშნულ ტენდენციისათვის. და აი, მემკვიდრის მტკიცებით, როსტომმა, „ყოველ ერის“ კითხვაზე თუ რა ჰსურს მას, „მოითხოვა საფლავი ლარგვისსა და საჯდომად სახლი შუა საყდრის შვილთა, და ცხრაძმის ციხისათვის ნაქონები მამული“. მაშასადამე, როსტომი ეძიებს: 1) საფლავს (სასაფლაოს) ტაძარში, შემოთ აღნიშნულ მიზეზით, 2) „საჯდომად სახლს“, სასახლო ადგილს, მამულს, რომელიც უპირატესად უნდა იყოს მისი რეზიდენცია. ამ ადგილს როსტომი ეძიებს „შუა საყდრის შვილთა“. საყდრის შვილებად იწოდება მთელი ის პერსონალი, რომელიც დაკავშირებულია კულტსა და ტაძართან, კერძოდ — ტაძრის მეურნეობასთან. უპირატესად აქ ტაძრის, საყდრის, მოხელე ხელისუფალნი იგულისხმებიან. საკათალიკოსო სენიორისათვის სათანადო პარალელს „მცხეთის შვილი“ წარმოადგენს, ზოგადად კი, საყდრის შვილთან ერთად (აქედან კოლექტივის აღსანიშნავად — „საყდრიონი“) იხმარებოდა „ეკლესიის შვილი“. ერთს, მაგ., XVI საუკ. დამდეგის დოკუმენტში ნათქვამია: „დიდი და პატოსანი ვარძიის მონასტერი მისითა შესავლითა და ეკლესიის შვილებითა“. ტერმინი, რა თქმა უნდა, საგვარეულო წყობილებიდან მოდის, მაგრამ ამ დროს მას ახალი შინაარსი აქვს — „საყდრის შვილთა შუა“, ცენტრალურ ადგილას, „სახლი“ ტყუილად არ არის მოთხოვნილი — ეს გარემოებაც საფუძველი უნდა გახდეს როსტომის მომავალ პრივილეგიებისათვის: ცენტრალური ადგილი უფროს საყდრიშვილს უპირავეს (დაწვრილებით ამის შესახებ — შემდეგში). 3) თავის მდგომარეობის საბოლოო განმტკიცებისათვის როსტომს თავის მოთხოვნებში კიდევ ერთი პუნქტი აქვს წამოყენებული, რომელსაც იგი ამყარებს იმაზე, რომ მას, როსტომს, თვით ცხრაზმისხვევლებისათვის უპირატესად სამხედრო ინტერესი და მნიშვნელობა აქვს. იგი ხეობის სამხედრო ორგანიზაციის ხელმძღვანელი, წინამძღვარი

უნდა გახდეს. მან ცხრაზმის ციხის თავის ადგილი უნდა დაიპიროს. ამისთვის მას ერგება „შუა (აქაც—ცენტრი!) ცხრაძმის ციხისთვის ნაქონები მამული“, რომელიც თემის ამ მოხელისათვის თვით თემს დაუთმია, როგორც მინი შრომის საზღაური, გასაძრკელა. როსტომი ორი გზით მიიღტვის თავის მიზნისაკენ, მაგრამ ეს გზები არ არიან ვათიმულები ერთმანეთისაგან: ციხისთავიც საყდრის შვილია.

ერი ასრულებს როსტომის მოთხოვნას. „მისცეს ესე ყოველი ცხრაძმისგვევლთა: შუა ცხრაძმის ციხისთავისა ნაქონებნი სოფელნი და ქუეყანანი. საფლავი ლარგვისსა და საჯდომი ქვენიფხევს“... როსტომის ფუნქცია ხეობაში ამის შემდეგ უპირატესად სამხედრო ხასიათისაა: როსტომმა და მისმა ძმებმა „იწყეს შენება აღციხისა და სახლებისა დიდ-დიდებისა. და უკეთუ სადა იყვის ლაშქრობა, იგინი იყვნინან წინამძღვარ ბრძოლათა, და არავინ იპოებოდა მართოდ მბრძოლი როსტომისა, და შეიყუარნა ყოველმან ერმან ცხრაძმისგვეისამან“. საფლავსაც როსტომი, თავის „ერთგულად მსახურ“ მამასახლისის დახმარებით, მიიღებს ტაძრის საუკეთესო ადგილას. ამრიგად ის და მისი ნათესაობა ერისა და საყდრის შვილების ყველაზე წარჩინებულ წრეში ექცევიან. რამდენისამე ხნის შემდეგ როსტომი ერისთაობასაც მიიღებს. ამ პროცესის აღწერილობაც მეტად საყურადღებოა.

დიდებულნი და აზნაურნი ეძიებენ მეფისაგან ცხრაზმის ხეობის ერისთაობას—... „იქმნა დიდებულთა და აზნაურთაგან თხოვად ერისთაობისა ბირებითა ერისათა, რაჟეთუ იტყოდეს: „ვისიცა იყოს საფლავი, მას შეჰგავს ეკლესია და ყოველი მიმდგომი მისი“, ე. ი. ვისაც საფლავი აქვს მონასტერში, ვინც, მამასადამე, ტაძრის წარმომადგენელია, მას შეჰფერის ეკლესია და ამ ეკლესიის, საყდრის, „მიმდგომი“, ყველაფერი, რაც ტაძართანაა დაკავშირებული, პირველ რიგში—კი, რა თქმა უნდა, მამული, მიწებიო,—აი, რას ამბობენ ერისთაობის მაძიებელნი. მეფის გამოძიება არკვევს, რომ „ყოველთა მახლობელთა დიდებულთა და აზნაურთა შეექმნა საფლავი, ნუთუმცა მიუბოძნა ქუეყანანი, შეწირულნი ეკლესიისათვის“ — ყველა მახლობელ დიდებულსა და აზნაურს (მაგრამ მაინც მხოლოდ ამ წოდების ხალხს) გაუჩენიათ თავიანთთვის სასაფლაო ტაძარში იმ იმედით, რომ ამ გზით მიიღებენ ისინი ტაძრისათვის შეწირულ

მამულებს. რაკი, მაშასადამე, პრეტენდენტი და კანდიდატი ბევრია, მეფე ბრძანებს: ვისი საფლავიც ყველაზე საპატიოა, ყველაზე „უპატიოსნესია“, „მისი არს ეკლესიისა გასაგებელი ყოველი სამართლად, უკეთუ ენებოს ერთა“, სამართლით მას ეკუთვნის ტაძრის მთელი საგამგეო, თუ ერთა ისურვოსო (ერთი ისევ ჩნდება სცენაზე!). მაშინ ტაძრის ერთი მსახურთაგანი, „კლიტემპჰრობელი“, მოახსენებს მეფეს, რომ ასეთია როსტომის საფლავი, რომელიც მას მიცემული აქვს „ყოველთა ცხრაძმისწვეველთაგან“ და ამიტომ, „უკეთუ ინებოს მეფობამან თქუენმან, მას შეჰგავს ყოველი გასაგებელი ეკლესიისა, მსახურება თქუენი და მთავრობა შვიდთა მათ ჳვეთაჲ“, თუ თქვენი დიდებულება ინებებს, როსტომს შეჰფერის ტაძრის საგამგეო (მამული!), თქვენი სამსახური და ამ ხეობის მთავრობაო. მეფე ერთხელ კიდევ კითხულობს ერის ნებას: „ვითარ ჰნებავს ერთა“-ო? და პასუხად გაიგებს, რომ „ჰნებავს იგი ყოველთა ჳვეთა შუა მკვიდრობისათჳს“, როსტომი უნდა მთავრად მთელს ხეობას, რადგანაც მას სამკვიდრებელი, რეზიდენცია ცენტრში (იგულისხმება საზოგადოებრივ-ეკონომიკურ ურთიერთობის ცენტრი) აქვსო. მეფე ამის შემდეგ ნიშნავს როსტომს ერისთავად: „მაშინ მიუბოძა შვიდნი ესე ჳვენი გასაგებელად, ეკლესიანი და ყოველნი აზნაურნი მკვიდრნი მას შინა და უწოდა ერისთავი ცხრაძმის ჳვეისა და შემოსა სამოსლითა მით, რომელ ემოსა მაშინ მეფესა, და შეაცვა ბეჳედი და საყურე და სარტყელი თვისი, საჳურველი და ცხენი თოროსანი, დროშა და შუბი“. როსტომი იღებს მთელი ხეობის გამგებლობას, ტაძრებს და ამასთან ერთად მასვე უჳვემდებარებენ ხეობის აზნაურებს. გარდა ამისა, თავის თანამდებობის ნიშნად ის მოიპოვებს უფლებას ატაროს სათანადო გარეგნული ნიშნები, რომელთა შორისაც სპეციალურად იპყრობს ყურადღებას საკუთარი საომარი შარადი და აგრეთვე ცხენის მძიმე საჳურველი¹.

§ 5. სამართლი დასკვნები

რა თქმა უნდა, მთელი ეს სურათი საკუთარივე ფეოდალურ სამყაროს ეკუთვნის და პირველ რიგში ამ სამყაროს განვითარებისათვის არის საინტერესო. მაგრამ მასში, ჳერ ერთი, უჳველად არის უფრო ძველი ელემენტი და, გარდა ამისა, საანალოგიოდაც მას დიდი მნიშვნელობა აქვს. უწინარეს ყოვლისა, ჩვენთვის საყურადღე-

¹ იხ. „ქორნიკები“, წ. II, გვ. გვ. 1—18. ავტორი ამზადებს ამ ჳეგლის კრიტიკულ გამოცემას.

ბოა ძველის მკაფიო და დაეინებითი ჩვენება რომ სოციალურ-პოლიტიკურ მწვერვალისკენ მოძრაობა, ასე ვთქვათ საბოლოო საფეხურებზე, საბოლოო ანგარიშით, ტაძრის მემამულეობის გზით ხდება. ვინც „საყდრის შვილია“, ტაძრის მსახურია, ამ მემამულეობის რეალური, ფაქტიური, სუბიექტიც ის არის. შემდგომი მეტამორფოზი მსახურიდან ბატონისაკენ შედარებით ადვილი საქმეა.

ლარგვისის ქრისტიანულ ტაძრის მიწები მეფე-ფეოდალთა მიერ არის შეწირული. პირველყოფილ საზოგადოების თავისუფალ თემში კი ამ მიწას თვით თემი გამოჰყოფს საერთო საზოგადოებრივ ფონდიდან. გვაროვნულ საზოგადოების ყოველ ერთეულს (გვარი, ფრატრია, ტომი ან, სხვა დაყოფით, დაბა (სოფელი), ხევი, სოფელი (ქვეყანა) მოეპოვება გარკვეული თავისუფალი მიწის ფონდი, რომელიც გადარჩა გვარისშვილთა პირად სამეურნეო საჭიროებას. ამ ფონდიდან „ერი“ გამოჰყოფს გარკვეულ ნაკვეთებს, რომელთა საშუალებითაც ის აკმაყოფილებს თავის საზოგადოებრივ დაწესებულებათა საჭიროებებს ან ანაზღაურებს თავის მოხელეების შრომას. მაგრამ ვიდრე ამ კომუნას თავისი სუვერენული უფლებები შერჩენილი აქვს, ეს მიწის ნაკრები განკუთვნილია საზოგადოებრივ დაწესებულებებსა და სამოხელეო თანამდებობებისადმი, და არა ამ დაწესებულებათა წარმომადგენელ ან ამ თანამდებობათა მატარებელ პირებისადმი. უკანასკნელნი ხომ იცვლებიან „ერის“ ნებით: დღეს ერთია, ხვალ შეიძლება მეორე იყოს. მითვისება ამ მიწებისა აღნიშნულ პირთა მიერ ღრმა საზოგადოებრივ ცვლილებას მოასწავებს.

თავისებურ პირობებში, რომელთა შესახებაც ჩვენ ზემოთ ვსაუბრობდით (იხ. § 2), მონათმფლობელთა წრიდან გამოსულნი, ეს ტაძრის მსახურნი, ქურუმების სახით, გაბატონებულ სოციალურ კლასად იქცევიან. ქართველ ტომებში, ჩვენ გვგონია, ეს პროცესი დაკავშირებული იყო ინტენსიურ მებოსტნეობის კულტურისა და, უკანასკნელზე დაქვემდებარებით, მებაღეობის ნიადაგზე ზოგიერთ სამუშაოს (ყერძოდ, ირიგაციისა და სასოფლო-სამეურნეო საქმიანობის კალენდარულ განსაზღვრის) საზოგადოებრივ კონტროლისა და განწესრიგების აუცილებლობასთან (სათანადო არგუმენტაციაზე აქ,

უადგილობის გამო, სამწუხაროდ, ვერ შეეჩერდებით). ეს პროცესი დაიწყო და ვითარდებოდა სამხრეთის ერთ-ერთს შორეულ რაიონში, საიდანაც, როგორც ვფიქრობთ, ქართველი ტომები მოსულნი არიან თავიანთ დღევანდელ სამშობლოში. აქ საჭიროა შევნიშნოთ: ქურუმები იმპიტომკი არ იქცევიან გაბატონებულ კლასად, რომ ისინი წარმოების ორგანიზატორები არიან. სინამდვილეში ეს პროცესი პირუტყუ ხდებოდა. წინასწარი ერთგვარი ეკონომიური დიფერენციაცია არის აუცილებელი პირობა საზოგადოებრივ ფუნქციების უზურპაციისა და საზოგადოებრივ მიწების მიტაცებისათვის. როსტომი უკვე ეკუთვნის, ეკონომიურად და სოციალურად, გაბატონების გზაზე დამდგარ ჯგუფს. სხვა არა იყოს რა, გარკვეული ეკონომიური საფუძველი სჭირია როსტომისა და მის რაზმელების სამხედრო თვისებათა (საუკეთესო შეიარაღება, სამხედრო გაწვრთნილობა და სხვ.) წინასწარ შემზადებას. ასევეა თეოკრატის წარმოშობის შემთხვევაშიც. ეკონომიურად დაწინაურებული, სხვებთან შედარებით, ჯგუფი, დიფერენციაციის გზაზე შემდგარ საზოგადოებაში, მონოპოლიურად ითვისებს ტაძრების სამსახურს, ტაძრების მამულების გამგეობას, იმდროინდელ ცოდნის მარაგს, რომელიც ქურუმთა ხელშია, და ამრიგად გზას იკაფავს თავის საბოლოო კლასობრივ გაბატონებისაკენ.

ტაძრების მამულს გარდა, სათემო მიწებიდან გამოყოფილი არის ხოლმე აგრეთვე გვარის, თემის, საერო (როგორც სამოქალაქო, ისე სამხედრო), სამოხელეო დაწესებულებათა საჭიროებისათვისაც სათანადო მიწის ნაკვეთები. XI ს., ბაგრატ IV ოპიზის მონასტერს სწირავს სოფელს და ამბობს: ... „თავსავე ჩემსა დავათმინე: ავიღე სამამასახლისოფსა სამსახურებლისა ჩვენისაგან სოფელი ბარეგანი და მივეც ოპიზართა“ (საქ. სიძვ. II, 4; პროფ. ივ. ჯავახიშვილი, ქართ. სამართლ. ისტ., I, 174), ე. ი., მე თვითონ მოვიკელი და ჩემი „სამამასახლისო სამსახურებელიდან“ სოფელი შევსწირეო. რა თქმა უნდა, ეს მიწისმფლობელობა სულ სხვა, ახალ, ნიადაგზე იყო წარმოშობილი. მაგრამ თავისთავად ტერმინი ძველია და უძლიერად მიუთითებს იმაზე, რომ გვაროვნულ საზოგადოებაში არსებობდა გარკვეული მიწის ფონდი, რომელიც „მამასახლისის სამსახურის“ ასანაზღაურებლად იყო თემის მიერ გამოყოფილი. ასეთივე „სამსახურებელი“ მიკუთვნებული ჰქონდა სამხედრო ბელადს, „წინამძღვარს“

(ქედარ. ცხრაზმის ციხისთავის შესახებ ცნობა). ეს მიწები, რომელნიც თავდაპირველად „ერის“ საკუთრებას შეადგენენ, შემდეგ კერძო საკუთრებად იქცევიან მიტაცების გზით.

ყოველივე თქმულის ნიადაგზე გასაგები უნდა გახდეს სტრაბონისეულ იბერიის საზოგადოების ხასიათი. ეს არის გარდამავალი ტიპის საზოგადოება. აქ წარმოების სხვადასხვა წესები ებრძვიან ერთმანეთს. თავდაპირველმა დიფერენციაციამ მოგვცა გაბატონებული ჯგუფი ქურუმებისა, რომელნიც მონათმფლობელთა კლასს ეკუთვნიან და რომელთა პოლიტიკურ ბატონობის ფორმაც განსაზღვრული თეოკრატიის ხასიათს ატარებს. მაგრამ წარმოების მონათმფლობელურ წესს, რომელიც წარმოადგენდა ქურუმთა ბატონობის საფუძველს, არ მიუღია, როგორც ჩანს, საქართველოში ისეთი ფართო ხასიათი, რომ ის მთელი საზოგადოებრივი ცხოვრების საძირკველი გამხდარიყო, როგორც ეს მოხდა, ვთქვათ, რომსა და საბერძნეთში. გვაროვნულ საზოგადოების ერთმანაწილმა (მესამე გენე, „ერის“) დიდხანს, ფეოდალურ ურთიერთობის საბოლოო გაბატონებამდე, შეინარჩუნა ერთგვარი ეკონომიკური დამოუკიდებლობა და ნაწილი თავის ძველ პოლიტიკურ უფლებებისა. უფრო სუსტად და აქა-იქ ამ წრეშიც ვხვდებით მონის შრომის გამოყენებას, სოციალურსა და პოლიტიკურ სფეროში—გვაროვნულ წყობილების ნაშთებს, მაგრამ ეკონომიკურად მაინც ამ ფენის უმრავლესობა წვრილ მესაკუთრე მწარმოებლებისაგან შესდგება. ყველაზე გვიან ამ საზოგადოებაში ისახება ფეოდალური წესი წარმოებისა, რომელიც თანდათან უპირისპირდება მონათმფლობელურს. ყმის შრომის ექსპლოატაციას თავდაპირველად და ყველაზე ადრე „სეფე-სახლი“, სამეფო სახლი

ეწევა. მეფის ხელისუფლება დიდხანს ატარებს აქ თეოკრატიულ ხასიათს, რადგანაც მის (მონარქიის) სოციალურ დასაყრდენს ქურუმები წარმოადგენენ. მაგრამ აღნიშნულ ნიადაგზე უეჭველად უნდა ჩასახულიყო და განვითარებულიყო ჯერ სუსტად, შემდეგ თანდათან სულ უფრო და უფრო ძლიერად, წინააღმდეგობა მეფესა და ქურუმებს შორის (ანალოგიურ პროცესს ჩვენ მრავალს ძველ ქვეყანაში ვხედავთ). ეს მით უფრო შესაძლებელი ხდებოდა, რომ ფეოდალური ურთიერთობა ისახებოდა და ვითარდებოდა იბერიის საზოგადოების ძირითად ფენაში, სტრაბონის „მესამე გენეში“, ქართულ „ერში“. ამ „მესამე გენეს“, „ერის“, მთელი შემდეგდროინდელი ისტორია იმაში მდგომარეობს, რომ იგი სულ უფროდაუფრო მკვეთრად და შეუპოვებლად იყოფა ორ ბანაკად: უმრავლესობა თანდათან კვარგავს თავის ძველს | ძირითად ქონებრივსა და სოციალურ-პოლიტიკურ უფლებებს და „მეოთხე გენეში“, „გლახობაში“ გადადის (თავის მდგომარეობის მიხედვით). უმცირესობა კი კქმნის იმ კლასს, რომელსაც ჩვენ ფეოდალებს ვეძახით. ამ კლასს გარკვეული ურთიერთობა უჩნდება ძველს გაბატონებულ წოდებასთან — ქურუმებთან — და მეფესთან. ეს ურთიერთობა თანდათან იღებს მტრულ ხასიათს ქურუმთა მიმართ, ხოლო მონარქიისათვის იგი თავდაპირველ მსახურისა და მოკავშირიდან მთავარ სოციალურ საყრდენად იქცევა, როცა თვით მონარქია ფეოდალურ პოლიტიკურ ორგანიზაციის ხასიათს იღებს. ასეთია ძირითადი ხაზი იბერიის საზოგადოების შემდეგდროინდელ განვითარებისა.

დასავლეთ საქართველოს შესახებ ჩვენ ნაკლები ცნობები მოგვეპოვება. მაგრამ აქაც, რაკი კლასობრივ საზოგადოების ისტორიის დასაწყისში თეოკრატიულ მომენტს ვხვდებით, განვითარება დაახლოებით მსგავსივე უნდა ყოფილიყო.

ეს ჩვენს მიერ აღნიშნული თეოკრატიული მომენტი საშუალებას გვაძლევს გავიგოთ მერმინდელ ფეოდალურ საზოგადოების ზოგიერთი მოვლენა. შესაძლოა, მაგ., მის ნიადაგზე აიხსნებოდეს ის ფაქტი რომ ძველ კახეთის სამთავროს მფლობელი საეკლესიო-იერარქიულ ტიტულს ატარებს (თუ რომ ეს ტიტული მართლაც „ქორეპისკოპოსი“-ა). შესაძლოა აგრეთვე მას უკავშირდებოდეს ის გარემოება, რომ ახალ კახეთის სამეფოში სამხედრო ოლქების („სადროშოების“) სათავეში საეკლესიო პირები, ეპისკოპოსები, დგანან. და, უეჭველია, აღნიშნულ სათავიდან მომდინარე ტრადიციების ნიადაგზე უნდა აიხსნებოდეს ის მნიშვნელობა, რომელიც ფეოდალის ფსიქო-იდეოლოგიურ სამყაროში უჭირავს სასაფლაოსა და კარის ეკლესიას (საილუსტრაციოდ იხ. სია სამცხის თავადებისა, რომელნიც მცხეთის კათალიკოსის სამწყსონი არიან. აქ ოცამდე დიდი მფლობელი გვარია ჩამოთვლილი და თვითეულის შესახებ სპეციალურად აღნიშნულია, რომ მას „სასაფლაო მონასტერი და კარის ეკლესია მოეპოვება“, ამ წესით: „სამძივარი მისითა სასაფლაოთა მონასტრითა და კარის ეკლესიითა“, „სპასალარნი ს ა მ ი თ სასაფლაოთა მონასტრებითა და კარის ეკლესიითა“ და სხვ.¹). ამ ტრადიციებს შესაძლოა აგრეთვე გავლენა მოეხდინათ მონასტრების მერმინდელ ეკონომიურ როლზედაც. ყოველივე ამის შესახებ დაწვრილებით თავის ადგილას ვისაუბრებთ.

¹ Д. Бакрадзе, Археологическое путешествие по Гүрнии и Адчаре, 79—80. ს. კაკაბაძე, კვლევა-ძიებანი საქართველოს ისტორიის საკითხების შესახებ, 7—8.

უძველესი პოლიტიკური ისტორია

§ 6. აღკინდელ პოლიტიკურ ისტორიის ფაქტები

ასეთი იყო მდგომარეობა პირველ საუკუნის პირველ ნახევარში ჩვენი წელთაღრიცხვის დაწყებამდე (ან, შესაძლოა, უფრო ადრეც). ბერძინდელ განვითარების გასაგებად მნიშვნელოვანია იმდროინდელ პოლიტიკურ ისტორიის ამბების გათვალისწინება.

ჩვეულებრივად, საქართველოს პოლიტიკურ ისტორიას იწყებენ რომაელთა შემოსვლით ამიერ-კავკასიაში. ამის მიზეზი ის არის რომ ამ დროიდან მოყოლებული განსაკუთრებით მრავლდება ცნობები საქართველოს შესახებ ბერძნულ-რომაულ მწერლობაში. მაგრამ ჩვენ საშუალება გვაქვს ზოგადად მაინც წარმოვიდგინოთ უფრო ადრინდელი პოლიტიკური ვითარებაც.

თავი რომ დავანებოთ ქართულ ეროვნულ ტრადიციებს (ამ ტრადიციებს ჯერ კიდევ კრიტიკული შესწავლა სჭირდება, თუმცა ისინი უეჭველად შეიცავენ ჭეშმარიტების ელემენტს; მაგ., ამ ქართულ ცნობების შედარებით სომხურთან ირკვევა, რომ ეს ძველი იბერიის მეფეები ფ ა რ ნ ა ვ ა ზ ი ა ნ თ ა დ ი ნ ა ს ტ ი ა ს ეკუთვნოდნენ)—უადრესად საყურადღებოა ბერძენ ისტორიკოსისა და გეოგრაფოსის აპოლონიოსის (ცხოვრობდა II ს. ჩვენს ერამდე) ცნობა რომ იბერიას სომხეთისაგან მდ. არაქსის საზღვრავს¹. მაშასადამე, იბერია საკმაოდ ვრცელი სახელმწიფოა, და, მასთან ერთად, ძლიერიც, როგორც ეს ჩანს პლუტარქის ცნობიდან რომ წინათ „იბერიელები არ ემორჩილებოდნენ არც მიდიელებს, არც სპარსელებს და მაკედონელთა ბატონობაც მათ თავიდან აიცილეს“-ო².

¹ ცნობა დატული აქვს სტრაბონს, გეოგრაფია, წ. I, თ. III, § 21, SC, I, 98.

² SC I, 492..

პირველი დიდი ზიანი მცხეთის სამეფოს მიაყენეს ანტიოქოზ დიდის სარღლებმა — არტაქსიამ და ზარიადრემ, — რომელთაც სომხეთის (არმენიის) სამეფოები დააარსეს და, კერძოდ, იბერიას წაართვეს სამხრეთი პროვინციები — პარიადრის მთის კალთები, ხორზენე და გოგარენე¹. ეს უნდა მომხდარიყო მეორე ს-ის დაშდევს, ასე რომ აპოლოდორის ცნობა ამაზე ადრინდელ ხანას ეკუთვნის.

კოლხეთის ძველი სამეფო, როგორც ჩანს, იბერიასთან შედარებით, ადრე დასუსტებულა.

ჰეროდოტე გვიამბობს: ირანის მბრძანებელ აქემენიდების სასარგებლოდ „კოლხებმა იკისრეს ძღვენი ისევე, როგორც მათმა მეზობლებმა კავკასიონის ქედამდე (ვინაიდან ამ ქედამდე ვრცელდება სპარსელების ბატონობა, ხოლო კავკასიონის ჩრდილოეთით მდებარე ქვეყნები არც კი ფიქრობენ სპარსელებზე). ამრიგად, ისინი ჩვენს დროებამდისაც ყოველ ოთხ წელიწადში ერთხელ იხდიან მათ მიერ ნაკისრებ ძღვენს, სახელდობრ ას ბიქსა და ას გოგოს“². ასეთი ყოფილა, მაშასადამე, კოლხეთში მდგომარეობა, დაახლოებით, ძვ. წ. მეხუთე საუკუნის პირველ ნახევარში. განსაკუთრებულ ყურადღებას იქცევს ჰეროდოტეს ცნობა, რომ სპარსელთა ბატონობა კავკასიონის ქედამდე ვრცელდებოდაო — პლუტარქის ზემოთმოტანილს ცნობასთან შეპირისპირებით, რომ იბერიელები არც მიდიელებისა და არც სპარსელების მორჩილებაში არასოდეს არ ყოფილანო. ნიშნავს ეს იმას, რომ მეხუთე საუკუნის დამდეგისათვის იბერიელები თავიანთ მერმინდელ მიწა-წყალზე ჯერ კიდევ დამკვიდრებულნი არ არიან? ჰეროდოტემ არაფერი იცის იბერთა არსებობის შესახებ ამიერ-კავკასიაში. ძველი ქართული საისტორიო მწერლობის წარმოდგენითაც, ქართველები თავის დღევანდელ სამშობლოში ალექსანდრე მაკედონელის ხანაში მკვიდრდებიან, ე. ი., მეოთხე საუკუნის დამლევს ძვ. წ. მაგრამ როგორც სათანადო წყაროები, ისე თვით საკითხიც ჯერ კიდევ დეტალურ შესწავლას მოითხოვს.

რა მოსდის კოლხეთს შემდეგ საუკუნეებში, კარგად არ ჩანს. არ ვიცით, ჰეროდოტეს მიერ აღნიშნული დამოკიდებულება აქემენიდებისაგან როგორ ვითარდებოდა მეხუთე საუკუნის დამლევსა და მეოთხე საუკუნის პირველ ნახევარში. ყოველ შემთხვევაში, მეოთხე

¹ სტრაბონი, წ. XI, თ. 14, § 5.

² III, 97; SC I, 9.

საუკუნის დამლევებიდან, როცა იწყება აქემენიდების სამეფოს დაქვეითება, საფიქრებელია, რომ კოლხები სრულიად თავისუფალნი | არიან ამ შორეულ მბრძანებელთა გავლენისაგან. ამ მხრივ დამახახიათებელია, რომ უკვე არტაქსერქსე III-ის მეფობაში (358—338), რომელიც ძველი ირანის უკანასკნელი ძლიერების ხანად ითვლება, აქემენიდების მიერ დაპყრობილი მთელი რიგი ქვეყანა და ტომი აჯანყების ცეცხლშია გახვეული. ხოლო როცა ალექსანდრე მაკედონელმა ბოლო მოუღო წინა აზიის ამ უზარმაზარ სახელმწიფოს (330 წ.), მაშინ, რა თქმა უნდა, კავკასიის ხალხებსაც და, მათ შორის, კოლხებსაც, შეეძლოთ თავისუფლად ამოესუნთქათ.

მერმინდელი ხანის, უფრო, ალბათ, მეორე საუკუნის (ძვ. წ.) მდგომარეობას ასწერს სტრაბონი, როცა მოუთხრობს: კოლხეთის „შემდგდროინდელი (სტრაბონის აზრით, აეტის, მედეას მამის, მომღვენო; მაგრამ აქ აშკარად დარღვეულია ისტორიული პერსპექტივა. ს. ჯ.) მეფეები ჰფლობდნენ „სკეპტუხიებად“ (განსაზღვრულ სამამგეო ერთეულებად. ს. ჯ) დაყოფილ ქვეყანას და მოკლებული იყვნენ განსაკუთრებულ ძალას“¹.

განსაკუთრებული როლი, ამ მხრივ, კოლხეთის ისტორიაში პონტოს სამეფომ შეასრულა. ამ სამეფოს, რომელსაც უკვე რამდენიმე საუკუნის არსებობის ისტორია ჰქონდა, ეჭირა მცირე აზიის ჩრდილო-აღმოსავლეთი ნაწილი (შავი ზღვის სამხრეთი სანაპიროები). განსაკუთრებულ სიძლიერეს პონტომ მითრიდატ ევპატორის მეფობაში (III—I სს. ჩვენი წელთაღრიცხვის დაწყებამდე) მიაღწია. მითრიდატმა თავის სამეფოს შემოუერთა მრავალი მეზობლად მდებარე თემი, მათ შორის შავი ზღვის მთელი კავკასიური სანაპირო და თვით უირიმიც. ამრიგად, მითრიდატმა დაახლოებით პირველი საუკუნის პირველი ათეულის დამლევს (ძვ. წ.) „კოლხების მეომარი ხალხი“ „დამოორჩილა“². ეს დამოორჩილება არსებითად ვ ა ს ა -

¹ წ. XI, თ. II, § 18; SC I, 137.

² აპიანე, 15, იქვე 526: თარიღისათვის გარკვეულ მასალას იძლევა ავტორისავე ცნობა, რომ სულასთან ბრძოლაში მითრიდატის სარდალს არქელაეს ჯარში ჰყავდა თრაკიელები, პონტოს სანაპიროს მცხოვრებნი, სკვითები, კანდუციელები, ბითინიელები, გალატები, ფრიგიელები და ყველა სხვა ტომი, რომელნიც ახალ დამოორჩილებული იყვნენ მითრიდატის მიერ. ეს ომი კი მოხდა 86 წ. ძვ. წ. სტრაბონის ცნობითაც, კოლხეთი გადავიდა მითრიდატის მფლობელობაში, როცა ეს მეფე „განსაკუთრებით გაძლიერდა“, წ. XI თ. II, § 19, რაც დაახლოებით იმავე დროზე მიუთითებს.

ლურ დამოკიდებულების დამყარებას მოასწავებდა და არ ნიშნავდა პოლიტიკური დამოუკიდებლობის სრულ მოსპობას. თავდაპირველად კოლხებს მითრიდატისაგან მეფედ გამოუთხოვიათ | თავისთვის მისი შვილი, რომელსაც აგრეთვე მითრიდატი ერქვა სახელად. მითრიდატმა ჯერ შეუსრულა კოლხებს ეს თხოვნა, მაგრამ შემდეგ, დაექვებულმა, რომ შვილი განდგომას აპირებდა, ალბათ ძველი სახელოვანი კოლხეთის სამეფოს აღდგენის იდეით გატაცებული, უკან გაიწვია საექვოდ ქცეული ბატონიშვილი და სიკვდილით დასაჯა კიდევაც იგი¹. შემდეგ მითრიდატი კოლხების მმართველად ერთ-ერთს დიდებულთაგანს ნიშნავს ხოლმე, „თავის მეგობართა“ რიცხვიდან, როგორც ამბობს სტრაბონი. დანიშნული, სტრაბონისავე ცნობით, ითვლება მეფის „ნაცვლად“ კოლხეთში და „ქვეყნის მმართველად“ (ὑπαρχος καὶ νομοάρχης τῆς γῆρας). ერთერთი ასეთი „ნაცვალი“ ყოფილა სტრაბონის დედის ბიძა მოათერნი. შემდეგ სტრაბონი მეტად საყურადღებო ცნობასაც დასძენს: „აქედან (ე. ი. კოლხეთიდან) იღებდა მეფე (მითრიდატი) უმნიშვნელოვანეს (უმთავრესს) შემწეობას თავის საზღვაო ძალებისათვის“². ეს „შემწეობა“, უნდა ვიფიქროთ, ორგვარი იყო: ა) აქედან იღებდა მითრიდატი ხომალდების საშენ ხე-ტყის მასალას, რომლითაც განთქმული იყო კოლხეთი; ბ) აქვე შოულობდა მითრიდატი, ალბათ, თავისი უდიდესი ფლოტისათვის თვით მეზღვაურებსაც, რომელნიც, — ადვილად წარმოსადგენია, — გამოდიოდნენ კოლხების ტომის, ლაზების, წრიდან: უუძველესი დროიდან მოყოლებული ჩვენს დრომდე ლაზები (ჭანები) სახელგანთქმული არიან სწორედ, როგორც შავი ზღვის საუკეთესო ნაოსნები. სტრაბონის ჩვენების ერთგვარ განმარტებას წარმოადგენს აპიანეს ცნობა, რომ რომაელების საწინააღმდეგო ომის ფარულ სამზადისში, მითრიდატი „ჰკრავდა კავშირს თრაკიელებსა, სავრომატებსა და სკვითებთან, ელჩებს უგზავნიდა მეზობელ მეფეებს, აშენებდა ხომალდებს, ჰკრებდა ხომალდების მექანიკებსა (πρωμαχῆς) და მესაქეებს (αυτομηχανῆς)“³.

¹ იქვე, 527.

² გეოგრაფია, წ. XI, თ. II, § 18; SC I, 137.

³ დასახ. თხზ., 527. — მენონის (I და II სს. მიჯნა, ახ. წ.) ცნობით მითრიდატმა „ომით დაიმორჩილა მეფეები, რომელნიც ფაზისის გასწვრივ მკვიდრობდნენ კავკასიონის გადაღმა მდებარე მხარეებამდის“, SC I, 510. არ ჩანს, ვინ იგულისხმება აქ კოლხების მეფის გარდა.

ხომალდების საშენი მასალის, მექანიკების და მესაქეების გარდა, კოლხები იძულებული იყვნენ მითრიდატისათვის ხარკიც ეძლიათ. ხოლო ცნობილია რომ თანდათან გაზრდილმა მოხარკეობამ მითრიდატის წინააღმდეგ დიდი მოძრაობა წარმოშვა პონტოს მიერ და-მორჩილებულსა და შემოერთებულს ქვეყნებში.

ამ მოძრაობისაგან არც კოლხები ყოფილან გამოთიშულნი: იგივე აპიანე გვიამბობს, რომ, დაახლოებით, 83 წ. მითრიდატი „ეომე-ბოდა განმდგარს კოლხებსა და ბოსფორელებს“¹. დიდი შედეგები ამ აჯანყებებს არ მოჰყოლია და კოლხეთი მითრიდატის მფლობე-ლობის ქვეშ დაახლოებით მესამედი საუკუნის განმავლობაში მანც გამწედ იმყოფებოდა, ვიდრე არ დაემხო თვით მითრიდატი და მისი სამეფო და ვიდრე რომაელების ლეგიონებმა აქ გამარჯვების დრო-შა არ ააფრიალეს.

რომაელთა გამარჯვება მნიშვნელოვანი იყო აღმოსავლეთ სა-ქართველოსთვისაც. იგი უფრო დაწვრილებით უნდა განვიხილოთ.

საქართველოს სამხრეთით ამ დროს, პონ-ტოს სამეფოს გარდა, კიდევ ორი დიდი სა-ხელმწიფო არსებობს—არმენია (სომხეთი) და პართია (ირანი). სომხეთიც სწორედ ამ ხანებში (პირველ საუკუნის პირველი ნახევარი ჩვენს ერამდე), ტიგ-რან დიდის მეფობაში, ისეთ ძლიერებას აღწევს, რომლის მსგავსიც მას შემდეგში არასოდეს არ უნახავს. მესამე დიდი სახელმწიფო. რომელიც საქართველოდან სამხრეთ-აღმოსავლეთით და სომხეთის უშუალო მეზობლად მდებარეობდა და რომელმაც მითრიდატისა და ტიგრანის სახელმწიფოებზე უფრო დიდხანს შეინარჩუნა პოლიტი-კური დამოუკიდებლობა და სიძლიერე, იყო პართია, სადაც არშაკი-დების ცნობილი დინასტია მეფობდა.

ამ ქვეყნებს სამხრეთ-დასავლეთიდან თანდათან უახლოვდებოდა რომის მსოფლიო სახელმწიფო, რომელმაც მცირე აზიაში ფეხი პირ-ველად 133 წ., ძვ. წ., ჩადგა, ხელთ იგდო რა პერგამი. რომის მთავა-რი მოაპირისპირე მხარე წინააზიის ტერიტორიაზე გაბმულ ეკონომი-ურსა და პოლიტიკურ ურთიერთობაში იყო, რა თქმა უნდა, პართია, როგორც ეს შემდეგში უფრო ცხადად გამოჩნდება, მაგრამ იმ ხანა-ში, რომელსაც აქ ვეხებით, რომის მმართველ წრეების ყურადღებისა

¹ დასახელებ. თხზ. 527; 80 წ. მითრიდატი კიდევ ეომება ახეებს, რომელ-ნიც კოლხებს ზემოთ ცხოვრობდნენ, მერმინდელს ჩერქეზულ სანაპიროზე, იგვე-12 ს. ჯანაშია, შრომები, ტ. I.

და ზრუნვის მთავარ საგანს პონტოს სამეფო წარმოადგენს, რომელიც სწრაფად ძლიერდება და აშკარად გამოდის რომის კონკურენტის როლში. ამ ბრძოლაში მითრიდატი ინიციატივის მთლიანად თავის ხელში ჩაგდებასაც-კი სცდილობს. გარდა თავის ტერიტორიის გაფართოებისა ჩრდილოეთისაკენ, რაც ზემოთ იყო აღნიშნული, მითრიდატი პოლიტიკურსა და სამხედრო კავშირს აბამს სომხეთსა და იბერიასთან და იმდენსაც-კი ახერხებს რომ ბრძოლა თვით საბერძნეთის ტერიტორიაზე გადააქვს და იტალიაში შეჭრასაც ლამობს. ასეთ ვითარებას რომის სამხედრო ძალების მაქსიმალური დაჭიმვა უნდა გამოეწვია, მით უმეტეს რომ, როგორც რომის ისტორიის სპეცილისტები ამტკიცებენ, მითრიდატის მიერ შექმნილი მდგომარეობა იყო ერთი ძირითად მიზეზთაგანი რომში წარმოშობილ უსაშინელებს ეკონომიურ გაჭირვებისა, რომელიც ძალუმაღ არყევდა გაბატონებულ საზოგადოებრივ ფენების არსებობის პირობებს და ამწვავებდა კლასობრივ ურთიერთობას. მითრიდატის წინააღმდეგ ლაშქრობაში უშუალოდ იყო დაინტერესებული არმიაც, რომელიც ამ დროს წარმოადგენს დეკლასირებულ ელემენტებისგან დაქირავებულ მასას. თუ საზოგადოდ ძველ სამყაროში ომიანობის ერთი უძლიერეს სტიმულთაგანი ხარკი და ალაფია (ნატყვენავი), მით უმეტეს, რომის ხსენებულ არმიისათვის საშოვრისადმი მისწრაფებას გარკვეული მიზნები უნდა დაესახა პონტოს სამეფოს მიმართულებით, სადაც უმდიდრესი ნადავლი და, უწინარეს ყოვლისა, თვით მითრიდატის საყოველთაოდ განთქმული განძები ყველას თვალწინ ეხატებოდა. თუ როგორი მნიშვნელობა ჰქონდა რომის არმიისათვის მცირე აზიაში ლაშქრობას, ჩანს იქიდან რომ „ყველაფერი, რასაც კი შეეძლო რაიმეგვარი წინააღმდეგობა გაეწია (თვით რომში) გენერლისათვის, რომელსაც თავისი ჯარისკაცები მიჰყავდა მცირე აზიაში ადვილსა და გაუთავებელ საშოვარზე, შეუბრალებლად ნადგურდებოდა“. გაჩაღდა ბრძოლა, რომელმაც ოც წელზე მეტი გასტანა. ეს ხანგრძლივი ბრძოლა ბოლოსდაბოლოს მითრიდატის განადგურებით გათავდა. მასთან ერთად დამარცხება იწვინეს მითრიდატის მოკავშირეებმაც. ძღვევამოსილი რომაელები ჯერ სომხეთში შევიდნენ, სადაც მითრიდატის სიძემ, მეფე ტიგრანმა, მუხლმოდრეკით თავისი სამეფო ნიშნები, სრული მორჩილების ნიშნად, ჩააბარა რომაელების სარდალს, ცნობილ პომპეუსს. ესლა ჯერი მითრიდატის დანარჩენ მოკავშირეებზე იყო მიმდგარი. პირველ რიგში პომპეუსს, როგორც

ჩანს, იბერია და კოლხეთი ჰქონდა მიზანში ამოღებული. აქეთკენ ლტოლვილ მითრიდატს მისდევდა და აქეთკენვე მოითხოვდა გზის დანებებას ალბანელებისაგან სომხეთში დაბანაკებული პომპეუსი. ალბანელებმა ჯერ გზა მისცეს რომაელებს, მაგრამ შემდეგ თავს დაესხნენ მათ, რადგანაც რომაელების საბოლოო გამარჯვება მაინც, როგორც ჩანს, არაფრად ეპიტნაეებოდათ და მომენტიც ხელსაყრელად მიაჩნდათ (პომპეუსს მათ ქვეყანაში | ზამთარმა მოუსწრო). დამარცხებულმა ალბანელების მეფემ პატიება ითხოვა და მიიღო კიდევ. რომაელების სარდალმა ალბანელებთან ზავი შექკრა და იბერიისაკენ გასწია. ეს ქვეყანა თურმე უძლეველად ითვლებოდა. მცხოვრებნი „რიცხვით ალბანელებს არ ჩამოუვარდებოდნენ, მეომრობით-კი მათ წააცილებდნენ კიდევაც“¹. იბერიის მეფემ არტაგმა, რომელსაც, ზოგის ცნობით, ვითომც ძალიან უნდოდა მითრიდატისთვის ესიამოვნებინა², რომაელებისთვის თვალის ახვევა სცადა: ზავის შესახებ მოლაპარაკება გამართა, ფარულად-კი სამხედრო სამზადისს აწარმოებდა. პომპეუსმა ეს ეშმაკობა შეუტყო, თვითონ დასწრება არჩია და თავს დაესხა. სასტიკ ბრძოლების შემდეგ, რომლებმაც თითქოს იბერების მხრით 9.000 მოკლული და 10.000 ტყვე კაცი იმსხვერპლეს³, არტაგიც, ალბათ გვირგვინის დაკარგვის შიშით შეპყრობილი, იძულებული შეიქნა მორჩილება ელიარებინა და შეესრულებინა რომაელების მთავარი საზავო პირობა: მძევლებად მიეცა მათთვის თავისი შვილები (გარემოება, რომელიც მიუთითებს არტაგის მონარქიულ უფლებებზე, როგორც აღნიშნული გვაქვს თავის ადგილას)⁴. გარდა ამისა, ქართველთა მეფემ პომპეუსს ძღვენიც მიართვა: სარეცელი, მაგიდა და ტახტი, ყველაფერი ოქროსგან გაკეთებული⁵. აღსანიშნავია უბრალო ქართველ მეომართა სიმამაცე და თავ-

¹ პლუტარქი, 34, SC I, 492; აპიანეოი, 103, ალბანელებმა და იბერიელებმა პომპეუსის წინააღმდეგ 70.000 მეომარი გამოიყვანეს.

² ასე ირწმუნება პლუტარქი, მაგრამ ნამდვილად ქართველები თავიანთ ხაკუთარ ინტერესებისთვის ზრუნავდნენ. ეს ჩანს აპიანეს ცნობიდან, 101, SC I, 529 რომ პომპეუსისაგან 66 წ. დამარცხებულსა და კოლხეთისკენ ლტოლვილ მითრიდატს სადღაც, კოროხს სამხრეთით, გზას უღობავენ ისრებითა და ქვებით, ხოტენელები და იბერიელები.

³ პლუტარქი, იქვე, 492.

⁴ დიონ კასიუსი, SC I, 614.

⁵ პლუტარქი, დასახ. თხზ. 493; აპიანე, იქვე, 531.

განწირულება მოსეულ მტრის წინააღმდეგ ბრძოლაში. მეფისა და სარდლებისგან მიტოვებულნი, იბერიის ჯარის უდიდესი ნაწილის განადგურების შემდეგაც, ცალკე მომარნი ტყეებში გაფანტულან, და აქ კიდევ იბრძოდნენ თავისუფლების დასაცავად, უშენდნენ რა რომაელებს ისრებს მალალ ხეებზე ასულნი. მხოლოდ შემდეგ, როცა ეს ხეები მოსჩეხეს, დაიღუპნენ ეს გმირები, როგორც გვიამბობს რომაელივე ისტორიკოსი დიონ კასიუსი¹.

ქართლიდან (იბერიიდან) პომპეუსი მდ. ფაზისით კოლხეთში ჩავიდა. იქ, ქალ. დიოსკურიაში (თანამედროვე სოხუმი) წინა ზამთარი გაატარა ლტოლვილმა მითრიდატმა, რომელიც ახალს გრანდიოზულ გეგმებს აწყობდა რომაელების წინააღმდეგ². მაგრამ ვიღრე მითრიდატი მეზობელ ქვეყნებში ამ გეგმების განხორციელებას სცდილობდა, კოლხეთი, განსაკუთრებული ბრძოლის გარეშე, ჩაბარდა რომაელებს. „კოლხეთის სკეპტუხი“ („სკიპტროსანი“, მეფე?). ამ დროს ყოფილა ვიხმე ოლთაკი, ალბათ მითრიდატის ნაცვალი ამ ქვეყანაში.

პომპეუსი სრულ გამარჯვებას დღესასწაულობდა და როცა მან, რომაელ სარდალთა ჩვეულების თანახმად ტრიუმფალური მსვლელობა მოიწყო და თავის ეტლის წინ 324 კაცი გაიძლოლა, ზოგი ტყვე და ზოგიც მძევალი, დამარცხებულ მეფეთა ყოფილი მთავრები („ჰეგემონები“), შვილები და სარდლები („სტრატეგები“), ამ „ამალაში“ ყოფილან ხსენებული ოლთაკიცა და ქართველთა (იბერიელების) სამი მთავარიც („ჰეგემონი“)³.

პომპეუსის ლაშქრობა ამიერ-კავკასიაში მოხდა 65 წელს ჩვენს ერამდე, თითქმის სრული ორი ათასი წლის წინათ. რა მოუტანა მან ჩვენს ქვეყნებს? პომპეუსი სხვადასხვანაირად მოექცა თავის მოწინააღმდეგეებს იმისდა მიხედვით, თუ როგორს დამოკიდებულებაში იმყოფებოდნენ ისინი რომის მთავარ მტერთან, მითრიდატ ევპატორთან. მითრიდატის საკუთარ სამფლობელოს რომაელებმა ოკუპაცია უყვეს. სტრაბონი გადმოგვცემს, რომ მითრიდატი თავდაპირველად

¹ კასიუსი, SC I, 613.

² აპიანე, იქვე, 529.

³ იქვე, 537.

პფლობდა ტერიტორიას, რომელიც ისაზღვრებოდა მდ. პალისით, ტიბარანებსა და სომხებამდის, და გარდა ამისა, პალისის გამოღმა, პაფლაგონიის ზოგიერთ ნაწილებსა და სხვა ადგილებს ამასტრეამდის, რომ შემდეგში მითრიდატმა ამ თავის მიწა-წყალს მიუმატა დასავლეთიდან სანაპირო ჰერაკლეამდის, ხოლო, მეორე მხრით, — კოლხეთსა და მცირე არმენიამდის (იგულისხმება, ამათის ჩართვით) და ეს ადგილებიც პონტოს შეუერთაო. „პომპეუსმა, — განაგრძობს სტრაბონი, — დაამარცხა რა იგი (მითრიდატი), ხ ე ლ თ ი გ დ ო (დაეუფლა) ეს ქვეყანა, აღწერილ (ასეთ) საზღვრებში მოქცეული ადგილები არმენიასა და კოლხეთთან მან გაუყო თავის თანამოსაგრედინასტებს“, დანარჩენი თემები კი ბითინიას შეუერთაო¹.

ამრიგად, კოლხეთიც, როგორც მითრიდატის სამეფოს ნაწილი, რომაელების მიერ დაპყრობილ ქვეყნებს უნდა მივათვალოთ. და, მართლაც, ამით აიხსნება ის გარემოება, რომ პომპეუსს კოლხეთში თავისი კაცო, ვინმე არისტარხი დაუდგენია მმართველად. რომაელი ისტორიკოსები ევტროპი და ფესტი (IV ს.) ამტკიცებენ, თითქოს არისტარხი მეფედ (regem) იყო დანიშნული². ამ მხრივ არისტარხმა თავისთავად ის მოწმობა დაგვიტოვა, რომ ბერძნულ წარწერიანი ფული მოსკრა, როგორც კოლხეთის მფლობელმა. ეს ფული მოღწეულია ჩვენს დრომდე. ფესტის ცნობაში ყურადღებას იქცევს ისიც, რომ არისტარხი იხსენიება არა მარტო კოლხების, არამედ ნოსფორელების მეფედაც. შემდეგშიაც ჩვენ ვხედავთ, რომ კოლხეთი მეზობელ ქვეყნებთან, უმთავრესად, ბოსფორსა და პონტოსთან, არის დაკავშირებული პოლიტიკურად.

48 წ. ჩვენს ერამდე კოლხეთი ბოსფორის მეფეს ფარნაკს, მითრიდატ დიდის შვილს, დაუპყრია, შემდეგ-კი იგი პონტოს მეფეებს (ჯერ პოლემონს, უკანასკნელის სიკვდილის შემდეგ მის ქვრივს, პომპეუსის რჩეულ მეგობრის, პითოდორის, ასულს, პითოდორი-დას) ეკუთვნოდა³, ძველი და ახალი წელთაღრიცხვების მიჯნაზე. მითრიდატის მოკავშირეებს-კი რომაელები სხვარიგად მოექცნენ.

¹ გეოგრაფია, XII. თ. 3, § 1.

² ევტროპი, S C 41, 319; ფესტი, იქვე, 323.

³ სტრაბონი, გეოგრაფია, XI. თ. II. § 18.

აქ მფლობელი დინასტიები ხელუხლებლად იქნენ დატოვებულნი, რაც ამ ქვეყნეიასათვის მტრს პოლიტიკურ დაძოვუიდებლოად მოასწავებდა. სამაგიეროდ ამ ქვეყნებს რომის „მეგობრობა“ (ფილია ფილია: ამიციცია amicitia) დაეკისრათ, თუმცა ზოგმა მათგანმა, მაგ. სომხეთმა, თავის ტერიტორიის ნაწილიც დაჰკარგა¹. კერძოდ, იბერიის დამოკიდებულება რომისადმი მომდევნო საუკუნეებში გამოხატულია ყოველთვის ამ ტერმინით, რომელიც მაინც ერთგვარი იძულებითი ხასიათის ურთიერთობას გულისხმობს, რაცა თუნდ იქიდანაც ჩანს, რომ ეს „ფილოკესარები“ და „ფილორომეები“, ე. ი. იმპერატორისა და რომაელთა მეგობრები (იხ. მაგ., მცხეთის ცნობილი წარწერა²) ზედიზედ აჯანყებას აწყობენ თავიანთ მაღალ „მეგობრების“ წინააღმდეგ. იბერიაში პომპეუსის ლაშქრობის მომდევნო წლებში რამდენიმე ასეთი აჯანყებაა ცნობილი. ისინი ბოლოსდაბოლოს მარცხით თავდებოდა და „მეგობრობა“ ისევ აღდგენილი იყო ხოლმე. რაში მდგომარეობდა იგი?

თუ ერთდროულ ლაშქრობას შესაძლოა მიზნად ალაფიც ჰქონოდა (მოვიგონოთ ცნობა რომ არტაგმა პომპეუსს „მიართვა ძღვნად“ ოქროს სარეცელი, მაგიდა და ტახტი), აღწერილს ესოდენ ხანგრძლივ ურთიერთობას, რა თქმა უნდა, უფრო ღრმა მიზეზები უნდა ჰქონოდა. კერძოდ, იბერია რომ ავილოთ, რომისა და იბერიის „მეგობრობა“, წყაროების ენით თუ ვიტყვი, „ს ი მ მ ა ქ ი ა შ ი“ თამაჯია, ე. ი. ს ა მ ხ ე დ რ ო კ ა ვ შ ი რ შ ი გამოიხატებოდა³, რომელსაც, რა თქმა უნდა, ც ა ლ მ ხ რ ი ვ ი ხ ა ს ი ა თ ი ჰქონდა. იბერია იძულებით იყო მასში შებმული და სასიამოვნოსაც: ამ კავშირში, როგორც უკვე ვამბობდით, ბევრს ვერაფერს ხედავდა. იბერიის ეს სამხედრო სამსახური რომის აღმოსავლეთ სანაპიროს სამხედრო ინტერესების დაკმაყოფილებისაკენ უნდა ყოფილიყო მიმართული, ზოგადად რომ ვთქვათ, ხოლო, კერძოდ, განსაკუთრებით მნიშვნელოვანი უნდა ყოფილიყო რომისთვის ჩრდილოეთისკენ გამყვან გზების კონტროლი ადგილობრივ ძალების საშუალებით.

¹ ანკირიის ძეგლი, SC II, 41.

² Помяловский, Сбурник греческих и латинских надписей Каикуза. გვ. 68.

³ დიო კასიუსი, SC I, 620; აპიანე, 113, ამბობს რომ პომპეუსმა ფარნაკო გამოაცხადა რომაელთა „მეგობრად და მოკავშირედ“ (ფილია ჯაქ თამაჯია).

ამ გზების ხასიათი მშვენივრად აქვს განსაზღვრული ძველ ქართველ ისტორიკოსს, რომელიც ამიერ და იმიერ-კავკასიის დამაკავშირებელ გზათა შორის ორს უმთავრესს ასახელებს: „ისწავეს ხაზართა ორნივე ესე გზანი, რომელ არს ზღუისკარი — დარუბანდი და არაგუისკარი, რომელ არს დარიალანი“ (ლეონტი მროველი, მარ. გვ. 8-9). ეს, მართლაც, იყო, ერთი მხრით, არაგვის კარის ანუ დარიალის მსგავსი, კავკასიონის საულელტეხილო გარდასასვლელი ანუ, ძველ ქართულ ტერმინოლოგიით, „ზეკარები“¹; ხოლო, მეორე მხრით, ვიწრო ოლქები კავკასიონის უკანასკნელ კვერნაქებსა და ზღვას შორის, დარუბანდის გასასვლელის მსგავსად, რომელნიც, როგორც ვნახეთ, ზღვისკარებად იწოდებოდნენ. ერთნიც და მეორენიც მართლაც კარებს წარმოადგენდნენ (და ეხლაც წარმოადგენენ) იმათთვის, ვისაც ამ უზარმაზარ ბუნებრივ მასივების გადალახვა ჰსურდათ. ამით აიხსნება, რომ ყველა ხალხი ამ პუნქტებს | „კარებს“ ეძახდა: სპარს. „დარ“ (=კარი) ხომ დღესაც დაცულია მათ სახელწოდებაში — „დარბანდ“ (=„დახშა კარი“) და „დარ-ი-ალან“ (=„ალანთა კარი“ ანუ „ოგსთა კარი“. ქართული ნომენკლატურით), ბერძნებიც მათ $\alpha\nu\lambda\alpha$: ს (=ჰიშკარი) უწოდებდნენ, რომაელები — portae, სომხები — դուռն (კარი), აგრეთვე არამეველებიც და სხვ.

* იბერიის ტერიტორიაზე მდებარეობდა ერთი ყველაზე მნიშვნელოვანი ამ კართაგან, დარიალის ხეობა. დასავლეთ საქართველოს ტერიტორიაზე მთავარი მნიშვნელობა ჰქონდათ დღევანდელ სამხედრო ოსეთის გზას და, აფხაზეთში, იმ გადასასვლელებს, რომელთაც კოდორის ხეობიდან მდ. ყუბანისა და მის შენაკადების აუზებში გადაჰყავთ. გამოყენებული იყო აგრეთვე სვანეთის საულელტეხილო გზებიც, და ზოგიერთი სხვაიც, რომელთაც ყველას ერთნაირი მნიშვნელობა არ ჰქონდა იმდროინდელ ტექნიკის პირობებში, განსაკუთრებით როცა საქმე ეხებოდა დიდი მასების მოძრაობას. საქართველოს ფარგლებს გარეშე სხვა გზებიც არსებობდა. მათ შორის განსაკუთრებით ცნობილი და მნიშვნელოვანი იყო ზემოთ დასახელებული დარუბანდის ყელი, დალისტინისა და დასავლეთ-

¹ ტერმინი „ზეკარი“, რომელიც, თაიდაპირველად, მხოლოდ მსახლვრელი სიტყვა იყო, შემდეგში საკუთარ სახელად იქცა და დღესაც დაცულია მრავალ სათანადო პუნქტში, მიუთითებს რა ამ გეოგრაფიულ ადგილების აღწერილ მნიშვნელობაზე ძველ ხანაში; შეადრ. „ზეკარის“ უღელტეხილი ბაღდათ ახალციხის გზაზე. მისი ნამდვილი სახელია „რკინისკვარის ზეკარი“, და მრავალი სხვ.

კავკასიონის გასასვლელები და გადასასვლელები. ამ გზებს, ჯერ ერთი, დიდი სტრატეგიული მნიშვნელობა ჰქონდათ კავკასიონის სამხრეთით მდებარე ყველა სახელმწიფოსათვის. ჩრდილოეთ-კავკასიის ვრცელი ტრამალები (ველები) წარმოადგენდნენ აგრეთვე მსოფლიო შარაგზას, რომელზედაც უძველეს, ისტორიისათვის ცნობილ, დროებიდან მოყოლებული განუწყვეტლივ მოძრაობდნენ ტომთა და ხალხთა დიდი მასები, რომელნიც ჩვეულებრივად აღმოსავლეთიდან დასავლეთისაკენ მიემართებოდნენ. სკვითები, სარმატები*, ჰუნები, თურქები, ხაზარები, პაჭანიგები, ყივჩაყები, მონღოლები და მრავალი სხვა ერთმანეთს ეცვლებოდნენ ამ გზაზე და მორიგეობით ასვამდნენ თავიანთ ბეჭედს აქაურობას. თითქმის ყველა ეს ტომი მეჯოგე ტომი იყო, რომლისთვისაც თავდაპირველ სამშობლოს ცენტრალური აზია წარმოადგენდა. რადგანაც მეურნეობის ამ დარგისათვის „ფართო, დაუსახლებელი, ადგილები მთავარ პირობას შეადგენს“¹, ბუნებრივ გამრავლების შედეგად, ეს ტომები ველარ ეტეოდნენ თავიანთ სამშობლოში და საძოვრებისა და ალაფის მაძიებელ ეთნიკურ ტაღლების სახით ეფინებოდნენ მეზობელ ტერიტორიებს, სადაც, იშვიათად და ზოგჯერ მეურნეობის გამოცვლასაც ახერხებდნენ, უმეტეს წილად-კი ისევ ისე /მეჯოგე ტომებად რჩებოდნენ, რომელნიც ბინადარ ხალხებისათვის სამეზობლოდ არახლოდეს სასურველნი არ ყოფილან. ერთ-ერთი მთავარი სადგური ამ ტომებისათვის ჩრდილოეთ-კავკასიის მოხსენებული ტრიალი ველები იყო. აქედან ისინი კავკასიონის გადალახვასაც ახერხებდნენ აღნიშნულ კარებით, ზოგჯერ ძალიან ღრმადაც იჭრებოდნენ სამხრეთის ქვეყნებში და ყველგან ცეცხლი და მახვილი მიჰქონდათ. ზოგჯერ მათ სპეციალურადაც იწვევდნენ, როგორც საუცხოო მეომარებს, რომელნიც მზად იყვნენ ქირისათვის ყოველგვარი სამხედრო დავალება შეესრულებინათ. ცხადია, ვის ხელშიაც ეს კარები იმყოფებოდა,—ჩრდილოეთის ნომადების სამხრეთისაკენ მოძრაობაც მის ნებასურვილზე ეკიდა, და ამიტომვე უნდა ყოფილიყო ამ კარებით დაინტერესებული რომის მთავრობაც, რომელიც წინააზიაში თავის მტკიცე დამკვიდრების საკითხს დიდ მნიშვნელობას ანიჭებდა.

რომაელი ცნობილი მწერალი, პლინიუს სეკუნდო (გარდ. 79 წ. ახ. წ.), ასე განსაზღვრავს დარიალის მნიშვნელო-

* ამ სიტყვათა გასწვრივ დეუანში ავტორს მიუწერია «ალან-ოვსები».

¹ კ. მარსი, პოლიტ. ეკონომიის კრიტიკისათვის, ტფ. 1932, გვ. 20

ბას: „...კავკასიის კარები, რომელთაც მრავალნი, მეტად შემცთარად, უწოდებენ კასპიისას, უზარმაზარი ქმნილებაა ბუნებისა, მთების უეტარი გაბობის შედეგი. თვით გასასვლელი მოზღუდულია რკინით შემოჭვდილ დირეებით. მათ ქვეშ მიედინება მყრალი მდინარე, ხოლო გამოღმა აგებულია კუმანიად წოდებული სიმაგრე, აგებული იმ მიზნით, რათა დააბრკოლონ მრავალრიცხოვან ტომების გადმოსვლა“ (ნატურალ. ისტ., წ. VI, § 30).

გარდა სამხედროსი, ამ გზებს სრულიად გარკვეული ეკონომიკური მნიშვნელობაც ჰქონდათ; არა მარტო ამ დროს, არამედ ბევრად უფრო ძველ ხანაშიაც ისინი იმდროინდელ საქონლის გამტარებელ არხების როლს ასრულებდნენ¹. გასაგებია რომ საქმის ამ მხარისათვისაც რომაელებს თავისი ყურადღება უნდა მიექციათ. მაგრამ განსაკუთრებულ მნიშვნელობას რომის ინტერესთა სფეროში, რომელნიც ამ მხარეებისაკენ იყვნენ მიმართულნი, ჩვენ ვანიჭებთ მონათმფლობელთა საქიროებებს. რომაელთა გაბატონებულ კლასების მეურნეობა, რომელიც მონის შრომის გამოყენებაზე იყო დამყარებული თითქმის მთლიანად და რომელიც „მუდმივ ზრდაში მყოფი | კატონის დროიდან მოყოლებული იმპერატორების ეპოქამდე, ეროვნულ სამეურნეო ფორმად იქცა“, საქიროებდა მუდმივსა და, ამასთან ერთად, ან მეტად იაფს ან სავსებით მუქტს, წყაროს მონებისას. „და რაც უფრო იზრდება თვით წარმოება, მით უფრო იზრდება მოთხოვნილება მონებზე და მისწრაფება შეიძინონ მონები რაც შეიძლება უფრო იაფად“. მონების ასეთ წყაროს წარმოადგენდნენ ან პირდაპირი ომები, ან ისეთი მონათვაკრობის ბაზრები, სადაც წვრილ თარეშების, თავდასხმებისა და მოტაცება-დატყვევების გზით შექმნილი მონები (თავისუფლებას მოკლებულნი პირნი) სასურველ დაბალ ფასებში ისყიდებოდნენ. რომის ეკონომიურ და პოლიტიკურ ვანვითარების მკვლევართა აზრით, მონათა მოპოვების საქიროებით აიხსნება, სხვათა შორის, ის სანაპირო

¹ სტრაბონი, მაგ., XI, თ. V, § 8. მოგვითხრობს რომ კასპიის ზღვის ჩრდილო სანაპიროებზე მცხოვრები აორსები ვაჭრობდნენ ინდოეთისა და ბაბალონის საქონლით, რომელსაც იღებდნენ არმენიელებისა და მიდიელებისაგან, და რომელიც მათ აქლემებით გადაჰქონდათ. სიმდიდრის წყალობით ისინი ოქროს სამკაულებს ატარებდნენო.

ომები, რომლებსაც აწარმოებდა რომის ჯერ რესპუბლიკა, შემდეგ—იმპერია, და რომლებსაც უნდა შეევესოთ იმ დროისათვის საგრძნობად ქცეული ნაკლებობა მონებისა. მაგრამ როცა ეს დიდი ომები, რომლებიც ქრონოლოგიურად რესპუბლიკის უკანასკნელ პერიოდზე და იმპერიის პირველ საუკუნეებზე მოდის, ნელდება და, აპრიგად, მონათა ეს პირდაპირი წყარო თანდათან უფრო და უფრო იზრდება, — ვრცელდება მონათა მოპოვების მეორე საშუალება — ადამიანთა მოპარვისა და მოტაცების საშუალებები. პირველ კეისრების — ავგუსტოსისა და ტიბერიუსის — დროს, მონათა ნაკლებობა რომში განსაკუთრებით საგრძნობი ყოფილა. ამ ნიადაგზე განსაკუთრებით გამრავლებულა ადამიანთა — როგორც თავისუფალთა, ისე მონათა — მოტაცების შემთხვევები და ტიბერიუსი იძულებული გახდა გამოეცა განკარგულება, რათა ეწარმოებინათ იტალიის ყველა მონათსადგომების შემოწმება მათში დაფარულ მოპარულ ადამიანების აღმოსაჩენად. ეს განკარგულება, ცხადია, მხოლოდ რომის მოქალაქეებს ესარჩლებოდა. თუ როგორი იყო რომაულ ბიუროკრატიის დამოკიდებულება ამ მოვლენისადმი პროვინციაში, ქვემოთ ვნახავთ. ჩვენ ვფიქრობთ, რომ მონების ასეთს, განსაკუთრებით მდიდარს, წყაროს წარმოადგენდა სარმატია, ე. ი. შავი ზღვისა და კავკასიონის ჩრდილოეთით მდებარე ვრცელი ქვეყანა და მისი მიმდგომი ამიერ-კავკასია.

§ 9. მონათვაჭრობა და ტყვეთაყიდვა სარმატიასა და ამიერ-კავკასიაში კლასიკურ მწერალთა ცნობით, სარმატიაში ფართოდ იყო გავრცელებული მონობა და მონით ვაჭრობა. 49 წ. სარმატიის ქალაქმა (როგორც ჩანს, შედარებით უმნიშვნელომ და პატარამ) უსპამ, რომელსაც ალყა ჰქონდა შემორტყმული რომაელებისა და მათი მოკავშირეების მიერ, თავისუფალ მოქალაქეთა შეწყისალების სანაცვლოდ ათი ათასი მონა შეაძლია რომაელებს¹. იმ მუდმივ ბაზართა შორის, რომელნიც მასობრივად აწვდიდნენ რომს მონებს (ჭიოსი, ათენი, კუნძული დელოსი), ერთი პირველ ადგილთაგანი ეჭირა სწორედ სარმატიის უმთავრეს ქალაქს, ტანაისს, რომელიც მდ. დონის შესართავთან მდებარეობდა. აქაურ მონათვაჭრობის შესახებ სტრაბონი გვამცნობს, რომ, მაგ., „ქალ. ტანაიდი (მდებარეობდა მდ. დონის შესართავთან) წარმოადგენდა

¹ ტაციტი, SC II, 238-9.

(პირველ ს-ში ჩვენს ერამდე) საერთო საბაზრო ადგილს აზიელ და ევროპელ ნომადებისა და ბოსვორიდან ტბით (აზოვის ზღვით) მოსულ პირთათვის. პირველთ მოჰყავდათ და მოჰქონდათ მონები, ტყავ-ბეწვეული და სხვა, ნომადებისათვის ჩვეული, საქონელი, ხოლო სხვებს-კი სანაცვლოდ მიჰქონდათ სამოსი, ღვინო და სხვა საგნები, რომლებიც ცხოვრების ჩვენებურ წესს სჩვევია“-ო¹. საქართველოს შესახებ ჩვენ მოგვეპოვება პირდაპირი ცნობა მეექვსე საუკუნიდან ჩვენი წელთაღრიცხვით რომ დასავლეთ საქართველოს მთავარ საექსპორტო საგანს მონები შეადგენდნენ. პირველი საუკუნისათვის ასეთი პირდაპირი ჩვენება, ჩვენს ქვეყანას რომ გულისხმობდეს, არ მოიპოვება. მაგრამ ვფიქრობთ, რომ ეს შემთხვევითი ამბავია. ამას სხვადასხვა არაპირდაპირი მოწმობაც გვარწმუნებს. სტრაბონი ყირიმელების შესახებ, მაგ., ამბობს რომ „რაკი ისინი ანგაარნი არიან და ზღვასთან ახლოს ცხოვრობენ, თავს არ იკავებენ ძარცვა-გლეჯისა და სხვა ასეთ ბოროტმოქმედებათაგან, რომელნიც უკანონო საშუალებებს წარმოადგენენ გამდიდრებისათვის“². კიდევ უფრო საინტერესოა ჩვენთვის სტრაბონისავე ცნობები შავი ზღვის აღმოსავლეთ (ნაწილობრივ თანამედროვე საქართველოს) სანაპიროს შესახებ, უფრო ზუსტად, ამ სანაპიროს იმ ნაწილის შესახებ, რომელიც მიახლოებით უდრის ტუაფსის, სიჩის და გაგრიის რაიონებს. აქაური მცხოვრებნი (ახეები, ზიგები და ჰენიოხები) „ცხოვრობენ საზღვაო ძარცვა-გლეჯით, მეკობრეობით“, რისთვისაც მათ სათანადო ნავებიც აქვთ, კ ა მ ა რ ე ბ ა დ წოდებულნი. „ამ თავიანთ კამარებით ისინი გადიან ზღვაში, თავს ესხმიან ხან საბარგო ხომალდებს, ხან რომელსამე ადგილს და ზოგჯერ ქალაქსაც-კი, და, ამრიგად, ისინი ბატონობენ ზღვაზე“. ამ მეკობრეობის მიზანი და საგანი საერთოდ ნადავლი იყო, განსაკუთრებით-კი, როგორც ჩანს, ტყვე. „უცხო ქვეყანაში . . . ისინი ჰმალავენ ტყვეებში თავიანთ კამარებს, თვითონ-კი ქვეითად დაძრწიან დღე და ღამე ა და ძ ი ა ნ თ ა ტყვედ მოტაცების მიზნით. მოტაცებულს ისინი ხალისით აძლევენ თავდახსნის საშუალებას, მისცემენ რა ცნობას დაზარალებულებს თავიანთ წასვლის შემდეგ“. ცხადია, იმ შემთხვევაში, როცა ნათესავეებს არ ჰქონდა შეძლება თავის ტყვის დახსნისა და გამოსყიდვისათვის, დაკარგულ ადამიანს სხვაგან ელო-

¹ სტრაბონი, გეოგრ. XI, თ. II.

² იქვე, VII, თ. IV.

და გაყიდვა. მაგრამ განსაკუთრებით საინტერესოა ამ ცნობის ის ადგილები, საიდანაც ჩანს, რომ რომაელები პირდაპირ აქეზებდნენ და ხელს უწყობდნენ ადამიანებზე მონადირე კავკასიელ პირატების ხელობას. „ზოგჯერ მათ ხელს უწყობენ ბოსფორის მფლობელები, რომელნიც აძლევენ მათ სადგომებს, ბაზარსა და ნაძარცვის გაყიდვის საშუალებას“. ბოსფორის მფლობელები ამ დროს რომის ვასალები არიან და მათი ეს პოლიტიკაც სიუზერენის ინტერესებთან უნდა ყოფილიყო შეთანხმებული. ბოსფორის ბაზრების მთავარი მუშტრები (განსაკუთრებით, რა თქმა უნდა, ცოცხალ საქონლის მიმართ) თვით რომაელები იყვნენ. მაგრამ კიდევ უფრო საინტერესოა მომდევნო ცნობა. ამ პირატებისაგან უფრო დაცულნი არიან დამოუკიდებელი ქვეყნები, ამბობს სტრაბონი: „იმ ადგილებში, სადაც ადგილობრივი დინასტიები არიან, დაზარალებულნი კიდევ პოულობენ ერთგვარ შემწევობას თავიანთ მფლობელებისაგან. ხშირად ისინი თვით ესხმიან თავს (მეკობრეებს) და ატყვევებენ კამარებსა და მათ ხალხს (ყაჩაღებს). მაგრამ იმ ქვეყნებში ი, რომელნიც რომაელთა მმართველობის ქვეშ იმყოფებიან, მოსახლეობა უფრო უმწეოა აქ გაგზავნილ მმართველთა უზრუნველობის გამო“-ო¹. ამ ქვეყანათა შორის, რა თქმა უნდა, პირველ რიგში დასავლეთი საქართველოა ალბათ ნაგულისხმევი, და სავსებით ცხადია, თუ რას უნდა ნიშნავდეს აქაურ, რომის მიერ დადგენილ, მმართველთა უზრუნველობა.

შენახულია ერთი უაღრესად საყურადღებო ცნობა, რომელიც მოწმობს, რომ პოლიტიკური რეჟიმი, რომაელების მიერ დამყარებული შავი ზღვის აღმოსავლეთ სანაპიროზე და კავკასიაში, ღრმად იჭრებოდა ამ ქვეყნების სოციალურ-ეკონომიურ ცხოვრებაში და დიდ-დიდ ამბების გამოძწევვ მიზეზადაც იქცეოდა.

სახელგანთქმული რომაელი ანალისტი გვიამბობს: „პონტში აჯანყდა მონა-ბარბაროსი (*barbarum mancipium*), რომელიც ორდესლაც სამეფო ფლოტის უფროსი იყო. ეს იყო ანიკეტი, პოლემონის ახატი (*libertus*), რომელსაც წინათ დიდი ძალა ჰქონდა და რომელიც გულმტკივნეული იყო იმ ცვლილებების გამო, სამეფო რომ პროვინციად აქცია. ვიტელის სახელით მან თავის მხარეზე გადაიბირა პონტოს ნაპირებზე მცხოვრები ხალხები, და ნა-

¹ სტრაბონი, გეოგრ. XI, თ. II.

დავლის იმედით შეაცდინა რა ყოველგვარი მაწანწალები, საკმაოდ მნიშვნელოვან ბრბოთი შეიჭრა ტრაპეზუნტში, ძველთაგანვე სახელოვან ქალაქში. იქ განადგურებულ იქნა კოპორტა, რომელიც წინათ სამეფო დამხმარე რაზმი იყო, ხოლო შემდეგ ამ მეომრებმა მიიღეს რომაული მოქალაქეობა, დროშები და იარაღი ჩვენებური (ე. ი. რომაული სახისა), მაგრამ შეინარჩუნეს ბერძნული სიზარმაცე და დაუდევრობა. ანიკეტმა ცეცხლი წაუკიდა ფლოტსაც და დასცინოდა დაცარიელებულ ზღვას, რადგანაც მუეიანემ გადაიყვანა ბიზანტიაში საუკეთესო ლიბურნული ხომალდები და ყველა ჯარისკაცი. ამიტომ იყო რომ ბარბაროსები ამაყად მიდი-მოდოდონენ ზღვაზე, სწრაფად ააშენეს რა ხომალდები, რომელნიც „კამარებად“ იწოდებიან... ამ აჯანყებამ მიიპყრო ვესპასიანეს (69-79 ახ. წ.) ყურადღება. მან შეარჩია რაზმები ლეგიონებიდან და მათ უფროსად დაუნიშნა გამოცდილი მხედარი ვირდი გემინი. ეს სარდალი თავს დაესხა წყობილებამოშლილსა და საშოვრის დევნაში დაქსაქსულ მტერს და შერეკა ისინი ხომალდებზე. შემდეგ მან სახელდახელოდ ააგო ლიბურნიკები და მდინარე ხობის (fluminis Chobi) შესართავთან დაეწია ანიკეტს, რომელსაც აქ თავი უშიშრად ეგულებოდა სედოხეზების მეფის (Sedochezorum regis) შემწეობის წყალობით. ეს მეფე ანიკეტს გადაბირებული ჰყავდა მოკავშირედ ფულითა და საჩუქრებით. მეფე ჭერ იცავდა კიდევ შეხვეწილს მუქარით და იარაღით, მაგრამ როცა მას არჩევანი შესთავაზეს გაცემისათვის ჯილდოსა და ომს შორის, მან, იმ ვერაგობის თანახმად, რომელიც ბარბაროსებს სჩვევიათ, პირობა დასდო, რომ დაღუპავდა ანიკეტს და გასცა ლტოლვილნი. ასე მოელო ბოლო მონებთან ომს (belli quoque servili finis inpositus)".¹ ადვილად შესამჩნევია, რომ აჯანყებას ორმაგი, როგორც პოლიტიკური, ისე სოციალური, ხასიათი ჰქონდა: თუ, ერთი მხრით, პონტოს, თავისუფლებისთვის მებრძოლი, ხალხები და ამ ხალხური მოძრაობის ზვირთებზე მოტივტივე, ადგილობრივი ყოფილი მმართველი წრეების წაშთები და წვრილი მფლობელები (მიაქციეთ ყურადღება ცნობებს პონტოელ ხალხების გადასვლის შესახებ აჯანყების ორგანიზატორის, სამეფო ფლოტის ყოფილ უფროსის მხარეზე, და სედოხეზების მეფის როლის შესახებ) საკუთარი პოლიტიკური თვითმყოფობისათვის იბრძვიან რომაული ძალადობის წინააღმდეგ, მოძრაობის მიზნის ყველა საკუთარი გაგა-

¹ ტატიტი, *Historiae*, III, 47-48 (SC II, 248-9).

ბილ. მეორე მხრით, უეკველია, რომ აჯანყება მნიშვნელოვნად არის გაუღნთილი მონათა კლასობრივი ბრძოლის ელემენტით. ტყუილად კი არ ეძახის ავტორი ამ ამბებს „მონების ომს“ (გამონათქვამები „ბრბო“. „მაწანწალები“ და ცნობა აჯანყების მძარცველობითი ხასიათისა. ისევე, როგორც სედოხეზების მეფის მოსყიდვის შესახებ, რა თქმა უნდა, შესაძლებელია მონათმფლობელთა საზოგადოების წარმომადგენელი მწერლის ტენდენციის ნაყოფი იყოს).

ასეთი კომბინაცია მონათა მოძრაობისა განვითარების სულ სხვა ტენდენციებთან, რომელნიც ახალ საზოგადოებრივ ეპოქას წარმომადგენენ, საყურადღებო ზოგადი საკითხია. მაგრამ მისთვის ანგარიშის გაწევა მოგვიხდება საქართველოს ისტორიის მომდევნო პერიოდის განხილვისას, როდესაც ქართული ფეოდალიზმის დადგინების პროცესს შევეხებით.

აღწერილმა მოძრაობამ, როგორც თვით ცნობაშია ნათქვამი, შავი ზღვის სანაპიროს დიდი ნაწილი მოიცვა. უკანასკნელი აქტი-კი როგორც ჩანს, საქართველოში, თანამედროვე სამეგრელოში, გათამაშდა, რასაც მდ. ხობის დასახელება გვაგულისხმებინებს (ანტიკური მწერლობა ამ სახელით მხოლოდ სამეგრელოს მდინარეს იცნობს). „სედოხეზები“, ამ შემთხვევაში, რომელიც ადგილობრივი სატომო სახელია, გადამახინჯებული უცხოურ წყაროების მიერ. რეალ-ისტორიულად ეს „სედოხეზები“ ალბათ უდრიან „ლაზებს“, რომელთა სამთავროზე ბერძნულ-რომაული მწერლობა სწორედ ამ რაიონში მიუთითებს და რომელთა შესახებაც ამ მწერლობაში უფრო ზუსტი ცნობები იმავე ეპოქაში ჩნდება.

თუ ტაციტის ცნობაში სამხრეთის ხოფაა ნაგულისხმევი (რაც გაცილებით უფრო ნაკლებაა დასაჯერებელი), მაინც საქმე მეორე ქართველ ტომთან, კანებთან, გვექნება.

ტაციტის თხრობა უაღრესად საყურადღებო ჩვენებებს იძლევა „სედოხეზების“ პოლიტიკური ორგანიზაციის შესახებ: მათი „მეფის“ მთელი ქცევა გვარწმუნებს, რომ იგი ტომის ბელადი—მამასახლისი კი არ არის, არამედ უკვე პატარა დინასტი, რომელიც დიდი სახალხო მოძრაობის მთავარი მოლაპატის როლში გამოდის. ამ მეფის ვერაგობას რომაელთა ისტორიკოსი „ბარბაროსების ზნე-თვისებით“ ხსნის, ნამდვილად კი აქ ეგოისტური კლასობრივი ინტერესების გამოძვლავნებას ჰქონდა ადგილი: მონათა მოძრაობა, რომელიც, როგორც ვთქვით, ამ აჯანყების ერთი მხარე იყო, ამ მეფეები-

სათვის, რომელნიც თვითონ არიან ალბათ მონათმფლობელნი, მიმ-
ზიდველს არაფერს შეიცავდა, იგი, პირიქით, საფრთხეს უქმნიდა
მათს კეთილდღეობას. ამიტომ იყო რომ გადამწყვეტ მომენტში სე-
დოხეზების მეფემ გასცა აჯანყების ბელადი, თვითონ ყოფილი მონა
და სოციალურად ასე თუ ისე დაკავშირებული ამ კლასთან, ანიკეტი,
რომელიც, ამ მეფესთან „შეფარებული“, გულუბრყვილოდ, „თავს
უშიშრად გრძნობდა“.

ადრინდელი ფოლკლორის კოლექცია

§ 10. როგორც დაგვი- ასეთი იყო ის მიზეზები, რომელნიც სა-
კიდებლობის განვი- ფუძველს აძლევდნენ რომის მთავრობას ყუ-
თარება, რომისა და რადლებით ეზრუნა თავის მტკიცედ დამკვი-
რანის ომები დრებისათვის ამიერ-კავკასიაში და, კერ-
ძოდ, საქართველოში. რომის მფლობელობის კონკრეტული ფორმა
დამოკიდებული იყო ძალთა ადგილობრივს რეალურ განწყობილე-
ბაზე. თავდაპირველად, ჩვენი ქვეყნების რომისგან დამოკი-
დებულება გამოიხატა, როგორც ვთქვით, იბერიის-
სათვის — „სიმმაქიაში“, იძულებით სამხედრო
კავშირში, ხოლო კოლხეთისათვის განსაზღ-
ვრული ფორმის ვასალობაში. კოლხეთის მდგომარეო-
ბას ახასიათებს ის ფაქტი, რომ რომს დასავლეთ საქართველოში თავისი
გარნიზონები ეყენა. ასე, მეორე საუკუნის დამდეგს რომაელ-
თა ციხეოვანი ჯარი მდგარა ქ. ფაზისსა (ფოთში) და სებასტოპოლში
(სოხუმში) ¹. შემდეგში, ეს დამოკიდებულება იბერიისთვისაც ვი-
თარდება მისი შემჭიდროების მიმართულებით. აქ დიდი როლი ითა-
მაშა იმ გარემოებამაც, რომ რომის სუვერენიტეტს ამიერ-კავკასიაში
საშიში მტერი უჩნდება ირანის (ჯერ არშაკიდების, ხოლო 226 წლი-
დან, სასანიდების მფლობელობის ქვეშ) სახით. ვიდრე რომაელები
მითრიდატ ევპატორსა და მის მოკავშირეებს ურტყამდნენ, არშაკი-
დებს ეს თავისთვის ხელსაყრელად და სასურველად მიაჩნდათ და
თავისუფლად დაანებეს რომს პონტოს სამეფოს განადგურება, დიდი
სომხეთის ჩამოყვანა პატარა სამეფოს მდგომარეობაზე და სხვა მო-
კავშირების დასუსტება. მაგრამ მას შემდეგ, რაც რომი და პართია
(არშაკიდების სამეფო) ერთმანეთის პირისპირ მარტონი აღმოჩნდნენ
და როდესაც რომმა საქვეყნოდ გამოამყვანა, რომ მისი მიზნები და
ინტერესები წინააზიაში მარტო მოკავშირეების სამხედრო დამარ-
ცხებით არ ამოიწურებოდა და რომ მას საპიროდ მიაჩნდა აქ ფე-
ხის | მტკიცედ მომაგრება და შემდგომი წინსვლა, — ამის შემდგომ,

¹ არიანე, პერიპლი, SC I. 221—2.

პირველ საუკუნის შუაწლებიდან მოყოლებული ჩვენს ერამდე, ატყდა მრავალსაუკუნოვანი სამკვდრო-სასიცოცხლო ბრძოლა, რომელშიაც ეს ორი დიდი სახელმწიფო პირველობისათვის ეცილებოდა ერთმანეთს. ბრძოლის ფრონტი გაჭიმული იყო კავკასიიდან სპარსეთის ყურემდე. ამრიგად, იგი ჩვენს ქვეყნებსაც სწვდებოდა. და, როგორც ვამბობდით, არშაკიდების ამოცანა იმაშიაც მდგომარეობდა, რომ რომელთა გავლენის სფეროდან გამოეგლიჯათ ამიერ-კავკასიის ქვეყნები და სომხეთიც. თავდაპირველად უპირატესობა აშკარად რომის მხარეზეა. ეს უპირატესობა დაადასტურა რომისა და პართიის საზავო ხელშეკრულებამ, რომელიც ნიზიბინში დაიდო 298 წელს, და რომელიც, სხვათა შორის, ჩვენს ქვეყნებსაც გულისხმობდა. ამ აქტის მიხედვით, იბერიის მეფეს სამეფო ნიშნები რომაელებისგან უნდა მიეღო¹. ასეთი მოვალეობა ვასალიტეტის გარეგან გამოხატულებას წარმოადგენს, და, მაშასადამე, რომს არა მარტო შეურჩენია თავისი გავლენა აღმოსავლეთ საქართველოზედაც (დასავლეთი მას კიდევ მჭიდროდ ჰყავდა ჩაჭერილი), არამედ იმისთვისაც მიუღწევია, რომ ძველი „მეგობრობა“ (იძულებითი სამხედრო კავშირი) ვასალურ (თუმც, საფიქრებელია, სუბუქ ფორმის, როგორსაც ჩვენს მეზობელ სომხეთშიც ვხედავთ) დამოკიდებულებად უქცევია. რატომ უნდა, ეს ვასალური დამოკიდებულება ნიზიბინის ზავის მიერ კი არ იყო შექმნილი. ნიზიბინის ზავს შეეძლო მხოლოდ დაედრებინა ის მდგომარეობა, რომელიც უკვე არსებობდა. მაგრამ თანდათანობით გამარჯვების სასწორი ირანელებისაკენ იხრებოდა.

მივუბრუნდეთ შინაგან განვითარებას. ამ სამნახევარ საუკუნის განმავლობაში განვითარების მთავარ ფაქტს შეადგენდა „მესამე გენეს“, „ერის“, შემდგომი დიფერენციაცია. აქ, როგორც ჩვენ ვფიქრობთ, უკვე I საუკუნის დამდეგს ჩვენს ერამდე (დაიქნებ უფრო ადრეც) ერთგვარი ბზარია გავლებული „მეომრებსა“ და „მიწისმოქმედთა“ შორის. ეს ბზარი ეკონომიკურ ნიადაგზეა წარმოშობილი. იბერიის ლაშ-

¹ პროფ. ივ. ჯაფარიშვილი, ქართველი ერის ისტორია, I, 162, 256.

ქარს, რომელიც მხოლოდ განსაკუთრებულს — ომის — შემთხვევაში იკრიბება (სტრაბონი ამბობს, რომ მხოლოდ მთიელებს შეეძლოთ ჯარში ძრავალი ათეული ათასი მეომარი გამოეყვანათ; საერთოდ-კი იბერიის ჯარი თითქოს ალბანელებისაზე მცირე იყო, ხოლო ეს უკანასკნელი უდრიდა 60.000 ჰოპლიტსა და 22.000 ცხენოსანს¹: მაშასადამე, იბერიის ლაშქრის რიცხვი 60—70 ათასამდის უნდა ვიანგარიშოთ), თავდაპირველად, მთელი „ერი“, ე. ი. მესამე გენეში მოქცეული ნაშთი გვაროვნულ საზოგადოებისა, შეადგენს. მაგრამ რადგანაც, საფუძვრებელია, შეიარაღება „ერის“ საკუთარ ხარჯზე ხდება (მეფის ხარჯზე, ალბათ, მეფის მხოლოდ საკუთარი გვარდია; მეფის „მონა-სპა“, მერმინდელი ტერმინოლოგიით, არის შეიარაღებული; მაგრამ მისი რიცხვი „საერთო ჯართან“ შედარებით ეხლა უკვე მცირეა), შეიარაღების ხარჯების განსაკუთრებულ ზრდის შემთხვევაში, „ერის“ მცირე შემძლე წევრები მოკლებული ხდებიან ფაქტიურ შესაძლებლობას გავიდნენ ჯარში. შეიარაღების გაძვირება დაკავშირებულია ლითონის (განსაკუთრებით, რკინის) იარაღის შემოღებასთან. კიდევ უფრო ძნელი ხელმისაწვდომი ხდება იარაღი მაშინ, როცა მძიმე აბჯარი შემოდის: არა მარტო საკუთრივ საბრძოლო, არამედ მეომრის თავდასაცავი იარაღიც — ლითონის სამოსი და თავსაბურავი. ტყუილად კი არ ითვლება ფეოდალურ რაინდის მიუცილებელ გარეგან ნიშნად მისი „ჯაჭვ-ჭური“ (მუზარად-ჯაჭვის პერანგი და სხვ.). განსაკუთრებით მნიშვნელოვანი იყო, როგორც ჩანს, თვით მეომრის შეიარაღებასთან ერთად, მისი ცხენის დაცვაც ლითონისაგან გაკეთებულ განსაკუთრებულ სამოსით. ასეთი მთლიანად ლითონში ჩამჯდარი მხედარი უძლეველად უნდა ყოფილიყო შინეული მარტივად ხმალ-მშვილდ-ისრით შეიარაღებულ ქვეითისათვის.

ამასთან ერთად, თუ მოვიგონებთ რომ იარაღი ყველაზე ადრე იქცევა კერძო საკუთრების საგნად და რომ ის, როგორც მამაკაცის კერძო საკუთრების საგანი, მტკიცე შემკვიდრეობის (მამიდან შვილზე) განსაკუთრებით საყურადღებო და საზრუნავი ობიექტია აგრეთვე, რაც მერმინდელს ფეოდალურ ადათსა და კანონშიც მკაფიოდ ჩანს²—კიდევ უფრო ცხადი გახდება რომ იარაღს განსაკუთრებულ

¹ XI, თ. IV, § 5; შეადრ. ზემოთ, გვ. 181.

² ბეჭასა და ალბულას კანონებით, ქალის დაქვრივების შემთხვევაში მზითვენი ქალს ან მის შშობლებს ეკუთვნოდა. მხოლოდ აბჯარი უთუოდ ვაჟს უნდა დაარჩენოდა: თუ ქალი „შვილოსანი დაქვრივდეს, აბჯარი შვილთა მართებს რა სასა-

სოციალური მნიშვნელობა უნდა ჰქონოდა და რომ იგი ხელს უწყობდა როგორც უკვე მიღწეულ, ისე ახალ, იარაღისვე საშუალებით მოპოვებულ, პრივილეგიების დამკვიდრებას და განვითარებას ინდივიდუალისტურ და კერძო მესაკუთრულ მიმართულებით.

სტრახონისავე ცნობების მიხედვით შეგვიძლია წარმოვიდგინოთ, თუ როგორი იყო კონკრეტული ტიპი შეიარაღებისა იბერიაში პირველ საუკუნის დამდეგს ჩვენს ერამდე. ალბანელების შესახებ ცნობილი გეოგრაფი გვიამბობს, რომ ისინი „ომობენ ოროლებითა და მშვილდ-ისრით და შექურვილნი არიან ჭავშნითა და ფარით, აგრეთვე ნადირის ტყავის მუზარაღით, იბერების მსგავსად“¹. კიდევ უფრო საყურადღებოა სტრახონის გეოგრაფიის მეორე ცნობა, რომელიც უმთავრესად იბერიის სამხრეთ მეზობელს, სომხეთს, გულისხმობს. სტრახონი ამბობს, რომ სისპირიტიდას (ცნობილი ძველი ქართული პროვინცია სპერდი, თურქული ისპირი; ალბანულ ხანაში სომხეთს ეკუთვნის) „აქვს მშვენიერი საძოვრები, რითაც იგი მიდიასაც არ ჩამოუვარდება, ისე რომ ნესაის ცხენებს, რომლებიც სპარსეთის მეფეს ემსახურებოდა, აქაც აშენებენ... მეორე მხრით, არტავაზდმა (იგულისხმება სომხეთის მეფე, ტიგრანის შვილი, ს. ჯ.) გამოიყვანა ანტონისთან, როდესაც მასთან ერთად მიდიაში შევიდა, ცხენოსან ჯარის გარდაკიდევ ექვსი ათასი შეჭავშნული ცხენი. ასეთ ცხენოსან ჯარის მოყვარულნი არიან არა მარტო მიდიელები და სომხები, არამედ აგრეთვე ალბანე-

ქონლო დიაცა“... „გლებთა ესე ქნან: ყოფილა-ცა რომე თუ დიაცი უშვილო მოკედეს, ზითევი ნახევარი სულისა საურავად გაუშვან და ნახევარი-ლა სამშობლოს მართებს. და თუ ქალი დარჩეს — მას მართებს აქუნდეს: ვინცა გაზარდოს და ვათხოვოს — მას მართებს, და აქუნდეს და მან გაატანოს. და თუ ვაჟიცა დარჩეს, აბჯარი — ვაჟსა და საქონელი — ქალსავე“. ამრიგად, აბჯარი უთოოდ ვაჟებს უნდა დაჰჩინოდათ, მაგრამ, როგორც სავაებით ინდივიდუალურ საკუთრების საგანი, მამას თავისი იარაღი შეეძლო, რომელიც უნდოდა, იმ ვაჟისათვის მიეცა. როცა მე-15 ს.-ში ბარათანთ დიდი გვარი იყრებოდა, მემკვიდრეებს დავა აუტყდათ მამისეულ იარაღის გამო და გაყოფისათვის დამსხდარმა შუაქაცებმა ასეთი სამართალი გააჩინეს მოცემულ კაზუსის შესახებ: „მამისა მათისა აბჯარზედა ირჩოდეს. და გერმანოზ ასრე ისარჩლა: მამამან ჩემმან მისსა სიცოცხლესა შიგა მე მომცაო. ამისი ასრე გვაჩინეთ: თუ გერმანოზ მოწამე იშოვოს და შეაფიცოს ასრე, რომე მამას მათსა აბჯარი და აბჯარისა იარაღი გერმანოზისთვის და ანუ-უმცროსისა ძმისათვის მიეცეს, თუ შეაფიცოს — სხვანი ძმანი ნულარა სთხოვენ. და თუ ვერ შეაფიცოს — მამისა მათისა ეული არის და ისიცა ძმურად გაიყონ“: ქრწყ. II, 351.

¹ XI, თ. IV, § 5.

ლებიც იმიტომ, რომ ისინიც ხმარობენ შეჯავშნულ ცხენებს“¹.
 ღრვად საინტერესო ცნობაა! ექვსი ათასი მძიმედ შეიარაღებული
 მეომარი, შეჯავშნულ ცხენზე ამხედრებული, გარდა ჩვეულებრივ
 ცხენოსან ჯარისა, — ეს სურათი მაშინვე მიგვითითებს იმ საზოგა-
 დობის სოციალურ სტრუქტურაზე, რომელსაც იგი განეკუთვნება.

აქ საყურადღებოა განსაკუთრებული ჩვენება რომ შეჯავშნულ
 ცხენებს ალბანელებიც ხმარობდნენ. ჩვენ სრული უფლება გვაქვს
 სომხეთიდან და ალბანეთიდან ეს დაწესებულება იბერიაშიც გადავი-
 ტანოთ, — თავის ადგილას უკვე ვამბობდით, რამდენი ანალოგიური
 მომენტია ამ ქვეყნების განვითარებაში. გარდა ამისა, სტრაბონი
 ხომ პირდაპირ ამბობს, რომ ალბანელებისა და იბერიელების შეიარა-
 რლება ერთნაირი იყო. ისიც ვიცით, რომ საწარმოო ძალთა განვი-
 თარების მხრივ იბერია ალბანეთზე შორს წინ იდგა და უფრო სომ-
 ხეთს უსწორდებოდა, ხოლო საწარმოო ძალთა განვითარება განსა-
 კუთრებით ადრე სწორედ ჯარის ორგანიზაციაში იჩენს თავს. „ომი
 უფრო ადრე ჩამოყალიბდა, ვიდრე მშვიდობიანობა; [განსამარტებე-
 ლია] ის წესი, თუ როგორ განვითარდა ზოგი ეკონომიური ურთი-
 ერთობა, როგორცაა დაქირავებული შრომა, მანქანები და სხვ., უფ-
 რო ადრე ომის გზითა და ლაშქარში, ვიდრე ბურჟუაზიულ საზო-
 გადობის შიგნით. აგრეთვე დამოკიდებულება საწარმოო ძალასა და
 მიმოსვლა-მიმოზიდვის საშუალებებს შორის განსაკუთრებით თვალ-
 საჩინოა ლაშქარში“².

ასეთ მძიმედ შეიარაღებულ ძველ (მერმინდელ ხანის) ქართველ
 მეომრისგან აქვს გადმოდებული ჰაგიოგრაფს ის აღწერილობა, რო-
 მელიც მას ჰსურს არმაზის კერპის სურათად წარმოგვიდგინოს: „დგა
 კაცი ერთი სპილენძისაჲ და ტანსა მისსა ეცვა ჯ ა ჯ ვ ი ო ქ რ ო მ -
 ს ა ჲ და ჩ ა ფ ხ უ ტ ი ო ქ რო მ ს ა ჲ და ს ა მ გ ა რ ნ ი ესხნეს ფრცხილი
 და ბივრიტი და ჯელსა მისსა აქუნდა გ რ მ ა ლ ი ლესული“³. რა
 თქმა უნდა, ეს ცნობა რამდენიმე საუკუნით გვიანდელია იმ ეპოქას-
 თან შედარებით, რომელსაც აქ ვიხილავთ. მაგრამ, როგორც ვნახეთ,
 მსგავსი საომარი იარაღი ბევრად ადრე შემოდის. არის სხვა მოსაზ-

¹ XI, თ. XIV, § 9.

² მარქსი, პოლიტიკ. ეკონომ. კრიტიკისათვის, გვ. 33.

³ წინოს ცხ., შატბ.: Опис. II, 759.

რებებიც, რომლებიც ამასვე გვარწმუნებს, მაგრამ აქ მათზე ვერ შევჩერდებით¹.

შეჯავშნულ ცხენის შესახებ აგრეთვე საყურადღებო ცნობები მოიპოვება ძველ ქართულ მწერლობაში. ვახტანგ გორგასლის შესახებ, მაგ., მემათიანე ამბობს, რომ ერთ-ერთ ბრძოლაში მეფე „აღჯდა ტაიჭსა, შექურვილსა ჯავშნითა, და ალილო ფარი | მისი ვიგარის ტყავისა, რომელსა ვერა ჰკუთოდა მახვილი“²-ო. სპეციალური ტერმინიც არსებობდა ძველ ქართულში, „თოროსანი ცხენი“, რომელიც სწორედ ასეთს ჯავშნიან ცხენს გულისხმობს. ამ ტერმინს უკვე იგივე ვახტანგის მემათიანე იცნობს. მისი ტექსტის სხვა ადგილებიდან, თუ ტერმინის ასეო მნიშვნელობას გავითვალისწინებთ, ცხელი გახდება რომ შეხუთე საუკუნის ქართულში არსებობდა განსაკუთრებული რაზმი ჯავშნიან ცხენოსნებისა და რომ ჯარისა და სამხედრო საქმის ორგანიზაცია საოცრად მოგვაგონებს იმ პირობებს, რომელიც ამ მხრივ სტრაბონის დროინდელ სომხეთში (და, მაშასადამე, იბერიაშიც) არის საგულისხმებელი. ოსეთს საღაშქროდ წასულ გორგასლის სპა, ე. ი. ჯარი, ასეა აქ აღწერილი: „სპანი იგი წარმოემართნეს განმზადებულნი, ცხენთოროსანი და ჯაჭუ-ჩაბალახოსანი წინათ-კერძო (ე. ი. წინა მხარეს) და მათსა უკან—ქუეითნი, და ქუეითთა უკანით—სიმრავლე მჭედართა, და ესრეთ მიჰმართეს. ხოლო ოვსნი წარმოდგეს ქარაფსა ზედა (ე. ი. კლდეზე) და დაასხეს ისარი, ვითარცა წვიმა მძაფრი. მაშინ მეფე ვახტანგ მოქცეულ იყო სპასა მისსა ზურგით, რჩეულითა მჭედრობითა, უზახებდა, განაძლიერებდა, ნუგეშინისცემდა სპათა მისთა. მაშინ წინათ ცხენთოროსანთა აღვლეს გზა ქარაფისა, აღვლეს ვაკესა, და აღუღდეს უკან ქუე-

¹ ეხლახან გამოქვეყნდა ერთი მონოგრაფია, А. Аширанашвили.—Новая история в низовьях р. Ингура, ტფილისის სახ. უნივერსიტეტის გამოც. 1925 წ. სადაც აღწერილია სამეგრელოში ნაპოვნ ერთი სამარხის ინვენტარი, რომელშიაც აღმოჩნდა, სხვათა შორის, ჯავშანიც. მკვლევრის აზრით, ეს არის ნაშთი ერთ-ერთი სატომო თავადის, პატარა მეფის, მომავალ ფეოდალების არამორეულ წინაპრის, მამაკაცის სამარხისა“ და ეკუთვნის I ს. მეორე ნახევარს—II ს. დამდეგს ახ. წ., გვ. 71—ჩვენს შემთხვევაში, უკვე მთელი რაზმია ასეთ ჯავშანში ჩამჯდარი

² ჯუანშერი, მარ. 132.

ითნი და შემდგომად — სიმრავლე მკედართა, და იქმნა ბრძოლა ძლიერი მათ შორის“¹. მაშასადამე, ქართლის ჯარი შესდგება ქვეითობისა, ჩვეულებრივ მხედრობისა, სპეციალურ სამხედრო ნაწილისა, რომელსაც ჯავშნიანი ცხენები ჰყავს, და, დასასრულ, რჩეულ მხედრების, ალბათ მცირე, რაზმისაგან, რომელიც, როგორც ჩანს, მეფის მცველია. ბრძოლის პროცესში ჯავშნიანი ცხენოსნები ავანგარდს შეადგენენ, მათს უკან ქვეითობა დგას, არიერგარდში-კი ჩვეულებრივი მხედრობაა. ცხადია, თუ რამდენად განვითარებულს საწარმოო ძალებსა და სოციალურ დიფერენციაციას გულისხმობს ჯარის ორგანიზაციის ეს ტიპი მოტანილ ფაქტების სინათლეზე. ეხლა ჩვენთვის გასაგები უნდა იყოს ნამდვილი მნიშვნელობა ქსნის ერისთავების ანალიზით-ცნობისა, რომ როდესაც ჩვენთვის უკვე ნაცნობს როსტომ ბიბილურს მეფემ ერისთავობა უწყალობა, ამასთან ერთად უბოძა სათანადო გარეგნული ნიშნებიც: „...შემოსა სამოსლითა მით, რომელ ემოსა მაშინ | მეფესა, და შეაცვა ბეჭედი და საყურე და სარტყელი თვისი, საჭურველი და ცხენი თოროსანი, დროშა და შუბი“-ო“². მაშასადამე, ერისთავს დანარჩენ მასისაგან განასხვავებდა, გარეგნულ ნიშანთა შორის, განსაკუთრებული იარაღი, საჭურველი, დროშა, შუბი და, აგრეთვე, თოროსანი, ჯავშნიანი ცხენი.

იბერიის მეფეს, აღწერილ „სახალხო“ ლაშქრის გარდა, რომელიც, როგორც ვთქვით, თავდაპირველად მხოლოდ განსაკუთრებულ შემთხვევაში იკრიბება, რა თქმა უნდა, ჰყავს სპეციალური რაზმი, უფრო მუდმივ ხასიათისა. წინააღმდეგ შემთხვევაში მისი უფლება ჰაერში იქნებოდა განოკიდებული. ვისგან შესდგება ეს რაზმი? კონკრეტული ცნობა ამის შესახებ შენახული არ არის. შეიძლება ვიფიქროთ, რომ აქ ნაწილობრივ მონებიც არიან. მონები პართიის სამეფო ჯარში მნიშვნელოვან კონტინგენტს შეადგენდნენ. მოვიგონოთ აგრეთვე როსტომ ბიბილურის რაზმის შემადგენლობა. „ოვსეთიდან“ გარდმოხვეწილნი, დვალეთში მოდიან ძმები „როსტომ, ბიბილა, წითლოსან და ძენი მათნი, სამეოც და ათითა მონითა კეთილითა“³. შემდეგ დვალთაც თავიანთ ქვეყანაში მათი ყოფნა აღარ ჰსურთ და როსტომს და მის ძმებს აძევენ: „ალიყვა-

¹ ჯუანშერი, მარ. 134, ბრ. 119.

² ქრნე. II, 4.

ნეს და მოასხნეს ჳევსა ისროლისასა, ნაკათოვანს, როსტომ და ყოველნი ძმანი და მონანი მისნი“. აქ როსტომი ცხრაზმისხვევლებს ჳშველის გრუვის ციხის აღებაში: „მაშინ მოვიდა როსტომ ძმითა და სამეოცდაათითა მონითა და წარუძღვა წინა, ვითარცა ლომი ზახილთა და ვითარცა ვეფხვი სიფიცხითა, ვითარცა ჳიქი სიმხნითა“¹. მაშასადამე, თვით ოჯახის წევრებს გარდა, როსტომის რაზმი მხოლოდ მონებისაგან, „კეთილ“ (—კარგ, ვარგებულ) მონებისგან, იყო შემდგარი.

ამ მონათაგან ზოგი, შესაძლოა, გააზატებულცი ყოფილიყო და მეფის კარზე უბრალო რაზმელის თანამდებობაზე ზევით დაწინაურებულიყო. მაგრამ გარდა ამისა მეფის რაზმში უეჭველია იმთავითვე თავისუფალნიც იქნებოდნენ. თუ ისეც ბიბლიურთა გაერისთვის ეპიზოდს მივმართათ საანალოგიოდ, ეს პირნი იმ კატეგორიას ეკუთვნიან, საიდანაც გამოსული არის ლარგვისის მამასახლისი, გუგაკ ზუციანდაბისძე, მთავარი დასაყრდენი როსტომისა მის შემდგომ კარიერაში. ესენი „ერისგანნი“, მესამე გენეს წევრები, არიან. ~~ეკონომიური დიფერენციაციის შედეგად მათ უკვე თავის სოციალურ წრეშიაც გარკვეულ აღზევებებისათვის მიუღწევიათ. ასეთ პირებს შესაძლოა ეკიროთ როგორც სამხედრო, ისე საერო სახელმწიფო თანამდებობანი. რაც უფრო მეტად იტვირთებიან ისინი აქ, მით უფრო და უფრო მკვეთრად ეთიშებიან საკუთარს სოციალურ გარემოს. რაც უფრო მეტად იტვირთებიან ისინი სამხედრო და სახელმწიფო სამსახურში, მით უფრო და უფრო მეტად ცდილობენ ისინი საკუთარ ნეურნეობის გაძლოლისა და მოვლის ტვირთი სხვას გადააყისრონ. ასე იქმნება სრულიად გარკვეული სოციალურ-ეკონომიური ურთიერთობა.~~

ამ სამეფო გვარდიას საკუთარი სახელწოდებაც უნდა ჳქონოდა, მაგრამ ამის შესახებ ჩვენ სხვა ადგილას ვისაუბრებთ.

ჩვენ მოკლებული ვართ საშუალებას, წყაროების მდგომარეობის მიხედვით, სასურველ სისრულით გავითვალისწინოთ შემდგომი პროცესი „ერის“ დიფერენციაციისა და მისგან ამ ახალი საზოგადოებრივი და ეკონომიური ზედაფენის ცალკე წრედ გამოყოფისა,

¹ ქრც. II, 4.

მაგრამ კანტი-კუნტად მაინც ჩნდება გარკვეული ცნობები, რომლებიც ყოველშრივ უნდა იქნან გამოყენებულნი.

§ 12. „მარის“ განვითარებაში ჩვერ ამ განვითარების პირობების შესა-
რამის გარამბანი ხებ. რომაელთა შემოსვლას ჩვენში უეჭვე-
პირობებში ლად უნდა დაეჩქარებინა ეს პროცესი. რო-

მაელებს თან მოჰყვა და ნაწილობრივ თვით მათ მოიტანეს ბევრად უფრო უფოთიანი (სოციალურად) დრო, ბევრად უფრო დაჭიმული, საომარ მოქმედებითა და სამხედრო საჭიროებებით საესე, ხანა, ვიღ-რე ეს იყო მანამ (რამდენადაც ასეთი დასკვის გაკეთების უკლებლად გვაძლევენ მოღწეული წყაროები). ომიანობა, რა თქმა უნდა, წინათაც იყო, მაგრამ ეს უნდა ყოფილიყო ადგილობრივი თავდასხმები, წვრილი თარეშები და სხვ. ახლა-კი უკვე მსოფლიო მასშტაბის ბრძოლები წარმოებს. სასტიკი ბრძოლები მითრიდატსა და მის მოკავშირეებთან, შემდეგ ამტყდარი მრავალსაუკუნოვანი სამკედრო-სასიცოცხლო ომი რომაელებსა და ირანელებს შორის, რომელიც სულ უფრო და უფრო ითრეეს თავის სფეროში ამიერ-კავკასიასაც, რომაელთა მუდმივი სამხედრო საზღვრები ჩრდილოეთ საზღვრებზე, თვით ადგილობრივი თავდასხმებისა და თარეშების ახალი ხასიათი და მიმართულება (ამის შესახებ ქვემოთ), — ყოველივე ამას არ შეიძლებოდა თავის დალი არ დაეჩინა აქაურ ცხოვრებისათვის. მოვიგონოთ თუნდაც, თავის ადგილას აღწერილი, ბრძოლა სამხეთისათვის I ს-ში ახ. წ., რომელშიაც იბერიის სამეფო დინასტია სომხეთის ტახტის პრეტენდენტად გამოდის, — ბევრი რამეა ამ ეპიზოდში საგულისხმო. ასეთი მოვლენები იწვევდნენ სახელმწიფო და სამხედრო აპარატის გართულებას, მონარქიის გაძლიერებასა და მისი ხახიათის შეცვლას სამხედრო-სამოხელეო მიმართულებით და იმ ახალ სოციალურ ძალების ზრდას, რომლებსაც უნდა დაეყრდნოს ქართლის ძველი სამეფო ხელისუფლება.

თავისთავად ცხადია, თვით რომის მთავრობის რეჟიმი, ჩვენს ქვეყანაში დამყარებული, განსაკუთრებით მას შემდეგ, რაც აქ რომაელებმა მტკიცედ მოიდგეს ფეხი, ბორკავდა და აფერხებდა ქვეყნის განვითარებას.

§ 13. „მარის“ განვითარების შინაგანი პირობები. მუშაობა. შრომის საზოგადოებრივ განაწილების სახე, ალბ-მიცემა.

მაგრამ ომს არ შეუძლია არაფრისგან ახალი საზოგადოებრივი ურთიერთობა შექმნას. ქართულ ფეოდალიზმის დეკადანსის ეპოქაში ბრძოლა და თარეში უფრო უხვადაც არის მოცემული, მაგრამ ეს უკანასკნელი კაპიტალიზმის წყარო კი არ არის,—იგი კიდევ უფრო ანიავებს ქვეყნის საწარმოო ძალებს და კიდევ უფრო აგვიანებს ახალ ეკონომიკურ.

ეპოქის დადგომას. საკირო იყო შინაგან პირობების მომწიფება რომ ეს გარეგანი ფაქტორები წინწამბიძგებელ სტიმულის როლში გამოსულიყვნენ.

ყოველგვარ კლასობრივ სტრუქტურას საფუძვლად შრომის საზოგადოებრივი განაწილება უძევს. ახალ სოციალურ კლასების წარმოშობის ფესვებიც ამ სფეროში უნდა ვეძიოთ. შრომის საზოგადოებრივ განაწილების ძველი წესის ნიადაგზე ~~პირველ თავში აღწერილი საზოგადოება და სახელმწიფო წარმოიშვა. როგორც ვამბობდით. შესაძლოა ამ საზოგადოების წარმოშობა საქართველოს ტერიტორიის გარეთ ვიგულისხმოთ. საქართველოს მიწა-წყალზე დამკვიდრების შემდეგ მეურნეობის ხასიათი უნდა შეცვლილიყო თანდათანობით (ეს განსაკუთრებით აღმოსავლეთ საქართველოზე ითქმის). ვითარდება მიწისმოქმედება მემინდერეობის მიმართულებით. ვრცელდება, ჩანს უფრო ფართოდ, ვიდრე ეს იყო მანამდე, პურეული კულტურები, ზოგიერთ რაიონებისათვის განსაკუთრებულ გავრცელებას პოულობს მესაქონლეობა, სოფლის მეურნეობაში კიდევ განსაკუთრებული მნიშვნელობა უნდა ეთამაშა მევენახეობისა და მღვინეობის განვითარებას. ვენახსა და ღვინოს ქართველი ტომები, საფიქრებელია, თავის ძველ სამშობლოშიც იცნობდნენ. მაგრამ განსაკუთრებული წონა მეურნეობაში მევენახეობას ახალ ტერიტორიაზე დამკვიდრების შემდეგ უნდა მიაღწია (ამის შესახებ სპეციალურ ნარკვევში ვისაუბრებთ). მევენახეობას ამ დროს საქართველოს მეზობლად მდებარე მრავალ ქვეყანაში მისდევენ, თუშქცა საწარმოო ძალთა განვითარების საერთო დონის მიხედვით თვით მევენახეობის კულტურაც აქ სხვადასხვა სიმაღლეზეა ასული. აღმოსავლეთი საქართველო, ამ მხრივ, საფიქრებელია, უფრო ახლო იდგა ბოსფორთან (ყირიმში), ვიდრე ალბანეთთან, რომლის შესახებაც თავის ადგილას~~

ვსაუბრობდით. ბოსფორში-კი ეს კულტურა საკმაოდ მაღალ საფეხურზე იყო ასული. ჩვენ ვიცით, რომ აქ ვ ა ზ ს ს ა ზ ა მ თ რ ო დ მ ი წ ა შ ი ჰ ფ ლ ა ვ დ ნ ე ნ (მაშასადამე, ვენახი დაბლარია) ¹. ღვინოს ბოსფორელებისათვის სამრეწველო მნიშვნელობა ჰქონდა: ქალ. ტანაისში, რომელიც მდ. დონის შესართავთან მდებარეობდა და რომელიც „პანტიკაპეას შემდგომ ყველაზე დიდი სავაჭრო-საბაზრო პუნქტი იყო ბარბაროსებისათვის“ ², ღვინო გაცვლა-გამოცვლის ერთი ყველაზე მნიშვნელოვანი საქონელთაგანი იყო: თუ აზიელი (მაშასადამე, ჩრდილოეთ კავკასიის) და ევროპელი ნომადები აწოდებდნენ ამ ბაზარს მონებს, ტყავ-ბეწვეულსა და სხვას, მათი მეურნეობის, პროდუქტს, ბოსფორიდან ზღვით მოსულ ხალხებს მოჰქონდათ აქ თურმე სამოსი, ღვინო და სხვა მსგავსი საქონელი ³. უეჭველია, რომ ეს ტომები სწორედ ღვინოს ეტანებოდნენ განსაკუთრებით ხარბად. ამასთან ერთად, ამ ღვინის მუშტარ ტომებს სამხრეთიდან სწორედ საქართველო (კერძოდ და პირველ რიგში — იბერია) ეკრა. ამიტომ სრულწილად ბუნებრივია — მივიღოთ რომ მათ ღვინო ქართველ (კერძოდ — იბერიის) ტომთაგანაც შეეძლოთ შეეძინათ. იბერიასთან სარმატიას ისეთი ჩინებული გზა აკავშირებდა, როგორცაა დარიალის ხეობა. მაშასადამე, იბერიისთვისაც ამ დროს უკვე მეღვინეობას სამრეწველო მნიშვნელობა შეიძლება ჰქონდეს, შესაბამისად, თვით კულტურაც (აქ ყოველთვის, უწინარეს ყოვლისა, იბერიას ვგულისხმობთ) შედარებით მაღალი უნდა იყოს. ვენახი იბერიაში დაბლარია, ჩანს (სტრაბონის შენიშვნები ალბანურ ვენახების მდგომარეობის შესახებ ალბათ აგრეთვე დაბლარს გულისხმობენ).

რაკი მეღვინეობას სამრეწველო ხასიათი შეიძლება ჰქონოდა, სათანადო მეურნეობანიც უნდა გაჩენილიყვნენ. მოთხოვნილების ზრდას ამ საქონელზე სათანადო მეურნეობათა გაფართოების ცდა უნდა გამოეწვია და, შესაბამისად, საჭირო მუშახელის საკითხიც უნდა გაეჩინა. ბუნებრივია, რომ თავდაპირველად აქ მონის შრომა გამოეყენებინათ, და სწორედ ამ მეურნეობის სფეროში შეიძლება | მონათმფლობელურ წარმოების წესის თავისებურებას დავაკვირ-

¹ სტრაბონი, გეოგრაფია, II, თ. I, § 16; VII, თ. III, § 18.

² იქვე, VII, თ. IV, § 5.

³ იქვე, XI, თ. II, § 3.

დეთ. ეს კულტურა იმდენად რენტაბელურია რომ მონის შრომას შეუძლია აქ თავის თავი გაამართლოს ეკონომიურად. მაგრამ ეს იმ აუცილებელ პირობით, რომ მონის შრომა აქ გამოყენებულია მეურნეობის პატრონის უმეშვეო მეთვალყურეობის პირობებში. ვაზი იმდენად სათუთი მცენარეა, რომ ამ მეთვალყურეობის შესუსტების შემთხვევაში იგი მონის თავისდამი დამოკიდებულებას ვერ აიტანს. როცა მეურნეობის მესაკუთრე იძულებულია უფრო ხანგრძლივად მოსწყდეს თავის მეურნეობას, ეს გარემოება უფრო მკაფიოდ იჩენს თავს, საჭირო ხდება წარმოების ახალ წესზე მოწყობა. აქ იბადება ეკონომიკური შესაძლებლობა მონის შრომის შეცვლისა ყმის შრომით.

ამ ახალ ხანას საერთოდ უნდა გაეფართოებინა საქართველოში სააღებმიცემო ბრუნვის წრე. ეს სრულიად არ ეწინააღმდეგება ჩვენს ~~მაკრ შეროო თქმულს~~ ამ ეპოქის ომიან ხასიათის შესახებ: ომი და ვაჭრობა ამ დროს მკვიდროდ არის დაკავშირებული და კონკრეტულ მდგომარეობის შესახებ ჩვენ კონკრეტულ მასალებზე მიხედვით უნდა ვიმსჯელოთ.

ამ მხრივ საყურადღებოა რომაულ ფულის ტრიალის ფაქტები ჩვენში. პირველი საუკუნის დამლევდიან ჩვენს ერამდე ამიერ-კავკასიაში შემოაქვთ რომაული დინარი (ყერძოდ, ავგუსტოსის ფული) აუარებელ რაოდენობით. სპეციალისტების მტკიცებით, როგორც აღმოსავლეთს, ისე დასავლეთ საქართველოში კუთხე არ მოიპოვება ისეთი, სადაც ეს რომაული მონეტა ნაპოვნი არ იყოს. შემდეგში მოთხოვნილება ფულის ნიშნებზე იმდენად იზრდება, რომ მას ვიღარ აკმაყოფილებს მათი გარედან შემოსული მასა და, ისევე როგორც ძველად, თავის დროზე, ადგილობრივ სჭიან ფულს რომაულ დედნის მიბაძვით. შემდეგში თვით ეს მიწაბაძი იქცევა ორიგინალად ახალ მიბაძვისათვის და ა. შ. ეს მიბაძვით მოჭრილი ადგილობრივი ფული, სპეციალისტების დასკვნით, ეკუთვნის I—II სს. ჩვენი წელთაღრიცხვით¹. ყოველივე ეს აშკარად მიუთითებს გაცვლა-გამოცვლის სიციხოველზე ამ ხანაში. ამ პროცესის გაფართოებას ხელს უწყობდა, გარკვეულ დრომდე, საქართველოს მეზობლად მდებარე ტერიტორიის ერთ პოლიტიკურ სუვერენიტეტის ქვეშ მოქცევა, და, მათთან და, სხვადასხვა ხალხების წინანდელზე მეტად დაახლოება ერთმანეთთან. სტრაბონი ამბობს: „...„აზიაში მთელი ჩვენი სანაპირო ემორ-

¹ Шаховов, Монеты Грузии, 10—12.

ჩილება მათ (რომაელებს). თუ სათვალავში ახეების, ზიგებისა და ენოხების მიწებს არ ჩაეადგებო, სადაც მწირსა და ვიწრო ადგილებში ეს ხალხები ყაჩაღურსა და მომთაბარე ცხოვრებას ეწევიან. რაც შეეხება ხმელეთს აზიის შუაგულისაკენ, ნაწილობრივ იგი რომაელებს ეკუთვნის, ნაწილობრივ-კი — პართელებსა და მათ ზემოთ მცხოვრებ ბარბაროსებს... მაგრამ აქაურობისაგანაც ყოველთვის ზოგი-რამ რომაელების ხელში გადადის. ამ რომაულ სამფლობელოს ერთი ნაწილი შეფეთა მმართველობის ქვეშ იმყოფება, ნაწილს-კი თვით რომაელები ჰფლობენ, გადააქციეს რა იგი პროვინციად, სადაც ჰგზავნიან მმართველებსა და ხარკის ამკრეფლებს. არის აგრეთვე თავისუფალი ქალაქებიც, რომელთაგანაც ზოგთ იმთავითვე დაამყარეს რომაელებთან მეგობრული კავშირი, სხვებმა-კი თვით მიიღეს უკანასკნელთაგან თავისუფლება, რჩეულობის ნიშნად. მათი მფლობელობის ქვეშ იმყოფებან სგრეთვე ზოგიერთნი მთავარნი, ერისთავნი და ქურუმნი, რომელნიც მამაპაპეულ კანონებით ჰმართავენ¹. მაშასადამე, მთელი წინააზია ამ დროს ორ დიდ ეკონომიკურ-კულტურულ — რომაულ და პართულ — სამყაროს ორბიტაშია მოქცეული. ჩრდილოეთიდან მათ სარმატია ეკვროდა, ამიერ-კავკასია-კი შუაში იყო მოყოლილი. ასეთ პირობებში საქართველოს სააღებ-მიცემო კავშირმა ამ ქვეყნებთან განვითარების უფრო ხელსაყრელი პირობები მოიპოვა. რანაირია ამ აღებ-მიცემის ეკონომიკური და სოციალური ხასიათი და რა არის მისი საგანი? რა თქმა უნდა, მისი მოცულობა და ეკონომიკური მნიშვნელობა ბევრად უფრო მცირეა, ვიდრე მერმინდელ (თუნდაც IX—X) საუკუნეებში. სტრაბონის ცნობით, როგორც ვიციით, კოლხეთი მდიდარია ხე-ტყით, სელით, კანაფით, ცვილითა და ფისით, გარდა ამისა აგრეთვე ნაყოფითაც (ხილით?)². ეს სიტყვები ალბათ იმას გულისხმობენ რომ აღნიშნული საქონელი აქაურ ბაზარზე იზოვება უცხოელ ვაჭრებისათვის. ასეთი-ვეა, საფაქრებელია, იბერიის ბაზრის მდგომარეობაც. აღნიშნულ საქონელს უნდა დავუმატოთ, ზემოთქმულის მიხედვით, ღვინოცა და განსაკუთრებით-კი, მონებიც.

ზემოთ დავრწმუნდით, რომ მოპარვა-მოტაცებისა და წვრილ თავდასხმების გზით მოპოვება მონებისა ამ დროს საერთოდ ვრცელდება რომის იმპერიაში, და რომ, კერძოდ, ეს მოვლენა ფართო ხა-

¹ სტრაბონი, XVII, თ. III, § 24.

² იქვე, XI, თ. II, § 17.

სიათს იღებს შავი ზღვის კავკასიურ სანაპიროზე. ისიც ვნახეთ, რომ მონების ერთს უმდიდრეს წყაროთაგანს საქართველოს მოსაზღვრე სარმატია შეადგენს. ამიტომ ბუნებრივი იქნება ვიფიქროთ, რომ ამ ხანის ის რომაული ფული, რომელიც ასეთი რაოდენობით არის შენახული ჩვენი ქვეყნის ნიადაგში, სწორედ მონებშია დახარჯული. თავის ადგილას დავრწმუნდით, რომ ადამიანების ტაცება შავი ზღვის კავკასიურ სანაპიროზე ამ დროს ზოგიერთ ტომებისათვის ნამდვილ პროფესიად არის გადაქცეული. ასეთი ხელობა, რა თქმა უნდა, საქართველოშიც იქნებოდა გავრცელებული. რიცხვი ასეთ პროფესიონალებისა, რომელნიც ადამიანებზე ნადირობდნენ, თანდათან უნდა გამრავლებულიყო სწორედ რომაელთა წაქეზების წყალობით. ალბათ ბევრი რამ საქართველოს ანდროინდელ ისტორიაში სწორედ ამ ფაქტების ნიადაგზე აიხსნება.

ეს ადამიანის მტაცებელი იმავე დროს თავიანთ საქონლის უმეშვეო ვაჭრებიც არიან. აქ მკლავდება ამდროინდელ აღებ-მიცემის საერთო სოციალური ხასიათიც. საეკვოა რომ ამ ეპოქაში უკვე არსებობდეს მნიშვნელოვანი ჯგუფი ისეთ ადგილობრივ მკვიდრთა, რომელნიც მხოლოდ ვაჭრობას მისდევენ. ბაზარზე გამოსულ პირთა უდიდეს უმრავლესობისათვის ზაზისს მანც საკუთარი სოფლის მეურნეობა შეადგენს. წარმოშობით ეს პირნი იმავე „ერს“ ეკუთვნიან.

დავასკვნათ: ჩვენ ვფიქრობთ, რომ ქრისტიანულ წელთაღრიცხვის დასაწყისისათვის „ერში“, „ყოველ ერში“ (მესამე „გენეში“), ეკონომიკურ დიფერენციაციის ნიადაგზე, უკვე მკაფიოდ ირკვევა მთელი კატეგორია ადამიანებისა, რომელნიც ფორმალურ-სოციალური მნიშვნელობით („წოდებრივად“) ჯერ თავიანთ წრეს („გენეს“) არ გამოპყოფიან, მაგრამ არსებითად დანარჩენს მასაში რელიეფურად ერჩევიან. უმეტესწილ შემთხვევაში, მათი მეურნეობა უფრო მსხვილია და ბაზართან უფრო დაკავშირებული. ასეთი გამსხვილება შესაძლებელი ხდება ზოგიერთ განსაკუთრებით რენტაბელურ კულტურების (კერძოდ — მევენახეობის) ნიადაგზე. საჭირო დამატებითს მუშახელს ასეთ მეურნეობაში თავდაპირველად მონები წარმოადგენენ. ეკონომიკურ შეძლების საფუძველზე და შეიარაღების განსაკუთრებულ ტიპის არსებობის პირობებში ეს პირნი შეადგენენ ძირითად კონტინგენტს გაპროფესიონალების გზაზე დამდგარ მეომრებისას, რომელთაც ამას გარდა, ამავე ნიადაგზე, მოეპოვებათ

რეალური საშუალება სახელმწიფო და სამხედრო სამსახურში დაწინაურებისა. ეპოქის საერთო პირობები ხელს უწყობენ ამ სოციალურ ტაპის შემდგომს დასრულებას, გამოკვეთას. ამ პირობათა შორის პირველხარისხოვანი მნიშვნელობა ენიჭება მონათვაქრობას, რომელიც აქ აღამიანთა პარვა-ტაცებასთან განუყრელადაა დაკავშირებული. ეს ხელობა, ჯერ ერთი, შემოსავლის უმდიდრესი წყაროა, შემდეგ იგი ზრდის პროფესიონალ მეომართა თვისებებს, ამრავლებს თვით ამ მეკობრე-მეომართა რიცხვს და ხელს უწყობს, საფიქრებელია, ისეთ პირთა ცალკე რაზმების წარმოშობას, რომელთაც მეტნაკლებად მუდმივი ხასიათი და გარკვეული სტრუქტურა (ერთგვარი იერარქიის საფუძველზე) აქვთ.

**§ 14. ძართლის მან-
ვითარება I—II ხ. ხ.** ნაწვეტ-ნაწვეტი ცნობები მერმინდელ საუკუნეებიდან ადასტურებენ მოცემულ მოსაზრებას. მეორე საუკუნის პირველ ნახევარში, ბერძნულ-რომაულ ცნობებით, იბერიაში მეფობს ფარსმანი, რომელთანაც კავშირის შენარჩუნებას რომაელი იმპერატორები, როგორც ჩანს, დიდს მნიშვნელობას ანიჭებენ და ამ კავშირის განმტკიცებას, კერძოდ, პირად ურთიერთობითაც ცდილობენ. როცა ფარსმანი ცოლ-შვილით აღრიანე კეისარს (117—138 წ. წ.) რომში ეწვია სტუმრად ძვირფას საჩუქრებით, იმპერატორმა საპასუხოდ თვითონაც ისე დაასაჩუქრა იბერიის მეფე, რომ არც ერთ სხვა მეფისათვის მას ამდენი არ მიუცია, თუმცა ბევრს მიუღია მისგან აუარებელი საჩუქარიო. ფარსმანს იმპერატორმა, სხვა დიდებულ საჩუქრებს გარდა, გაუფართოვა ტერიტორია და მიუძღვნა სპილო და ხუთას მხედრის აგან შემდგარი რაზმი. სპილოსაც საომარი დანიშნულება უნდა ჰქონოდა (VI საუკუნისათვის, უფრო მდიდარ წყაროთა წყალობით, ვიცით რომ ამ-კავკასიის ტერიტორიაზე მოქმედ ჯარებში, მაგ., ირანულ ჯარებში, საომარი სპილოები ჩვეულებრივი მოვლენაა). უკვე ეს გარემოება ძალიან დამახასიათებელია და გარკვევით მიუთითებს იბერიის მონარქიის ძლიერ განვითარების შესახებ სამხედრო მიმართულებით. ფარსმანს, ჯერ ერთი, სათანადო სამხედრო მოთხოვნებიანი უნდა ჰქონოდა, რაკი მას ასეთს თავისებურ ძღვენს აძლევდნენ. შემდეგ, მას თვითონაც უნდა ჰყოლოდა ასეთი მუდმივი რაზმებიც, და, საფიქრებელია უფრო ძლიერიც, რომ ამ უცხოელებს, სამეფო კარზე რეალურ ძალთა, მეფისათვის არასასურველი, განწყობილება არ

შეექმნათ. მეტიც: ფარსმანის ამაღლება, რომელიც მეფეს რომში თან ჩაპყვა, როგორც ეს ქვემოთაა მოხსენებული, თავისთავადაც კეისრის მიერ ნაჩუქარ რაზმზე პატარა არ უნდა ყოფილიყო, რომ სტუმარს ასეთ საჩუქრისათვის ექვის თვალთ არ შეეხედა და იგი თავის საპატიო დატყვევების ცდად არ მიეჩნია. შემდეგ ისტორიკოსი მოგვითხრობს: აღრიანემ ფარსმანს „ნება მისცა მსხვერპლი შეეწირა კაპიტოლის ტაძარში, მისი (ფარსმანის) ცხენოსანი ქანდაკება მარსის ველზე დააღმგვეინა და უმზერდა, თუ როგორ ვარჯიშობდნენ თვით (ფარსმანი), მისი შვილი და სხვა პირველი (= მთავარი, წარჩინებული) იბერები აბჯარში“¹. მაშასადამე, მეფის ამაღლებაში, რომელიც, როგორც ვთქვით, გრავალრიცხოვანი უნდა ყოფილიყო, წარჩინებულები ქართველებიც ყოფილან. მათს წარჩინებულებას უკვე ის ფაქტიც ადასტურებს რომ ისინი მეფესა და მის შვილთან ერთად ვარჯიშობენ. ეს ვარჯიშობა ალბათ ცხენზე წარმოებს, და იქნებ სწორედ ამიტომ დააღმგვეინა კეისარმა ფარსმანის ცხენოსანი ქანდაკება. დაუჩერებელიცაა რომ ასეთი პატივით მიღებულს იბერიის მეფეს ქვეითად ეხტუნა იმპერატორის წინაშე. შემდეგ, საყურადღებოა ცნობა რომ ქართველები ვარჯიშობდნენ აბჯარში (ἐν ἄβυδον)². რადგანაც ჩვეულებრივად სხვა გამოთქმებში (კერძოდ — კომპოზიტებში) ეს სიტყვა მძიმე (პოპლიტის) შეიარაღებას გულისხმობს, ამიტომ შეიძლება ვიფიქროთ, რომ ცხენოსანი იბერები მძიმედ შეჯავშნულნი ვარჯიშობდნენ. წარჩინებული ერისკაცები, რომელნიც მძიმედ შეკუთვნილნი ასპარეზობენ და ცხენს ისე ხმარობენ, რომ იმპერატორის აზიზ კარის ყურადღებასაც იმსახურებენ — ეს სურათი ჩინებულად მოწმობს რომ ფეოდალურ კლასის სოციალური წინაპრები უკვე საკმაოდ გაზრდილან და თავიანთს საზოგადოებრივ სიჭაბუკეს უახლოვდებიან. თუ რომელს ადგილობრივ ტერმინს უნდა შეესატყვისებოდეს ბერძნულ ტექსტის „პირველნი“, ქვემოთ ვნახავთ.

კიდევ უფრო საინტერესოა ცნობა, რომე-
 § 15. ლახ. სატარტოვე-ლიც ამავე ხანისაა და უკვე დასავლეთ სა-
 ლოს ვითარება II ს. ქართველოს გულისხმობს. ეს ცნობა ეკუთ-
 ნის რომის ერთს მცირეაზიელ მოხელეს, ფლ. არიანეს, რო-

¹ დიონ კასიუსი, SC I, 622.
² იქვე.

მელიც რომის პროვინციის, კაბადუციის, მმართველი იყო და რომელმაც 134 წ., ახ. წ., — ალბათ თავის მთავრობის დავალებით და საინსპექციო მიზნით, — მოიარა შავი ზღვის აღმოსავლეთი სანაპირო და იმპერატორს სათანადო წერილობითი ანგარიში: პიართვა. არიანეს მიერ წარმოდგენილი სურათიდან ჩანს, რომ ქ. ტრაპეზუნტიდან მოყოლებული ძდ. ბზიფის ხეობამდის (აფხაზეთში), ერთმანეთის მეზობლად, შემდეგი ტომები სახლობდნენ: სანები, მაკრონები და ჰენიოხები, ზუღრეიტები, ლაზები, აფსილები; აბასკები და სანიგები. ამ ტომთაგან საკუთრივ დასავლ. საქართველოს, ან უფრო ზუსტად რომ ვთქვათ, გურია-სამეგრელო-აფხაზეთის ტერატორიაზე უცხოვრიათ ლაზებს, აფსილებს, აბასკებსა და სანიგებს.

სამწუხაროდ, არიანე არაფერს გვეუბნება ამ ტომების შინაგანი მდგომარეობისა და მათი ურთიერთობის შესახებ. მაგრამ იმ ძუნწი მითითების მიხედვით, რომელიც ავტორს მოეპოვება სამთავროთა პოლიტიკურ ვითარებაზე, შეიძლება მაინც რამდენიმე, ზოგადოხასიათის, დასკვნა გამოვიტანოთ.

არიანე, სახელდობრ, წერს: „ლაზების მეფე არის მალასა (თუ — მალაშა), რომელმაც თავისი ხელისუფლება, მეფობა, მიიღო შენგან (ე. ი. ადრიანე კეისრისაგან). ლაზებს მეზობლობენ აფსილები. მათი მეფეა იულიანე, რომელმაც თავისი ხელისუფლება, მეფობა, მიიღო მამაშენისაგან (ე. ი. ტრაიანე კეისრისაგან). აფსილების მეზობლები არიან აბასკები, რომელთა მეფეა ჰრესმაგა. ამანაც თავისი ხელისუფლება, მეფობა, შენგან მიიღო. აბასკების გვერდით სანიგებია, რომელთა ქვეყანაში მდებარეობს სევასტოპოლისი; სანიგების მეფემ სპადაგამ თავისი ხელისუფლება, მეფობა, შენგან მიიღო“.

ჩვენ ვფიქრობთ, რომ ამ ცნობის ნიადაგზე შესაძლებელია გარკვეული დებულების წამოყენება აღწერილ პოლიტიკურ წარმონაქმების შესახებ. რაკი ლაზების, აფსილების, აბასკებისა და სანიგების „მეთაურებს“ თავიანთი უფლებები რომის კეისრების საგან ჰქონიათ მიღებული, და არა საკუთარი საზოგადოებისაგან, ცხადია, რომ ისინი ტომურ-გვაროვნულ საზოგადოების ბელადებად ვერ ჩაითვლებიან და ვერც მათი საგამგეო მიიხნევა ტომურ-გვაროვნულ ორგანიზაციად.

შემდეგ: თუ ეს „მეფეები“ გვაროვნულ საზოგადოების მსახურნი-კი არ არიან, არამედ უკვე პატარა „ბატონების“ როლში გვევლი-

ნებიან, აშკარაა რომ მათი ხელისუფლების დასაყრდენად საკმარისი არ იყო ის რომაული გარნიზონები, რომლებიც მხოლოდ ფაზისსა (ფოთი) და სევასტოპოლში (სოხუმი) მდგარან. ეს წერილი მფლობელნი, — რომელნიც, უეჭველია, ადგილობრივი მკვიდრნი უნდა ყოფილიყვნენ (ამას. სხვათა შორის, მათი სახელებიც: მალაშა, პრეს-მაგა, სპადაგა მოწმობს), — ხომ რომელიდაც ადგილობრივს საზოგადოებრივ ძალებსაც უნდა დაჰყრდნობოდნენ. ყოველივე ეს უკვე გარკვეულს სოციალურ დიფერენციაციას გულისხმობს.

ზემოთქმულთან დაკავშირებით, უკვე შემთხვევითი არ გვეგონია ის გარემოება, რომ არიანე უწყებულ ტომთა მეთაურებს „ბასილევს“-ს, მეფეს, ეძახის, მათს ხელისუფლებას კიდეც — „ბასილეია“-ს: „ბასილეია“ აქ აღნიშნავს როგორც ხელისუფლებას ზოგად, ისე, საფიქრებელია, ამ ხელისუფლების ხასიათსაც, ამ ბერძნული სიტყვის იმ დროს გაბატონებული აზრით. რომ ეს ასეა, ამას არიანეს დოკუმენტის იმავე პარაგრაფის ერთი საყურადღებო ცნობა გვიდასტურებს. შავი ზღვის სანაპიროს ადებულ მონაკვეთზე მცხოვრებ ტომთაგან არიანე სპეციალურად გამოჰყოფს ერთს. სახელადობრ, ტრაპეზუნტიელთა უშუალო მეზობლებს, ს ა ნ ე ბ ს (სარწმუნოა, რომ ეს ქართველი ქ ა ნ ე ბ ი არიან). მაშინ როცა ყველა დანარჩენ ტომს მეფე, ბაზილევსი, ჰყოლია, — რომის კეისრებისაგან დანიშნული, — სანები სულ სხვა მდგომარეობაში ყოფილან: „...ისინი, — ამბობს არიანე, — ამჟამადაც ლაშქრობის მოყვარულნი არიან. შეურიგებელი მტრები არიან ტრაპეზუნტიელებისა და განაგრებულ ადგილებში ცხოვრობენ. ე ს ხ ა ლ ხ ი უ მ ე ფ ო ა (არ ჰყავს მეფე). ძველთაგანვე ვალდებულია ხარკი უხადოს რომაელებს, მაგრამ თავის ყაჩაღობის წყალობით არაწესიერად იხდის გადასახადებს. მაგრამ ესლა, ღვთით, წესრიგის გზას დაადგება, თუ არადა — გადავრეკავთ აქაურობიდან“ (იქვე).

შეუძლებელია და დაუჭერებელი, რომ სანებს ამ დროს ტომის მეთაურები, ბელადები, არ ჰყოლოდათ. ხუთი საუკუნით ადრე, ტრაპეზუნტისავე ოლქში და იქნებ სწორედ ამ სანების წინაპრებში (მოსინიკებში) ქსენოფონტმა ნახა და აღწერა მსგავსი ბელადები. ქსენოფონტმა მათი აღნიშვნისათვის იგივე ტერმინი „ბაზილევსი“ იხმარა (lib. V, c. 4, § 26), მაგრამ ცხადია რომ ამ სიტყვას არ შეიძლებოდა მთლად ერთი და იგივე აზრი და ფუნქცია ჰქონოდა ესოდენ დიდი დროით ერთმანეთისაგან დაშორებულ მჭერლებსათვის.

თუ მოვიკონებთ იმასაც, რომ კარგა ხნის შემდეგაც, მაგ., VI ს-ში, ახ. წ., სანებს-ჰანებს ჯერ კიდევ არ ჰქონდათ შექმნილი ეს „სიკეთე“ — მეფის ხელისუფლება, მაშინ მით უფრო ბუნებრივი და გასაგები გვეჩვენება ის ფაქტი, რომ არიანეს დროს (II ს.) სანები, ერთი მხრით, ხოლო, მეორე მხრით, ლაზები, აფსილები, აბასები და სხვები განვითარების სხვადასხვა საფეხურზე იდგნენ.

არიანეს მიერ დასახლებული პოლიტიკური წარმონაქმნების შემდგომი დახასიათებისათვის მნიშვნელოვანი იქნებოდა მათი წარმოშობის დროისა და პირობების გარკვევა. უნდა ჩამოყალიბებულიყვნენ ისინი, ყოველ შემთხვევაში, არა უგვიანეს პირველი საუკუნის მეორე ნახევრისა, ახ. წ. ამ მხრივ მაჩვენებელია არიანეს ადრიანესადმი მიმართული განცხადება, აფსილების მეფეს ხელისუფლება მამამეფისაგან აქვს მიღებულიო. აქ, რა თქმა უნდა, იგულისხმება წინა მეფობა ტრაიანე კეისრისა (98—117). — ტრაიანე ნათესავი და მამობილი იყო ადრიანესი. სხვა სამთავროებიც, რომელნიც გარშემო ერტყნენ აფსილებისას, ამ უკანასკნელზე უფრო ახალგაზრდა არ უნდა ყოფილიყვნენ.

კერძოდ, ლაზთა სამთავროს შესახებ იბადება ეჭვი, ხომ არა აქვს მას ფესვები გადგმული ძველი კოლხეთის იმ ვითარებაში, რომელიც სტრაბონს (თუ მის ერთ-ერთ წყაროს) აქვს აღწერილი. სახელდობრ, სტრაბონი გვიამბობს: მედეას მამის, აეტის, შემდგომად „მომდევნო მეფეებს, რომელნიც „სკეპტუხიებად“ დაყოფილ ქვეყანას ჰვლობდნენ, უკვე ისეთი ძალა აღარა ჰქონდათ“-ო (lib. XI, c. II, § 18). თითქოს უეჭველი უნდა იყოს, რომ ავტორი რაღაც შინაგან მიზეზს ჰხედავს კოლხეთის მეფეების დასუსტებასა და მათი ქვეყნის დაყოფას შორის. თუ ეს ასეა, მაშინ „სკეპტუხიებად დაყოფა“ ნიშნავს არა ჩვეულებრივს ადმინისტრაციულ დანაწილებას (ასეთი დანაწილება არ შეიძლებოდა გამხდარიყო მეფეთა დასუსტების მიზეზი), არამედ მოასწავებს ცენტრალური ხელისუფლების დაქუცმაცებასა და დაქსაქსვას, გარკვეულ სახის დეცენტრალიზაციას. სტრაბონის ცნობა უნდა მიუთითებდეს კოლხეთის დანაწილებაზე ცალკეულ ტომურ ორგანიზაციებად (დასავლეთი საქართველო ყოველთვის მრავალტომიანი ქვეყანა იყო). ურთიერთობაც ამ ტომებს შორის ცვალებადი იყო. ძველი კოლხეთის როგორც მრავალტომიანობის, ისე ტომურ ორგანიზაციისა და ტომთა ურთიერთდამოკიდებულებისათვის დამახასიათებელია სტრაბონის „გეოგრაფიის“ ცნობა

სევანების შესახებ (lib. XI, c. II § 19): სევანები თითქმის პირველნი არიან აქაურ ტომთა შორის „ძალითა და სიძლიერით, ყოველ შემთხვევაში ისინი გაბატონებული არიან მეზობლებზე“. სევანების იმდროინდელი სოციალური წყობილება ჩვენ სხვაგან გვაქვს დახასიათებული¹. ამდენადვე, უფლება გვაქვს ვიფიქროთ, რომ არიან დროინდელი ზოგიერთი სამთავრო წარმოდგენს უწყებულ სიკვებებზე შემდგომ განვითარებას².

ნათქვამის შემდეგ, შეგვიძლია კიდევ ერთი, ჩვენთვის მნიშვნელოვანი, დასკვნა გავაკეთოთ: დას. საქართველოს ტერიტორიაზე ოთხი სამთავროს არსებობა II ს. დამდეგს არის არა გარეშე ძალის (რომაელების) მიერ თავზე მოხვეული მდგომარეობა, არამედ ნაყოფია ამ ქვეყნის საკუთარი, შინაგანი, განვითარებისა. ასეთი პოლიტიკა დას. საქართველოში ფაქტიურად ზედმეტიც უნდა ყოფილიყო რომაელებისათვის. რომაელებმა დას. საქართველო ხელთ ჩაიგდეს, როგორც სხვისი (მითრიდატ პონტოელის) საბრძანებლის ერთი ნაწილი, დასუსტებული, პოლიტიკურ მთლიანობასა და დამოუკიდებელ სახეს მოკლებული. ამ დაპყრობის შემდეგაც კოლხეთი რომის სხვა პროვინციებთან, მაგ., ბოსფორთან, ერთს ადმინისტრაციულ ფარგლებში გაერთიანებული ჩანს. ამრიგად, არიანეის მიერ აღწერილი მდგომარეობის ხელოვნურად შექმნას რომის მთავრობისათვის აზრი არ ჰქონდა.

მაშასადამე, ვიმეორებთ, ეს მდგომარეობა უნდა მიჩნეულ იქნას რომელიღაც ადგილობრივ საზოგადოებრივ ძალების თვითორგანიზაციის, შეკრებისა და გაერთიანების, შედეგად. ცხადია, ეს ინტეგრაცია, ძველ წესწყობილებასთან შედარებით, ახალ საფუძველზე ხდება. რაკი ზემოთ გავიკვიეთ, რომ არიანეის მიერ დახასიათებული დას. საქართველოს სამთავროები უკვე ტომურ-გვაროვნულ ორგანიზაციებს კი არ წარმოდგენენ, არამედ გარკვეული, თუმცა პრიმიტიული, სოციალური დიფერენციაციის ნიადაგზე არიან აღმოცენებულნი, ამიტომ ეხლა საკითხი თვით ამ დიფერენციაციის ხასიათის შესახებ დგება. სხვანაირად რომ ვთქვათ, ამ ახალი საზოგადოების შინაგანი სტრუქტურაა გასარკვევი.

¹ ს. ჯანაშია, გვაროვნული წყობილება ქართველ ტომებში, ტფ. 1932 წ. გვ. 27 შემდგ.

² როგორც ზემოთ ვამბობდით, შესაძლოა ტაციტის „სედონელების“ სამეფოში უკვე ლაზების სამეფოს წინაპარი დაეინახათ.

ამ საკითხზე სავესებით დამაკმაყოფილებელი პასუხის გაცემა შეუძლებელია, რეპორტების არაჩვეულებრივი სიმცირის გამო. ზოგიერთი ნიშანი და რეტროსპექტული თვალსაზრისი ჩვენ მხოლოდ შეზღუდვი საერთო დასკვნის გაკეთების საშუალებას გვაძლევს. უკველია, რომ გვაროვნულ წყობილების ნაშთები ამ დროს ჯერ კიდევ უაღრესი სიძლიერითაა გამოხატული. მათს მოქმედებას ჩვენ ბევრად უფრო მერძინდელ ხანაშიაც დიდი ანგარიში უნდა გავუწიოთ. ასევე ცხადია, რომ პირველყოფილ მონობასაც თავისი გარკვეული წონა აქვს საზოგადოებრივ-ეკონომიურ ურთიერთობაში. იგი შემდეგშიაც იჩენს თავს, უფრო გაძლიერებულ სახითაც ზოგჯერ, ჩვეულებრივად კი საკმაოდ რთულს, წინააღმდეგობრივსა და კომბინაციურ დამოკიდებულებაში წარმოების სხვა წესებთან.

აღნიშნულ ელემენტების გვერდით ჩვენ ფეოდალურ ურთიერთობის ჩანასახსაც ვგულისხმობთ და, სხვებთან შეპირისპირებით, მის შედარებითს უპირატესობასაც ვვარაუდობთ. აღნიშნულ მთავრების ხელისუფლებაც ადრინდელ-ფეოდალურ დიფერენციაციის ნიადაგზე წარმოშობილად მიგვაჩნია. თვით მთავრები სათანადო ტრანსფორმაციაქმნილ ძველ ტომის ბელადებად გვყავს წარმოდგენილი, რომელთაც, თავიანთი საზოგადოების განვითარების გარკვეულ საფეხურზე, უზურპაცია უყვეს მათთვის ჩაბარებულ უფლებებსა და თემის დელეგირებულ „მსახურებიდან თემისავე ბატონებად იქცნენ“. თავისთავად ცხადია, რომ ეს ფეოდალური წყობა ამ დროს ჯერ სავესებით პრიმიტიული ფორმისაა და მის საბოლოო გამარჯვებადღე. აღებულ ქვეყანაში, კიდევ გრძელი და ძნელი გზა ძევს. იგი მხოლოდ, სხვა ელემენტებთან შედარებით, ბევრად უფრო მეტს საბოლოოდ უნარს აჩენს და უფრო სწრაფადაც იზრდება¹.

16. სოსიალური და პოლიტიკური პირობები ძრიატიანობის ოფიციალურ კულტად ქვეყნის ძართლში. ძართლის სოსიალური სტრუქტურა

მომდევნო ხანებისათვის ჩვენ, სამწუხაროდ, გვაკლია ცნობები. აღებულ თემის ინტერესისათვის იძულებული ვართ საკმაოდ დიდი ნაბტომი გავაკეთოთ და მეოთხე საუკუნეში გადმოვიდეთ, იმ ხანაში, როცა აღმოსავლეთ საქართველოში, ქართლში (იბერიაში), ერთი მეტად მნიშვნელოვანი ამბავი მოხდა — ქრისტიანობა ოფიციალურ რელიგიად იქცა. პირობები,

¹ იხ. ს. ჯანაშია, ეგრისის სამეფოს წარმოშობა, ტფ. უნ. შრომები, ტ. I.

რომლებშიც ეს ფაქტი მოხდა, საყურადღებო მასალას წარმოადგენს საქართველოს სოციალურ ისტორიისათვის და სწორედ ამიტომ აქ უფრო დეტალურ განხილვას საჭიროებს.

არ უნდა ავრიოთ ერთმანეთში ქრისტიანობის გავრცელებისა და მისი სახელმწიფო სარწმუნოებად გადაქცევის ამბები. თვითუფლები მათგანი საკუთარ პირობებში მიმდინარეობდა. ჩვენ გვაქვს საფუძველი ვიფიქროთ, რომ ქრისტიანობის სახელმწიფო სარწმუნოებად ქცევამდის საქართველოშიც უნდა არსებულებოდა (რა თქმა უნდა, უპირატესად, ქალაქებში, მაგ., მცხეთაში) ადგილობრივი წვრილი ქრისტიანული თემური ერთობანი, დაახლოებით ისეთივე ხასიათის მქონენი, როგორც ჰქონდათ მათ რომის იმპერიის სხვა პროვინციებში.

აქ ჩვენ განსაკუთრებით სწორედ ქრისტიანობის ოფიციალურ კულტად ქცევის ისტორია გვაინტერესებს. სწორედ ამ მოვლენის ისტორიულ გარემოზე ამკარავდება ქართულ საზოგადოებრივ განვითარების შესაბამისი საფეხური. თუ წინამორბედ ამბებს ჩავეკვირდებით, აპრიორულად საქმის ვითარება ასე უნდა წარმოგვიდგეს: მონარქიის სამხედრო-სამოხელეო ხასიათი ამ დროისათვის საჭირო სიძლიერითაა უკვე გამოხატული. ეს იმიტომ რომ უკვე სათანადოდ გამოკვეთილია ის სოციალური ძალა, რომელსაც მონარქიას შეუძლია დაეყრდნოს. ამ ძალას შეადგენენ ის წევრები „ერისა“, რომელთა შესახებაც ზემოთ ვსაუბრობდით და რომელნიც მეორე საუკუნის პირველ ნახევარში იხსენიებიან („პროტოი“ — „პირველნი“) გარკვევით. ამ საუკუნენახევრის თუ ორი საუკუნის განმავლობაში ისინი შეუჩერებელ ზრდის პროცესს განიცდიან. მათი სოციალურ-ეკონომიური ზრდა მიმდინარეობს თავისთავად, როგორც ვნახეთ. ურთიერთობა მონარქიასთან, თავის მხრივ, აჩქარებს ამ პროცესს: მეფის ხელშია მნიშვნელოვანი მიწის ფონდები და „ყმები“ (მეოთხე გენე), რომელთაც მეფე უჩრბებს ამ პირებს სხვადასხვა ფორმით. მხოლოდ, საფიქრებელია, მუდამ სამხედრო სამსახურის პირობით. ეს ურთიერთობა მკიდრო კავშირის ნიადაგად იქცევა მეფესა და „მხედართა“ შორის. მეორე მხრით, ტაძრები და მათი წარმომადგენელი ქურუმები, თავიანთ მეურნეობით, სულ უფრო და უფრო შეუფერებელნი ხდებიან ცხოვრების ახალ პირობებისათვის. მათი არსებობა ტრადიციასა და ინერციაზეა დამყარებული. აუცილებლო-

ბიზი იბადება წინააღმდეგობა ქურუმებსა, ერთი მხრით და, მეორე მხრით, ახალ მონარქიასა და მის სოციალურ მოკავშირეებს შორის. სხვა არა იყოს რა, მეფე შურით უნდა უყურებდეს ტაძრების მემამულეობას ვანსაკუთრებით ეხლა, როცა მონარქიის საკუთარი მიწის ფონდი კლებულობს თანდათან, სამხედრო-სალენო ურთიერთობის განვითარების პროცესში. ამ ბრძოლაში მეფე და მისი მოკავშირენი ახალ იარაღსაც პოულობენ — ქრისტიანობას, რომელიც ქურუმთა ძველ სარწმუნოებას უპირისპირდება.

ეს აპრიორული სქემა დასტურდება ქართულ წყაროების ნაკლებულ ჩვენებით. ამ უკანასკნელთა შესახებ უნდა ვთქვათ რომ, თუმცა სათანადო ქარიული ლიტერატურული ძეგლები მოღწეულ სახით ნაკვინევ ხანას ეკუთვნიან, მაგრამ ისინი უეჭველად შეიცავენ ძველ ელემენტებს და, სხვა ჩვენებათა უფრო მკვიდრ ნიშანგზე შემუშავებულ ისტორიულ პერსპექტივის დაცვის პირობებში, — მათი გამოყენება შესაძლებელი და შესაწყნარებელი ხდება.

ჯერ ერთი, თვით სოციალურ დიფერენციაციის ზემოთ წარმოდგენილი სურათი სავეებით და შესანიშნავად არის აღბეჭდილი ქართულს საისტორიო და ნახევრადსაისტორიო მწერლობაში. ის ზედაფენა „ერისა“. რომლისთვისაც ბერძენ მწერალს „პროტოი“ („პირველნი“) შეუჩქმევია, ადგილობრივ „წარჩინებულთა“ სახელწოდებას ატარებს. (შემდეგდროინდელს ბიზანტ. მწერლობაში ქართ. „წარჩინებულს“ ჩვეულებრივად უკვე „ლოგიმოსი“ უდრის, რაც: სრული სემანტიკური კორესპონდენტია ქართ. ტერმინისა). „წარჩინებულნი“ არის არა მარტო ზოგადი ეპითეტი ამ წრისათვის, არაქედ ტექნიკური სოციალური ტერმინიც. მცხეთის მეორე მეფის შესახებ მემატინანე¹ მოგვითხრობს რომ იგი — მეფე საურმაგი — იძულებული შეიქნა, რაკი შინაურობაში მტკიცე მდგომარეობა არა ჰქონია, აზნაურთა გარდა (რომელნიც, ისტორიკოსის წარმოდგენით, არაქართულ წარმოშობისა არიან, ალექსანდრე მაკედონელის სარდლის, აზონის რაზმელთაგანნი) აგრეთვე უცხო ტომებსაც დაჰყრდნობოდა. ოსებისა და დურძქუების (ქისტ-ლლიღების) მეშველ ჯარით იგი „წარმოემართა ქართველთა ზედა და ვერვინ წინააღუდგა მას და

¹ ვიმეორებთ: არ გვავიწყდება რომ ეს ქართ. წყაროები ნაკვინევი რელაქციების სახითაა წარმოდგენილი. მათი ჩვენებანი ამ უძველეს ხანაზე ჩვენ მიერ გამოყენებულა ყოველთვის კრიტიკულად, სხვა კატეგორიის წყაროებთან და მერმინდელ ფაქტებთან შეჯერების შემდეგ.

დაიპყრა ქართლი“. გამარჯვების შემდეგ საურმაგი სათანადოდ გაუ-
სწორდა მტრებსა და მეგობარ-მოკავშირეებს: „მოსრნა განდგომილ-
ნი მისნი და რომელთამე შეუხნდო. ხოლო დაამდაბლნა
ქართლოსიანი და წარჩინებულ ყუნა აზნა-
ურნი“ („აზნაური“ აქ ნახმარია „აზონელის“, აზონის რაზმელების
მნიშვნელობით). მაშასადამე, „წარჩინებული“ „მდაბალს“ უპირის-
პირდება აქ სოციალურად: საურმაგი ქართველებს ამდაბლებს და,
სამაგიეროდ, თავის ერთგულ „პრომებს“, აზნაურებს, ამალლებს.
იგი არც სხვებს ივიწყებს. მან „წარმოიყუანნა ყოველთა კავკასიის
ნათესავთა (=ტომთა) ნახევარნი და რომელნიმე მათგანნი
წარჩინებულ ყუნა და სხუანი დასხნა მთიულეთს დიდო-
ეთითგან ვიდრე ეგრისამდე... და ესენი დაიპყრნა მისან-
დობელად თვსად“-ო¹. ჩრდილოეთ კავკასიიდან გადმოყვა-
ნილ მთიელებისათვის ზოგისთვის მეფეს წარჩინებულება უბოძებია,
სხვებისთვის-კი მარტივად საცხოვრებელი ადგილი. აქაც გარკვეული
სოციალური აზრია მოცემული. ეს ახალი პრივილეგიური წრეები
მეფის მისანდობელნი, მისი სოციალური საყრდნობი
ხდებიან.

თავისთავად ცხადია, რომ ეს ცნობა მემატეიანის მიერ მოცემულ
ქრონოლოგიურ ჩარჩოში სელოვნურად არის მოთავსებული. იგი,
ისევე როგორც ქვემოთ აღნიშნული ცნობაც, მხოლოდ ტერმინის
მერმინდელ გაგებისათვის არის საინტერესო. პირველ საუკუნის
დამლევისათვის ჩვენს ერამდე მოხსენებულნი არიან „მცირედნი
ვინმე ქართველნი არაწარჩინებულნი“². მაგრამ ბევრად
უფრო რეალური უნდა იყოს, ისტორიულად, ამ ტერმინის ხპარება
ფარსმან ქველის ეპოქისათვის, რომელიც, მეფობათა თანამიმდევ-
რობის ქრონოლოგიით, მეორე საუკუნეზე მოდის. მეტიც: შესაძლოა
ეს ფარსმანი სწორედ ის ფარსმანი იყოს, რომელმაც რომში იმგზავ-
რა და რომლის მხლებლებად უცხოელმა მწერალმა ივერიის „პირ-
ველნი“, „წარჩინებულნი“, მოიხსენია. ქართველი ძველი
ანალისტი გვიამბობს, რომ ამ ფარსმანის სიკვდილის გამო „იქმნა
გლოვა და ტირილი და ტყეზა ყოველთა ზედა ქართ-
ველთა წარჩინებულთგან ვიდრე გლახად-

¹ ლეონტი მროველი, მარ. 23, ბრ.-მარ. 33.

² იქვე, მარ. 27.

მ დ ი ¹. ქართველ საზოგადოების უმაღლეს საფეხურზე ამ დროს წარჩინებულნი დგანან. ყველაზე დაბლა კი გლახანი (ან იქნებ: გლახნი) არიან ნავულისხმევენი. ქართ. „წარჩინებულსა“ და ბერძნ. „პროტო-ლოგიმოსს“ სრული ზედმიწევნითობით გამოჰსატავს სოჭხ. „ლავ“. VII ს. დამდეგის ქართ.-სომხ. მიწერ-მოწერის (სომხურადაა შენახული) საშუალებით ირკვევა, რომ ქართლის მმართველ წრეებს მაშინ წარმოადგენენ „მთავარნი და ყოველნი წარჩინებულნი“ („ამენაინ ლავქ“). თვით სომხეთისათვის-კი უკანასკნელ ფენას ეს საბუთები „აზატ ორიარს“ (თავისუფალ ერს) უწოდებენ². რაც მიწმობს რომ ქართლისათვის ჩვენთვის საინტერესო ტერმინი სპეციფიკური და ტექნიკური მნიშვნელობისაა.

მაგრამ განსაკუთრებით რეალური გვეჩვენება ის სურათი, რომელიც მეოთხე საუკუნის პირველ ნახევარს გულისხმობს. უეჭველია რომ როგორც მათიანისებურ თხრობებში, ისე მერმინდელ ჰაგიოგრაფიულ ძეგლებშიც, რომელნიც ქართლის სამეფო სახლისა და წარჩინებულ წრეების გაქრისტიანების შესახებ მოგვითხრობენ, ძველი ელემენტია დაცული. სათანადო კრიტიკული მიდგომა შეიძლებს ისტორიულ კვმარიტების მარცვალს მერმინდელი შენაზარდი, ტენდენციური და ყალბი, ფენები ააცალოს. ამჟამად აქ ხსენებულ ცნობებს ჩვენ მხოლოდ აღებულ თვალსაზრისით განვიხილავთ.

ქართლის საზოგადოებრივი სტრუქტურა ამ დროს უფრო მრავალნაწევროვანი და მრავალფეროვანი ჩანს, ვიდრე წინა საუკუნეებში. „წარჩინებულთა“ ფენა, რა თქმა უნდა, უფრო ძლიერია, მაგრამ თვით წარჩინებულთა შორისაც უკვე გარკვეულ პირებს შემდგომი დაწინაურებისთვის მიუღწევიათ. ესენი არიან „მთავარნი“. რადგანაც შემდეგ ხანაში ამ ტერმინს ჩვეულებრივად და უპირატესად პოლიტიკური მნიშვნელობა აქვს, ამიტომ შეიძლება მკითხველმა მასში აქაც ანალოგიური აზრი ჩასდოს. შეიძლება ტერმინს პოლიტიკური ელფერი მართლაც უკვე ამ დროს ჰქონდეს გადაკრული, მაგრამ უეჭველია რომ მას სოციალური მნიშვნელობაც ჰქონდა. ქართლისა და სომხეთის გაქრისტიანების ისტორიის ცნობილი ქალი პერსონა-

¹ ლეონტი მროველი, 39.

² ზიქე მკჰაყ, 168, 170.

ეები, ნინო და რიფსიმე. მთავრებულ არიან წოდებულნი. ასევე უნდა გავიგოთ ეს სიტყვა შემდგომ ნაწყვეტში: „მოდრკა მეფე მუხლთა თვსთა ზედა და ყოველნი მთავარნი და ყოველი სიმრავლე ერისაჲ... ხოლო დედოფალი და სხუანი იგი მთავარნი დედანი არა სადა განეშორებოდეს წმიდასა ეკლესიასა“¹.

მთავართა გვერდით მოხსენებულნი „ერისთავნი“-კი უკვე აშკარად მეფის მოხელენი არიან, შესაძლოა სარდლები. ან აგრეთვე „საქვეყნოდ გამრიგე“ მოხელენი. ისინი მეფის განკარგულების განმხორციელებელნი არიან, როგორც ქვემოთ ვნახავთ. შემდეგ არსებობს კიდევ უფრო დაწინაურებული წრე, რომელიც მეფესთან განსაკუთრებით ახლოს დგას. ეს არის მეფის „პალატ-ბანაკი“. „პალატის“ ქვეშ იგულისხმებიან, ცხადია, მისი პალატი. კარის, ხალხი, კარისკაცები, რომელნიც მეფის უახლოესი თანამშრომელნი, მრჩეველნი, არიან. „ბანაკი“-კი უმაღლეს სამხედრო პირთ უნდა აღნიშნავდეს, რომელთაც აგრეთვე განსაკუთრებით ახლო ადგილი უჭირავთ მეფესთან ამ სფეროში (როგორც ზემოთ არის აღნიშნული. პომპეუსმა ქართლის მეფის სამი მთავარი, სარდალი, წაიყვანა ტყვედ). პალატ-ბანაკის ურთიერთობა თავიანთ სიორის და შემდეგ მათი დამოკიდებულება მეფესთან კარგად არის გამოხატული იმ სიტყვებში, რომლებსაც ჰაგიოგრაფი ნინოს აქმევიენებს მეფის მიმართ: ... „სიმრავლე წყალობისა გარემოს ბანაკსა და შინაგან პალატსა და ყოველსა ერსა თქვენსა ზედა იყავნ“-ო². ბანაკი, როგორც უმაღლესი სამხედრო წრე. მეფისა და მისი სასახლის გარე, საგარეო, საქვეყნო საკრდენს წარმოადგენს, პალატი-კი შინაური, კარის, დარბაზის. წრეა. „ბანაკი“ მეფეს ახლავს მის შორეულ მგზავრობაშიაც: მცხეთიდან კახეთს წასულ მეფეს თან მოუშორებლად ახლავს მისი „ბანაკი“³.

აღნიშნული დაწესებულებები უცხო წყაროების ჩვენებითაცაა დადასტურებული: „ბანაკია“ ის ამაღა, რომელიც ფარსმან მეფეს აპყვა რომში (იხ. ზემოთ, § 14), ხოლო „პალატი“ მოხსენებულია უფრო გვიან, „სინკლიტის“ სახით (უფრო სწორედ. იქ „სინკლიტის“ წევრები არიან დასახელებულნი). როცა საუბარია იბერიის მეფის,

¹ ნინოს ცხ., შატბ. 792.

² ნინოს ცხ., კელ. 730.

³ ქართლ. მოქც., კელ. 719.

ძამანარსეს, კონსტანტინოპოლში ჩასვლის შესახებ 535 წ¹. გარდა ამ წრეებისა, როგორც უკვე მოტანილ ციტატებიდანაც შეიძლებოდა დავრწმუნებულიყავით, „ერიც“, „ყოველი ერიც“ იხსენიება. „ყოველი ერი“ მთელი ქართლის მოსახლეობას გულისხმობს ზოგადად: „განვიდა მეფე და ყოველნი მთავარნი მისნი და ყოველი ერი ქართლისა დედებითურთ და ყრმებით“². მაგრამ, რა თქმა უნდა, ეს ერი ძველი გვაროვნული საზოგადოება უკვე აღარ არის. საგულისხმოა და იქნებ შემთხვევითიც არ იყოს, რომ როცა „ქართლის მოქცევის“ მატიანის შატბერდული ვარიანტი ამბობს გაქრისტიანების შესახებ: „წარემართა მეფე და ყოველი ქართლი ქრისტიანობასა“-ო, კელიშური ვარიანტი იმავე აზრს სულ სხვა რედაქციით გამოსთქვამს: „... მეფე... წარემართა ქრისტიანობასა ყოველით საბრძანებლით მისით“-ო³. ძველი ავტონომიური ერი ეხლა უკვე სხვის საბრძანებლად ქცეულა — სახსებით ნიშანდობლივი ჩვენებაა! ასევე დაძახასიათებელია ცნობა ნინოს მიერ კუხეთის ტომთა გაქრისტიანების შესახებ: „მონათლნა კხოელნი და სოჯნი ერთურთ შათით“⁴. რადგანაც მომდევნო ფრაზაში კახეთის „მთავართა“ მონათვლაა ნახსენები, ცხადია, ზემოთაც ასევე უნდა ვავიგოთ — მონათლნენ კხოელი (ანუ: კუხელი) და სუჯი მთავრები მათის ერთით. მაშასადამე, აქაც მითითებაა იმაზე, რომ წინანდელი თავის თავადი ერი ეხლა უკვე სხვაზეა დამოკიდებული. ფეოდალურ საზოგადოებაში ხომ ერი უკვე აღარ ეკუთვნის თავის თავს, ის „თავის უფალი“ უკვე აღარ არის, მას სხვა ჰყავს უფალი და ბატონი. ამიტომ შეიძლება დიდ აზნაურზე ითქვას რომ იგი „ერმრავალია“, როგორც „ქართლის მატიანე“ ამბობს მარუშისძის შესახებ: „იყო მათ ეამთა ერისთავი ქართლისა იოვანე მარუშისძე, კაცი ძლიერი და ერმრავალი“-ო⁵. ზოგიერთ შემთხვევაში ამ ავტორებს ერი თითქოს ერთგვარ თვითმოქმედების ასპარეზზედაც გამოჰყავთ. მაგრამ, ჯერ ერთი, ერის ნებისყოფა ამ შემთხვევებში შედარებით უვნებელ და ნეიტრალურ საგნებისადმი არის მი-

¹ Theophanis Chornographia, I, 216, De-Boor, 1883 წ.

² ნინოს ცხ., კელ. 791.

³ ქართლ. მოქც. 715.

⁴ იქვე, 717.

⁵ მარ. 236.

მართული. შემდეგ, თვით „ერიც“ აქ ახალ შინაარსის ცნებაა. მაგ., ახალ რელიგიის ოფიციალურად მიღების შემდგომ ბერძნები წინადადებას იძლევიან საუფლო ნიშის აღმართვის შესახებ. ეს „სათნო უჩნდა მეფესა და ყოველსა ერსა“¹, მეფემ და ერმა მიიღეს წინადადება. შემდეგ ეძებენ სათანადო ადგილს და მეფე ამის შესახებ ერს ეთათბირება: ... „განაზრახვიდა მეფე ყოველსა მას ერსა, ვითარმედ რომელსამე ადგილსა აღჰმართონ სახეჲ იგი ჭურისაჲ. ხოლო კაცად-კაცადი (=თვითეული) იტყოდა, სადა ვის მარჯვე უჩნდა, არამედ ვერ სადა გამოირჩიეს“, ყველა თავისას გაიძახოდა, ვისაც რა ეხერხებოდა, და ვერ შეთანხმდნენო². ბოლოს, სასწაული სწყვეტს საკითხს. ნაჩვენები ადგილი „სათნო უჩნდა ყოველსა ერსა და ყოველთა ერთბაშად აღიღეს ჭუარი იგი და აღჰმართეს... და ყო მირეან მეფემან და ყოველმან ერმან მცხეთისამან შესაწირავი: დიდი“-ო³. მაშასადამე, ეს ერი მცხეთის ერი ყოფილა, ქალაქის ერი. ასეთი ქალაქის ერი-კი სრულებით არ არის სავალდებულო გვაროვნულ საზოგადოებას ეიგივებოდეს. ქალაქის ერი, შესაძლოა, მონათმფლობელურ დემოკრატიასაც წარმოადგენდეს, მაგ., და თავის სოციალურ შინაარსით იგი განსხვავებული იქნება პირველყოფილ დემოკრატიისაგან. საერთოდ უნდა ითქვას, რომ „ერის“ ძველი მნიშვნელობა ფეოდალურ ეპოქაში ახსოვდათ და ტერმინი სხვადასხვა კონტექსტში შეიძლებოდა ხმარებულყო ისეთ კრებულის აღსანიშნავად, რომელიც განსაკუთრებულ, კერძოდ — საკანონმდებლო, უფლებებით არის აღჭურვილი. ეს გარემოება თავს იჩენს, მაგალითად. ფეოდალურ სამეფოსა ბუკოს, „დარბაზის ერნი“-ს სახელწოდებაში.

თავდაპირველად, ამ ტერმინში ლოგიკური მახვილი სიტყვა „ერნის“ მოუდიოდა. ეს ჩანს ისეთ შემთხვევებიდანაც, როცა „დარბაზი“ სხვა სიტყვითაა შეცვლილი. უკანასკნელი ლევან დიდიანი ერთს თავის საბუთში სწერს: „ჩემნი ოჯახის ერნი, დიდნი და მცირენი... მოწმენი არიან“-ო. მისსავე სხვა საბუთებში ნახმარია „დარბაზის ერნი“! თვით მოვლენები თავის სოციალურ აზრით-კი,

¹ ნინოს ცხ., შატბ. 793.

² იქვე, 794.

³ იქვე, 795.

გასაკებია. დიამეტრულად განსხვავდებოდნენ ერომანეთისაგან — „დარბაზის ეზნი“ ფეოდალურ კლასის საწარმოადგენლო ორგანო იყო, და არა მთელი ხალხისა. გარდა ამისა, ამ ერის ფუნქცია დარბაზით განასაზღვრება, რომელიც შეფეს ეკუთვნის და შეფის ძალაუფლებასთან ერთად იზრდება.

¹ გარდა ამისა, როცა საეკლესიო მწერალს ჰსურს დაგვარწმუნოს რომ ერმა, თუნდაც ქალაქის ერმა, ერთხმად მიიღო ქრისტიანობა, ამაწი მისი ტენდენცია შელანდება, და არა ისტორიული სინამდვილე მთელი თავისი სახით.

ტენდენციური და ყალბია აგრეთვე ცნობები მოწინააღმდეგე საზოგადოებრივ ძალთა შესახებ. არაფერი ან, ყოველ შემთხვევაში, უაღრესად მცირე და უფერული რამ არის ნათქვამი ქურუმთა წოდების შესახებ. ქართული წარმართობა წარმოდგენილია, როგორც კერპთაყვანისმცემლობა. ქართველები „ცეცხლისა და ქუათა და ძელთა თაყუანის სცემდეს“¹, მათი ძველი ღმერთები არიან „ღმერთნი დიდთა ნაყოფთა მომცემელნი და სოფლის მპყრობელნი, მზის მომფენელნი და წვიმისა მომცემელნი, ქუეყნისა ნაყოფთა განმზრდელნი ქართლისანი — არმაზ და ზადენ, — ყოვლისა დაფარულისა გამომძიებელნი და ძუელნი ღმერთნი მამათა ჩუენთანი — გაცი და გა“². ღმერთებს ჰყავთ თავიანთი „მსახურნი“, რომელნიც განსაკუთრებულ პრივილეგიებით არიან აღჭურვილნი. არმაზის „მსახურად“ და, ამასთან დაკავშირებით, „მცხეთის მკუიდრად“ გახდომა³, მაგალითად, მიჩნეულია ისეთ უპირატესობად, რომლის მინიჭებაც მხოლოდ მეფეს შეუძლია. ჩვენ ვიცით უკვე: რა პრივილეგიები იგულისხმება აქ. ამ პრივილეგიების საფუძველზე შეუძლია მემოტიანეს სთქვას რომ ეს „ღმერთები“ (= ტაძრები) არიან არა მარტო „სოფლის (ე. ი. ქვეყნის) მპყრობელნი“, არამედ, უფრო კონკრეტულად, რომ ისინი არიან „ღმერთნი, მპყრობელნი ქართლისანი“⁴. სათანადოდ, პოლიტიკური მდგომარეობაც მცხეთაში წარმოდგენილია როგორც ისეთი მდგომარეობა, როცა „ღმერთნი ღმერთობენ და მეფენი მეფობენ“⁵. თუ მოვიგონებთ იმას, რასაც ჩვენ

¹ ნინოს ცხ., შატბ. 750 (შეადრ. 752).

² იქვე, 769.

³ იქვე.

⁴ ლეონტი მროველი, მარ. 26.

⁵ ნინოს ცხ., კელ. 748.

თავის ადგილას ვამბობდით ქერუძთა ბატონობის საფუძვლებისა და ხასიათის შესახებ, ამ ციტატებში ბევრი რამ იქნება ჩვენთვის საგულისხმო. საერთოდ-კი, ცნობები ნაკლებია და სულ არაფერი არ ვიცი ვეღლაზე დაბლა მდგომ სოციალურ ჯგუფების (სტრახონისეულ მეოთხე გენეს) მდგომარეობის შესახებ.

აი, ასეთი იყო ქართლის საზოგადოებრივი აღნაგობა, როცა აქ წამოიჭრა საკითხი ქრისტიანობის სახელმწიფოებრივ კულტად მიღების შესახებ. როგორც ვამბობდით, ქრისტიანობა მიიღეს სამეფო დინასტიამ და მისმა მოკავშირე საზოგადოებრივმა კლასმა, თავის სოციალურ-პოლიტიკურ ინტერესების გულისათვის. ეს კლასი ერი-საგან გამოთიშულ ელემენტებისაგან შესდგებოდა. ზოგადად ესენი არიან „წარჩინებულნი“¹, ხოლო ამ წარჩინებულთა შორის, ვნახეთ, არიან ცალკე ჯგუფები „მთავართა“, „ერისთავთა“, მეფის „პალატ-ბანაკისა“ და სხვ. საერთოდ კი, მერმინდელი ტერმინოლოგია რომ ვიხმაროთ, ეს არის „აზნაურთა“ წრე თუ ჯგუფი (არ ვიცი, ნამდვილად არის ის ამ დროს უკვე ცალკე წოდებად ჩამოყალიბებული, თუ არა). მერმინდელი ტერმინოლოგიაო, ვამბობთ, რადგანაც უეჭველად მიგვაჩნია, რომ ამ სოციალურმა ფენამ თავის შინაგან განვითარების გზით უკვე სავსებით მკაფიო სახეს მიაღწია უფრო ადრე, ვიდრე მის აღსანიშნავად უცხოური (ირანულ წარმოშობის) ტერმინი „აზნაური“ დამკვიდრდებოდა². ვიმეორებთ, ამ მერმინდელ ტერმინოლოგიით რომ ვთქვათ, ქრისტიანობა საქართველოს მოევლინა როგორც აზნაურთა რელიგია და ძველი მონარქიის ოფიციალური კულტი. და მიუხედავად ქრისტიანულ წყაროების მთელი ტენდენციურობისა, მათში მაინც არის შერჩენილი (ე. ი. მთლად კერწარუხოცავთ) კვალი იმ ბრძოლისა, რომელიც, თეოკრატიულ ელემენტების განადგურების შემდეგ, კიდევ გაუმართავთ ქრისტიანობის მოციქულებისა და გამავრცელებლებისათვის. მას შემდეგ,

¹ ეს არ იყო ერთადერთი ტერმინი ამ ფენის აღსანიშნავად. სხვა ტერმინიც ბრავალი იყო, და განსაკუთრებით ცალკე კუთხეებს თავისი ადგილობრივი ტერმინებიც მოეპოვებოდათ (მაგ, თავადნი, მოთაულნი, თავკაცნი, ერისთავნი, თავნი და სხვ.). სხვადასხვა დროსაც აგრეთვე მნიშვნელობა ჰქონდა ამ მხრივ. დაწერილებით ამის შესახებ სხვა ადგილას.

² ტერმინ „აზნაურის“ ისტორიისათვის იხ. პ. რ. თ. ივ. ჯავახიშვილი. ქართ. სამართლის ისტ., წ. I, გვ. 190.

რაც „ნათელი მოილო ძირეან ძეფემან და ნანა დედოფალმან და ყოველმან პალატ-ბანაკმან მათმან“, ამის შემდეგ საჭიროდ მიაჩნიათ „უქადაგონ“ ქრისტიანობა პროვინციასაც. პირველ რიგში მიჰმართავენ მცხეთის ჩრდილოეთით მდებარე მთიან რაიონებს. აქ წასულ წინოს თან წაუყვანია საბერძნეთიდან მოსული სამღვდლოება და „ერისთავი ერთი. წარვიდა და დადგა წობენს და მოუწოდა მთელთა ქართალელთა და ფხოელთა და წილკანელთა და უქადაგა სარწმუნოვებაჲ ქრისტიანისი“. მაგრამ ამ მთიულებს არ აღმოაჩნდათ საჭირო „სათნოება“: „ხოლო მათ პირუტყუ-სახეთა (ე. ი. პირუტყვის მსგავსთა) განუყარეს თავი და პირნი გარემოიქცივნეს და იღრჭენდეს კბილთა მათთა წმიდისა ნინოსთვის“. მაგრამ წინოს ერისთავი თან ტყუილად კი არ ახლდა — ქადაგების გარდა სხვა მეთოდების გამოყენების საჭიროება იმთავითვე იყო გათვალისწინებული. „ხოლო წინო უბრძანა ერისთავსა, რათა წარმართოს მცირედ მახვლი მათ ზედა. და ერისთავმან მცირედ წარმართა მახვლი, და ვითარცა შებმა უყვეს, შიშით მოსცნეს კერპნი მათნი დაღეწად. და გარდავიდა ერწუდ და დადგა ქალეთს, დაბასა ედემს და ნათელსცა ერწუ-თიანელთა. ხოლო ყუარელთა რა ესმა ესე, შეშინდეს და გარდაკრბეს თუშეთს, რომელნი უკუანაასკნელ იპოვნეს: თრდატ მეფემან მოიყვანნა და მონათლნა“¹. მაშასადამე, ზოგნი ამ მთიელ თემთაგან არა მარტო წინააღმდეგობას უწყევდნენ ქრისტიანობის მოციქულებს, არამედ, როცა იმედი აღარა ჰქონდათ თავის გამარჯვებისა, მამაპაპეულ მიწა-წყალსაც სტოვებდნენ და სხვაგან მიიხვეწებოდნენ. ჩანს, კახეთშიაც ყველა „ალტაცებით“ არ შექხვედრია ახალ სარწმუნოებას — წყაროები ამბობენ აქ „მთავართა“ გაქრისტიანების შესახებ და „ერი“-კი არ იხსენიება.

მერმინდელი ისტორიკოსებიც ვერ ჰმალავენ. რომ როცა „ნათელ იღეს ყოველმან ერმან და სიმრავლემან ქართლისამან... არა ნათელ იღეს მთელთა კავკასიისათა... არამედ დადგეს ბნელსა შინა ჟამ რაოდენმე“², რომ მეფე ამ გარემოების გამო იძულებული ყოფილა განეცხადებინა: „მნებავს ესრეთ, რათა იძულებით

¹ ქართლ. მოქც., შატბ., კელ. 716—717.

² ლეონტი მროველი, მარ. 98.

მახვილითა მოვაქციენით მთეულნი... და დავამონ-
 ნე ძესა ღმრთისასა და ვათაყუანნე პატიოსანსა ჟღარსა“-ო¹. ამავ
 ისტორიკოსს მოეპოვება ერთი ძალიან საყურადღებო ცნობა რომ
 ქრისტიანობის გასავრცელებლად ადმინისტრაციულ ღონისძიებათა
 შორის მარტო მახვილი როდი იყო გამოყენებული, არამედ სხვა უფ-
 რო დახვეწილი საშუალებებიც. „სხუანიცა მთიულელნი უმრავლეს-
 ნი არა მოიქცეს. არამედ დაუთმძიმათ მეფემან ხარ-
 კი, ოდეს არა ინებეს ნათლისღება“-ო². რატომ იყო რომ ახალ-
 სარწმუნოების პროპაგანდისტებს სწორედ მთაში შეჰხვდათ ასეთი
 გააფთრებული წინააღმდეგობა? ეს საკვებით გასაგებია: სწორედ
 მთაში ამ დროს ფეოდალური ურთიერთობა ან სრულიად არ არსე-
 ბობდა, ან სუსტად იყო ჩასახული, და, მაშასადაძე, აქ არ არსებობ-
 და ჯერ კიდევ ის სოციალური ფენა, რომელსაც ქრისტიანობა დაემ-
 ყარებოდა. იყო, რა თქმა უნდა, სხვაც, სოციალურად ანალოგიური,
 თუმც ბუნებრივად განსხვავებული, რაიონები. შედეგი იქაც იგივე
 იყო. მოიპოვება დოკუმენტალური ცნობები იმის შესახებ, რომ მრავალ
 საუკუნის შემდეგაც საქართველოს მრავალ კუთხეში წარმარ-
 თობა უფრო ძლიერი იყო, ვიდრე ქრისტიანობა. მთიულების შესა-
 ხებ თვით ზემოთ აღნიშნული წყაროც ამბობს, რომ „რომელნიმე
 უკანასკნელ მოაქცივნა აბიბოს ნეკრესელ ეპისკოპოზმან, რომელნიმე
 მათგანნი დარჩეს წარმართებასავე დღესამომდე“³, ჩვენს დრომდეო,
 ავტორის დრო-კი რამდენიმე საუკუნითაა დაშორებული აღებულ
 ეპოქას.

ქრისტიანობის მიმღებ წრეების დახასიათებისათვის იქნებ უმ-
 ნიშნელო არ იყოს წყაროების ცნობები ეკლესიების მაშენებელთა
 შესახებ. გასაგებია რომ საზოგადოდ ქრისტიან მაშენებელთა შო-
 რის და კერძოდ პირველ ქრისტიან მაშენებელთა შორის ქართლში
 მეფენი და ეპისკოპოსნი იხსენიებიან. მაგრამ თითქოს განსაკუთრე-
 ბული აზრი ეძლევა ისეთ ცნობებს, რომლებშიაც საუბარია ტაძ-
 რების აშენების შესახებ აზნაურთა მიერ, და ეს უკანასკნელნი აქ
 კორპორაციულად არიან ნაგულისხმევენი. მეოთხე საუკუნის მეორე
 ნახევრისათვის აღნიშნულია, რომ ვარაზბაკურ მეფის „ზე აღაშე-

¹ ლეონტი მროველი, მარ. 106—7 და შენ.

² იქვე, 107.

³ იქვე.

ნეს აზნაურთა... ეკლესიაჲ გიორგი წმიდისა მცხე-
ლას... მეხუთე საუკუნის დამდგენისათვის, მიახლოებით, ნათქვამია
რომ არჩილ მეფის „ზე აზნაურთა სტეფანე წმიდაჲ
აღაშენეს არავესა ზედა“¹. მხოლოდ უკვე მეექვსე საუკუ-
ნის დამდგენისათვის ვრცელ არის აღნიშნული რომ მეფე დაჩის „ზე
ტფილისს კაცნი დასხდებოდეს და მარიამ წმიდაჲ ეკლესიაჲ
აღაშენეს“². თუ ეს მარტო მკაფიოდ არ ჩანს, ვინ არიან ეს კაც-
ნი, სამაგიეროდ აზნაურთა სახეებით ნათელია მომდევნო ცნობაში, რო-
მელიც მიახლოებით პექესე საუკუნის მეორე ნახევარს გულის-
ხმობს. ამ დროს, გუარამ ერისთვის ზე „ტფილისისა
მკვდრთა დიდსა ეკლესიასა დაიწყეს. ნახევარსა
იქმოდა ყოველი ერი და ნახევარსა ერისთავ-
ნი“³. ორნახევარ საუკუნის განმავლობაში, საზოგადოებრივ განვი-
თარებასთან დაკავშირებით, ქრისტიანობას დიდი ნაბიჯები წაუდ-
გამს წინ თავის გავრცელების მხრით. ტფილისის „ყოველი ერი“,
ქალაქის ერი, უკვე იმ საქმიანობის თანამონაწილე (მოთავეც, რო-
გორც ჩანს) არის, რომელიც წინათ მხოლოდ აზნაურებს ახასია-
თებდა.

მაგრამ ქრისტიანობის ოფიციალურ სარწმუნოებად ქცევა-
ქართლში გულსხმობდა არა მარტო გარკვეულს შინაურ სოცია-
ლურსა და პოლიტიკურ პირობებს, არამედ გარკვეულს გარეპოლი-
ტიკურ პირობებსაც. ეს გარეპოლიტიკური პირობები განსაზღვრუ-
ლი იყო რომისა და ირანის ბრძოლით პირველობისათვის წინააზი-
აში. მებრძოლ მხარეთა დაინტერესებით ამიერ-კავკასიის ქვეყნებისა
და, კერძოდ, ქართლის მიმართ და, დასასრულს, თვით ქართლის
მმართველ წრეების განწყობილებითა და მიდრეკილებებით ამ ბრძო-
ლაში.

როგორც თავის ადგილას ვინებდით, მესამე საუკუნიდან მო-
ყოლებული, მას შენდებდა, რაც ირანის სამეფო ტახტი სასანიანებმა
დაიპყრეს, იწყება ირანის თვალსაჩინო გაძლიერება. მესამე საუკუ-
ნის შუა წლებში მათ მწარე დამარცხება აწვენეინეს რომაელებს
მით უფრო ადვილად, რომ ამ დროს იმპერია თავისთავადაც ძალზე
იყო მისუსტებული. რადგანაც შინაური და საგარეო აშლილობა თა-

¹ ქართლ. შიქვ. 720.

² იქვე. 722.

³ იქვე. 724.

ვის მწვერვალზე იყო ასული. ირანელებმა იმასაც-კი მიადწიეს, რომ თვით კეისარი ვალერიანე ტყვედ წაიყვანეს (260 წელს), რაც დაგვირგვინება იყო ირანის მეფის შაბურ I-ის ცდისა ხელში ჩაეგდო რომის იმპერიის აღმოსავლეთი პროვინციები. ირანელების გაძლიერებას, რა თქმა უნდა, მნიშვნელობა ჰქონდა ჩვენი ქვეყნებისთვისაც, საითყენაც ირანის მეფეები ხარბი თვალით ადრევე იცქირებოდნენ. ირანელების გავლენა ამიერ-კავკასიაში ყველაზე ადრე, გასაგებია, სომხეთში და ალბანეთში ვრცელდებოდა. სომხეთში მათ წინა საუკუნეებშიაც არა ერთგზის მიუღწევიათ ჰეგემონიისათვის. სომხურ ეროვნულ ტრადიციების მიხედვით, უკვე პირველმა სასანიანმა არდამირმა (226—240) დაიპყრა სომხეთი, დახარკა იგი და 26 წლის განმავლობაში ჰმართავდა მას თავის მოხელეების საშუალებით¹. რომაულ წყაროების ჩვენებითაც სომხეთი არდამირის შვილის შაბურის დროს სპარსულ გავლენის სფეროში შედიოდა². ირანელების „მოღვაწეობა“ სომხეთში, როგორც ჩანს, არც თვით სომხებს ჰხიბლავდა და სომხების მეზობლებისთვისაც ცუდი მაგალითი უნდა ყოფილიყო. როცა იმპერატორი ვალერიანე ირანელებმა ტყვედ წაიყვანეს, სომხეთის მეფეს არტავაზდს შაბურისათვის მიუწერია — ამ აქტით (ვალერიანეს ტყვედ წაყვანით) შენ გადაიმტერე და ჩვენც გადაგვამტერე, იმიტომ რომ ჩვენ შემწეობა გამოგიგზავნეთ, ყველა ხალხი, რომელნიც მეგობრულ ურთიერთობაში იმყოფებიან რომაელებთან, ან ემორჩილებიან მათ³. ამ ხალხთა შორის სომხთა მეფე აღმოსავლეთში და | პონტოში მცხოვრებ ხალხებსაც იხსენიებს. და მართლაც ბაქტრიელებს, ი ბ ე რ ი ე ლ ე ბ ს, ა ლ ბ ა ნ ე ლ ე ბ ს ა და ტავროსკეთებს უკუუფდიათ შაბურის წერილები, რომლებითაც სპარსეთის მეფე ამ ხალხებს ალბათ თავის მხარეს ეპატიებოდა, და, სამაგიეროდ, რომაელთა წინამძღოლთათვის მიუწერიათ, ვალერიანეს ტყვეობიდან გამოსხნის საქმეში დაგეხმარებითო⁴. მაშასადამე, მესამე საუკუნის მეორე ნახევარში ამ ხალხების მმართველ წრეების ორიენტაცია რომისკენ ყოფილა მიმართული. უეჭველია, ამ მოვლენას თავისი უფრო ღრმა მიზეზებიც უნდა ჰქონოდა.

¹ ხორენელი, II, 77.

² კაპიტოლინი, SC II, 298

³ იქვე.

⁴ იქვე.

296 წლის ზაგმა, როგორც ენახეთ, დაადასტურა რომის უპირატესობა კერძოდ ქართლში. მაგრამ ქართლის დამოკიდებულება რომისაგან ამ დროს სავსებით მსუბუქი ფორმის უნდა ყოფილიყო, მიუხედავად იმისა, რომ ფორმალურად ეს ვასალობა იყო. რომის იმპერატორები ხომ უფრო აღრევეც ცდილობდნენ უხვი საჩუქრებით განემტკიცებინათ თავიანთი „მეგობრობა“ იბერიის მეფეებთან. მაგრამ შემდეგში, საერთო მდგომარეობის გამო, კიდევ უფრო მეტი საფუძველი ჰქონდათ ასეთი პოლიტიკა განეგრძოთ. მეოთხე საუკუნის სამოციან წლებში, ირანელთა გაძლიერებულ შემოტევების გამო (361 წ. ზამთარში), რომაელები ცდილობდნენ მდ. ტიგროსის გაღმა მცხოვრები მეფენი და სატრაპები თავიანთ მხარეს გადმოებრებინათ მდიდარი საჩუქრებითა და საჭირო შთაგონებით. მაგრამ, უწინარეს ყოვლისა, ცდილობდნენ მოექართაშათ ბრწყინვალე სამოსლებითა და მრავალფეროვან საჩუქრებით არშაკი და მირიანი („მერაზანე“), სომხეთისა და ქართლის (იბერიის) მეფეები, რომელთაც შეეძლოთ მაშინდელ საეკვო გარემოებაში ევნოთ რომაელებისათვის, სპარსელების მხარე რომ მიეღოთო, ამბობს რომაელი ისტორიკოსი¹. მართლაც, მეოთხე საუკუნის დამდეგიდან ირანელების იერიშები რომაული ტერიტორიის მიმართ სულ უფრო და უფრო ძლიერი ხდება. ამიერ-კავკასიაში, სომხეთისა და ალბანეთის შემდეგ, ირანელებს ეხლა ქართლიც ჰქონდათ მიზანში ამოღებული და ძალოვნეს არა ზოგავდნენ რომ რომაელები აქედან გაეძევიბინათ. რადგანაც არც ერთს მებრძოლ მხარეს იმ ხანად ისეთი რეალური ძალა არ გააჩნდა რომ იარაღით ვადაეჭრა საკითხი, ამიტომ ადგილობრივ მმართველ წრეების განწყობილებას განსაკუთრებული მნიშვნელობა ენიჭებოდა. ორივე მხარე სწორედ ამ განწყობილების მოპოვებას ცდილობდა. | წყაროებიც მკაფიოდ მიუთითებენ მდგომარეობის ასეთ ხასიათზე. მეხუთე საუკუნის დამდეგისათვის, როცა ბრძოლა ქართლის გამო ჯერ კიდევ არ იყო საბოლოოდ გადაწყვეტილი, ძველი ქართველი ჰაგიოგრაფი აღნიშნავს: „მათ ჟამთა შინა უკუე იყო ბრძოლა შორის ბერძენთა და სპარსთა და ეშინოდა ბერძენთა, ნუ უკუე შეერთოს მეფე ქართველთა სპარსთა და ბრძოდიან სამეფოსა ბერძენთასა და მძლე ექმნენ ბერძენთა, ამისთვისცა მოსთხოვა (კეისარმა)... მეფესა ქართველთასა ფიცითა სიმტკიცე, რათა არა

¹ ამიანე მარცელინე, SC II, 324.

„შეერთოს სპარსთა“. ქართლის მეფე სათანადო პირობას იძლევა. მაგრამ კეისარმა მას „უშეტესისა სიმტკიცისათჳს მოსთხოვა მძევალთა შუგისა ქართველთასა. ზოლო რათა არა განიწვალნენ (ე. ი., არ გაიყონ, არ გაეთიშონ ერთმანეთს) ბერძენნი და ქართველნი და რათა იყოს მათ შორის მშუილობა და სიყუარული, ამისთვისცა თავს იღვა ესე მეფემან ქართველთამან და წარგზავნა ძე თვისი“ მძევლად¹. დასავლეთისკენ აუღიათ ორიენტაცია ქართლის მმართველ წრეებს ჩვენთვის საინტერესო ხანაშიაც. დამოკიდებულება შორეულ რომთან მათთვის უფრო ხელსაყრელი იყო და მისაღები, ვიდრე ირანელების ზედ კარზე მომდგარი ბატონობა. მემკვიდრეანი ამტკიცებს, რომ პირველი ქრისტიანი ქართველი მეფე (მირიან) „უღონო იქმნა მირიან და შეეშინა ოტებისათჳს ქართლით, რამეთუ მომწყდარ იყუნეს წყობასა მას შინა ყოველნი წარჩინებულნი მისნი... და ამისთვისცა წარგზავნა მოციქული წინაშე კონსტანტინე მეფისა და ითხოვა მისგან მშვიდობა და აღუთქვა მას მსახურება და განდგომა სპარსთაგან და შემოდგომა მისი, რომელი ესკ სთნდა კონსტანტინეს, რამეთუ შიში აქუნდა გუალადცა სპარსთა მეფისაგან და თანაშემწეობისაგან (ქართველებისა სპარსელების სასარგებლოდ). დაეზავა მირიანს და აღიყუანა შვილი მირიანისი მძევლად“-ო². რომის იმპერიაში ამ დროს ქრისტიანობა უკვე სახელმწიფო რელიგიაა, და იგი ბუნებრივად გამოყენებული ხდება აღწერილ საურთიერთო პოლიტიკურ მიდრეკილების განსამტკიცებლად. ეს ამბავი და მისი ნამდვილი აზრიც მშვენიერად აქვს აღწერილი იმავე მემკვიდრეს. როცა მირიან მეფემ თავისი საბრძანებელი „განამტკიცა... სრულსა სააწმუნოებასა ზედა“, კონსტანტინე კეისარმა ქართველთა მეფეს „მძევალი, ძე მირიანისი... გამოუგზავნა... ნიჭითა დიდითა (დიდი საჩუქრებით) და მოუწერა | ესრეთ: „მე, კონსტანტინე თვითმპყრობელი, ახალი მონა ცათა მეუფისა, პირველ ეშმაკისაგან წარტყუენული და გამოჭინილი დამბადებელისა მიერ, მო-

¹ პეტრე ქართველის ცხ., მარის გამოც.: | „православный падестинский сборник“, вып. 47, გვ. 5—5.

² ლეონტი მროველი, მარ. 54.

ვსწერ შენდა... ჩემთავე ახალნერგისა მორწმუნისა მეფისა მირიანისსა — იყავნ შენთანა მშვიდობა და სიხარული. ვინა მთგან იცან შენ სამება და ერთარსება, ღმერთი დამბადებელი ყოვლისა, არღარა მიჯმს მე შენგან მძევალი, არამედ კმა არს ჩუენ შორის შუამდგომელად ქრისტე... და ჯუარი მისი... ვიყუნეთ ჩუენ სიყუარულსა. ზედა ძმებრივსა. შვილი შენი შენდავე მიმინიკებია, იხილე და განიხარე... განსდევნენ ღმერთმან დამბადებელმან ეშმაკი მაცთური საზღვართაგან შენთა¹—ო², რადგანაც შენ ჩვენი ღმერთი იცან, მძევალი ეხლა ჩვენთვის. საკირო აღარ არის, მის მაგივრობას ქრისტე შეასრულებს — ის განამაგრებს კავშირს ჩვენ შორის და მაცთურ ეშმაკსაც (ირანელებს!): გააძვევებს ჩვენი მიწა-წყლიდანაო. ჯერ საკვლევია, რათქმა უნდა, თუ საიდან აქვს ავტორს ეს საყურადღებო ცნობა ამოღებული, მაგრამ რომ თვით ცნობა სავსებით შეეფერება ისტორიულ სინამდვილეს, ამას საუცხოოდ ადასტურებენ უცხოური წყაროები. ბერძნული წყარო მე-4 საუკუნისა, რომელსაც საფუძვლად დასდებია იბერიის სამეფო სახლის შვილის მოთხრობა ქართლის გაქრისტიანების შესახებ და რომელიც თითქმის თანამედროვეა ამ ამბებისა, გვამცნობს: როცა ახლად გაქრისტიანებულ იბერიიდან მოცეკულები მივიდნენ რომის იმპერატორთან სამღვდელო პირთა გამოსათხოვად, „კოსტანტინე მეფემ ისინი მეგობრულად მიიღო, უხაროდა რა უფლისათვის. მან შეიწყნარა თხოვნა და... ხელთდაასხმევიანა (ე. ი. აკურთხებინა) იბერთა ეპისკოპოსი. ამავ დროს მას (ქარგად) ესმის რომ ეს არის ნიშნი ღმერთისა, რომელიც უცხოთესლთ უქვემდებარებს მას“—ო².

ქრისტიანობის სახელმწიფო სარწმუნოებად მიღება ქართლში უნდა მომხდარიყო მეოთხე საუკუნის ოცდაათიანს თუ ორმოციან წლებში. ქართლის იმ მეფეს, რომელმაც ეს აქტი შეასრულა, ქართულ-სომხური წყაროები ეძახიან მირიანს, ბერძნულ-ასურულნი-კი. ბაკურს. არსებითად ეს ცნობები არ ეწინააღმდეგებიან ერთმანეთს.

¹ ლეონტი მროველი, მარ. 109—110.

² „მიმომხილველი“, I, 62—3; შეადრ. რუის-ურბნისის კრების „ძველისწერის“

უცხოურ წყაროების | ბაკური არის შირიანის მემკვიდრე და მომდევნო მეფე ბაკური¹. ამ ბაკურმა, როგორც ვნახეთ, გარკვეული როლი ითამაშა აღწერილ ამბებში. შესაძლებელია ის მძევალი არ ყოფილიყო (და ეს გარემოება მერმე იყოს შეთხზული), მაგრამ სავსებით დასაჯერებელია, რომ მას იმპერატორის კარზე ეცხოვრა და კეისრის მთავრობას მისი იქ ყოფნა მართლაც გამოეყენებინა თავის მიზნებისათვის. შესაძლებელია ისედაც მომხდარიყო რომ ქართულ სამეფო სახლიდან ფაქტიურად ქრისტიანობა პირველად სწორედ კეისრის კარზე მყოფ ბაკურს მიეღო. ს ა ხ ე ლ მ წ ი ფ ო ს გაქრისტიანებას-კი მხოლოდ მეფის მონათვლა უდებდა საფუძველს. ქართული წყაროებიც შემდეგში ბაკურს განსაკუთრებით ენერგიულ მიმდევრად აცხადებენ ახალ სარწმუნოებისათვის და მისი შემდგომი გავრცელების აქტიურ ორგანიზატორად. ამიტომ გასაგებია რომ ბაკური ქართლის პირველ ქრისტიან მეფედ გამოეცხადებინათ გარკვეულ წრეებს — აქაც ალბათ პოლიტიკური ტენდენციები იფარება.

რომ ზემოთ წარმოდგენილი ანალიზი სწორი უნდა იყოს, ამაში დასავლეთ საქართველოს გაქრისტიანების ისტორია გვარწმუნებს. უეჭველია რომ დასავლეთ საქართველოში ქრისტიანობის ოფიციალურ კულტად ქცევას მნიშვნელოვნად დააგვიანდა აღმოსავლეთ საქართველოსთან შედარებით. თანაც ეს მოხდა იქ დიდი ყოყმანისა და მერყეობის შემდეგ, როგორც ჩანს. ამავე დროს ისიც უეჭველია, რომ ამ ფაქტის განხორციელებისათვის დასავლეთ საქართველოში ბევრად უფრო ხელსაყრელი პირობები იყო, თუ ფორმალურ თვალსაზრისზე დავდგებით. დასავლეთი საქართველო იმთავითვე ბევრად უფრო მჭიდრო კავშირშია რომის სახელმწიფოსთან, ვიდრე ქართლი. იგი გეოგრაფიულადაც ხომ უფრო ახლოს იყო რომთან. გარდა ამისა, დასავლეთ საქართველოს ტერიტორიაზე უძველეს

¹ ასე ეძახის მას უძველესი „ქართლის მოქცევის“ მატთანე. უფრო გვიანდელი. ლ. შროველის, თხზულებით ამ პირს ბაქარი ჰქვია. ცხადია, უპირატესობა პირველ წყაროს უნდა მიეცეს. სახელი „ბაქარი“ ამ დროს მით უმეტეს შეუძლებელია, რომ, როგორც დოც. ნ. ბერძენიშვილმა მიაქცია ჩვენი ყურადღება, ეძახებოდა ანაბელი არაბულ წარმოშობისა და აღებულ ხანისათვის ანაქრონიზმს წარმოადგენს.

დროიდან მოყოლებული იყო უცხოელთა ფაქტორიები — ზღვისპირა სავაჭრო ქალაქები (ფაზისი, დიოსკურია, პიტიუნტი), რომლებშიც მოსახლეობის უდიდეს ნაწილს აგრეთვე უცხოელები, კერძოდ, ბერძნები, შეადგენდნენ. იმპერიის სხვა ნაწილებთან ეკონომიურად, პოლიტიკურად და კულტურულად მეტად ახლო დაკავშირებულმა, ამ ქალაქების მოსახლეობამ ქრისტიანობაც ადრე მიიღო. მეოთხე საუკუნის პირველ ნახევარში ზოგიერთს ამ ქალაქთაგანში უკვე საეპისკოპოსო კათედრაც-კი არსებობს. ყოველივე ამას სათანადო გავლენა უნდა მოეხდინა ქრისტიანობის გავრცელებაზე ადგილობრივ მოსახლეობაში. საამისო ფაქტებიც არსებობს — ახალ რელიგიის მიმდევართა არსებობის შესახებ ლაზიკაში. მაგრამ უკვე ვამბობდით — ქრისტიანობის გავრცელება ერთია და მისი სახელმწიფოებრივი სანქცია და ლეგალიზაცია — მეორე. მართალია, მოხსენებულისა რომ მეხუთე საუკუნის სამოციან წლების დამდეგს კონსტანტინოპოლში ჩასული ლაზიკის მეფე, გუბაზი, თავის ქრისტიანობის ნიშნებს ატარებდა¹, მაგრამ ეს, როგორც ჩანს, ვერ გამოდგება იმის საბუთად რომ ლაზიკის სამეფო სახლი საბოლოოდ გადასული იყო ქრისტიანობის მხარეს. შესაძლოა ლაზიკის მეფის მხრით ეს ერთგვარი ხერხიც ყოფილიყო: ის კონსტანტინოპოლში თავის სამართლებლად იყო ჩასული, რადგანაც მას რომაელების დალატი ბრალდებოდა. და, მართლაც, ამ ცნობის ავტორი ამტკიცებს, რომ ლაზიკის მეფემ რომაელი კარისკაცები, რომელთაც იგი თავდაპირველად საყვედურით აავსეს, მოხიბლა თავის პირმოთნე სიტყვებითა და თავის ქრისტიანობის ნიშნებითო. მეორე მხრით, ამავე პირის შესახებ ნათქვამია რომ იგი კონსტანტინოპოლში ჩავიდა ი რ ა ნ უ ლ ტ ა ნ ი ს ა მ ო ს შ ი გ ა მ ო წ ყ ო ბ ი ლ ი და მიღურად მცველებით გარშემორტყმულიო². მაშასადამე, მას ირანული ზნე-ჩვეულება და მიდრეკილებაც მკაფიოდ ახასიათებდა. პოლიტიკური ორიენტაციაც მას, კარგად ვიცით, ირანული ჰქონდა. ლაზიკის სამეფო სახლის საბოლოო გაქრისტიანება, რაც, რა თქმა უნდა, ნიშნავდა ამ რელიგიის ოფიციალურ კულტად ქცევას ეგრისში (ლაზიკაში), მოხდა, როგორც ჩანს, მხოლოდ მეექვსე საუკუნის ოციან წლებში, და ისიც:

¹ პრისკე, SC I, 842.

² იქვე.

თავისებურსა და საგულისხმო პირობებში. ლაზთა მეფე წათე ნოდის კონსტანტინოპოლს, სადაც კეისარს უცხადებს სურვილს გაქრისტიანებისა და ეგრისის სამეფო ტახტზე დამტკიცების შესახებ (ის ბიზანტიის ვასალია!). კეისარი სიხარულით ნათლავს წათეს და მის შვილს (მაშასადამე, მეფის ოჯახიც წარმართია), უბოძებს მას სამეფო გვირგვინსა, ძვირფას სამოსლებსა და სამკაულებს და თანაც ცოლად ჰრთავს წათეს თავის ერთ დიდებულ კარისკაცთაგანის ასულს¹. ცხადია, ქრისტიანობა, რომელიც თან გაჰყვა წათეს სამეფო გვირგვინსა და ახალ ცოლს, იყო პირობა იმისათვის, რომ იმპერატორს თავისი ვასალი ტახტზე დაემტკიცებინა. წათეს მეორე ცოლიც ბიზანტია-ეგრისის პოლიტიკურ კავშირის განმტკიცების იარაღი უნდა ყოფილიყო. ეს პოლიტიკური მდგომარეობა აიძულებდა ალბათ წინათაც ლაზიკის სამეფო სახლს წინააღმდეგობა ქრისტიანობას. მისთვის კავშირი რომთან სრულებით არ იყო საძიებელი. ეს კავშირი არსებობდა, და არსებობდა საკმაოდ მძიმე ფორმითაც: დასავლეთი საქართველო იმთავითვე რომის ვასალი იყო და არა ფედერატი. გვაქვს საბუთი ვიფიქროთ, რომ გარკვეულ პერიოდში ქვეყანა ხარკსაც იხდიდა რომის სასარგებლოდ. ასეთ პირობებში, იბერიის საწინააღმდეგოდ, ეგრისის მმართველი წრეები აშკარად ირანულ ორიენტაციისა არიან. ჩვენ, სამწუხაროდ, თითქმის სრულებით არ მოგვეპოვება ცნობები დასავლეთ საქართველოს ვითარების შესახებ მეოთხე საუკუნეში. მეხუთე საუკუნის შუა წლებისათვის-კი (456 წ.) დადასტურებულია რომ ლაზები ირანელების დახმარებას ეძიებენ რომაელების წინააღმდეგ. ეგრისის მეფემ გუბაზმა ამ დახმარების გამოსათხოვრად ელჩები გაუგზავნა „პართიის“ მეფეს, მაგრამ ირანელებს ამ დროს ომი ჰქონდათ ჰუნებთან და ლაზებმა თხოვნაზე უარი მიიღეს. ამიტომ, თუ თავდაპირველად ლაზებმა დამარცხება აწვნევინეს რომაელებს, ეხლა გუბაზი იძულებული შეიქმნა მორჩილება განეცხადებინა იმპერატორისათვის, შეესრულებინა მისი მთავარი მოთხოვნა და თავისი სამეფო შვილისათვის დაეთმო, ერთმმართველობას დამყარების მიზნით ეგრისში. შემდეგ გუბაზი კონსტანტინოპოლშიაც ჩავიდა (465—474 წლებს შორის: ეს ამბავი მოხდა დედაქალაქის გადაწვის, 465 წ., შემდეგ და იმპერატორ ლეონის მეფობაში, ლეონი-კი გარდაიცვალა 474 წ.

¹ თეოფანე, ქრონოგრაფია, I, 168.

3. 11), სადაც საბოლოოდ გამოასწორა თავისი საქმე¹, როგორც ეს ზემოთ იყო მოთხრობილი. გუბაზის მემკვიდრე, როგორც ჩანს, უფრო მოქნილ პოლიტიკას აწარმოებდა და რომაელების ძალის გამოყენებას სცდილობდა ურჩობისადმი მიდრეკილ სვანების წინააღმდეგ².

რაც უფრო მეტი დრო გადიოდა და ირანელები უფრო და უფრო მაგრად იდგამდნენ ფეხს ქართლში, მით უფრო მეტ მზრუნველობას იჩენდა კონსტანტინოპოლის მთავრობა თავის ინტერესების მიმართ ეგრისში. რომაელებს საფუძვლიანად ეშინოდათ იმისა, რომ ირანელები დასავლეთ საქართველოს ხელში ჩაგდებასაც მოინდომებდნენ. ასეთი ვითარება განსაკუთრებით აშკარა გახდა მეექვსე საუკუნის დამდეგიდან მოყოლებული. 502 წ. ირანელებმა აიღეს ქალ. თეოდოსიოპოლიც-კი (ერზერუმი), რაც მრისხანე გაფრთხილება იყო რომაელებისათვის. უკანასკნელნი ეხლა თვითონ ცდილობენ ინიციატივის ხელში ჩაგდებას და კავშირს აბამენ ირანელების საწინააღმდეგოდ განწყობილ ელემენტებთან ქართლში. რომაელების აქტიურობა საქართველოში განსაკუთრებით უნდა გაძლიერებულიყო მას შემდეგ, რაც იუსტინე კეისრის მეფობის პირველსავე წლებში (518—523³) ირანელებმა დიპლომატიური გზით დააყენეს ეგრისის საკითხი: ირანელების წარმომადგენელი რომაელთა წარმომადგენლებს, საზავო მოლაპარაკების დროს, უმტკიცებდა რომ „კოლხიდა, რომელსაც ეხლა ლაზიკე ეწოდება, ძველითგანვე... სპარსელთა ქვეშეურდომი იყო“ და რომ ეს ქვეყანა ეხლა „რომაელებს ძალით უჭირავთ, უსაძართლოდ“-ო. „რომაელები აღშფოთებით ისმენდნენ ამას, სპარსელები რომ ლაზიკესაც ეცილებოდნენ“⁴. მართალია, იმ მომენტში ირანელებმა თავისი ვერ გაიტანეს, მაგრამ მათ მიერ აღძრული საკითხი საბოლოოდ მაინც გადაწყვეტილი არ იყო. კონსტანტინოპოლის მთავრობა მაინც დარწმუნებული იყო, რომ ირანის მბრძანებელს, „კავადს, განზრახვა ჰქონდა რამენაირად შექ-

¹ პრისკე პანიელი, SC I, 840—843, 847.

² იქვე, 845-6.

³ ეს ამბავი ხდება იუსტინეს გაზეფების შემდეგ (518) და, როგორც ჩანს, გურგენ, ქართლის მეფის, აჯანყებამდე (523).

⁴ პროკოპი კესარიელი, იხ. პროფ. ს. ყაუხჩიშვილის გამოც. „გეორგია“ II, 21.

რილიყო რომაელთა მიწაწყალში“¹. ამიტომ, როცა ირანელებისაგან შევიწროებულმა ქართლის მეფემ „გურგენმა მოინდომა იუსტინე მეფის მხარეს გადასულიყო და პირობა მიეღო, რომ რომაელები არასდროს სპარსელების ხელში არ ჩააგდებდნენ იბერებს“, რომაელების იმპერატორმა გურგენს „დიდის სიამოვნებით მისცა ეს დაპირება და ბოსპორში გაგზავნა დიდძალი ფულით „ერთი სანდო კაცი“, რათა ჰუნების ჯარი ფულის საშუალებით დაეყოლიებინა და იბერთა დასახმარებლად გაეგზავნა“. რადგანაც ეს ცდა უშედეგოდ დამთავრდა, „მეფემ პეტრე სტრატეგოსი გაგზავნა ლაზიკეში რამდენიმე ჰუნნითურთ, რომ ის დახმარებოდა გურგენს, რამდენადაც შესაძლებელი იყო. ამავე დროს კავადამც დიდძალი ჯარი გაგზავნა გურგენისა და იბერების წინააღმდეგ... გურგენმა რომ დაინახა, რომ ის სუსტია სპარსელთა იერიშის ატანისათვის, რადგან რომაელების გამოგზავნილი / დამხმარე ძალები საკმაო არ იყო, ლაზიკეში გაიქცა იბერთა ყველა დიდებულთურთ და თან წაიყვანა ცოლი, შვილები და ძმები... ლაზიკის საზღვრებში რომ მოვიდნენ, აქ გაჩერდნენ და, ძნელგასავლელი ადგილებით დაცულნი, იგერიებდნენ მტერს. სპარსელები კი დაედევნენ მათ, მაგრამ მაინცაღა-მაინც ვერაფერი დააკლეს, რადგან საქმეს აფერხებდა ძნელგასავლელი ადგილები. შემდეგ იბერები ბიზანტიონში ჩავიდნენ“².

ამრიგად, ლაზიკა ამ დროს რომაელებს უკვე გადაქცეული აქვთ ირანელების საწინააღმდეგო მოქმედების ბაზად და ირანის მემბოხეთა თავშესაფარად. თვით ლაზებს კი თავი ორჭოფულად ეკირათ და აღწერილი მდგომარეობა არაფრად ეპიტნავენბოდათ. იგივე მემათიანე ამტკიცებს, რომ „ლაზებს არ სურდათ თავისი ქვეყნის თანადაცვა“, ე. ი., ეგრისის მმართველ წრეებს არ უნდოდათ დახმარებოდნენ რომაელებს მათს სამხედრო თავდაცვის ოპერაციებში ლაზიკის საზღვრებზე, და ამიტომ „მეფემ გადაწყვიტა გაეგზავნა ჯარი და სარდალი ირენე. იბერიის საზღვრებიდან რომ შედიხარ, იქვეა ლაზების მიწაწყალზე ორი სიმაგრე, რომელთა დაცვა ძველი თგანვე ადგილობრივი მცხოვრებლების საზრუნავს შეადგენდა, თუმცა მათ ბევრი ნაკლებობის გადატანა უხდებოდათ, რადგან იქ არ მოდის არც ხორბალი,

¹ პროკოპი კესარიელი, იხ. პროფ. ს. ყაუხჩიშვილის გამოც. „გეორგიკა“ II, 21.

² იქვე, 21—24.

არც ღვინო, არც სხვა რამ სიკეთე. სხვა ადგილიდან რისამე შემო-
ზიდვა, ვიწრობების წყალობით, შეიძლება მხოლოდ ისე, თუ კაცე-
ბი თვითონ მოიტანენ. მაინც, რადგან იქ რამდენადმე ქვრივა მო-
დიოდა, ლაზები ახერხებდენ, ჩვეულებისამებრ, თავის
გამოკვებას. მეფემ გამოიყვანა იქიდან ეს მცვე-
ლები (ცხადია იმიტომ, რომ რომაელები მათ ვერ ენდობოდნენ,
ს. ჯ.) და რომაელ ჯარისკაცებს უბრძანა სიმაგრეების სადარაჯოზე
დამდგარიყვნენ. თავდაპირველად მათ ლაზები აწოდებდენ ძლივს-
ძლივობით საკირო სურსათს, მაგრამ შემდეგ მათ უარი გა-
ნაცხადეს ამ საშსახურზე და რომაელებმა ეს სიმაგ-
რეები დატოვეს; ისინი ხელთ იგდეს სპარსელებმა სრულიად
გაურჯელად¹. ნათელია: როცა ლაზები აღნიშნულ ციხეებს
თავისად ჰგრძნობდნენ, ისინი მათს და მთელი ქვეყნის დაცვასაც
ახერხებდნენ; ეხლა მათ არავითარი სურვილი არ ჰქონდათ თავი-
მოეტყუებინათ და თავისი ქვეყნის დაცვის მაგიერ არსებითად რომ-
მავლთა ინტერესების უვნებლობისათვის ელვაწნათ, — რომაელები
| ხომ მათ სრულიად არა სასურველ ბატონობას უმზადებდნენ, ლა-
ზების დაუხმარებლად კი რომაელებს ამ შორეული და ძნელად მი-
სადგომი სიმაგრეების (აქ იგულისხმება შორაპანი და სკანდა) შე-
ნარჩუნება არ შეეძლოთ და ციხეებიც სრულიად გაურჯე-
ლად ირანელებმა დაიპყრეს. შორაპანი და სკანდა რომაელებმა
მხოლოდ 532 წ. დაიბრუნეს.

ამ სიმაგრეების თავდაპირველი გადასვლა ირანელთა ხელში
სრულებით არ ნიშნავდა ამ უკანასკნელთა გაბატონებას მთელს ეგ-
რისში, ან რომაელების წასვლას აქედან. რომაელებმა მხოლოდ ეგ-
რისის აღმოსავლეთი საზღვარი დასტოვეს. უფრო მისაწვდომ პუნქ-
ტებში კი, განსაკუთრებით, ზღვისპირა ზოლში, განსაკუთრებული
მაგრება დაიწყეს. იგივე რომაელი მემკვიდრე გვიამბობს: „როდესაც
მოხდა გურგენ, იბერთა მეფის, წყალობით შემთხვეული ამბავი,
როგორც ეს ზემოთ იყო ჩემ მიერ მოხსენებული, ლაზებთან
დაიწყეს ჩადგომა როშაელთა ჯარისკაცებმა,
რომლებითაც ის ბარბაროსები შეწუხებულ
იყვნენ, და, პირველ ყოვლისა, შეწუხებულ იყვნენ

¹ პროკოპი კესარიელი, იხ. პროფ. ს. ყაუხჩიშვილის გამოც. „გეორგია“
II, 24—25.

პეტრე სტრატეგოსით, რომელიც ადვილად ექცეოდა ხოლმე მათ უდიერად“-ო¹. ეს სწორედ ის პეტრეა, რომელიც იუსტინე კეისარმა გაგზავნა ეგრისში ქართლის მეფის გურგენის დასახმარებლად.

აი, სწორედ ამ დროს და ამ პირობებში მიიღო წათემ რომაელებისაგან ეგრისის სამეფო გვირგვინი და ქრისტიანობა: თეოფანე. ქრონოგრაფი პირდაპირ ამბობს, რომ წათეს გამეფება და გაქრისტიანება მოხდა 523 წ.².

მოვლენის შინაგანი და გარეგანი მიზეზები და მექანიკა ნათელია..

საინტერესოა, რომ ირანელებს შურისძიებაც უცდიათ ლაზების მიმართ: მომდევნო კეისრის, იუსტინიანეს, მეფობის პირველ წელს, 528-ში, მათ გაულაშქრნიათ ლაზების წინააღმდეგ. ეგრისის მეფეს წათეს და იუსტინიანეს მიერ გამოგზავნილს რომაულს დამხმარე რაზმს მტერი დაუმარცხებია³.

! ქრისტიანობის ყველაზე მნიშვნელოვანი გარეგნული ემბლემა და სიმბოლო, რომელიც ამ სარწმუნოებამ ჩვენშიც თავიდანავე მოიტანა და მას განსაკუთრებული მნიშვნელობა მისცა, იყო ჭვარი.

ცნობილია, რომ ჭვარი არის წინაქრისტიანული მოვლენა. ქრისტიანობამ გამოიყენა ის, გაავრცელა ხალხის ფართო მასებში ეს ემბლემა და მას თავისი სამსახური დააკის-

რა. ჭვარი, ისევე, როგორც ხატი, იყო გარკვეული ხარკი მმართველი წრეებისა იმ ფსიქო-იდეოლოგიის მიმართ, რომლითაც ფართო მასები შეპყრობილი იყვნენ. ეს იყო ხარკი ძველი კერპთაყვანისმცემლური განწყობილების სასარგებლოდ, რომელიც უაღრესად ძლიერი იყო ხალხში. ქრისტიანობამ ბევრი რამ მიიღო ძველი და ცდილობდა ძველ გულაში თავისი ახალი ღვინო ჩაესხა, მაგრამ ცხა-

¹ პროკოპი კესარიელი, იხ. პროფ. ს. ყაუხჩიშვილის გამოც. „გეორგიკა“, II, 46

² „დასაბამიდან სოფლისა“ 6015 წ., „ქრონოგრაფია“, დეპორის გამოც., I, 168. შეექმენ საუკუნეში მიიღეს ქრისტიანობა აბაზგებზეც, რაც აღიარებულია საყოველთაოდ. ესეც საბუთია იმისა, რომ მეხოთე საუკუნეში ლაზიკაში, რომლის ნაწილს შეადგენს მაშინ აფხაზეთი, ქრისტიანობა ჯერ კიდევ სახელმწიფო სარწმუნოება არ არის.

³ თეოფანე. იქვე, I, 174.

ღია, ამ გზით თვით სითხესაც გარკვეულად ეცვლებოდა იერი და ფერი.

ქრისტიანული ჯვარის საქართველოში შემოტანის შესახებ ჩვენ თავიდანვე გარკვეული ცნობები გვაქვს.

უპველესი მათიანე ნინოს შესახებ ამბობს, რომ — პირველ სამ წელს ქართლში მოსვლის დღიდან ნინო „ილოცვიდა ფარულად ადგილსა ერთსა, შებურვილსა ბრშამლითა მაყულისაჲთა“. და სწორედ ამ დროს მან თითქოს „შექმნა სახმ ჯუარისაჲ ნასხლევისაჲ“¹, ე. ი., ნინოს მაყულის ბუჩქის ქვეშ ჰქონდა თითქოს სამლოცველო და აქ შექმნა მან „სახე ჯვარისა“, ნასხლევიდან ჯვარი გააკეთა. ბუნებრივად იბადება აზრი რომ აქ იგულისხმება ვაზი, მაგრამ ამ აზრს ხსნის გაცილებით უფრო მკაფიოდ შემდეგი დროის წყარო, რომელიც „ქართლის მოქცევის“ მათიანეზე არის დამყარებული და მის შემდგომ გადამუშავებას წარმოადგენს.

ამ მერმინდელ წყაროში ნათქვამია, რომ ეს ნინოს ჯვარი იყო „ჯუარი... შემზადებული ნასხლევაგან ვაზთასა“².

აქ პირდაპირ არის ნათქვამი რომ ჯვარი ვაზისაგან იყო გაკეთებული.

მეორე წყარო, აგრეთვე ნაგვიანევი (XII ს.) რედაქციის ნაყოფი, გვეუბნება რომ ეს ჯვარი ვითომც ჯერ კიდევ საქართველოში მოსვლამდე მიიღო ნინომ ქრისტეს დედისაგან. ნინო ჯერ კიდევ სართველოს გარეთ ხედავს ჩვენებაში თითქოს „ზედა კერძო ცხედარსა (=საწოლსა) მისსა იყო ვაზის რტოჲ გარდაფენილი. გამოუჩნდა ყოვლად წმიდაჲ იგი ნეტარსა ნინოს და ჰრქუა: „აჰა, ესერა, წარგავლინებ შენ ქადაგებად ნათესავთა მიმართ უცხოთა, ნაწილსა ჩემსა ქუეყანასა ჩრდილოასასა, ერისა მიმართ ქართველთასა, წარველ სიმკნით და ყოველთა უქადაგე ჰქმმარიტებაჲ“. ზოლო მან, შეძრწუნებულმან ხილვისა მისგან, მიუგო: „დედოფალო, ვერ შესაძლებელ არს ეგე ჩემ მიერ, რამეთუ მე დედაკაცი ვარ უცხოჲ, უნდოჲ და უსწავლელი, ანუ რაჲ იყოს სასწაულ და წინამძღუარ საქმისა ამის“.

მაშინ დედოფალმან მიყო ზედა კერძო ცხედრისა მისისა მყოფ-

¹ „მოქცევაჲ ქართლისაჲ“, შატბ. რედ.: Опис. II, 712.

² ქცხ. მარ., 75.

სა მას რტოსა ვენაჯისასა და მოჰკუშთა მისგან და შექმნა ჭუარის სახედ და მისცა იგი ჯელთა ნინოხსთა და ჰრქუა: «ამით ნიშითა სქლო ყოველთა მანქანებათა ეშმაკისათა და წარგემართოს ქადაგებაჲ შენი, და თანაშემწე გეყო და არა დაგიტეო შენ“. „ამისსა შემდგომ მოეგო რაჲ თავად თვსად ნეტარი იგი, იხილა ჯელთა შინა თვსთა, რამეთუ აქუნდა ჭუარი იგი ვაზისაჲ... კრძალულად მარადის ეპყრა მის შორის ჭუარი იგი წმიდა“¹. შემდეგ აეტორი გვაცნობებს, რომ ეს ჭვარი შეინახეს დიდ ჭვარში, რომელიც კლდეზე აღმართეს საჯარო თაყვანისცემისათვის: „და ჭუარი იგი ვენაჯისა რქისაჲ, რომელი მოიღო წმიდის ღმრთისმშობელისაგან — არს მას შინა ნაწილად“².

ნინოს საწოლზე თითქოს გადმოფენილა ვაზის რტო და ქრისტეს „დედა“ ეუბნება — წადი იმ უცხო ტომებში, რომლებიც ჩემი წილხვდომილი არიან და უქადაგე მათ ქრისტეს საარწმუნოებაო. ამან თითქოს ნინო შეაშინა. მე გაპოუცდელი, უცხო, უცოდინარი ქალი ვარ, რა უნდა იყოს ნიშანი და წინამძღოლი ჩემი საქმისა იმ შორეულს და უცხო ქვეყანაშიო. „დედოფალი“ უკეთებს ნინოს ჭვარს ვენახის რტოსაგან, ამ ნიშნით შენ აჯობებ ეშმაკს და ყოველგვარ წინააღმდეგობას დასძლევო.

შემდეგში ქართულმა ეკლესიამ ნინოს ჭვარის გარშემო დიდი ლეგენდა შექმნა და იგი თავის ერთ-ერთ ყველაზე დიდ თაყვანისცემის საგნად აქცია.

გადმოცემით, ჭვარი როლს თამაშობს არა მარტო ნინოს საკუთარ ცხოვრებაში, არამედ იმ ამბებშიაც, როდესაც ქრისტიანობა ოფიციალურ კულტის ადგილს იჭერს ჩვენში. ამის შესახებ უძველეს წყაროში ნათქვამია:

| ... „ნათელი მოიღო მირიან მეფემან და დედოფალმან და ყოველმან სახლმან მათმან. ითხოვეს ხმ ეპისკოპოზმან და ნინო, რათა შექმნან ჭუარი. და ძიება ყვეს ხუროთა. და პოვეს ძე ერთი, მდგომარე ბორცუსა ზედა კლდისასა, რომელსა ფურცელი მისი არაოდეს დასცუიოდა, და სულ ჰამოჲ იყო ხე იგი და შუენიერი ფრიალ... მეფემან წარგზავნა ძე თვისი რევ და მთავარ-დიაკონი. იხილეს შუენიერად დგომა ხისა მის... და უბრძანა ხუროთა მოკუშთაჲ ხიაა.

¹ ცხოვრება წმ. ნინოსი, ტფ. 1903, გვ. 13.

² იქვე, გვ. 39.

მის. და შექმნეს სახე პატიოსნისა ჟუარისა... სამგუამად შექმნეს ხისა მის ტანისაგან სამნი ჟუარნი და აღმართნეს მცხეთას, ვითარცა სწერია მცირესა მას მოკლედ აღწერილსა მას წიგნსა ქართლისა მოქცევისასა, გრიგოლი დიაკონისა მიერ აღწერილსა. და ერთი ჟუარი აღმართა მირიან მეფემან მთასა ზედა მალნარისასა, რომელსა ჰქვიათ ოხოთისა და ერთი იგი მახლობელად პატიოსნისა ჟუარისავე“...¹.

მაშასადამე, ახალი კულტის მიღების პირველი აქტები მდგომარეობდა ნათლისობასა და ხის ჟერის აღმართვაში. ყურადღებას იქცევს რომ ჟერის გასაქეთებლად ყოველთვის ეძებენ საუკეთესო ხეს. შემდეგ, ჟერის მნიშვნელობის განმარტებისას ახალი სარწმუნოებისთვის. ყურადღება უნდა მიექცეს იმ გარემოებასაც, რომ აქ დასახელებულ უძველეს ქართულ ისტორიულ ნაწარმოებში, რომელსაც არ მოუღწევია ჩვენამდე, უმთავრესად სწორედ ჟერის აღმართვის ისტორია ყოფილა მოთხრობილი. ჩვენ გვაქვს სხვა უტყუარი ცნობებიც ამგვარი ჟერების შესახებ. ეს იყო მინდვრად დადგმული, ჩვეულებრივად ქვის პოსტამენტზე დამაგრებული, ჟვარი, რომელსაც ხალხი თაყვანსა სცემდა ისე, როგორც უწინ სცემდა თაყვანს კერაბებს. სომხური წყაროებიდან ვიცით, რომ ასეთი ჟერების თაყვანის საცემად სომხეთიდანაც კი მოდიოდნენ საქართველოში. ეს ცნობები ეკუთვნის VI საუკუნეს.

ასეთსავე როლს ჟვარისას ჩვენ ვხედავთ სხვა მეზობელ ქვეყნების მოქცევაშიც. ასე, მაგალითად, სუმბატ დავითის-ძე ჰერაკლე კეისრის შესახებ გვიამბობს, რომ ქართლიდან იგი „მივიდა გარდაბანს ვარაზ გაგელისასა“² და დაილაშქრა ადგილსა მას, რომელსა ჰქვიათ ხუზაშენი, და ნათელსცა ჰერაკლე ვარაზ გრიგოლისა (ქცხ.: ვარაზ გაგელსა) და ყოველსა ერსა მისსა. დაიწყო შენებად ეკლესიასა, რომელი იგი უბრწყინვალეს არს ყოველთა ეკლესიათა და წარვიდა ბერდუჯს, და დადგა გულსა სოფლისასა, და აღმართა ჟუარი ქვს. და დადგა საფუძველი წმიდისა ღმრთისმშობელისა ეკლესიისა და აღასრულა გუმბადი მისი“³.

¹ ქართლის მოქცევა, შატბ. დაქვლ.: Спис. II, 713—714. ქარაგმები გახსნილია და ტექსტში შეტანილია მცირეოდენი კორექტურა, უმთავრესად ორთაგრაფიული ხასიათისა.

² დამახინჯებულია, უნდა იყოს „ვარაზ გრიგოლისასა“.

³ ქცხ. მარ. 340—341.

აქაც, როგორც ვხედავთ, ჯვარი გვევლინება, ასე ვთქვათ, როგორც ახალი მოძღვრების მატერიალური გამოსახულება, რომელიც აკმაყოფილებს ფართო მასების ძველ ანიმისტურ რწმენებსა და შეხედულებებს. ასეთი განწყობილების შესახებ ჩვენ გვაქვს ერთი საინტერესო ცნობა, შემონახული XII საუკუნიდან.

აი, რას გვიაძობს თამარ ძეგის ისტორიკოსი ფხოველებისა და დიდოელების შესახებ („ფხოველები“ დღევანდელი ფშაველები და, განსაკუთრებით, ხევსურებია, დიდოელები მათი უახლოესი მეზობელი დაღისტნის თემია, რომელიც დღესაც ამ სახელწოდებას ატარებს): ისინი „მშთვარსა და უხარშავესა ჭამენ და მრავალნი ძმანი ერთსა დედაკაცსა მიიყუანებენ ცოლად, რომელნიმე უჩინარსა რასამე ეშმაქსა თაყუანისცემენ, და ზოგნი — უნიშნოსა შავესა ძაღლსა. და ამას ჰყოფენ, ზოლო ფხოველნი ჯვარის მსახურნი არიან და ქრისტიანობასა იჩემებენ“¹.

როგორც აქ გადმოცემული ცნობები ფხოველებისა და დიდოელების ზნე-ჩვეულებათა შესახებ (მაგ., უაღრესად საყურადღებო ცნობა პოლიანდრიის შესახებ), ისე სხვა მოსაზრებებიც სრული უეჭველობით გვარწმუნებს, რომ აღნიშნული ტომები ამ დროს თემურ-გვაროვნულ ყოფას განიცდიან. ასეთს სოციალურ გარემოში ქრისტიანობა, როგორც ფეოდალური რელიგია, ცხადია მკვიდრად ფეხს ვერ მოიდგამდა. იძულებით შეტანილსაც მას აქ, გასაგებია, უნდა სათანადოდ გამოეცვალა თავისი ბუნება და ფუნქცია. სწორედ ამიტომ ამბობს ეს ფეოდალური ისტორიკოსი, ქრისტიანობას ი ჩ ვ მ ე ბ ე ნ ო, ე. ი., მათ ნამდვილ ქრისტიანებად არ სთვლის. თუ მოვიგონებთ რომ ფხოველები დღევანდელი ხევსურები არიან და იმასაც, თუ როგორი გავრცელება ჰქონდა XX ს. დაძლევისა და ჯვრის ემბლემას ხევსურებს შორის, დავრწმუნდებით, რომ შემატანიის ცნობა მართალია რომ ჯვარის სამსახური ჯერ კიდევ ქრისტიანობას არ ნიშნავს, რომ აქ მოხდა თავისებური და სასურველი, მოცემული საზოგადოებრივი წრის ინტერესებისათვის, გამოყენება ამ ემბლემისა.

ერთის მხრივ, მაშასადამე, როგორც ვთქვით, ჯვარი არის სიმბოლო, რომლის საშუალებით ქრისტიანობა ეგუება წინათვე არსებულ რწმენებს, განწყობილებასა და წარმოდგენებს. მეორე მხრივ,

¹ ქცხ. შარ. 527.

უქველია რომ თვითულ კონკრეტულ გარემოში ეს სიმბოლო თავის შემდგომ გამოყენებასა და გამოხატულებას პოულობს. კერძოდ, რით უნდა აიხსნას რომ ნინოს ჯვარი, რომელიც შემდეგში ასეთ უდიდეს სიწმინდედ იყო გამოცხადებული ქართული ქრისტიანული ეკლესიის მიერ, ამ ლეგენდის შემქმნელმა (რა თქმა უნდა, ეს ლეგენდა) ნინოს უსათუოდ ვაზისაგან გააკეთებინა? ჩვენ ვფიქრობთ, ესეც უნდა აიხსნას იმ ნიადაგზე, რა ნიადაგზე ავხსენით ჩვენ თვით ქრისტიანობის სახელმწიფო სარწმუნოებად მიღება.

ჩვენ ვთქვით, რომ როდესაც ჯვრისათვის ხეს ეძებდნენ, ცდილობდნენ საუკეთესო, ყველაზე ძვირფასი, ხე შეერჩიათ. მე ვ ვ ე ნ ა ხ ე ო ბ ა წ ა მ ყ ვ ა ნ ი კ უ ლ ტ უ რ ა ი ყ ო ქ ა რ თ უ ლ ი ფ ე ო დ ა ლ ი ზ მ ი ს ა თ ვ ი ს და საუკეთესო მასალად ქრისტიანობის სიმბოლო სათავის სათანადო საზოგადოებრივ წრეში სწორედ ის მცენარე მიიჩნიეს, რომელიც ამ წამყვანი კულტურის მატარებელია. რომ ეს ლეგენდა სწორედ ასეთი ფეოდალური ფსიქო-იდეოლოგიის ნიადაგზე უნდა აიხსნას, ამაში ჩვენ გვარწმუნებს ჯვრის გამოყენების კიდევ სხვა შემთხვევები.

ჯერ ერთი, ჯვარი გამოდის, როგორც ფეოდალური საკუთრების ნიშანი. ვგულისხმობთ ქვისაგან გაკეთებულ ჯვრებს, რომელსაც აღმართავდნენ ისეთ მიწის ნაკვეთებზე, რომლებიც კერძო საკუთრების საგნად იყო გამოცხადებული. ამჟამად ჩვენ გვაქვს უძვირფასესი ძეგლი VI საუკუნისა, ამგვარი ნიშანი, რომელსაც სათანადო წარწერაც აქვს: ვგულისხმობთ წყისეს (ადიგენის რაიონი) ქვაჯვარის წარწერას, რომელიც შემდეგს ტექსტს. შეიცავს (ქარაგმების გახსნით): „ესე ჯუარი ქრისტსი მე, კონსტანტი, ძემან სტეფანესმან და გულასმან, აღჰუმართე, სახელსა მცხეთისა ჯურისასა, ნასყიდევსა ქუეყანასა ზედა, შაჰრამანსა ა, საცოდ (სალოცველად?) ჩუენდა, ცოლისა და შვილთა. ნოენბერსა იწ. აშენ“¹. ეს არის, მოღწეულთა შორის, უძველესი დოკუმენტი, რომელიც აშკარად მოწმობს, რომ მეექვსე საუკუნის დამლევს თუ მეშვიდე საუკუნის დამდეგს, მიწა ყიდვის და, საერთოდ, თავისუფალი:

¹ ა. შანიძე. ძვ. ქართ. კრესტომათია, ტფ. 1935, გვ. 25

გასხვისების საგანია. ამ უფლების, ფეოდალური საადგილმამულო უფლების, გარეგანი გამოხატულებაა სწორედ აქ ეს ქვა-ჯვარი¹.

| ასეთივე ფეოდალური საკუთრების ემბლემად გვევლინება ჯვარი სხვა ქვეყნებშიაც. ბიზანტიურ ეკლესიაში, მაგ. ჯვარი, თავისი ჩვეულებრივი რელიგიურ-რიტუალური ფუნქციის გარდა, კისრულობს იერარქთა კანონიკურ-საიურისდიქციო და, ამასთან ერთად, სავსებით გარკვეული ეკონომიური უფლებებისა და ხელისუფლების გამოხატვის მოვალეობასაც. ეპისკოპოსის ჯვრის აღმართვა ავტოდესპოტიურ (თვითმმართველ) მონასტრებში იყო გარეგანი ნიშანი ამ მონასტრების დამორჩილებისა ეპისკოპოსის კანონიკურ იურისდიქციისადმი. მაგრამ თუ მიტროპოლიტი ასეთ მონასტრებში თავის ჯვარს აღმართავდა (სამიტროპოლიტო სტავროპიგია), მაშინ ისინი უკვე მიტროპოლიტის განკარგულებაში გადადიოდნენ. ყველაზე უფრო ფართედ აღნიშნული უფლებით, რა თქმა უნდა, პატრიარქები სარგებლობდნენ (საპატრიარქო სტავროპიგია). პატრიარქის სტავროპიგიული უფლება ძღვომარეობდა და გამოიხატებოდა იმაში, რომ სამონასტრო ტაძრის საკურთხევლის უკან აღმართებოდა პატრიარქის ხის ჯვარი, რომელსაც წარწერა ჰქონდა ცერემონიის წლისა და დღის შესახებ. ამგვარი საპატრიარქო ჯვრის აღმართვით ეკლესია-მონასტრები ადგილობრივ ეპისკოპოსების იურისდიქციიდან პატრიარქის უშუალო იურისდიქციაში გადადიოდა. პატრიარქებს შეეძლოთ აღნიშნული უფლება იმპერიის ყველა მხარეში განეხორციელებინათ. რადგანაც იურისდიქციას თანსდევდა უაღრესად მნიშვნელოვანი ნივთიერი შემოსავალი, ამიტომ ამ ჯვრის აღმართვის, სტავროპიგიური უფლების განხორციელების, გარშემო მწვავე ბრძოლები იმართებოდა პატრიარქებს, მიტროპოლიტებსა და ეპისკოპოსებს შორის².

ჯვრის ასეთი როლი იყო ერთი კერძო შემთხვევა გარეგნული ნივთიერი ნიშნის გამოყენების საერთო ჩვეულებისა ინდივიდუალური უფლებების, პირველ რიგში — საკუთრების უფლების, აღსანიშნავად. იმავე ბიზანტიაში ეს ნიშნები „ტიტულებად“ იწოდებოდა. მათ მიწებზე აღმართავდნენ იმის აღსანიშნავად რომ ეს მიწები პატ-

¹ ს. ჯანაშია, ფეოდალური რევოლუცია საქართველოში. ტფ. 1935, გვ. 92—93.

² К. Н. Успенский, Очерки по истории Византии, ч. I, М. 1917, стр. 192—194.

როცინიუმის ძალით რომელიმე მაგნატის განკარგულებაში იყო გადასული. როგორც ჩანს, ასეთი ტიტულების აღმართვით იზრდებოდა სწორედ სენატორთა მსხვილი მიწისმფლობელობა. ამიტომაც იყო რომ კეისრები ებრძოდნენ ამ ჩვეულებას და ტიტულების აღმართვის უფლებას თავის პრეროგატივად აცხადებდნენ, რითაც შესაძლებლობას იტოვებდნენ სამეფო მემამულეობის გაფართოებისათვის. იუსტინიანე 535 წ.-| გამოცემულს ინსტრუქციაში ადგილობრივ მმართველებისადმი, ამ უკანასკნელთა საყურადღებოდ დაჟინებით მიუთითებდა, რომ ამგვარი ტიტულების შეუბრალებელი აღმოფხვრა იყო ადგილობრივ მმართველთა უმთავრესი ძოვალეობათაგანი. საინტერესოა, რომ ასეთი ინსტრუქციით იუსტინიანე სპეციალურად მიმართავს პონტოს მოდერატორს¹.

აღნიშნული საერთო ჩვეულება საქართველოშიაც დიდად იყო გავრცელებული და მის შესახებ ჩვენ დოკუმენტური ჩვენებები მოგვეპოვება ქართული ფეოდალიზმის თითქმის მთელ სიგრძეზე.

ბიზანტიურ „ტიტულს“ ჩვენში „ხელი“ (ჯელი) შეესატყვისება. სათანადო აქტს „ჯელის აღმართვა“ ეწოდება. ცხადია, ტერმინი „ხელი“ აქ თავისი ძველი მნიშვნელობით, უფლების აზრით, არის გამოყენებული. „ხელის აღმართვა მიწაზე“ მიწაზე უფლების გამოცხადებას ნიშნავს. მატერიალურად ეს „ხელი“ სხვადასხვა სახისა იყო — უბრალო ქვებით დაწყებული, გათავებული გამოსახულებიანი და წარწერიანი ქვებით. ზოგზე სწორედ ადამიანის ხელის მტევანია ამოკვეთილი, ზოგზე — ჯვარი, ზოგი თვით არის ჯვარის სახისა. უძველესი ძეგლი ამ გვარისა, რომელიც თავის-თავს „ქელს“ უწოდებს, ჯერჯერობით მეთე საუკუნისაა ცნობილი². აღუძრათვეთ იგი ცხრაზმის ხევის ხევისუფალთ, როგორც ჩანს, იმის იურიდიკულად გაფორმებისათვის, რომ მათ მიერ „აგებულ“ წისქვილთა და სახლის“ სასარგებლოდ გარკვეული „სამსახური“ იყო დაწესებული. აქ, საფიქრებელია, ხელისმოწერის აღსანიშნავად, სხვა სიმბოლურ ნიშანთა შორის, ჯვარიცაა რამდენიმეჯერ გამოყენებული.

სამიჯნე სამანიც, რომელიც, თავისი დანიშნულებით, უახლოვ-

¹ К. И. Успенский, Очерки по истории Византии, ч. I, გვ. 93.

² ორი ფაქალწილი: „საისტ. მოამბე“, წ. I, 1925 წ., გვ. 96 შემდეგ.

დება განმარტებულ კატეგორიას, აგრეთვე მსგავსი ტიპებისაა ცნობილი. ვახტანგ VI-ის „დასტურ-ლამალი“ მათგან იხსენიებს „ქვას“, „ქუა-კაცს“ (ან „ქუა-კაცა“), „ჯ უ ა რ ი ა ნ ქ უ ა ს“, „სამანი ქუას“¹.

დასასრულ უნდა აღვნიშნოთ, რომ „ჯვრის“ ზემოაღწერილ ფუნქციასთან შესაძლოა დაკავშირებული იყოს ჩვეულება ჯვრის ნიშნის გამოყენებისა ხელისმოწერის მიზნით, წერა-კითხვის უცოდინართა მიერ (როგორც ზემოთ აღწერილ „ხელშია“). აქაც ეს ნიშანი გამოდის როგორც ინდივიდუალობის სიმბოლო.

| ჩვენ არ დაგვკვირდება აქ აზრის განვრცობა იმის შესახებ, რომ ქრისტიანობა-ს შემოსვლა ჩვენში იყო მნიშვნელოვანი ისტორიული მოვლენა, მაგრამ ისიც არ უნდა დაგვავიწყდეს, რომ ქრისტიანობა საქართველოში არ შემოსულა როგორც ისეთი რელიგია, რომელსაც პირველად მოსდევდა თან მწიგნობრობა. მწიგნობრობა საქართველოში არსებობდა ქრისტიანობამდეც. ამაში ჩვენ დარწმუნებული ვართ. მაშასადამე, ქრისტიანობას მწიგნობრობა არ შემოუტანია. პირიქით, მან მოსპო ის ძველი კულტურა, რომელიც ჩვენში მანამდე არსებობდა.

ამასთან ერთად, რა თქმა უნდა, ისიც ნათელია, რომ ქრისტიანობის გზით ახალი კულტურული კავშირები იბშებოდა დასავლეთის ქვეყნებთან და ფეოდალური ქართული კულტურა სწორედ ქრისტიანობის მიერ გაკვლეული გზებით წარიმართა გარკვეულ დრომდე, ვიდრე ფეოდალური საზოგადოების განვითარება საკითხს არ დააყენებს ქრისტიანული საეკლესიო კლერიკალური იდეოლოგიისა და კულტურის დაძლევის აუცილებლობის შესახებ.

ამ თვალსაზრისით ჯვარს შეიძლება ჩვენ დაუუკვირდეთ როგორც ისეთს გარეგნულ ნიშანს, რომელიც ქრისტიანობის გავრცელების გზებზე მიუთითებს.

ამ მხრივ საყურადღებოა რომ მაშინ, როდესაც (რამდენადაც ვიცით) აღმოსავლეთ საქართველოში თავიდანვე ამ ნიშნის გამოსახატავად მკვიდრი ქართული სიტყვა „ჯვარი“ იყო გამოყენებული, დასავლეთ საქართველოში სათანადო აღრინდელი ტერმინი ბერძნულია — „სტავროს“. ეს ტერმინი თავდაპირველად იყო, როგორც ჩანს, ქანურ-მეგრულშიაც, რის ნაშთსაც ჩვენ ვპოულობთ ქანურ

¹ „დასტურ-ლამალი“, პ. უმიკაშვილის გამ., გვ. 36—39.

„სტავროპოლი“-ში. იგივე სიტყვა დღემდე შენახულა სვანურში კარდმონაშთის სახით¹. ეს გარემოება სხვა ფაქტებთან ერთად მაჩვენებელია სწორედ იმ გზებისა და ფორმებისა, რომლებითაც ქრისტიანობა ვრცელდებოდა აღმოსავლეთსა და დასავლეთ საქართველოში.

თუ აღმოსავლეთ საქართველოში ქრისტიანული ეკლესიის ენათაგანდნევე ადგილობრივია, ეროვნული — ქართული, დასავლეთ საქართველოში ჩვენ სხვა სურათს ვხედავთ. იქ საეკლესიო ენა, თავდაპირველად, ბერძნულია, როგორც ჩანს. ყოველ შემთხვევაში უცილობელია, რომ ეგრისის ზღვისპირა საეპისკოპოსოებში სწორედ ამგვარი უნდა ყოფილიყო ვითარება. ანალოგიურივე უხდა ყოფილიყო მდგომარეობა შიდა რაიონების უმრავლესობაშიც, ისევე როგორც მეზობელ ჭანეთში და აბაზგიის საერისთავოში. მაგრამ შემდეგში, საკმაოდ რადიკალური ტეხილის სახით, ბერძნულ-ბიზანტიური საეკლესიო კულტურა დასავლეთ საქართველოში ადგილს უთმობს ქართულს. ეს ამბავი ჯერ კიდევ პირველ გაერთიანებამდე (X ს.) ხდება. ამრიგად დასავლეთ და აღმოსავლეთ საქართველოს ტომთა კულტურული დაახლოება ხდება უფრო ადრე, ვიდრე პოლიტიკური გაერთიანება. ამას თავისი საფუძველი ჰქონდა. განსაკუთრებული როლი ამ საქმეში შეასრულა აბაზგიის საერისთავოს განვითარებამა და აფხაზთა სამეფოს წარმოშობამ. აფხაზთა მეფეებმა უკვე IX ს. დამლევისთვის არა მარტო დაიპყრეს თავიანთი ძველი სიუზერენების — ეგრისის მეფეების — სამფლობელო, არამედ გაარღვიეს ეგრისის ძველთა-ძველი პოლიტიკური საზღვარი აღმოსავლეთით — სკანდა-შორაპნის ხაზი — და ხელთ იგდეს პროვინცია არგვეთი, ზემო იმერეთის უმნიშვნელოვანესი ნაწილი. შემდეგ, IX საუკუნეშივე, აფხაზთა მეფეების ექსპანსია გადალახავს ლიხის ქედსაც და ქართლში იჭრება.

ამ გარემოებამ რომ აფხაზთა მეფეებმა ფართო ტერიტორიაზე გაშალეს თავისი პოლიტიკური სუვერენიტეტი, აიძულა ისინი ეცადნათ უფრო ფართო, კერძოდ კულტურული თვალსაზრისით, პოლიტიკის წარმოება. აფხაზთა მეფეებმა, პირველად ისტორიაში, დას. საქართველოს სატახტო ქალაქი ქუთაისში გადმოიტანეს. ეს გარემოებანი — რომ ძველ დროში, არგვეთში, როგორც ჩანს, ქართული

¹ აკ. შანიძე, შემთხვევა ბერძნული სიტყვის აკუზატიური ფორმით სესხებისა სვანურში: ტფ. უნ. მოამბე, V, 1925 წ., გვ. 254-6.

მოსახლეობაა, რომ აფხაზთა მეფეები ცდილობენ მთელი საქართველოს გამაერთიანებელი დინასტიის როლი ითამაშონ, რომ ზღვება საქართველოს სხვადასხვა რაიონების დაახლოება სამეურნეო აღმავლობის ნიადაგზე, — ყოველივე ეს ხელს უწყობს აღმოსავლეთ საქართველოს საეკლესიო კულტურის შექრას დასავლეთ საქართველოში. ბერძნულ ენას ეკლესიასა და საეკლესიო მწერლობაში, ისევე როგორც სახელმწიფო დაწესებულებებში, სცვლის ქართული. აფხაზთა სამეფოში ქართულმა ენამ აღწერილი მდგომარეობა მოიპოვა უკვე IX საუკ., რაც დოკუმენტალურად მტკიცდება. ბუნებრივია, რომ ამ პროცესის ერთი პატარა გარეგნული ნიშანთაგანი იყო ბერძნ. „სტავროსის“ შეცვლა ქართ. „ჯვართ“. საინტერესოა ამ ნიშნის მოძრაობა კავკასიონის ჩრდილოეთით.

ნიადაგი ქრისტიანობის გავრცელებისათვის, როგორც განმარტებული გვაქვს, იყო ფეოდალური ურთიერთობის განვითარება. ფეოდალიზმის განვითარებასთან ერთად ქრისტიანობა ნელ-ნელა იმყრობს მთელ კავკასიას. ამ მხრით, ჩრდილო კავკასიამ, რა თქმა უნდა უკანასკნელ რიგში მიიღო ქრისტიანობა, იმიტომ რომ აქ ყველაზე ნელი ტემპით ვითარდება ეს ახალი საზოგადოებრივი ურთიერთობა. ამ შემთხვევაში, ბაზა, ასე ვთქვათ, ამოსავალი წერტილი ქრისტიანობის გავრცელებისათვის ჩრდილოეთ კავკასიაში არის უკვე საქართველო — ჯერ აფხაზთა სამეფო, შემდეგ — საქართველოს ფეოდალური მონარქია.

საყურადღებო ცნობებია, მაგალითად, ბიზანტიურ წყაროებში დაცული ალანების ანუ ოსების გაქრისტიანების შესახებ.

ამ ცნობათა ანალიზით ირკვევა, რომ ქრისტიანობა ოსებს (ალანებს) მიუღიათ მეთე საუკუნის დამდეგს, როცა, აქ, ფეოდალური განვითარების წარმატებას შეუქმნია ხელსაყრელი საზოგადოებრივი პირობები ამ ამბისათვის. მთავარი ინიციატორი და პრაქტიკული ორგანიზატორი ალანთა გაქრისტიანების საქმისა აფხაზთა მეფე ყოფილა. აფხაზთა სამეფო და ოსეთი ამ დროს უშუალოდ მოსახლვრე ქვეყნებია თუნდაც იმიტომ, რომ ყუბანის სათავეები ოსებს უჭირავთ. სწორედ აქეთკენ, მდ. კოდორისა და მისი შენაკადების სათავეებით, მიიმართება გზა, რომელიც გადალახავს კავკასიონის ქლუხორის და, ზოგჯერ, მარუხის ზეკარით და რომელსაც ძველთაგანვე აფხაზეთისათვის ძალიან დიდი მნიშვნელობა ჰქონდა. ოსე-

თის ამ სასაზღვრო ხაზს გულისხმობს სწორედ „ქართლის მატია-
ნე“, როცა გვიამბობს რომ მურვან ყრუსაგან ლტოლვილი აფხაზე-
თის ერისთავი ლეონ „შესრულ იყო ციხესა შინა სობღისსა, რო-
მელ არს გარდასავალსა ოვსეთისასა“¹. ოსეთთან დაკავშირებუ-
ლი ინტერესები, ეკონომიური და პოლიტიკური ხასიათისა, არის
სწორედ ის სტამბული, რომელიც აფხაზეთის მმართველ წრეებს
აიძულებს ოსების გაქრისტიანებაზე იზრუნონ.

ოსები იღებენ ქრისტიანობას, როგორც ოფიციალურ კულტს,
კონსტანტინოპოლელი პატრიარქის ნიკოლოზ მისტიკოსის დროს,
რომლის მამოწერა ამ საქმის გამო აფხაზთა მეფესთან არის ჩვენ
მაერ დასახელებული წყარო². ნიკოლოზი ორჯერ იყო პატრიარქად:
901—907 წწ. და 912—925 წწ. ეს თარიღები არკვევს ნიკოლოზის
კორესპონდენტს, აფხაზთა მეფის, რომლის სახელი წერილებში არ
შენახულა, ვინაობასაც საქმე ისაა, რომ პატრიარქი ულოცავს აფ-
ხაზეთის მფლობელს მამისეულ სამეფო ტახტზე ასვლას, ეს-კი შე-
იძლება შეეხებოდეს მხოლოდ ცნობილს გიორგი II-ს, რომელიც,
ჩვენი აზვარებით, ტახტზე აღის, დაახლოებით, 915—6 წ., და არა
მამას გიორგისას, კონსტანტინე III-ს, რომელიც გამეფებულია, ყო-
ველ შემთხვევაში, არა უადრეს IX ს. ოთხმოციანი წლებისსა, როცა
ნიკოლოზი ჯერ კიდევ პატრიარქი არ ყოფილა. გიორგი აფხაზთა
მეფე მართლაც ცნობილია თავისი საეკლესიო მშენებლობით³.

საყურადღებოა ნიკოლოზის წერილების შინაარსი. პირველ ეპი-
სტოლეში პატრიარქი ულოცავს გიორგის ახლად გარდაცვალებული
მამის ტახტზე ასვლას და სამძიმარს უცხადებს მას შვილური მწუ-

¹ ქტა მარ. 201.

² ნიკოლოზ მისტიკოსის წერილთა კრებულს საერთოდ უაღრესად დიდი
ისტორიული მნიშვნელობა აქვს; იხ. A. Васильев, История Византии, т. I, 307.

³ მის შესახებ მატიანე წერს: „იყო იგი სრული ყოვლითა სიკეთითა, სიმგ-
ნითა და ახოვრებითა, ღმრთის მოყუარე. იყო უმეტეს ყოველთა შაშუ-
ნებელი ეკლესიათა... ამან განაგნა და განაწყუნა ყოველნი საქმენი კეთილ-
ნი მამულისა სამეფოსა თვისია. აღაშენა საყდარი ჭყონდიდისა, შექმნა საბი-
სკოპოსოდ“... ქტა მარ. 229;—ერთ-ერთ წერილში, რომელიც თუმცა თავისი
შინაარსით აღანების გაქრისტიანების ამბავთან დაკავშირებული არ არის, მიზარ-
თულია აბაზგიის მფლობელისადმი, უკანასკნელი წოდებულია გრიგორად.
(იხ. № 162. იქვე!). უპველია, დედანში „გიორგი“ უნდა ყოფილიყო, რაც შემ-
დეგში გადამწერლების მიერაა დაშახინებული. არსებითად ისაა საყურადღებო-
რომ გიორგი მეფე ნიკოლოზის მუდმივი კორესპონდენტი გამოდის.

ხარების გამო. წერილის დასასრულ პატრიარქი, როგორც ჩანს, უბასუხებებს აფხაზეთის მფლობელს შეკითხვაზე ალანიის არქიეპისკოპოსისათვის შემწეობის აღმოჩენის შესახებ და მთელ საქმეს მთავრის კეთილწადიერ მოსაზრებაზე მიაგდებს: დარწმუნებული ვარ, მეზობელი ხალხის მწყემსს შემწეობას აღმოუჩენო¹. ეს წერილი ერთ საკითხსაც აღძრავს: „ეს მეზობელი ხალხი“, ალანები, ზომ არ ეხმარებოდნენ გიორგის ტახტის გამო ბრძოლაში, რომელიც ატყდა გიორგის მამის, კონსტანტინეს, გარდაცვალების შემდეგ და რომელშიაც გიორგის კონკურენტს, მის უმცროსსა და, როგორც ჩანს, — დედით სხვა ძმას ბაგრატს დახმარება მოსდიოდა სამხრეთიდან, ტაო-კლარჯეთის იმდროინდელ უძლიერეს მფლობელისაგან, რომელიც სიმამრი იყო ამ ბაგრატიისა².

! პატრიარქის მილოცვაც შესაძლებელია მეტოქეზე გამარჯვებასაც გულისხმობდეს.

მეორე წერილში პატრიარქი მადლობას უცხადებს აფხაზთა მბრძანებელს სტუმართმოყვარებისა და დახმარებისათვის, რომელიც მას ალანთა მისიონერ-არქიეპისკოპოსისათვის გაუწევია. „სხვადასხვა პირთაგან, რომელნიც იცნობენ შენს ღვაწლს, — წერს ნიკოლოზი, — ჩვენ შევიტყვეთ რომ შენ, ღვთის შემწეობით, დიდი გულმოდგინეობა გამოიჩინე ალანთა მთავრისა (არქონტისა) და იმათ, ვინც, მასთან ერთად, წმინდა ნათლისღების ღირსნი შეიქნენ, განათლების საქმეში“³.

თვით ალანთა არქიეპისკოპოს პეტრესადმი მიმართულ წერილებიდანაც ჩანს, რომ ოსების მოქცევა ახალი საქმეა. მაგრამ ჩვენთვის

¹ Migne, Patr. gr., t. CXI, 236, № 46; Ю. Кузаконский, Христианство у Алап: „Визант. времяник“, V, გვ. 1 შუბღ.

² „ქართლის მატიაზე“ ამბობს: „გარდაიცვალა კონსტანტინე მეფე და იმუბოლა ქუეყანა აფხაზეთისა ვამ-რაოდენმე, რამეთუ ესნეს ცენი ორნი კონსტანტინე მეფესა: ერთი უხუცესი და მეორე, რომელი უშუა (სხუამან?) ცოლმან, უმარწემესი. უხუცესსა ერქუა გიორგი და უმარწემესსა — ბაგრატ. და იყო მათ შორის ბრძოლა დიკუბელი, რომელიც თუთუღლად ჰყო ცხოვრებასა მათსა. ხოლო ესე ბაგრატ სიძე იყო გურგენ ერისთავთა-ერისთავისა. უშუელდა გურგენ ყოვლითა ძალითა მისითა. ვიდრე არ შიიცივალა ბაგრატ, არა იყო მშვიდობა შორის მათსა. შემდგომად სიყუდილისა მისისა, მიიღო სრულობით მეფობა აფხაზთა გიორგი მეფემან“: ქცხ. მარ., გვ. 228—229 და შენიშვნები.

³ Migne, Patr. gr., t. CXI, 241, № 51.

აქ განსაკუთრებით საინტერესოა ნიკოლოზის, პეტრესადმი მიმართული, ის წერილები, რომელნიც მოვლენის სოციალურ მხარეს ამჟღავნებენ.

ერთ წერილში იგეგვ პატრიარქი ურჩევს ამ ახლად გაქრისტიანებულ ოსეთში მყოფ ეპისკოპოსს იმოქმედოს მამობრივი ჩაგონებით, უბრალო ხალხის მიმართ გამოიყენოს სიმკაცრეც. ხოლო წარჩინებულ და ძლიერ პირებთან მეტი სიმეტი სიფრთხილე მოიხმაროს, რომ ეკლესიისათვის ახლად მოპოვებული ერი ქრისტიანობისაგან გარე არ მიიქცესო¹. ცხადია, რომ აქაც საქმე გვაქვს საზოგადოების გარკვეულ დიფერენციაციასთან, რომლის შეუქმნედაც ახალი სარწმუნოების მოვლენა თავის სწორ განმარტებას პოულობს.

ასეთივე მნიშვნელობა აქვს სხვა წერილსაც, რომელშიაც პატრიარქი რჩევას იძლევა, ალანების ერის მთავარსა (ἡγεμὸν τῶν ἁλάνων) და სხვა პირთ (უეკველია, წარჩინებულთ) გარკვეული შეღავათები მისცენ იმ მხრივ, რომ ნუ დაუშლიან მათ მათთვის ჩვეულის ქორწინების წესით იცხოვრონო². აქაც ჩანს რომ ქრისტიანობის გამავრცელებელთ ოსეთში ორიენტაცია მმართველ წრეებზე ჰქონდათ აღებული.

რაკი ქრისტიანობა ოსეთში აფხაზეთიდან შედის უშუალოდ და აფხაზეთი კიდევ ამ დროს, კულტურული თვალსაზრისით, ქართული ქვეყანაა, ამიტომ ქრისტიანობასთან ერთად ჩრდილოეთ კავკასიაში ქართული კულტურა გადადიოდა. აღნიშნული პროცესის ნივთიერი ნაკვალევია სპეციალურ ლიტერატურაში აღწერილი ფაქტი, რომ მდ. ყუბანის სათავეებში, კერძოდ, მდ. ტებერდას ხეობაში, დღემდე შენახულია ქართული ხუროთმოძღვრების საყურადღებო ძეგლები. ეს ძეგლები მისდევს სწორედ იმ აფხაზეთ-ოსეთის გზას, — რომლის შესახებაც ზემოთ იყო საუბარი, — და ამ გზის არსებობის უტყუარ საბუთსაც წარმოადგენს.

საქართველოდან ვრცელდება ქრისტიანობა და, მასთან ერთად, ქართული ქრისტიანული კულტურა ჩრდილოეთ კავკასიის შუა და აღმოსავლეთ ნაწილშიაც. აბიბოსის შესახებ, რომელიც ნეკრესის (კახეთში) ეპისკოპოსი იყო, მატთანე ამტკიცებს, რომ მან „მოაქ-

¹ Migne, Patr. gr., t. CXI, 247. 52.

² იქვე, № 133.

ცივნა უმრავლესნი მთიულნი არაგუსა აღმოსავლით“ (ქც. მარ. 197).

რადგანაც ქ. ნეკრესი თვითონ კავკასიის მთის კალთებზე მდებარეობდა, ამიტომ საფიქრებელია, რომ „მთიულებში“ მემატიანე მთის კავკასიელ ტომებსაც გულისხმობს. ასე ესმის ეს კერძოდ ვახუშტის, რომელიც ამბობს რომ აზიბოსი იყო „მწყემსი გაღმა მჭრისა დიდოთურთ“. მერვე საუკუნისათვის შემდგომს ენერგიულ აქტებს, ქრისტიანობის აღმოსავლეთ კავკასიისა და კავკასიის მთიანეთში დამკვიდრების მხრივ, მემატიანე მიაწერს არჩილ მეფეს. მატიანით, არჩილ „დაჯდა წუქეთს (ზაქათალა-ნუხის მხარე. ს. ჯ.) და აღაშენა კასრი. და ჴევსა ლაკუასტისასა აღაშენა ციხე. და პოვნა წუქეთს მთავარნი, რომელთა მიებოდა ვახტანგ მეფესა წუქეთი. და იყო მაშინ, რომელი ერისთავობდა თუშთა და ხუნზთა ჴედა და ყოველთა წარმართთა მის მთისათა, სახელით აბუ-ხუასრო. და არა ინება მისაგან წაღებად წუქეთი. აღაშენა ციხე-ქალაქი ერთი, ნუხპატისი, ორთა წყალთა შუა. ხოლო ნუხპატელნი უწინარეს იყუნეს კაცნი წარმართნი და მგეცის ბუნებანი, არამედ ყრუსა მოესრა სიმძლავრე იგი მათი. და იძულებით მონათლნა არჩილ იგინი“¹. აქაც ნაცნობი სურათია: გარკვეულს საზოგადოებრივ პირობებში (მემკვიდრეობითი ერისთავობა) პოლიტიკური და, უმეტესად, აგრეთვე ეკონომიური ინტერესები აიძულებს ქართლის მმართველ წრეებს იზრუნონ „მხეციბუნებთან წარმართების“ „ცივილიზაციის“ შესახებ გაქრისტიანების გზით, ე. ი. სასურველი მიმართულებით ნორმალიზებული ურთიერთობის კალაპოტში ამ ტომების ჩაყენებისათვის. მეთოდი სხვადასხვა წრეების მიმართ სხვადასხვანაირია: ერისთავებს უდასტურებენ მათს მემკვიდრეობითს პრეტენზიას საერისთავო „ხელის“ მიმართ, ხალხი-კი, რომლის „სიმძლავრე“ ადრევე შეუშუშრავს მურვან ყრუს, ინათლება „იძულებით“. ყოველივე ამას თანსდევს ციხე-ქალაქების გაძლიერებული მშენებლობა, რაც, ერთი მხრით, უფრო მტკიცე ორგანიზაციას უქმნის ამ იძულებას, მეორე მხრით-კი —

¹ ქც. მარ. 210. მატიანის დათარიღებით, ეს ამბები ხდება მურვან ყრუს შემოსევიდან 50 წლის გასვლის შემდეგ, ე. ი. VIII ს. ოთხმოციან წლებში. არაბული ხანის შედარებით გვიანდელ პერიოდზე მიუთითებს ერისთავის სახელიც „აბუ-ხუასრო“. ცნობა იმდენად კონკრეტულია, რომ მის სინამდვილეში ეპის შეტანა უსაფუძვლო იქნებოდა.—ტექსტი აღდგენილია.

ეკონომიური ინტერესების ხასიათს ამჟღავნებს. პოლიტიკური გეოგრაფიის თვალსაზრისით უაღრესად საყურადღებოა თუშებისა და ხუნზების (თანამედროვე ავარიელები; ხუნძები) ერთს ქართულ საერისთავოში მოქცევა. ამ მხრით ცნობის მნიშვნელობა ჩვენ დაწვრილებით სხვაგან გვექნება განმარტებული.

ისეთს მაღალი მთის ქვეყანაში, როგორცაა ხუნსეთი, ქრისტიანობის გავლენა VIII ს. არ უნდა ყოფილიყო ღრმა, რამდენადაც ფეოდალური ურთიერთობა მაშინ კავკასიის მთიანეთში ახლად ფეხადგმული იყო. ამიტომაცაა რომ შემდეგშიაღც ჩნდება ცნობები ახალ ღონისძიებათა შესახებ ამ მხრივ დასახლებულ მხარეებში. ნიადაგი პროცესის გაღრმავებისათვის იქმნებოდა, უწინარეს ყოვლისა, თვით სათანადო რაიონების ფეოდალიზაციის, ხოლო შემდეგ, ქრისტიანულ ფეოდალური საქართველოს პოლიტიკურ გავლენის ზრდით. უკანასკნელი მხრით განსაკუთრებული მნიშვნელობა ჰქონდა დავით აღმაშენებლის საქმიანობას, რომლის შედეგადაც საქართველოს ფეოდალური მონარქიის სუვერენიტეტი შორს გადასცდა, ჩრდილოეთით, კავკასიონის ქედს. ყივჩაყების გაღმოყვანისას, გვიამბობს დავითის ისტორიკოსი, მეფე და მისი თანამოღვაწენი „შევიდეს ოვსეთს და მოეგბნეს მეფენი ოვსეთისანი და ყოველნი მთავარნი და ვითარცა მონანი დადგეს წინაშე მისსა. აიხუნა მძევალნი ორგნითვე, ოვსთა და ყივჩაყთა, და ესრეთ აღვილად შეაერთნა ორნივე ნათესაენი და ყო შორის მათსა მშვიდობა და სიყუარული ვითარცა შმათა. აღიხუნა ციხენი დარიალისა და ყოველთა კართა ოვსეთისა და კავკასიისა მთისა თანა და შექმნა გზა მშვიდობისა ყივჩაყთათვს“¹, და საერთოდ თავისთვის, რა თქმა უნდა. უეჭველია რომ „მშვიდობის გზებს“ თან მისდევდა და ამტკიცებდა ქრისტიანობა. ტყუილად კი არ ახილდა დავითს თან მისი მწიგნობართუხუცესი, გიორგი ჰყონდიდელი, სამეფოს უპირველესი ბერთაგანი და პირველი მოხელე.

მთელი XII ს., ამ თვალსაზრისით, დავითის მიერ დასმული ნიშნის ქვეშ მიმდინარეობს. XIII ს. მონღოლებმა ამ ურთიერთობას მძიმე ლაზვარი ჩასცეს. მაგრამ მთლიანად იგი მაინც ვერ გაუწყვეტიათ. ამ მხრივ საყურადღებოა „ქაშთაღმწერელის“ ცნობა, რომელიც დიმიტრი თავდადებულის ძეგობისათვის (XIII ს. სამოცდა-

¹ დავითის ისტორია: ქცხ. მარ. 300—302.

ათიანი და ოთხმოციანი წლები) მიუთითებს პიმენ სალოსის სამისიონერო მოღვაწეობაზე დაღისტანში. მემატიანის თქმით, ეს პიმენი „გარეჯით წარმოვიდა და დაემკვდრა ბელაქანს ქუაბსა რასმე. [მან] ნათესავი ლეკთა წარმართობისაგან მოაქცივნა, რომელნი ჰგიან სარწმუნობასა ზედა ქრისტესა“¹. რადგანაც ჟამთააღმწერელი, ამ ცნობის ავტორი, XIV ს. მწერალია (იგი ყოველ შემთხვევაში გიორგი ბრწყინვალის მეფობის მომსწრეა), ცნობა ისე უნდა გავიგოთ, რომ XIV ს. ლეკები ჯერ კიდევ ქრისტიანები იყვნენ. ისლამის გაბატონება დაღისტანში ჯერ თემურ-ლენგისა და შემდეგ, განსაკუთრებით, თურქ-ოსმალების ღვაწლს უნდა მიეწეროს.

აღწერილი მოვლენების საყურადღებო ტერმინოლოგიური ნაკვალევიდან ჩრდ. კავკასიაში აღვნიშნავთ „ჯვარს“. ქართული ტერმინი „ჯვარი“ დღემდე შენახულია კავკასიის მთიანეთისა და ჩრდილო-კავკასიის მრავალ ადგილას (ჩერქეზებში: შავიზღვისპირა შატსულდებში, ყუბანის შატსულდებში, საერთოდ კიანების სხვადასხვა ტომში, ყაბარდოელებში²; აბაზეში (პირიქითა აფხაზეთში); ოსებში; ქისტებში).

საყურადღებოა, ამასთან, ტერმინის დღევანდელი მნიშვნელობანი, რომელთაგანაც ძირითადია ორი: 1) ტერმინს შერჩენილი აქვს ძველი აზრი, იგი გამოხატავს ქრისტიანულ სიმბოლოს, 2) ტერმინი აღნიშნავს წარმართულ ღვთაებას, კერძს. საინტერესოა ეს უკანასკნელი მნიშვნელობა ტერმინისა: უეჭველია, იგი ვითარდება იმ შედარებით გვიანდელ ხანაში (XVII—XVIII სს.), როცა ხსენებული ტომების გაბატონებულმა წოდებამ, თავდა-აზნაურობამ, ახალს პოლიტიკურ პირობებში, თავისთვის უფრო ხელსაყრელად მიიჩნია. ქრისტიანობა ისლამზე გაეცვალა. გლეხობა-კი, იცავდა რა თავის საკუთარს ინტერესებს, თავდააზნაურობის ახალი იდეოლოგიის, ისლამის, დასაპირისპირებლად ერთ ხანს ებლაუჭებოდა ძველს, სწორედ ისევე, როგორც ამას ჩადიოდა იგი, როცა იგივე აზნაურობა ქრისტიანობას იღებდა. ეს გლეხური „ქრისტიანობა“ მართლაც უფრო წარმართობა იყო, ვიდრე მართლმადიდებელი თუ რომელიმე სხვა ქრისტიანული ეკლესიის მოძღვრება. არსებითად, გლეხობა

¹ ქაა მარ. 731.

² ჩერქეზებმა ქრისტიანობა მიიღეს ალანებზე ადრე, ბიზანტიელებისაგან, მაგრამ შემდეგ აგრეთვე დაეჭვემდებარნენ საქართველოს პოლიტიკურსა და კულტურულ გავლენას.

ქრისტიანობის ბატონობის ხანაშიაც თავის ძველს ანიმისტურ-წარმართულ რწმენებს მისდევდა. „ჯვარს“ წარმართულ, ე. ი. ამ შემთხვევაში, დევნის ღირს ემბლემად და კერპად აცხადებენ ახალი რელიგიის მოციქულნიც — მათს დამოკიდებულებას ამ შემთხვევაში სულ სხვა ხასიათი აქვს, და ტერმინიც მათ პირში სხვა აქცენტის მატარებელია.

აი, რამდენიმე ფაქტი გამოთქმული აზრის საილუსტრაციოდ. ძველი აღანების შთამომავალ ოსებში „ძჳარ“ (ქართ. „ჯვარი“) ნიშნავს: „ჯვარს“, „წმინდანს“, „ღვთაებას“, „სალოცავს“ (სალოცავ ადგილს) და, წარმოიდგინეთ, ავადმყოფობა „ყვაილსაც“ კი: „და მარდ. და ძჳარ ყჳსაჳსდ“, — „დაიღუპოს შენი მკვდარი და შენი ძჳარიო“, — იწყევლებოდა ძველად ოსი. ცნობილია ოსეთის ქვა-ჯვარები, რომლებსაც თავყვანს სცემდნენ. არის ასეთი ძალიან საინტერესო ოსური ანდახავა: „ხოხ ძჳარჯჳნ, ბედჯრ აღდარჯჳნ“ — „მთაში ძჳარია (წარმართული სალოცავი) ბეერი, ბარში კი — აღდარი (თავადი)“! სწორედ იმ ურთიერთობის გამოხატულებაა ეს თქმა, რომელზედაც ზემოთ ესაუბრობდით: ბარში ფეოდალური ურთიერთობა ძლიერია და „ძჳარიც“ მთისკენ იხევს! ამ სალოცავებს თავიანთი ქურუმები ჰყავდათ, რომელთაც „ძჳარ ლჯგ“-ს უწოდებდნენ¹.

ასევეა ჩერქეზებშიაც. უმეტეს წილად ეს სიტყვა (გამოთქმის როგორც „ჯჳარ“ ო „ჯორგ“ [კიახებში], „ჟორ“ ო „ჟორ“ [ყბარდოელებში] იქ ესმით, როგორც რალაც „ღვთაება“, „კერპი“, „წარმართული სალოცავი“, „ჩირალდანი“. ეს სალოცავები შენახული იყო უკანასკნელ დრომდე, მაგ., ტუაფსეს რაიონში. ეს იყო უბრალო მკედლური წესით გაკეთებული რკინის ჯვარი, წვეტიანი ბოლოთი დანაგრებული ხეზე სადმე უღრან ტყეში. აქ მოდიოდნენ მაჰმადიანი ჩერქეზები, თავყვანს სცემდნენ მას, ჰკლავდნენ სამსხვერპლო საქონელს. უკანასკნელი ასეთი „ჯჳარი“ მოსკრეს ტუაფსეს რაიონში, კოლხევას ხეობაში, ამ ათიოდე წლის წინათ².

ძველი მნიშვნელობაც აქვს შერჩენილი ტერმინს ჩერქეზებში მრავალგან და აგრეთვე აბაზებში (პირიქითელ აფხაზებში)³.

¹ В. Миллер, Осетинско-русский словарь, I, სათანადო სიტყვის ქვეშ.

² აულ აგუიდან 15 კილომეტრის მანძილზე. ჯვარი გაკეთებული ყოფილა მახლის ხეზე, სამარეთისკენ პირმიქცევი. ნივთი ამჟამად ინახება ადიღეს საოლქო მუზეუმში (№ 976), სადაც ის ჩვენ ვხვებით. იხ. აგრეთვე „Адигский областной музей“, Краснодар, 1929, გვ. 7 და 18.

³ ეს ცნობები შეკრებილია ჩვენ მიერ ჩრდ. კავკასიაში სამეცნიერო მოგზაურობის დროს 1929 წ. გაზაფხულზე და შემოდგომით: შაფსულურ აულ აგუიში ალაღ მუსაბ გვაცნობა, რომ „ჯჳარ“ ნიშნავს ღვთაებას; ბხადულების აულ თლასთონა-ჰაბლში გვითხრეს რომ „ჯორ“ არის „ჩირალდანი“, ხოლო „ჯორგმ“ — „წმინდა“ — „სცემლთა:კვანისმცემელი“! ყუბანის შაფსულეებში, აულ აფიუსისში, მოხუცმა თლასთან ბეასომ გადმოგვცა რომ „ჯორ“ ნიშნავს კერპს, კერპთა-

ჩვენ აქ ვეღარ განვიხილავთ, აღებული თვალსაზრისით, საქართველო-რუსეთის კულტურულ ურთიერთობას, რაც უაღრესად საყურადღებო და საინტერესო ფაქტებშია გამოხატული. ეს შესრულებული იქნება სპეციალურ ნარკვევში¹.

ცნობების თითქმის სრული უქონლობის გამო, ჩვენ არაფერი ვიცით ფეოდალურ-კლასის განვითარების შინაგანი პირობების შესახებ ლაზიკაში. სხვადასხვა არაპირდაპირი ჩვენების საფუძველზე შესაძლოა მხოლოდ ვიფიქროთ, რომ ამ განვითარებას აქ არ შეეხვედრია ისეთი წინააღმდეგობა, როგორც ქართლში. თეოკრატიული ელემენტები, რომელთაც ჩვენ აქაც ვპოულობთ გარკვეულ დაწყებით პერიოდში, უფრო სუსტად უნდა ყოფილიყვნენ გამოხატულნი და უფრო ადრე უნდა გამქრალიყვნენ, ვიდრე ქრისტიანობა აქ შინასოციალურ და შინაპოლიტიკურ ურთიერთობის სცენაზე გამოვიდოდა. ქრისტიანობის როლი, მაშასადამე, ამ მხრივაც სხვაგვარი იყო ლაზიკაში, ვიდრე ქართლში. ფეოდალურ ურთიერთობის ზრდის ისტორიისათვის დას. საქართველოში მეტად საყურადღებოა ფაქტი ახალ სახელმწიფოებრივ ორგანიზმის წარმოშობისა აქ. მეორე საუკუნის პირველ ნახევარში დას. საქართველოს ტერიტორიაზე არსებობდა, როგორც ვნახეთ (§ 15), ოთხი |წერილი პოლიტიკური ერთეული. იმავე დროს, რომაელებს სანაპირო ციხე-ქალაქებში, ფაზისსა და სევასტოპოლში, თავისი ჯარი უყენიათ — საკმაო გარანტია იმისათვის, რომ აღწერილი ვითარება, ხელსაყრელი რომაელებისათვის, არ დაირღვეს. მეორე საუკუნის მეორე ნახევარში და მესამე საუკუნეში აქ, ჩანს, იგივე მდგომარეობაა: 255—6 წ. გუთები ანუ სკვითები, — როგორც,

ყვანისმცემლობის დროინდელ სალოცავსო. ყაბარდოელები (ყაბარდოს ავტ. სსრ) ახლან კარდანახ (აულიდან ფსუგანსუ) და თახრათ თენხა (აულიდან ყუყუყუჯი იზხარა) ამტკიცებდნენ რომ „ჯორ“ II „ეორ“ არის ერთადერთი სიტყვა ყაბარდოელში ჯვარის აღსანიშნავად. ყაბარდოელივე ლიხ ბეთროზუხა (აულიდან ხათუაი) ამასვე ადასტურებს. აბაზი მუსა შჰაჯუაშის (აულიდან დუღარაიყუა-ქეთ) ცნობები „ჯუარ“ აბაზურში მხოლოდ ჯვარს ნიშნავს. ამასვე ადასტურებდნენ აბაზები ალი ნაკობრაა (აულიდან ბიბარდ-ქეთ) და უმარ ბალარაა (აულიდან ლოოქთ).

¹ ამ პარაგრაფში მოცემული დებულებები, უფრო გაშლილი სახით, ავტორს წარმოდგენილი ჰქონდა თავის საჯარო ლექციაში, რომელიც წაკითხულ იქნა ტფილ. სახ. უნივერსიტეტში 1937 წ. 13 აპრილს.

ტრადიციით, მათ ეძახიან იმდროინდელი ბიზანტიელი მემკვიდრე-ნი. — თავს ესხმიან პიტიუნტს (ბიჭვინტას), მაგრამ უკუქცეული არიან პიტიუნტის რომაელთა ციხოვან ჯარის მიერ და მეტისმეტი ასწრაფებით შინ ბრუნდებიან, რადგანაც ეწინიათ, რომ მეზობელი სიმაგრეების გარნიზონები შეიტყობენ ამ ამბავს, პიტიუნტის რაზმს შეუერთდებიან და მთლად გაგვანადგურებენო. მაშასადამე, ბიჭვინტას მახლობლად მდებარე სტრატეგიულ მნიშვნელობის პუნქტებშიც ციხოვანი რომაელები მდგარან. ცოტა ხნის შემდეგ, გუთებმა ასეთივე მარცხი განიცადეს ფასილთან, სადაც მათ ადგილობრივი ტაძრის ხელში ჩაგდება ჰსურდათ, მაგრამ, სამაგიეროდ, პიტიუნტის აღება-კი მოახერხეს და იქაური ციხის ჯარიც გაუღიტეს¹. ცხადია რომ III ს. ორმოცდაათიან წლებში მთელი ქვეყანა რომაელების განჯარგელებაში იმყოფება*. ძალთა განწყობილება იცვლება, ჩანს, IV საუკუნეში, როცა რომაელების საქმეები აღმოსავლეთში ძალიან გაფუჭდა. უეჭველია, რომაელთა გავლენა ამ დროს უნდა შესუსტებულიყო დას. საქართველოშიაც. თუ გარდამწყვეტ მნიშვნელობას არ მივცემთ იმ ცნობას, რომ კონსტანტინე I-ის (324 — 337 წწ.) მიერ დაყოფილ იმპერიის ის ნაწილი, რომელიც აღმოსავლეთის პროვინციებს შეიცავდა, შავი ზღვის სანაპიროებზე მხოლოდ ფაზისის სიმაგრეებამდის ვრცელდებოდა² და, მაშასადამე, რიონს ჩრდილოეთით მდებარე რაიონები იმპერიის ფარგლებს გარეთ მოდიოდა, რასაც ეწინააღმდეგება ცნობილი ამბავი საეკლესიო მოღვაწის, იოანე ოქროპირის, გადასახლებისა კონსტანტინოპოლის მთავრობის მიერ პიტიუნტ — ბიჭვინტაში (407 წ.), მაინც ყველაფერი მოწმობს რომ ამ დროს უკვე, განსაკუთრებით-კი, საუკუნის შუაწლებიდან მოყოლებული, რომაელები ძალიან შევიწროებული არიან და ნათი პოლიტიკური ჰეგემონიაც მნიშვნელოვნად შეზღუდულია. სწორედ ამ დროს უნდა მომხდარიყო, როგორც ქვემოთ იქნება ნაჩვენები, ის საყურადღებო ამბავი, რომ ლაზების ტომის სამთავროს, ერთს ზემოდასახელებულ ოთხთავანს, თავის პოლიტიკური საზღვრები გაუფართოე-

¹ ზოსიმე, SC I, 790—791.

² იქვე, 797.

* ამ სიტყვავზე მითითებით დედანში ავტორის ხელით წერია: „მაგრამ ეს ინასაც ნიშნავს, რომ რომაელები ებლა უფრო სუსტნი არიან, ვიდრე იყვნენ“.

ბ ი ა დ ა ნ ა რ ჩ ე ნ თ ა ხ ა რ ჯ ზ ე. რომაელების დასუსტება ამ პროცესისათვის იყო მხოლოდ პირობა. არსებითად, მომხდარი ფაქტი შედეგი იყო ბუნებრივი განვითარებისა ფეოდალურ ძალთა გამსხვილებამი.

ახალ სახელმწიფოს ბიზანტიელები „ლაზიკეს“ ეთახან, ქართული წყაროები — „ეგრისს“, სომხები — „ეგერქს“. „ეგრისიდან“ არის ნაწარმოები ტომური სახელწოდება „მეგრელიც“ (შეადარ. „მეგვიპტელი“ „ეგვიპტიდან“, „მაჰარელი“ „აჰარიდან“...). რადგანაც ყველაფრიდან ჩანს რომ სწორედ „ეგრისი“ იყო ადგილობრივი სახელწოდება, ამიტომ ჩვენც ყოველთვის ამ ტერმინს ვიხმარებთ.

თუ როდის წარმოიშვა ეგრისის სამეფო, ამის შესახებ ჩვენ მხოლოდ ერთი, თუმცა არა პირდაპირი, მაგრამ, მიუხედავად ამისა, უაღრესად საყურადღებო ცნობა მოგვეპოვება ბერძნულს საისტორიო მწერლობაში. ეს ცნობა მემატთანე მენანდრეს ეკუთვნის.

როცა დიდი ომების დამთავრების შემდეგ ეგრისში (VI ს.) ირანელები და რომაელები საზავო პირობების გაფორმებისათვის ზრუნავდნენ (562 წ.), დიდი დავა გამოიწვია სვანეთის საკითხმა: ირანელები ამ მხარეს თავისად სთვლიდნენ, რომაელებიც მას არ სთმობდნენ. რომაელების ელჩმა პეტრემ მაშინ მთავარ არგუმენტად ასეთი მოსაზრება წამოაყენა: პეტრემ სთქვაო, — მოგვითხრობს მენანდრე, — მე შენ ეხლავე დაგიმტკიცებ მთელ ქვემარტებას, თუ როგორ იყო ეს ყველაფერი მოწყობილი ლაზებშიო. სვანეთის მთავარი ლაზს ემორჩილებოდა და შეტანილი იყო მის სახარკო დავთარში. მეფე იღებდა მისგან ფუტყრის ნაყოფს, ტყავებსა და სხვა მსგავს საგნებს. როცა სვანების მთავარი გარდაიცვლებოდა, ლაზების მფლობელი აირჩევდა გარდაცვლილის მემკვიდრეს და რომაელთა კეისარს შეატყობინებდა მომხდარის შესახებ. კეისარი უპასუხებდა წერილობით და უბრძანებდა გადაეცა, ვისთვისაც ჰსურდა, სვანეთის უმაღლესი ხელისუფლების ნიშნები, ოღონდ სვანი კი ყოფილიყო იგი. ასეთი ჩვეულება და მყარ და ჩვენი მეფის თეოდოსის დროიდან დაგრძელდებოდა პაპა თქვენის (პეტრე ესაუბრება თვით ირანის შაჰს) პეროზისა და ჩვენი მეფის ლეონის დრომდისო. შემდეგ პეტრემ ქლამიდის ქვეშ გამოიღო წიგნი, რომელშიაც ეწერა, გვერდისგვერდ და ცალ-ცალკე, იმ ლაზთა მეფეების სახელები,

რომელნიც აწესებენ სვანთა მთავრებს. წიგნის შინაარსი, თუმც სხვა-სიტყვებით გადმოცემული, ასეთი იყო: „ესენი არიან ლაზთა მეფენი, რომელნიც აწესებდნენ (ადგენდნენ) სვანთა მთავრებს, იმ დროიდან, როცა რომს ჰმართავდა თეოდოსი, ხოლო სპარსეთს ბაჰრამი და იმ დრომდის, როცა კეისრად იყო ლეონი, ხოლო შაჰად — პეროზი“. როცა ეს წაიკითხა, პეტრემ სთქვა: ამ თხრობიდან ჩვენ ვიცნობთ ლაზთა მეფეებს ჩვენს დრომდის და მათს ხელქვეით მყოფს სვანთა მთავრებსაო.

აქ მოხსენებულ ისტორიულ პირების ვინაობა კარგად ირკვევა; ისინი არიან: პირველი რიგისა — კეისარი თეოდოსი I (379 — 395 წწ.) და შაჰი ბაჰრამ IV (388 — 399 წწ.), ხოლო მეორე რიგისა — კეისარი ლეონ I (457 — 474 წწ.) და შაჰი პეროზი (459 — 483 წწ.). სათანადო სინქრონისტულ ანგარიშის საფუძველზე უნდა მივიღოთ რომ სვანეთის მთავრის დამოკიდებულება ლაზთა მეფისაგან დამყარებულა 388 — 395 წლებში და გაგრძელებულა 459 — 474 წლებამდის.

ეს ქრონოლოგიური დასკვნა თავის დასაყრდენსა და ისტორიულ ახსნას ჰპოვებს ყოველივე იმაში, რაც ჩვენ ვიცით აღმ. რომის იმპერიის მდგომარეობის შესახებ აღნიშნულ პერიოდებში. ზომ ეკვცს. გარეშეა რომ, თუ აღნიშნულ წერილ ტომურ სამთავროების აღმოცეხება რომის მთავრობის სურვილის გარეშე მოხდა, შემდგომი გამსხვილება ადგილობრივ ძალებისა, რაც ეგრიისის სამეფოს წარმოქმნაში გამოიხატა, მით უმეტეს არასასურველი უნდა ყოფილიყო კეისრისათვის. ასეთ რამეს ისინი შეიძლებოდა მხოლოდ უნებლიეთ დასთანხმებოდნენ, გარკვეულ გარემოებათა იძულების გამო, როცა ფაქტიურად მათ არც შეეძლოთ ხელი შეეშალათ ასეთი პროცესისათვის. კონსტანტინოპოლის მთავრობას მხოლოდ ის უნდა ეცადნა, რომ მისთვის მაქსიმალურად სასურველი ფორმა და მიმართულება მიეცა ამბების მსვლელობისათვის, რომ, გარეგნულ კეთილგანწყობილებების შემწეობითა და ერთგვარი დათმობის საშუალებით გაძლიერებულ ლაზთა მეფისა და მისი პრეტენზიების მიმართ, ნაწილობრივ მაინც შეენარჩუნებინა ამ მნიშვნელოვანი ქვეყნის დამოკიდებულება იმპერიისაგან.

სწორედ ასეთი დრო უდგება რომის იმპერიას აღმოსავლეთის.

საზღვრებზე IV ს. სამოციან წლებიდან. მრავალსაუკუნოვანი ბრძოლა რომსა და ირანს შორის, მიუხედავად სამხედრო და პოლიტიკურ წარმატების ხშირი ცვალებადობისა, ჯერ კიდევ III ს. მიწურულებში რომის სასარგებლოდ ჰხრიდა გამარჯვების სასწორს. მაგრამ მომდევნო საუკუნეში უკვე აშკარა ხდება, რომ უპირატესობა თანდათან სასანიანთა ირანის მხარეზე გადადის. სასანიდები ნელინელ | აცლიან ხელიდან რომაელებს ძათს პოზიციებს. კერძოდ, ამიერკავკასიაში სასანიდები თავიანთ გავლენას ყველაზე ადრე, გასაგები ბუნებრივი პირობების მიხედვით, ჯერ არმენიასა და ალბანეთზე (თანამედროვე საბჭ. აზერბაიჯანზე), ხოლო შემდეგ ქართლზე ავრცელებენ. რომაელები მძიმედ, მაგრამ მაინც შეუჩერებლად, უკან იხევენ. აქ, ამიერ-კავკასიაში, ყველაზე ადვილად რომაელებს ფეხის მოკიდება, რა თქმა უნდა, დას. საქართველოში შეეძლოთ. მართლაც, IV ს. სამოციან წლების დამდეგს ეს მხარე ჯერ კიდევ რომაელების მოხარკე ჩანს. ამიანე მარცელინე მოგვითხრობს: „[362 წელს, იულიანე კეისართან] ყოველი მხრიდან მოდიოდნენ ელჩები, ჩვეულებრივზე უფრო სწრაფად: ერთი მხრით — ტიგროსგამდებლ ხალხებისა და სომხებისაგან, რომელნიც ზავს ემუდარებოდნენ... ჩრდილოეთიდან და იმ შორეულ ქვეყნებიდან, სადაც ზღვას ერთვის მდ. ფაზისი, ბოსფორელებისა და სხვა, მანამდის უცნობ ხალხებისაგან, რომელთაც მოეგზავნათ ელჩები თხოვნით: მიეცათ მათთვის ნება მშვიდობიანად ეცხოვრათ მშობლიურ ქვეყნების ფარგლებში, ყოველწლიურ ჩვეულებრივ ხარკის გადახდით“. მაგრამ მდგომარეობის შემდგომი გაუარესება აღმოსავლეთის ფრონტზე, ცხადია, თავის გავლენას ახდენდა დას. საქართველოს ვითარებაზედაც. ხოლო აზიაში საქმე სულ უფრო და უფრო ფუჭდებოდა: თუ, თავდაპირველად, აქ მდგომარეობა იმდენად საეჭვო იყო, რომ საჭირო ხდებოდა არაჩვეულებრივ ღონისძიებათა განხორციელება არსებულ პირობების შესანარჩუნებლად, შემდეგ უკვე ირანის მოზღვავებულ ძალთა შეჩერება შეუძლებელი აღმოჩნდა. იგივე ამიანე მარცელინე 361 წლის შესახებ, მაგ., გვიამბობს: „სპარსეთის მეფე გაჭირვებით უკუგდებულ იქნა, ზამთრის შეუფერებელ პირობების წყალობით, მაგრამ რადგანაც ეშინოდათ რომ იგი, წელიწადის უფრო ხელსაყრელი დროის დადგომისთანავე, მეტი სიძლიერით მოიტანდა იერიშს, ამიტომ ტიგრო-

სის გაღმა მყოფ მეუყეებსა და სატრაპებს გაუგზავნეს ელჩები მდიდარი საჩუქრებით იბისათვის, რათა შეგონებით გადმოებირებინათ ისინი ჩვენს (ე. ი. რომაელების) მხარეზე და რათა მათ არ განეზრახათ არავითარი მოტყუება ან ვერავობა. ყოვლის უწინარეს მაინც ცდილობდნენ მოესყიდათ ბრწყინვალე სამოსლებითა და მრავალნაირი საჩუქრებით არსაკი და მერიბანი, არმენიისა და იბერიის მეფეები. რადგანაც მათ შეეძლოთ რომაელთა საქმისათვის ევნოთ, მაშინდელს საეკვო გარემოებაში რომ სპარსელების მხარეს გადასულიყვნენ“. რომაელთა საქმეების შემდგომი, ფრიად თვალსაჩინო. გაუარესებისათვის აქ მხოლოდ რამდენიმე წელიწადი იყო საჭირო. კარგად ცნობილია, რომ 368 წ. რომაელები იძულებული შეიქნენ პირველად ელიარებიანათ ირანელების ერთგვარი უფლებები ქართლზე და დაეთმოთ მათთვის ამ ქვეყნის ერთი, აღმოსავლეთი, ნახევარი. სომხეთში რომაული გავლენა განადგურებული იყო იობიანეს მიერ 365 წ. დადებულ სამარცხვინო ზავის შემდეგ. სომხეთის მეფე არშაკი, მომდევნო წლებში, ტყვედ წაიყვანეს ირანელებმა და მოჰკლეს. არშაკის შვილი, რომელმაც ორიოდ დღის განმავლობაში ფარულად იმეფა თავის სამშობლოში, ბოლოს მაინც იძულებული იყო გაჰქცეოდა ირანელებს და თავი შეეფარებინა იმ მთების ხეობებში, რომლებიც კმიჯნავენ რომაელთა სამფლობელოსა და ლაზების ქვეყანას. აქ ლტოლვილნი ზუთი თვე იმალებოდნენ უღრან ტყეებსა და გაუვალ ხევხუევებში. მტერმა მაინც დაიპყრო მნიშვნელოვანი ციხე-სიმაგრეები, აიღო დედაქალაქიც და ქვრივ დედოფალთან ერთად ხელთ იგდო სამეფო საგანძურებიც. ირანელთა გაბოროტების მაჩვენებელია რომ ისინი სჩენავდნენ თურმე ხეხილის ბაღებს. მალე მოკლულ იქნა სომხეთის ეს უიღბლო მეფეც. ხოლო სწორედ იმ თეოდოსის მეფობაში, რომელსაც ასახელებს მენანდრე, რომაელების მდგომარეობა სომხეთში უკვე კატასტროფულ სახეს იღებს. უზურპატორ ევგენისთან ბრძოლის გამო თეოდოსიმ სრულიად სამხედრო ძალების გარეშე, გაშიშვლებული და დაუფარავი, დასტოვა აღმოსავლეთის პროვინციები, რომლებსაც ეხლა, კასპიის კარებით შემოჭრილი, ჰუნები ესევიან. ცხადია, სასანიანი შაკებრსათვის ეს ხელსაყრელი დრო იყო. და, მართლაც, 387 წ. თეოდოსი ზავსა ჰკრავს მათთან, რომლის პირობე-

ბითაც სომხეთი გაიყო ამ ორ სახელმწიფოს შორის. რომაელებს ერგოთ მხოლოდ ერთი მეხუთედი. ყოველივე დანარჩენი საბოლოოდ გადავიდა ირანის ხელში.

ეხლა გასაგებია რომ თეოდოსის მეფობა და, განსაკუთრებით კიდევ, ოთხმოციან-ოთხმოცდაათიან წლების მიჯნა საესებით შესაფერისი დრო იყო იმისათვის, რომ გაძლიერებულ ლაზთა მეფეს თავისი პოლიტიკურ-ტერიტორიული ექსპანსიის დადასტურება მოეთხოვნა კეისრისაგან. ეს უკანასკნელი იბითაც კმაყოფილი იქნებოდა, თუ ლაზების მეფე იმპერატორის ფორმალურ ვასალობაზე მინც არ იტყოდა უარს.

ალბათ დაახლოებით იმავე ხანებში უცნიათ ლაზთა მეფის სიუზერენიტეტი სხვა ტომებსაც — აფსილებს თუ აფშილებს, აბასკებს, სანიგებს და სხვებსაც. მეხუთე საუკუნის დამდეგისათვის უკვე ჩამოყალიბებულია, როგორც ჩანს, ეგრისის სამეფოს ის სტრუქტურა, რომელიც აგრეთვე ნიშანდობლივი და დამახასიათებელია: ლაზები რომაელთა ქვეშევრდომებად ითვლებიან, მაგრამ არც ხარკს იხდიან არც სხვა რამეში ემორჩილებიან მათ; ერთადერთი მათი მოვალეობაა დაიცვან თავიანთი ქვეყნის ჩრდილოეთი საზღვარი, რათა ჰუნები და სხვა ნომადები ამ გზით არ შეიჭრან რომაელთა ტერიტორიაზე; როცა ლაზების მეფე კვდება, კეისარი მის მემკვიდრეს, რომელმაც სამეფო ტახტი უნდა მიიღოს (წესისა და ადათის მიხედვით), უგზავნის ხელისუფლების ნიშნებს; ლაზების მიწა-წყალზე რომაელთა ჯარები არ დგას — ისინი აქ მხოლოდ VI ს. ოციან წლებიდან ჩნდებიან. მაშასადამე, ლაზების მეფე ეკეისრის ვასალია, რომელსაც თავის სიუზერენის წინაშე მხოლოდ სამხედრო სამსახური აწევს მოვალეობად. ლაზების მეფეს თავისი ვასალებიც ჰყავს, მაგ., აბაზგები, რომელნიც „ქველთაგანვე ლაზების ქვეშევრდომები იყვნენ, თუმცა ყოველთვის ჰყავდათ თავისი მკვიდრი ორი მთავარი“.

ლაზების ქვეშევრდომნი არიან აგრეთვე აფსილებიც. სამწუხაროდ, მათი პოლიტიკური ორგანიზაციის შესახებ არაფერი ვიცით. აფსილების მსგავსად მისიმიანებიც (მოსახლეობდნენ მდ. კოდორის ზემოთა ხეობაში) კოლხთა, ე. ი. ლაზთა, მეფის ქვეშევრდომნი

არინ, მაგრამ ისინი თავისებურ ეხას ლაპარაკობენ და საკუთარ კანონებსაც მისდევენ (ე. ი. გარკვეულ ავტონომიით სარგებლობენ). ლაზების ქვეშევრდომი იყო სკუმიაც (თანამედროვე ლეჩხუმი¹), სვანეთთან ერთად. ამ ტომებს თავისი მკვიდრი მთავრები ჰყავთ, რომელთა გარდაცვალების შემდეგ ახალს ლაზთა მეფე ნიშნავს. უფრო სრული ცნობა სვანების დამოკიდებულების შესახებ ეგრისისაგან ზემოთ იყო მოთავსებული.

ყოველივე ზემოთ აღნიშნული საფუძველს აძლევდა აგათია მემატიანეს ეთქვა ლაზების შესახებ რომ ისინი ძლიერი დამამაცი ტომია, რომელიც სხვა ძლიერ ტომებს ზედაც ბატონობსო. ისინი ამყობენ კოლხების ძველი სახელით და ზომაზე მეტად მოაქვთ თავი, შესაძლოა, არც თუ უსაფუძველოდ.

თუ როგორი იყო იმ ვალდებულების ხასიათი, რომელიც აღნიშნულ მთავრებს დაკისრებული ჰქონდათ ეგრისის მეფის წინაშე, ამის შესახებ პირდაპირი ცნობები შენახული არ არის საკმაო რაოდენობით. სვანთა მთავრის ვალდებულებების შესახებ ზემოთ იყო გადმოცემული სათანადო ცნობა, მაგრამ, ჩვენი აზრით, არც ისაა სრული: იქ სვანების ნატურალური ხარკია მხოლოდ აღნიშნული. მაშინ როდესაც ჩვენ უეჭველად მიგვაჩნია რომ ამ ტომთა მფლობელებს მთავარი მოვალეობა ეგრისის მეფის წინაშე სამხედრო სამსახურში მდგომარეობდა. ყველა დასახელებული ტომი ხომ ეგრისის სწორედ იმ ჩრდილოეთ საზღვარზე მოსახლეობდა, რომლის დაცვაც შეადგენდა თვით ეგრისის მეფის ძირითადსა და ერთადერთს მოვალეობას კონსტანტინოპოლის იმპერატორის წინაშე. ამ მოვალეობას ეგრისის მეფე ვერ შეასრულებდა, თუ თავისი ყმებისაგან არ მოითხოვდა იმასვე, რასაც მისგან მისი სიუზერენი მოითხოვდა, ე. ი. სამხედრო სამსახურს. მთელი აღნიშნული ურთიერთობა-კი, — თუმცა იგი ზედნაშენის კატეგორიისა და, მის მიხედვით დასკვნების გამოყვანისას, სათანადო სიფრთხილეს საჭიროებს, — სხვა ნიშნებთან ერთად, უფლებას გვაძ-

¹ ჩვენ დამაჯერებლად მიგვაჩნია პროფ. ს. ყაუხჩიშვილის მოსახრება რომ „სკუმია“ ფორმა ლე-ჩხუმის ბერძნ. გადმოცემაა: გეორგიკა, II, 96, შენ.

ამ ადგილას დედანში ავტორის ხელით მიწერილია: „ასეთი მოსახრება უფრო ადრე გამოთქმული ჰქონია მინორსკის, Laz: Enz. Islamica“.

ლევს მეტი კატეგორიულობით ვილაპარაკოთ აღებული ქვეყნის ერთგვარი ფეოდალური ხასიათის შესახებ.

გარკვეული სინათლე ეფინება იმ საკითხსაც, თუ რატომ ერგო წილად დას. საქართველოს ადრინდელ-ფეოდალურ ძალთა გაერთიანების ჰეგემონია სწორედ ლაზთა სამთავროს. ეს აშკარად აიხსნება იმ გარემოებით, რომ აღებულ ხანაში ყველა უწყებულ ტომურ სამთავროდან სწორედ ლაზების სამთავროს ჰქონდა საუკეთესო პირობები აღნიშნულ საზოგადოებრივ-ეკონომიურ ურთიერთობის განვითარებისათვის. აი, რას გვიაშობს ამის შესახებ იგივე აგათია, VI ს. დამლევის ბიზანტიელი მწერალი: „იმ ტომებს შორის, რომლებიც სხვა სახელმწიფოს ექვემდებარებიან, მე არ მეგულება არც ერთი სხვა, ესოდენ სახელგანთქმული და მორკმული, როგორც თავისი სიმდიდრის სიუხვით, ისე ქვეშევრდომთა სიმრავლით, როგორც მიწა-წყლის სიჭარბითა და მოსავლიანობით, ისე ხასიათის სილამაზითა და სიციქვით (წინა ფრაზაში პირდაპირ დასახელებულია რომ ავტორი ლაპარაკობს ლაზების ანუ კოლხების შესახებ. ს. ჯ.). იმ დროს, როდესაც წინანდელ მცხოვრებლებს ამ მხარისას სრულიად არ სცოდნიათ ზღვის დადებითი თვისებები, წარმოიდგინეთ — მათ არც-კი გაეგონათ ზომალდის სახელი მანამდე, სანამ მათთან არგოს ნავი მივიდოდა, ეხლანდელი მცხოვრებლები დასცურავენ კიდევ [ნავებით], რამდენადაც შესაძლებელია, და ვაჭრობა-შიაც ნახულობენ დიდ სარგებლობას. ისინი უკვე არც ბარბაროსები არიან, არც! ბარბაროსულ ცხოვრებას ეწევიან, არამედ, რომაელებთან კავშირის წყალობით, თავიანთი ცხოვრებისათვის სახელმწიფოებრივი და კანონითი სახე მიუციათ“. ცოტა უფრო მკაცრად მსჯელობს აგათიას წინამორბედი, მეორე ბიზანტიელი მემატიანე, პროკოპი კესარიელი, მაგრამ მასაც, ბოლოს და ბოლოს, იგივე დებულება აქვს განვითარებული. სახელდობრ, თუ ლაზიკას, მთლიანად აღებულს თავისი ვასალების ტერიტორიით, პროკოპი აშკარად ღარიბ ქვეყნად სთვლის და ამბობს: „ლაზიკეში არსად არ არის მარილი, არც ხორბლეული მოდის, არც ღვინო, არც რამ სიკეთე“, — რაც. უეჭველია, ერთგვარი გაზვიადება უნდა იყოს. აგრისის ერთი, ცენტრალური, რაიონის შესახებ იგივე პროკოპი

სულ სხვა ცნობას გვაწვდის: „მოხირისი ერთი დღის სავალ გზაზეა (დაახლ. 30 — 35 კილომ.) არქეოპოლისის დაშორებული (ე. ი. თანამედროვე ნოქალაქევის, მარტილის რაიონში) და შეიცავს მრავალს. მქიდროდ დასახლებულ, სოფელს. კოლხიდის მიწა-წყალზე ის საუკეთესო მხარეს წარმოადგენს: ღვინოც კარგი მოდის და სხვა ნაყოფნიც იქ კარგად ხარობენ, თუმცა ლაზიკის სხვა ადგილებზე არ შეიძლება იგივე ითქვას“. შემდეგ ავტორი ამბობს რომ ამ მხარეს ჩამოუღის მდინარე რიონი, რომლის ნაპირზე აშენებულს უძველეს ციხე-ქალაქს ლაზები ქუთათისს უწოდებენო. იქვე, კიდევ ერთხელ, ამ მხარეს პროკოპი „კოლხიდის საუკეთესო ნაწილს“ ეძახის. სათანადო ცნობების ანალიზით ირკვევა რომ ბიზანტიელ მწერალთა „მუხირეზისი“ გულისხმობს საკმაოდ დიდ რაიონს, რომელიც, მთლიანად ან ნაწილობრივ, შეიცავდა თანამედროვე ქუთათისის, ბაღდათის, ვანის, სამტრედიის, აბაშისა და მარტილის რაიონებს, უფრო ზუსტად, მათს ვაე ნაწილს, რომელიც, სამეურნეო თვალსაზრისით, გარკვეულ მთლიანობას შეადგენს. რომ ეს ყველაზე დაწინაურებული სექტორია, ამას მოწმობს აქ აღმოცენება ლაზიკის უმდიდრესი ქალაქებისა, კერძოდ, როდოპოლისის (ვარდციხის) და ქუთათისისა. ეს უკანასკნელი გარემოება დაედო საფუძვლად ამ მხარის ძველ-ქართულ სახელწოდებას — „სამოქალაქო“-ს. სოციალურ-ეკონომიური თვალსაზრისით, ამავე რაიონს მიეკუთვნება ეგრისის პოლიტიკური ცენტრი და მისი მეფეების საჯდომი — არქეოპოლისის-ნოქალაქევი, თუმცა ფორმალურად იგი მუხირეზისის ფარგლებს გარეთ ითვლებოდა. პოლიტიკურ ცენტრის მცირეოდნად განზე გაწევა ძირითადი რაიონიდან ღრმა ისტორიულ მიზეზებით აიხსნება, რის შესახებაც ავტორს სხვაგან ექნება საუბარი¹.

§ 19. სოციალურ-საბოლოო კონფლიქტი ქურუმებსა და მეპოლიტიკურ კალთა ფე-აზნაურებს შორის შედარებით სწრაფად განწყობილების ცვლი- გადაწყდა, მაგრამ თვით აღნიშნული წინააღ-
ლების ისტორია და მდევობა ხანგრძლივ ვითარდებოდა, რო-
პირობები გორც ჩანს. ამ მხრივ შესაძლებელია ინტერესს არ იყოს მოკლებული, და არც დიდად დაშორებული ისტო-

¹ ს. ჯანაშია, ეგრისის სამეფოს წარმოშობა: ტფ. სახ. უნ. შრომები, I.

არიულ სინამდვილეს, უძველეს ქართულ მატეიანის, „ქართლის მოქცევის“, მიერ წარმოდგენილი სურათი, რომელსაც უეჭველად ატყვია მერმანდელ სტილიზაციის ნიშნებიც. ქართლის პირველი მეფე, აზო, ალექსანდრე მაკედონელის სარდალი, „ძუელ მცხეთას“, დამჯდარა. არ ჩანს, სად გულისხმობს მემატეიანე ამ „ძუელ მცხეთას“, მაგრამ ისტორიულად მაინც, თუ გეოგრაფიულადაც არა, იგი მემატეიანისათვის არ უდრის მერმანდელ მცხეთას. აზოს მომდევნო ფარნავაზი უკვე იწყებს, როგორც ჩანს, არმაზის შენებას (ალმართავს არმაზის კერპს და აგებს არმაზის ზღუდეს წყლის ძხარეს). შემდგომ მეფობათა განმავლობაში გრძელდება არმაზის შენება და იგი აშკარად ხდება მეფეთა რეზიდენცია. მხოლოდ მერვე მეფის, ბრატეანის ზეობაში, „მცხეთას ქალაქი დაეწყო“, რომლის შენებაც მთავრდება მეთერთმეტე მეფობაში. და ამის შემდეგ, მემატეიანის რწმუნებით, „მეფობაჲ ორად გაიყო: ორნი მეფენი დასხდეს იმიერ და ამიერ“ (ე. ი. ერთი — არმაზს და მეორე — მცხეთას). შემდეგ მემატეიანე ექვს წყვილ მეფეს ასახელებს — თვით სამეფო, მისი წარმოდგენით, მაინც მთლიანია (ეს ჩანს მეფობათა სათვალავიდან). უკანასკნელ ორმეფობის შესახებ ნათქვამია: „მეფობდა იმიერ როკ და ამიერ მირდატ, და ამისაზე მოაკლდა არმაზი სამეფუთჲ და მცხეთას ოდენ იყო მეფობაჲ“ — მცხეთა საბოლოოდ იმარჯვებს¹. საკმარისია ჩვეუვირდით მცხეთა-მუხრანის რაიონის თვისებებს რომ აღვიაროთ — იმ სამეურნეო პროცესებისათვის, რომელნიც, როგორც თავის ადგილას ვამბობდით, საფუძვლად დაედვენ ფეოდალურ ურთიერთობის განვითარებას, ეს რაიონი სწორედ შესაფერის ბუნებრივ პირობას წარმოადგენდა.

საინტერესოა, რომ უძველეს ქართულ მატეიანის, „ქართლის მოქცევის“, წარმოდგენითაც ეს რაიონი არის ინტენსიურ კულტურის უძველესი რაიონი: როცა ალექსანდრე მაკედონელმა მეორე ლაშქრობის დროს მოახერხა ქართლის მთავარ ციხე-ქალაქების დაპყრობა, ქალაქ სარკინის გარდა (სარკინე მდებარეობდა მტკვრის მარცხენა ნაპირას, შიო-მღვიმის მონასტრის ხაზზე), იგი „დადგა სარკინესა დასავალით კერძო და დასცა ვენაჭი და როჲ (-რუ) გამოიღო ქსნით და დასხნა კაცნი მერუენნი დასტავითა რუისათჲ, და ჰრქვან ადგილსა მას ნასტავისი“-ო². სახელწოდება „ნასტავისი“

¹ სამი ისტორიული ქრონიკა, 5—10.

² იქვე, 3.

ეხლაც ცოცხალია ძეგველებში და ასე ეძახიან ისინი ძეგვის დიდი ხიდის ზემოთ გადებულ ბოგირიდან მოყოლებული მტკვრის პირა ზოლს მდ. ქსნამდის და ქსანს იქითაც (ცნობა ჩაწერილია ჩვენს მიერ 1933 წ. X. 29. — აქვეა ძველი ეკლესიაც). მამასადამე, აჲ, მემათიანის წარმოდგენით, ალექსანდრეს, რომლის ეპოქიდან იწყება, მისივე მტკიცებით, ქართლის პოლიტიკური ისტორია, გამოუყვანია სარწყავი არხი და გაუშეხებია ვენახი. შეიძლება, რა თქმა უნდა (თუმცა ამ საკითხსაც შესწავლა სჭირია), მემათიანეს ეს ამბავი შეთხზული ჰქონდეს უკვე არსებულ გეოგრაფიულ სახელწოდების ეტიმოლოგიისათვის. მაგრამ, თუნდაც ასეთი ეტიმოლოგიზაციისათვის აუცილებელი პირობა იყო რაიონის სათანადო სამეურნეო თვისებები უკვე მათიანის შედგენის, ე. ი., შედარებით ძალიან ადრინდელ ხანაში. მართლაც, რაიონი (რა თქმა უნდა, არა მარტო ნასტავისი, არამედ მომდგამი არეც) სავსებით შესაფერისია მაღალი კულტურებისათვის — მევენახეობისა, მებაღეობისა და მებოსტნეობისათვის. რუც მათიანეში შემთხვევით არ არის დასახელებული — ამ ტიპის მელიორაციის თვალსაზრისით ეს იყო ერთი ყველაზე უფრო განვითარებული რაიონი ძველ საქართველოში. მუხრანის თემი ეხლაც ყოველმხრივ გადასერილია ძველი, დღესაც მოქმედი, არხებით. საინტერესოა რომ მეზობელ წილკანში, რომელიც ცოტა უფრო მაღალ ზონას ეკუთვნის, სხვა ცნობით, რამდენადმე უფრო გვიან (თუმცა თავისთავად ადრე), VI ს. გაუყვანიათ არხი¹. თუ მოვიგონებთ იმასაც, რომ მუხრანი, უკვე მის შესახებ დაცულს უძველეს ცნობაში და შემდეგშიაც ჩვეულებრივად მეფის სადგომი, „სასახლე“, და საზამთრო რეზიდენცია ჩანს (არა გვგონია, რომ მუხრანი ასეთ მდგომარეობაში მოქცეულიყოს მხოლოდ დავით აღმაშენებლის მიერ ჩატარებულ ფეოდალურ სენიორიის კონფისკაციის შედეგად), მაშინ აზრი იბადება, რომ ეს რაიონი შესაძლებელია ყოფილიყო ძველ ქართლის მეფეთა ძირითადი და,

¹ ველისხმობით ისე წილკნელია ცხოვრების ცნობას. „საქ. სამ“. 211, რომ ისე, ვითომც „სასწაულებრივად“, რუ გამოიყვანა ქსნიდან: „ქუეყანა იგი დაღრმდებოდა, და წყალი იგი უჩუეველსა მას და კაცთაგან უქმარსა ადგილსა მოვიდოდა... ვიდრემდის მოითრია მისა საუდარსა წილკანს. რომელ ესე ჰგიეს ვიდრე დღეინდელად დღედმდე, საჭმრად მისა ადგილისა“. რეალურად ამ ცნობის მნიშვნელობა ისაა რომ, ავტორის წარმოდგენით, მის დროს მოქმედი არხი ძალიან ძველი წარმოშობისაა.

იქნებ, უძველესი დომენი. ხოლო ამასთან დაკავშირებით მოულოდნელი და საინტერესო შუქი ეფინება იმ გარემოებას, რომ მუხრანის ერთი უმთავრეს არხთაგანი „საგლახოს რუს“ სახელწოდებას ატარებს: იქნებ ეს სწორედ იმის კვალი იყოს რომ აქ, სწორედ მეფის ძირითად დომენზე, სადაც მეფის „ხუდაბუნები“ იყო (იხ. დ. აღმაშენებლის ანდერძი შ. - მღვიმის მონასტრისადმი), ისხდნენ სამეფო ყმები, სტრაბონისეული „ლაოი“, ე. ი., ქართ. „გლეხები“ თუ „გლახები“. საინტერესოა აგრეთვე მახლობელ სოფლის, საქადავიანოს, სახელიც, მაგრამ ამის შესახებ სხვაგან.

§ 20. საგარეო ურთიერთობა IV საუკ. მემკრამ ნახევარსა და V საუკ. პირველ ნახევარში. „ქართველთა საპიტიახშოს“ დაარსება

აღწერილი ამბების შემდგომი განვითარება გადაჯაჭვულია საგარეო ურთიერთობის ფაქტებთან. ირანელების გაძლიერებულ იერიშებს, — რომელთაც კიდევ უფრო მძაფრი ხასიათი უნდა მიეღოთ ქრისტიანობის ოფიციალურ კულტად ქცევის შემდეგ ქართლში, რასაც ერთგვარ გამოწვევისა თუ მუ-

ქარის ხასიათი ჰქონდა ირანისათვის, — პირველ თვალსაჩინო შედეგად მოჰყვა 368 წლის ფაქტი. ამ წელს ირანის შაჰან-შაჰს ქართლის მეფე საურმაგი, რომაელთა მფარველობის ქვეშ მყოფი და მათ მიერ დადგენილი, გაუდგენია, მის მაგიერ ქართლისავე სამეფო სახლის წევრი, ვინმე ასპაგური, დაუდგენია და ამ უკანასკნელისათვის სამეფო დიადემაც უბოძებია. ამან რომაელების პასუხი გამოიწვია. ატყდა ბრძოლა. რადგანაც არც ერთ მხარეს საკითხის საბოლოოდ გადასაწყვეტად საკმაო ძალა არ გააჩნდა, ადგილობრივ შეთანხმებით, რამაც შემდეგში რომაელთა დასტურიც მოიპოვა, ქართლის სამეფო ორ ნაწილად გაყოფილა მტკვრის მიხედვით — ერთში, რომელიც ემეზობლებოდა არმენიასა და ლაზებს, მეფობდა საურმაგი, მეორეში, რომელიც ემეზობლებოდა ალბანეთსა და ირანს, — ასპაგური. რაც არსებითად რომისა და ირანის გავლენის სფეროთა გამიჯვნას მოასწავებდა. შაბურმა პროტესტი გამოაცხადა, ქართლის სამეფოს გაყოფა ჩემდა დაუკითხავად და უნებურად მოხდაო. არსებულ მდგომარეობას ირანის მთავრობა სრულებით არ სთვლიდა იდეალურად — მისი საბოლოო მიზანი ქართლის მთლიანად ხელში ჩაგდება იყო, და ამიტომ რომაელებისაგან მოითხოვდა (374 წ.) იბერიის დაყოფის გაუქმებასა და ქართლიდან რომაულ გარნიზონების გაყ-

ვანას¹. მართლაც, მომდევნო ხანაში ორმეფობა, ფორმალურად ჰაინც, როგორც ჩანს, მოისპო. "შეძღვენი ქართლის სამეფო ისევ მთლიანი ჩანს და მისი მეფე — შაჰან-შაჰის ვასალი. ასეთი ვასალი ყოფილა ქართლის მეფე ბაკური², რომლის მეფობაც, როგორც ჩანს, სამოცდაათიან წლებზე მოდის, მაგრამ არც ამით დაკმაყოფილებულან სპარსელები. ფორმალურად მოსპობილი ორმეფობა მათ ფაქტიურად განაახლეს სპეციალურ დაწესებულებების — პიტიახშობის — შექმნით ქართლში. ეს იყო კონტროლის ორგანო ადგილობრივ მმართველ წრეებისა და, უწინარეს ყოვლისა, მეფის მიმართ. საგანგებო მოხელე, რომელიც „ქართველთა პიტიახშის“ („პიტიახში“ სპარსულად „ქვეყნის მმართველს“ ნიშნავს) წოდებულებას ატარებს, თვალყურს ადევნებს ქართლის მეფის, სპარსეთის ვასალის, მოქმედებას. ამით თვით პოლიტიკური დამოკიდებულებაც, რა თქმა უნდა, უფრო მჭიდრო ხდება. უძველესი ქართული მატიახე ამ ამბავს ასე ასწერს: „მაშინ მოვიდა ქრამ-ხუარ-ბორ-ზარდ, სპარსთა მეფისა პიტიახში, ტფილისად, ქალაქად ციხედ, და ქართლი მისსა ხარკსა შედგა, და სომხეთი და სიენიეთი და გუასპურაგანი“³. აქ ორი საინტერესო გარემოებაა აღნიშნული. ერთი: პიტიახში ტფილისს ჯდება (ეს პირველი მითითებაა ქართულ წყაროებში ტფილისის წინ წამოწევის შესახებ (IV საუკუნეში!) და ძნელი სათქმელია, თუ რამდენად მართალი უნდა იყოს იგი. ისტორიულად დასაჯერებელია პიტიახშისათვის ასეთ რეზიდენციის შერჩევა ქართლის სამეფო რეზიდენციისათვის დასაპირისპირებლად). მეორე — ხარკის დაწესება ირანელების მიერ ქართლში უკვე ამ დროს (IV ს. დამლევი). ამ ამბის სინამდვილეც საძიებელია. მაგრამ უეჭველია რომ ამ ადგილობრივ ცნობაშიც აღნიშნულია ის დიდი გავლენა, რომლისთვისაც ქართლში მიუღწევიათ ირანელებს IV საუკუნის სამოცდაათიან წლებში*.

¹ ამიანე, SC II, 332—336.

² პროფ. ივ. ჯავახიშვილი, ქართვ. ერის ისტორია, I³, 245.

³ „საპი ქრონიკა“, 24.

* ამ კონტექსტზე მითითებით დედანში ავტორს შენიშვნა გაუკეთებია: „შესასწორებელია. სპარს. გავლენის გაძლიერება უფრო გვიანდელი ხანისათვის უნდა ვიგულისხმოთ“.

რაც შეეხება „პიტიახშობას“, V საუკ. იგი იქცევა მეძველესობით „ხელად“ (თანამდებობად) ქვემო ქართლის ერთს ფეოდალურ, იქნებ სეფეწულთა, საგვარეულოში (თუმცა მემატინე ჯუანშერის წარმოდგენით, ეს პიტიახშები ჩამომავლობით თითქოს ირანელები, „ნათესავნი ფეროზისნი“, არიან). საპიტიახშოს პოლიტიკური ფუნქცია იგივე რჩება. სათანადოდ ირანელები არაჩვეულებრივად ზრდიან პიტიახშის ტერიტორიას — ეს თითქმის სამეფოა ქართლის სამეფოში: იმავე ჯუანშერით, VII ს. პიტიახში „მთავრობენ თროლეთს, ტაშირს და აბოცს“¹, ე. ი. მთელს ქვემო ქართლს. სხვა ცნობებითაც დასტურდება საპიტიახშოს აღნიშნული ფარგლები და გარდა ამისა, უკანასკნელთა გავრცელება აღმოსავლეთ მესხეთის ერთ ნაწილზედაც, ხოლო ეს ტერიტორია დაახლოებით ჰეარავს იმას, რომელიც 368 წ. შეთანხმებამ მიაკუთვნა ორად გაყოფილ ქართლის ნაწილს, სადაც ირანის კანდიდატი, ასპაგური, მეფობს (რომაულ ცნობით ხომ გაყოფილ იბერიას შუა მიჯნად მტკვარი დაედო). ამიტომ „საპიტიახშო“ არსებითად ასპაგურის სამფლობელოს შემდგომი განვითარებაა და მისი ფესვები 368 წ. აქტში უნდა ვეძიოთ. „ქართველთა საპიტიახშოს“ და „ჰერეთის სამთავროს“ გაიგივება², რათქმა უნდა, შეცდომაა — ჰერეთი საპიტიახშოს მოსაზღვრე ქვეყანა იყო მხოლოდ (შეადრ. ალბანეთი ზემოთ მოტანილ რომაულ ცნობაში: „ჰერეთი“ სწორედ „ალბანეთია“).

IV საუკუნის დამლევსა და V-ის დამდეგს, შინაურმა აშლილობამ ირანში შეასუსტა, ჩანს, ქართლის დამოკიდებულება ირანელებისაგან და საშუალება მისცა ქართლის მეფეს მისთვის უფრო სასურველი რომაული ორიენტაცია ეძია კვლავინდებურად. მაგრამ V საუკუნის ოციან წლებიდან მოყოლებული ირანელებმა უკვე საბოლოოდ განამტკიცეს თავიანთი მდგომარეობა ამიერ-კავკასიის სამხრეთ-აღმოსავლეთ ნაწილში. 428 წელს მათ მეფობა მოსპეს სომხეთში. ამით ქართლისა და ალვანეთის შემდგომ ბედის საკითხიც უკვე გადაწყვეტილი იყო. კერძოდ, ქართლში მეფე ისევ ვასალურ დამოკიდებულებაში ვარდება ირანის შაჰან-შაჰისაგან და პი-

¹ ქ. ცხ. მარ. 208: საინტერესოა, რომ სხვაგან მატინე საპიტიახშოს აიგივებს სომხითთან, იქვე, 188. არსენი კათალიკოზიცი ამბობს, ქრწყ. I, 320, რომ მთავ. ცურტაველი „დაედგინა წმიდასა შუშანიკს ნაწილსა თანა სომხეთისასა“.

² იხ. მაგ., პროფ. ივ. ჯავახიშვილი, ქართვ. ერის ისტორია, I², 192, 258, 350.

ტიახზის როლიც ისევ ძლიერდება. იგი აქტიურად ერევა ქართლის სამეფოს შინაურ საქმეებში. მეხუთე საუკუნის დამდეგის ერთ-ერთ მეფის, მირდატის, შესახებ მათიანე, მაგ., გვაცნობებს: „ესე წარიყვანა პიტიახშმან ვარაშ ბაღდადს და მუნ მოკულა“ (ანაქრონისტული ცნობა ბაღდადის შესახებ აქ, რა თქმა უნდა, მერმინდელი ჩანართია) ¹. მეზობელ სომხეთის მდგომარეობისა და საერთო ვითარების მიხედვით საფიქრებელია, რომ ქვეყანა ამ დროს მაინც უკვე ხარკს იხდის ირანელების სასარგებლოდ.

მაგრამ განსაკუთრებით საყურადღებო ამბები მეხუთე საუკუნის მეორე ნახევარში ამაღლებს. ჯერ ერთი, თვით ცნობებიც დატრიალდა. ჯერ ერთი, თვით ცნობებიც ამ ეპოქის შესახებ ბევრად უფრო მრავალფეროვანი და მდიდარი ხდება. ეს, უწინარეს ყოვლისა, ქართულ წყაროებს შეეხება. იგივე „ქართლის მოქცევის“ მათიანე (მისი საბოლოო რედაქცია მე-7 — მე-8 საუკუნეს განეკუთვნება) ეპოქის შესახებ მრავალ საყურადღებო ჩვენებას შეიცავს.

უფრო ნაგვიანეგია ისტორიკოს ჯუანშერის (ან ამ სახელს უკან ამოფარებულ მწერლის) თხზულება, — ეპოქის მთავარ გმირის, ვახტანგ გორგასლის, მეფობის აღწერილობა, — მაგრამ მას შიაც, მერმინდელი არასწორი და ზოგჯერ ლეგენდარული, შენაზარდების სქელი შრის ქვეშ აგრეთვე უაღრესად მნიშვნელოვან, ძალიან ძველ, ელემენტებს აღმოვაჩინეთ. შემდეგ, ამ პერიოდს გვისურათებს საყოველთაოდ ცნობილი, ქართულ ირიგინალურ ლიტერატურის უძველესი, ჩვენამდე მოღწეული, ძეგლი — იაკობის „შუშანიკის მარტილობა“. არის სხვა, ფრაგმენტული, ცნობებიც. უკვე ეპოქის ამ ლიტერატურულ შემკვიდრეობის შედარებითი სიმდიდრე და მრავალსახეობა მოწმობს თვით ცხოვრებისა და საზოგადოებრივ ურთიერთობის გართულებას. ძველი ქართული (ქრისტიანული ხანის) მწერლობა, ფეოდალური თავის ხასიათით, რა თქმა უნდა, თავის მატარებელ სოციალურ ძალის განვითარებასთან ერთად იზრდებოდა. — გარდა ამისა, მეზობელ ერთა, განსაკუთრებით-კი, სომეხთა, ისტორიოგრაფიაში დაცული ჩვენებანი გვშე-

¹ „სამი ქრონიკა“, 26.

ლიან სურათის მთლიანობის აღდგენასა და ისტორიულ-შედარებითი მეთოდის მომარჯვებაში.

ყველაფერი მოწმობს რომ ახალი წოდებრივი საზოგადოება უკვე გარკვეულ სახეს ატარებს. სხვადასხვა ტერმინებით, მაგრამ არსებითად ერთსა და იმავე სოციალურ ჯგუფებს აგვიწერენ წყაროები. უმაღლეს სოციალურ ფენას, ჯუანშერის მიხედვით, ისევ ის წარჩინებულნი შეადგენენ. მაგრამ რამდენად ტექნიკური მნიშვნელობა აქვს უკვე ამ სიტყვას, როგორც სოციალურ ტერმინს, ჩანს ცნობიდან ქართლის საკათალიკოზო ტახტის მპყრობელთა შესახებ: „აქათგან არღარა მოიყუანებდეს კათალიკოზსა საბერძნეთით, არამედ ქართველნი დასხდებოდეს წარჩინებულთა ნათესავთანი“¹, გარკვეულ დროიდან კათალიკოზებად თვით ქართველები არიან, წარჩინებულთა შთამომავლობისაო. მაშასადამე, წარჩინებულების ცნება ამ დროს უკვე შთამომავლობის სემანტიკურ შომენტსაც შეიცავდა. წარჩინებულთა წრიდან არიან უმაღლესი სამეფო მოხელეები — სპასპეტი, ერისთავები და სხვები. წარჩინებულება ისეთი საზოგადოებრივი საფეხურია, რომლის მიღწევაც სხვა გრადაციის ხალხისათვის გარკვეულ დაწინაურებას ნიშნავს. ამ მხრივ დიდად საყურადღებოა ჯუანშერისვე ცნობა რომ ვახტანგმა „გასცა ნიჭი ერსა თვისსა და წარჩინებულ კმნა მკედარნი მსახურნი (სხვა ვარიანტით: მკნედ მსახურნი), გამოცდილნი წყობასა მას შინა ოვსთასა“-ო². მაშასადამე, მეფეს შეეძლო თავის მხედრებისა და მსახურებისათვის (რომელთა შესახებაც ჩვენ ცალკე ვისაუბრებთ) წარჩინებულება ებოძებინა და ამ საფეხურზე (მსახურობა), რომელიც უკვე ერთგვარი უპირატესობის მაჩვენებელი იყო დანარჩენ მასასთან შედარებით, უფრო მაღლაც დაეყენებინა. ამ წრეს უდრის ან შეიძლება რამდენადმე მასზე ფართო იყოს აზნაურობა. ტერმინს „აზნაურს“ ჯუანშერიც ხმარობს, მაგრამ უფრო ხშირად იგი სხვა ძეგლებში გვხვდება. იაკობის თხზულების მიხედვით ქართლში უმაღლეს საზოგადოებრივ ჯგუფს აზნაურები შეადგენენ. აზნაურობას ამ დროისათვის უკვე შინაგანი ლიფერენციაციაც განუცდია. იხსენიებიან აზნაურნი „დიდ-დიდნი“, რაც, რა თქმა უნდა, „მცირე“ აზნაუ-

¹ ჯუანშერი, მარ. 187.

² მარ. 136.

რებსაც გულისხმობს¹. ეს გარემოება უკვე აზნაურობის ხანგრძლივ განვითარების პროცესზე მიუთითებს. ამავე გარემოებისა და, მასთან ერთად, აზნაურთა გარკვეულ სოციალურ განკერძოებულობის მაჩვენებელია ისეთი ტერმინები, როგორცაა „ზეპური“, „სეფექალი“ და სხვ., რომელიც აზნაურის შთამომავლობისა და მფლობელობისადმი კუთვნილებას აღნიშნავენ. ვინ უპირისპირდებოდა აზნაურებს იმდროინდელ საზოგადოებრივ ქვედა საფეხურზე? იაკობის მიხედვით, ესენი იყვნენ „უაზნონი“, ისეთი მასა მოსახლეობისა, რომელიც, თვით თავის სახელწოდების აღნაგობის მიხედვით, აზნაურის თვისებებს მოკლებულ პირთაგან შედგებოდა. თუ იაკობის თხზულების მიხედვით ჭერჭერობით შინც არ შეიძლება იმის თქმა (საკითხის უფრო დეტალურად შესწავლამდე), რომ მეხუთე საუკუნეში „უაზნო“ უკვე ეწოდება ყველა იმას, ვინც აზნაური არ არის (წრეც შესაძლებელია მეტ-ნაკლებად შეზღუდული ყოფილიყო), სამაგიეროდ, ჯუანშერი გვაძლევს ასეთს ზოგადი მნიშვნელობის ტერმინს. ვახტანგის მეფობის სარწმუნოებრივ მოვლენების აღწერისას, ჯუანშერი გვიამბობს რომ მცხეთელთა ეპისკოპოსმა ბინქარანმა, რომელიც ფარულად ცეცხლისმსახური ყოფილა, თავის მხარეზე მხოლოდ დაბალ ხალხის გადაბირება მოახერხაო. ბინქარანი, ამბობს მემატინე, „ასწავებდა ქართველთა სჯულსა თვისსა. არამედ არა ერჩდა (არ დაემორჩილა, არ დაჰყვა) წარჩინებულთაგანი, გარნა (მაგრამ, გარდა, თუ არ) წვრილისა ერისაგანი მოაქცია ცეცხლისა მსახურებასა. და შეერია ქართლსა შინა ერსა ზედა წვრილსა ცეცხლის მსახურება“... მაგრამ ბინქარანს აღმოუჩნდება მოწინააღმდეგე, რომელიც მას ბრძოლას უმართავს და ნაწილობრივ გამოასწორებს ბინქარანის მიერ ქრისტიანობისათვის მიყენებულ ზიანს: „ესე მიქაელ ეპისკოპოსი წინააღმდეგ ბინქარანსა მაცთურსა, რამეთუ ასწავებდა ყოველთა სჯულსა ჭეშმარიტსა. ამან (მიქაელმა) იპყრნა სარწმუნოებასა ზედა ყოველნი წარჩინებულნი ქართლისანი და ერიცა უმრავლესი. არამედ მცირედნი ვინმე წვრილისა ერისაგანი მოიქცეს ცეცხლის. მსახურებასა“-ო². შესანიშნავი ცნობაა, რომელიც მიუთით-

¹ იაკობის სომხ. თარგმანში „დიდ-დიდ აზნაურს“ „ნახარაო“ უდრის, რაც კარგად აოვევს ქართული ტერმინის მნიშვნელობას.

² მარ. 123.

თებს ქართველ „ერის“ (სტრაბონისეულ მესამე გენეს) დიფერენციაციის მეტად მნიშვნელოვან ეტაპზე. ესლა უკვე აშკარა გამხდარა რომ მთელი საზოგადოება ორ სხვადასხვა ნაწილად არის გაპოზილი: ერთი მხრით, ძალდა მოქცეული უმცირესობა — „სეფეწულნი“, „წარჩინებულნი“, „ერისთავნი“, „მოთაულნი“, „თავადნი“ (არა მერმინდელ წოდებრივ მნიშვნელობით), „მთავარნი“ და სხვა, ასეთი ჯურის ხალხი, მეორე მხრით, დამდაბლებული უმრავლესობა, „წვრილი ერი“, ძველი „ერის“, გვაროვნულ დემოკრატიის, ისეთი ნაშთები, რომელთაც პირადი თავისუფლება ჯერ კიდევ თითქმის მთლიანად შერჩენილი აქვთ, მაგრამ რომელთაც სხვა თავისი მნიშვნელოვანი (მაგ., პოლიტიკური) უფლებები დაუკარგავთ. „წვრილ ერის“ ხსენება შემდეგ საუკუნეებში კიდევ დიდხანს გვხვდება. ეს იმიტომ რომ „წვრილი ერი“ კიდევ დიდხანს იბრძვის გაალმასებით თავის უკანასკნელ, გვაროვნულ საზოგადოების წილიდან გამოყოლილ, უფლებების შენარჩუნებისათვის. მაგრამ სულ უფრო და უფრო დიდი მასები „წვრილ ერისა“ და სულ უფრო და უფრო სწრაფი ტემპით ეშვებიან კიდევ უფრო დაბლა, ისინი საკუთრივ „გლეხობის“, „ყმა-გლეხობის“, კატეგორიაში გა[და]დიან. ამ პროცესის დამთავრება საქართველოს ძირითად არეზე ნიშნავდა ფეოდალურ საზოგადოების საბოლოო ჩამოყალიბებას.

წყაროები არ შეიცავენ კონკრეტულ მითითებებს „წვრილ ერის“ სპეციფიკურ ნიშნების შესახებ, მაგრამ მერმინდელ ცნობებისა და ისტორიულ-შედარებითი თვალსაზრისის წყალობით ამ ნიშნების მიახლოებით წარმოდგენა შესაძლებელი ხდება. წვრილ ერის წევრისათვის, ჯერ ერთი, დამახასიათებელი უნდა იყოს პირადი თავისუფლება. შემდეგ — ის რომ მისი მდგომარეობის სპეციფიკურობისათვის სამამულო დამოკიდებულება ამ დროს ჯერ კიდევ სავალდებულო არ არის. პირიქით, „წვრილ ერს“ ამ დროს თავისი სამამულო უფლებები უმრავლეს შემთხვევაში ჯერ კიდევ შენარჩუნებული აქვს, სათემო თუ კერძო მფლობელობის სახით. მისი ვალდებულებები უმეტეს წილ შემთხვევაში პოლიტიკურ ნიადაგზე არიან აღმო-

ცნებულნი იმ გარემოების წყალობით, რომ ძველ გვაროვნულ საზოგადოების ნებაყოფლობითი ვალდებულებანი თავის საკუთარ არჩეულ მოხელეების მიმართ ეხლა, უზურპაციის გზით, მითვისებული აქვთ სახელმწიფოსა და ცალკე კერძო პირთ. ასეთი ვალდებულებებია ეხლა სახელმწიფო გადასახადები — ხარკი, სამხედრო ბეგარა, საციხო და საციხისთავო ვალდებულებანი, და გარდა ამისა, სხვადასხვა „ძღვენები“, „სათხოვრები“, „საჩუქრები“ და სხვ., ე. ი. ისეთი მისართმევები, რომელნიც ფორმალურად ნებაყოფლობით ხასიათს ატარებენ, მაგრამ ფაქტიურად და არსებითად სავალდებულონი არიან (ეს შეეხება მხოლოდ ამ „ძღვენსა“ და „საჩუქარს“). საწარმოო თვალსაზრისით, წვრილ „ერისგანები“ წვრილი მწარმოებლები არიან. გასაგებია ამიტომ რომ ქონებრივად „წვრილი ერი“ საშუალოდ ან მცირედ შემძლე პირებისაგან შესდგება. ღარიბ-ღატაკთა გაჩენასაც მათ წრეში საკმაო შესაძლებლობა მოეპოვება. ამ ნიადაგზე შეიძლება სამამულო დამოკიდებულებაც გაჩნდეს. საზოგადოებრივად „წვრილი ერი“, ყველა ზემოთ ჩამოთვლილ მიზეზის გამო, რა თქმა უნდა, მოკლებულია „წარჩინებულთა“ თანასწორ ბატვისა და უფლებებს. თვით სახელწოდება „წვრილი“, რომელიც აშკარად კნინობითობის მნიშვნელობას ატარებს, უკვე მოწმობს ამას. ცხადია რომ ეს სახელი ზევიდან არის დარქმეული, იგი ამ წარჩინებულთა ტერმინია „დაბალ“, „პატარა“, ხალხის აღსანიშნავად (მსგავსი ტერმინები სხვა ქვეყნების ისტორიაშიაც გვხვდება). თვით „წვრილი ერი“-კი, რომელიც განაგრძობდა თავის უფლებებისათვის ბრძოლას და რომელსაც საკუთარი ჩამომავლობა კარგად ახსოვდა, თავის თავს „ერს“ ეძახოდა. ჯერ კიდევ მეთოთხმეტე საუკუნეში მთის თავისუფალი მოსახლეობა თავის თავს „ჰეროვანს“ უწოდებს, ე. ი. „ერის“ მოდგმას, „ერის“ შთამომავლობას¹. ამავე ძირის ნაყარია მეგრული „ერებაში“, „ჰერებაში“, რაც „მშვენიერს“, „სასიამოვნოს“ ნიშნავს („ერები“ მეგრულად აღნიშნავს „დიდ ოჯახს მთელი თავისი ქონებითა და საქონლით“.

¹ ტერმინი დაცულია, მაგ., გიორგისეულ „ძეგლისწერაში მთიულთათვის“. ჰეროვანთა ზენაზუა მთაში საესებით გასაგებია. ჯერ კიდევ სტრაბონის დროს მესამე გენეს, ერის, მთავარი ადგილსამყოფელი მთიანი რაიონებია: ეს აშკარაა სტრაბონის ცნობიდან, რომ იბერიაში სწორედ მთიელები იყვნენ გამაჩენილნი თავიანთი მეომრობით, მოლაშქრობა-კი მესამე გენეს ნიშანი იყო.

მისი კავშირი „ერთან“ უეჭველია)¹. სხვადასხვანაირი სემანტიკური აქცენტი, რომელიც ამ ფორმებს (ერთი მხრით — „წვრილი ერი“, მეორე მხრით — „პეროვანი“, „პერებამი“) თვალსაჩინოდ თან ახლავს, მათს სხვადასხვაგვარ სოციალურ წარმოშობას ცხადად მოწმობს.

„წვრილ ერის“ გვერდით საკუთრივ ყმა-გლეხობაც ამ დროს უეჭველია მოიპოვება, მხოლოდ ბევრად უფრო მცირე რაოდენობით. სამწუხაროდ, წყაროები ამ სოციალურ კატეგორიას სრულეობით არ იხსენიებენ. სამაგიეროდ, წყაროები ესლა უკვე ხშირად აღნიშნავენ საზოგადოების ფსკერზე მოთავსებულ „მონა-მხეველებს“ (მხევალი — მონა-ქალი).

აზნაურები, წვრილი ერი, გლეხები, მონები წარმოადგენენ ძირითადს წოდებრივ კატეგორიებს ქართლის მოსახლეობისას მეხუთე საუკუნის მეორე ნახევარში. მაგრამ ამ დაჯგუფებებით არ ამოიწურება მაშინდელ სოციალურ დანაწევრების მთელი მრავალფეროვნება. აზნაურთა (წარჩინებულთა) შორის, უკვე ვამბობდით, ამ დროს „დიდ-დიდნიც“ განირჩევიან. ჩვენ ესლა სწორედ მათ უნდა ჩაუტყვირდეთ, უამისოდ გაუგებარი დარჩებოდა როგორც ვახტანგის მეფობის შინაპოლიტიკური ამბები, ისე ირანელების მოქმედებაც ქართლში. „დიდ-დიდი“ აზნაურები ისეთი პირნი უნდა იყვნენ, რომელნიც თავის წრის სხვა წევრთაგან პირველ რიგში ალბათ ქონებრივ შეძლებით განირჩევიან. საფიქრებელია რომ ეს ქონებრივი შეძლება, უწინარეს ყოვლისა, მსხვილ მამულშია გამოხატული (ეპოქისათვის დამახასიათებელი მიწისმფლობელობის ფორმით), რომელიც მათ სხვადასხვა გზით აქვთ შექმნილი. განსაკუთრებული მნიშვნელობა აქვს, ცხადია, მოძრავ ქონებასაც (პირველ რიგში, ჯოგს, შემდეგ ფულს, განძებს და სხვ.). ამ ნიადაგზე თვით აზნაურთა წრეშიც მათი საზოგადოებრივი და პოლიტიკური მნიშვნელობა განსაკუთრებული ხდება. ეს მნიშვნელობა ჩვენ წყაროების პირდაპირ თუ არაპირდაპირ ჩვენებათა წყალობით შეიძლება გავარკვეოთ. მივაქციოთ, კერძოდ, ყურადღება ირანელების პოლიტიკას ქართლში. უკვე 368 წლის აქტი, ქართლის სამეფოს ორ ნაწილად გაყოფა მოწმობს იმას, რომ არსებობდა რაღაც ფენა ქვეყანაში, რომელსაც, მათი სხვადასხვაგვარი

¹ ი. ყიფშიძე, მეგრ. გრამატიკა, ლექსიკონი.
18. ს. ჯანაშია, შრომები, ტ. I.

ინტერესების მიხედვით, შეიძლება დაჰყრდნობოდნენ ერთს მხარეში — რომაელები, მეორე მხარეში — ირანელები. მეხუთე საუკუნეში უცხო ძალის ეს შინაური საყრდენი უფრო მკაფიოდ ჩანს. გორგასლის მამის მეფობისათვის მემკვიდრე ალნიშნავს: „მეფობდა მირდატ, და მთავარებისკობოსი იყო გლონოქორ. და ესე მთავარებისკობოსი ერისთავად იყო ბარახზოდ პიტიახშისაგან ქართლს და ჰერეთს“¹. უღრესად საყურადღებო ცნობაა: ირანის მთავრობის ემისარი ქართლში — პიტიახში — ქართლის ეკლესიის მეთაურს-(ჯერ კათალიკოსობა არ არსებობს) თავის ერისთავად, საერო მოხელედ, ნიშნავს! კავშირი იბმება სპარსეთის ცეცხლისმსახურ მთავრობასა და ქართლის ქრისტიანულ ეკლესიას შორის. მაგრამ ჩვენ ვიცით ჯუანშერისაგან რომ მეხუთე საუკუნის გარკვეულ (ჯუანშერის შემცდარ ისტორიულ პერსპექტივის მიხედვით — უფრო გვიანდელ) ხანიდან მოყოლებული ქართლის ეკლესიის საკეთ-მპყრობელთა ტახტზე „დასხდებოდეს წარჩინებულთა ნათესავთანი“, წარჩინებულთა, აზნაურთა მალა წრის, შთამომავალი პირები. მაშასადამე, ირანელების მიერ ქართლის ეკლესიასთან კავშირის გაბმა არსებითად ნიშნავდა ადგილობრივ აზნაურობის გარკვეულ ფენებთან კავშირის დამყარებას. ასეთსავე მოვლენას, მხოლოდ სპეციფიკურ პირობებში განვითარებულს, ვხედავთ ჩვენ მეზობელ სომხეთშიაც. ძველი ქართველი მწერალი, არსენი კათალიკოზი, გვიამბობს რომ გარკვეულ ხანაში ირანელები სომხეთში სწორედ ადგილობრივ ეკლესიას ეყრდნობიან: „რომელთამე კათალიკოსთა და ეპისკოპოსთა მეფენი სპარსთანი დაიშვილნეს და ძეობილად უწოდდეს..., რომლისათვისცა მსჯელობა მთავრობისა თვთ მიიტაცეს და არა სიმართლისაებრ კანონთასა. არამედ თვისსაებრ ნებისა იქცეოდეს, საჯმარსა ეკლესიათასა, არა ვითარ დაწესებულ იყო ეკლესიათათვის, არამედ საჯმარად თვსად და კაცთა საჩუენებლად განაბნევდეს, რომლისათვის ეპისკოპოსნი ყოველნი და მამასახლისნი ყოველნი მიიქცეს ღმრთისა განსარისხელსა ამოსა შესაძინელსა სათნოებითა მეფეთა უღმრთოთათა... და იქმნეს საეპისკოპოსონი ვითარცა საკერპონი, და მივიდიან აზნაურნი კარად საეპისკოპოსოდ; და არა ჰპოვიან ჟამი შესლვად და შეიქციან

¹ „სამი ქრონიკა“, 28; ნატბ. 721.

სირცხველელნი, ვითარცა კარისაგან სპარსთა მარზპანთაჲსა და უფროს-და“¹... ირანელების შემდგომი დაახლოება ქართლის დიდ აზნაურებთან გამოიხატა თვით პიტიახშის თანამდებობის გადაცემაში ამ აზნაურობის წარმომადგენელთათვის, რაც მოწმობდა როგორც თვით ამ დიდ აზნაურთა ზრდას, ისე წინააღმდეგობის განვითარებას დიდ აზნაურთა ჯგუფსა და ქართლის მეფეს შორის. ქართლის ადგილობრივ მკვიდრ პიტიახშთა ისტორია საყურადღებო ფურცელია ქართულ ფეოდალიზმის განვითარებისა. მეხუთე საუკუნის შუა წლებისათვის იხსენიება პიტიახში არშუშა. იგი „მთავრობს“ (წყაროების გამოთქმა) ე. წ. ქვემო-ქართლის (თრიალეთის ქედის სამხრეთით მდებარე ნაწილი ქართლისა, სომხეთამდე; აღმოსავლეთით ისაზღვრებოდა მტკვრით) გარკვეულ ტერიტორიაზე. განსაზღვრულ ხანაში, როგორც ვნახეთ, ქართველთა პიტიახშს თითქმის მთელი ქვემო-ქართლი ექვემდებარებოდა. არშუშას განსაკუთრებულ საზოგადოებრივსა და პოლიტიკურ როლზე მიუთითებს ის ცნობა რომ როცა ირანის მეფემ, იეზდიგერდ მეორემ, მოიწადინა ქართლში, სომხეთში და ალბანეთში მასდღიანობის გავრცელება ადგილობრივ ფეოდალურ ძალების საშუალებით, ქართლიდან მან სხვა თავკაცებთან ერთად პირველ რიგში სწორედ არშუშა პიტიახში დააბარა. არშუშამ, სხვებთან ერთად, იეზდიგერდის მოთხოვნით, უარყო ქრისტიანობა და იქვე იქნა დატოვებული, ალბათ როგორც თავმდეგი იმისა რომ შინ დაბრუნებული ქართლის სხვა წარჩინებულნი მეფის ნების აღმსრულებელნი იქნებოდნენ. არშუშას სოციალურ მდგომარეობაზე მიუთითებს ის გარემოებაც რომ იგი მოყვრობითაა დაკავშირებული მეზობელ ქვეყნის, სომხეთის უდიდეს ფეოდალურ საგვარეულოსთან — მამიკონიანებთან. არშუშას შემდეგ ქართველთა პიტიახშის უფლებას მისი შვილი ვარსქენი იღებს. ვარსქენიც ქართლში მეფის შემდეგ პირველი კაცია, როგორც ეს (და სხვა, ქვემოთ ჩამოთვლილი ფაქტებიც) ჩანს იაკობ ხუცესის შესანიშნავ თხზულებიდან. ირანის მეფის კარზე ის შინაურ კაცი-ვითაა. მისი პირველი ცოლი სომხეთის ყველაზე წარჩინებულ დიდებულის, ვარდან მამიკონიანის, ქალია. მეორე ცოლად-კი თვით ირანის მეფის ასულს ირთავს. მის მეუღლეს ყველანი დედოფალს უწოდებენ. საპიტიახშოს მთელი მოსახლეობა, როგორც საერო, ისე

¹ კრწ. I, 326.

სასულიერო, მის სრულ განკარგულებაში იმყოფება. თავის სამფლობელოში დაბრუნებისას იგი განკარგულებას იძლევა, რათა „წინა მიეგებნენ მას აზნაურნი და მისნი ძენი და მსახურნი“¹. ვარსკენის განკარგულებით, მის ცოლს, ამ „დედოფალს“, ჯაჭვსა და ბორკილებში სვამენ, სცემენ (ასჯერ დაჰკრეს ჯოხი!), საპყრობილეში უსასტიკეს რეჟიმში ჰყავთ. ის თავის ცოლს საკუთარ ხელითაც სცემს და მიწაზე ათრევს, და „დედოფლის“ გამოსარჩლებას ვერავენ ჰბედავს. მხოლოდ პიტიახშის ლეიძლი ძმა კადნიერდება თავის რძლის შველისათვის, მაგრამ... „შუელად აღდგა ჯოჯიკ, ძმაჲ მისი, და იბრძოდეს, ვიდრემდის გუემა (=სცემა) იგიცა და კუბასტიცა თავსა მისსა მოხეტჯა“². არც სასულიერო პირებს აყრიათ სიკეთე პიტიახშისაგან. ეპისკოპოსს აგინებს და მისს ღმერთსაც ჰგმობს. ეპისკოპოსის ერთს მოსარჩლე მღვდელს ვარსკენი ჯოხით სცემს: „უხეთქნა კუერთხითა ხუცესსა მას ზურგსა და მან ვერღარა იკადრა სიტყუად“³. ვარსკენი გარკვეულ ტერიტორიაზე ყველას „უფალია“ (=ბატონი), და ასეც მიჰმართავენ მას. ზემოთ მოხსენებული ხუცესი სწორედ ასე ეუბნება ვარსკენს: „უფალო, რაჲსა ეგრე იქმნა“⁴... ბატონო, ეგრე რათა შერებოო. თუ როგორია ფსიქოლოგიური განწყობილება პიტიახშის მიმართ, ერთი დამახასიათებელი ეპიზოდო გვისურათებს. ნაცემი შუშანიკი ტაძრიდან (=სასახლიდან) საპყრობილეში მიჰყავთ. იქვე მდგომ ერთ სასულიერო პირს უნდა „დედოფალს“ გამხნეებისა და ნუგეშის სიტყვა უთხრას. იშვიათ მხატვრულ ექსპრესიით ავტორი ასე ასწერს ამ სცენას: „ღიაკონი ვინმე ერთი მის ეპისკოპოსისაჲ დგა წმიდისა შუშანიკის თანა მას ჟამსა, რომელსა გამოჰყვანდა იგი ტაძრით, და უნდა რაჲთამცა ჰრქუა თუ: «მტკიცედ დეგ» და თუალი ჰვიდა პიტიახშმან, სხუად ვერღარაჲ სცალდა სიტყუად — ესთენ ოდენ ჰრქუა: «მტკი»... და დადუმნა ხოლო და სივლტოლად იწყო (=გაიქცა) სწრაფით“⁵. ასეთი შიშით საესე დამოკიდებულება პიტიახშისადმი ცხადად ჰმოწმობს იმ განუხსაზღვრელ უფლებას, რომელიც ჰქონდა მას თავის სამფლობელოს მოსახლეობის მიმართ. ამ უფლების განმტკიცებისათვის გან-

¹ შუშანიკის წაწიგ., ს. გორგაძის გამოც. 2.

² იქვე. 3.

³ იქვე, 11.

⁴ იქვე, 10.

⁵ იქვე, 11.

საკუთრებული მნიშვნელობა ჰქონდა პიტიახშის უფლების შთამომავლობით დაპყვიდრებას ერთ სახლში. მეექვსე საუკუნის შუა წლებში ქართლის პიტიახშად ისევ არშუშა იხსენიება. სახელის განმეორების მიხედვით ცხადია, რომ იგი იმავე სახლს ეკუთვნის (შესაძლოა, ზემოთ მოხსენებულ არშუშას შვილიშვილი და ვარსკენის შვილიც იყოს). მეშვიდე საუკუნის დამდეგსაც ქართლის მთავართა შორის აგრეთვე არშუშა იხსენიება. ესეც ალბათ იმავე ოჯახის შთამომავალია. საუკუნეების სიგრძეზე, ვხედავთ ჩვენ, პიტიახშის „სამთავრო“ უფლება ერთსა და იმავე სახლს მტკიცედ უჭირავს ხელში. გასაგებია, თუ როგორ კარგად შეეძლო ამ სახლს ასეთ პოლიტიკურ მდგომარეობის გამოყენება თავის სოციალურ და ეკონომიურ ძლიერების შემდგომ ზრდისა და გადიდებისათვის.

მაგრამ ქართლის პიტიახში მხოლოდ ერთი „მთავართაგანი“ იყო¹. შესაძლოა (და მეფობის უკანასკნელ პერიოდში ეს ასეც იყო), ის სხვებზე შემძლე და წარჩინებულიც ყოფილიყო. მაგრამ აზნაურობის წრეში, ეკვს გარეშეა, ამ დროს უკვე არის სხვა ისეთი ოჯახებიც, რომელნიც მეტ-ნაკლებად ანალოგიურ მდგომარეობაში იმყოფებიან. ესენი არიან არა მარტო „დიდ-დიდი“ აზნაურები, როგორც მათ იაკობი იხსენიებს. მათ ნაწილობრივ განვლილი აქვთ უკვე პატიახშთა მსგავსი გზა განვითარებისა.

ფეოდალურ ძალების ამ პირველ გამსხვილების მაჩვენებლებს სხვადასხვა სფეროებში ვპოულობთ. ავიღოთ ეკლესია. ქრისტიანულ ეკლესიის ორგანიზაცია ყოველთვის ეგუებოდა იმ ქვეყნის საზოგადოებრივ-პოლიტიკურ აღნაგობას, რომელშიაც იგი ეწყობოდა. ქართლშიც ასე იყო. ვახტანგ გორგასლის მეფობაში ქართლის ეკლესია უკვე საკმაოდ რთულ სტრუქტურის მატარებელია. ამ მხრივ განსაკუთრებით საყურადღებოა საეპისკოპოსოების მრავალრიცხოვანება, რომელსაც ამ დროისათვის აღნიშნავენ წყაროები. ეს ფაქტი იმ მხრივაა საყურადღებო, რომ იგი მიუთითებს იმ ცენტრალურ პუნქტთა რიცხვის ზრდაზე, რომელთა გარშემოც ჯგუფდებოდნენ ქართლის ახალგაზრდა ფეოდალური ძალები. ისე როგორც პიტიახშის სამფლობელო საეკლესიო-იერარქიულ თვალსაზრისით ცალკე საეპისკოპოსოს შეადგენდა, რომელსაც „პიტიახშის სახლის“ საეპისკოპოსო ეწოდებოდა, ასევე ცალკე მეტ-ნაკლებად განვითარებულ

¹ შუშანიკის წამება, 3C.

სენიორალურ ცენტრებს ვგულისხმობთ ჩვენ იქ, სადაც საეპისკოპოსო კათედრებია აღნიშნული¹.

ასეთსავე საზოგადოებრივ მოვლენას შეესატყვისებოდა ის სახელმწიფოებრივ-ადმინისტრაციული ორგანიზაცია, რომლის შესახებაც ლაპარაკობენ წყაროები. მაგრამ ეს ცნობები უფრო მეტს კრიტიკულ დამოკიდებულებას მოითხოვენ, და მათს განხილვას აქ აღარ შევეუდგებით.

ეპოქის საზოგადოებრივ ურთიერთობის სირთულის გასაშუქებლად საქიროა კიდევ ერთს გარკვეულ კატეგორიაზე მითითება. ესენი არიან „მსახურნი“ ანუ „ტაძრეულნი“ (სიტყვისაგან „ტაძარი“, რაც ძველად სასახლეს აღნიშნავდა). ესენი არიან პირნი, წარმოშობით, ალბათ, უმეტეს წილ შემთხვევაში „წვრილ ერისაგან“ (ზოგჯერ ისინი შესაძლებელია გააზატებული მონებიც ყოფილიყვნენ), რომელნიც შეფის ან დიდ აზნაურის კარზე რაიმე სამსახურს ასრულებდნენ. მათი რაობა კარგად ჩანს იაკობ ხუცესის თხზულებაში. თავის სამფლობელოში დაბრუნებულ ვარსკენ პიტიახშს წინ ეგებებიან „აზნაურნი, მისნი ძენი და მსახურნი“². რა ფუნქცია ეკისრებათ მათ? ჯოჯიკი, ვარსკენის ძმა, ეუბნება შუშანიკს: დაჰყევ ქმრის ნებას, თორემ „უწყი მე, აწ მოავლინნეს მსახურნი და თრევით წარგიყვანოს შენ“³. ურჩ ცოლს პიტიახში საპყრობილეში (ჯერ — შინაურ, შემდეგ-კი ნამდვილ პატიმრობაში) სვამს — ამ ბრძანების შემსრულებელი და მცველი მსახურია: ... „ბრძანა... კრძალულად დაცვაჲ მისი ერთითა მსახურითა“⁴. შემდეგშიაც ეს პირი სულ მსახურად იხსენიება. ამავე დროს იაკობი მას „მცველს“ ეძახის⁵. მაშასადამე, მსგავსი ადმინისტრაციულ-პოლიციური მოვალეობანი „მსახურებს“ უნდა შეესრულებინათ. გარდა ამისა, მსახურნი შინაურ წესრიგს იცავენ პიტიახშის „ტაძარში“, წმინდა საყოფაცხოვრებო დავალებებსაც ასრულებენ იქ და სხვ. ერთ ღღეს „მოვიდა მგელი იგი (პიტიახში) ტაძრად და ჰრქუა მსახურთა თვისთა: „ღღეს მე და ჯოჯიკ და ცოლმან მისმან ერთად პური ვჰამოთ, ხოლო სხუა-

¹ ს. ჯანაშია, ფეოდალური რევოლუცია საქართველოში, 18—19.

² შუშანიკის წამ. 2.

³ იქვე, 6.

⁴ იქვე, 8.

⁵ იქვე.

სა ნუ ვის უფლიედ ჩუენ თანა შემოსლვად“-ო¹, ე. ი. პიტიახშის ტაძარში პურის ჭამის გარიგება და გარკვეულ წინასწარ წესების დაცვა მსახურებს ჰქონდათ დაკისრებული. თავისთავადაც გასაგებია და ჯუანშერის თხზულებიდანაც ჩანს, რომ მსახურნი თავიანთ „უფალს“ ომშიაც მისდევდნენ.

„მსახურობა“ გარდამავალი საფეხური იყო „წვრილ ერსა“ და „წარჩინებულთა“ ანუ „აზნაურთა“ შორის. „წვრილ ერიდან“ გამოსულ კაცს, რომელიც „მსახური“ იყო მეფის ან დიდ აზნაურის კარზე, თვითონ ჰქონდა გააზნაურების შესაძლებლობა. თავის ადგილას უკვე მოტანილი იყო ჯუანშერის ცნობა რომ ვახტანგ გორგასალმა, ოსეთის ომის შემდეგ, „გასცა ნიჭი (საჩუქარი) ერსა თვსსა და წარჩინებულ ქმნსა მხედარნი, მსახურნი გამოცდილნი წყობასა მას შინა ოვსთასა“-ო. კიდევ უფრო საინტერესო და საყურადღებოა ცნობა, რომელიც უკვე უფრო გვიანდელ ხანას გულისხმობს (რეალურად იგი მერვე საუკუნეს უნდა ეკუთვნოდეს). სახელდობრ, მემათიანე ამბობს რომ მეფე არჩილი „მოვიდა კახეთად და ყოველთა ტაძრეულთა მისთა მიუბოძა კახეთი და აზნაურ ყუნა იგინი“-ო², — მამულებსა და აზნაურობას უბოძებს მეფე თავის ტაძრეულებს, მსახურებს.

„ტაძრეულსა“ და „მსახურს“ შორის არსებული სხვაობის დეტალური გარკვევისათვის კონკრეტული მასალა გვაქლია. ზოგადად კი შეიძლება ითქვას, რომ ტაძრეულნი რანგით რამდენადმე მსახურებზე მაღლა უნდა მდგარიყვნენ, იმდენად, რამდენადაც თვით „ტაძარი“ თავისი სემანტიკური მნიშვნელობით „მაღლა“ იდგა „სახლზე“ (აქედან არის ნაწარმოები მსახური).

იმ რთული საზოგადოებრივი ბრძოლის § 22. საადგილმამულო ურთიერთობა IV—V სს. გასაღები, რომელსაც ჩვენ ქართლში ვხედავთ IV—V სს., რა თქმა უნდა, საადგილმამულო ურთიერთობაში უნდა ვეძიოთ. ამ მხრივ ქართლს ზოგადად შეეფერება ის დახასიათება, რომელიც კ. მარქსმა ძველ რომს მისცა: „შინაგანი ისტორია (მარქსი გულისხმობს რომის შინაგან ისტორიას ავეგუსტოსის ეპოქამდე. ს. ჯ.) შეიძლება plañix

¹ შუშანიკის წამ. 7.

² ჯუანშერი, მარ. 209—210.

დავიყვანოთ წერილი მიწისმფლობელობის ბრძოლამდე მსხვილ მიწისმფლობელობასთან, თავისთავად ცხადია, იმ მოდიფიკაციათა შემოტანით, რომლებიც მონობის არსებობითაა შეპირობებული“¹.

ქართლის შინაგანი ისტორიაც, აღებულ ხანაში, შეიძლება დაყვანილ იქნას მიწისმფლობელობის ერთი ფორმის ბრძოლაზე მეორესთან. ამ მეტბრძოლი ფორმებიდან ზოგი ძველია და ზოგიც ახალი.

როგორია ეს ფორმები?

ზოგადად რომ განვსაზღვროთ, მოძრაობის მიმართულება, ანტიკონისტურ საზოგადოებათა ხანაში, ისეთია რომ პირველყოფილ-კომუნისტური საზოგადოებრივი საკუთრების ადგილას*, მიწაზე, კერძო საკუთრება მკვიდრდება. მაგრამ ეს პროცესი ერთბაშად არ ხორციელდება. მიწის კერძო საკუთრების სრული ინდივიდუალიზაცია მხოლოდ კაპიტალისტურ საზოგადოებაში ხდება. ფეოდალურ საზოგადოებაში გაბატონებულია უკვე სხვა ფორმა — პირობითი საოჯახო კერძო საკუთრება მიწაზე. ინდივიდუალური მიწის საკუთრება ფეოდალურ საზოგადოებაში ჯერ კიდევ მნიშვნელოვნად არის შეზღუდული. რაც შეეხება მონათმფლობელურ საზოგადოებას, რაკი იგი დამოუკიდებელი სოციალურ-ეკონომიური ფორმაციაა, ამიტომ, თავისთავად ცხადია, მასაც საადგილმამულო საკუთრების დამოუკიდებელი, თავისი საკუთარი, ფორმა უნდა ახასიათებდეს. ღრმა შენიშვნა მონათმფლობელური, გაბატონებული ტიპის, საადგილმამულო საკუთრების ხასიათზე, მოცემული აქვს კ. მარქსს: „საკუთრების მეორე ფორმა, ეს ანტიკური სათემო და სახელმწიფოებრივი საკუთრებაა, რომელიც წარმოადგენს რამდენიმე ტომის, ხელშეკრულებისა. თუ დაპყრობის გზით, ერთ ქალაქად გაერთიანების წყალობით და რომლის დროსაც დაცულია მონობა. სათემო-საკუთრების გვერდით ვითარდება უკვე აგრეთვე მოძრავი, ხოლო შემდეგში — უძრავიც, კერძო საკუთრება, მაგრამ როგორც ნორმისაგან გადახრილი და სათემო-სა-

¹ მარქსის წერილი ენგელსს, 1855 წ. 8. III: Сочинения Маркса и Энгельса. т. XXII, стр. 89.

* ამ წინადადების გასწვრივ ავტორს დედანში უწერია: პირველ-ყოფილი თემური საკუთრების ადგილას! ცალკე თემების საკუთრება შეადგენს მაშინ ალბათ სატომო საკუთრებას. როცა ჩნდება მონათმფლობელური სახელმწიფო, ეს უკანასკნელი, საფიქრებელია, ცდალობს მეფის კორპორაციული საკუთრებით (სეფე — სახლის საკუთრების) დაჭაროს ცალკე თემთა საკუთრება!

კუთრებისადმი დაქვემდებარებული ფორმა. სახელმწიფოს მოქალაქეები მხოლოდ თანაზიარად ჰვლობენ თავიანთს მომუშავე მონებს და უკვე ამის გამო შეკრულნი არიან სათემო საკუთრების ფორმით. ეს არის თანაზიარი კერძო საკუთრება სახელმწიფოს აქტიური მოქალაქეებისა, რომელნიც იძულებულნი არიან, მონათა წინაშე, დაიცვან ასოციაციის ეს ბუნებრივად აღმოცენებული ფორმა. ამიტომ ამ საძირკველზე დაფუძნებული საზოგადოების მთელი აღნაგობა, და მასთან ერთად, ხალხის ხელისუფლება, იწყებს დაქვეითებას იმზომ, რაზომაც ვითარდება უპირატესად უფრავი კერძო საკუთრება“¹. ანტიკური საადგილმამულო საკუთრების ეს შესანიშნავი ანალიზი მეცნიერულ შუქს ჰფენს ჩვენს პრობლემასაც და აღებული ხანის საქართველოს სოციალურ-ეკონომიური სტრუქტურის გარკვევას გვიადვილებს.

წინასწარ უნდა შევნიშნოთ, რომ ზემოთ აღნიშნულ საადგილმამულო საკუთრების ფორმები მხოლოდ გა ბ ა ტ ო ნ ე ბ უ ლ ი ტიპებია თვითეული შესაბამისი საზოგადოებრივი ფორმაციისათვის. მათ გვერდით და მათთანვე ურთიერთმოქმედებაში ჩვენ ყოველთვის ვხვდებით სხვა ელემენტებსაც — ძველი ფორმების გარდმონაშთებსა და ახალი ფორმების ჩანასახებს. შეუბოჭავი განკარგულება მიწაზე; მაგ., სუსტად გამოხატული, ჩვენ გვხვდება უკვე კლასობრივი საზოგადოების ყველაზე ადრინდელ საფენურზედაც.

რა მდგომარეობაა, აღებულნი თვალსაზრისით, საქართველოში, | კერძოდ ქართლში, რომლის შესახებაც ჩვენ მაინც მეტი ცნობები მოგვეპოვება? რაკი ჩვენი აზრით, საქართველო და, პირველ რიგში, ქართლი ჯერ კიდევ ფეოდალური ქვეყანა არ არის, ფეოდალური წყობა აქ მხოლოდ ერთი, ძლიერი, ელემენტის სახითაა მოცემული, რაკი, მეორე მხრით, განვითარების კლასობრივი პერიოდის დამდეგს ქართველ ტომებში გაბატონებულად ჩვენ მონათმფლობელური ურთიერთობა მივიჩნიეთ და ეს ურთიერთობა IV — V საუკუნეებში ჯერ კიდევ მეორე ძლიერი კომპონენტის სახითაა მოცემული, ამიტომ საადგილმამულო ურთიერთობის სფეროშიაც აქ სურათი უფრო ჰრელი უნდა იყოს და არის კიდევ.

¹ Сочинения Маркса и Энгелса, т. IV, стр. 12—13.

უძველესი, საგვარეულო, საკუთრების ნაწიტი აქ ჯერ კიდევ არის შემონახული სათემო მიწისმფლობელობის სახით. მის გვერდით, სოციალური დიფერენციაციის პირველ ნაბიჯებთან ერთად, ჩნდება კერძო საკუთრება მიწაზე. სოციალური დიფერენციაციის მონათმფლობელურ ხასიათთან დაკავშირებით საადგილმამულო კერძო საკუთრებაც სპეციფიკურ სახეს იღებს — სასეფო და სატაძრო „თანაზიარი“ კერძო საკუთრების სახით. მონათმფლობელური საზოგადოებრივი ურთიერთობის გაბატონება სასეფო და სატაძრო, — აღნიშნული ხასიათის, — მემამულეობის გაბატონებულ, წამყვან, ფორმად გადაქცევას მოასწავებდა.

ამასთან ერთად, როგორც ჩანს, საკმაოდ ადრე ჩნდება, სუსტად გამოხატული, ინდივიდუალური კერძო საკუთრება მიწაზე. მისი ობიექტია წვრილი მიწის ნაჭრები, რომელნიც, ახოს აღებისა თუ სხვა გზით, თავისუფალი განკარგულების და, მაშასადამე, ყიდვა-გაყიდვის საგნად არიან გადაქცეულნი. ჩვენ ვფიქრობთ, რომ სწორედ ასეთი მიწის ნაკვეთები იწოდება „აგარაკებად“. „აგარაკის“ განმარტება ჩვენ მოცემული გვექნება სხვა ადგილას — ქართული ფეოდალური საადგილმამულო საკუთრების დახასიათებისას. იქ ჩვენ ვნახავთ რომ „აგარაკი“ და „სოფელი“ ფეოდალური საადგილმამულო საკუთრების ორ^ს ძირითად ობიექტს აღნიშნავს. ამ ცნებებისა და ტერმინების თანხლება გარკვეული აზრის მქონეა: აქ სათემო, სასოფლო, მიწებთან ერთად ისახელება იმთავითვე სასოფლო მიწებს გარეშე მოქცეული, კერძო განკარგულებაში მყოფი, ცალკეული მიწის ნაკვეთები — „აგარაკები“. აგარაკი ათვისებული და მითვისებულია არა სოფლის, თემის, არამედ ინდივიდის მიერ. მამულების ეს ორივე კატეგორია ფეოდალურ მფლობელობაში თავისი საკუთარი გზით შედის. ტერმინი „აგარაკის“ მნიშვნელობისათვის საყურადღებოა ამ სიტყვის ეტიმოლოგია: ტერმინის ფუძე საკუთრივ „მიწას“ ნიშნავს და ეს თავისთავად მეტად დამახასიათებელია — ინდივიდუალისტურს ფსიქო-იდეოლო-

გიურ სამყაროში „მიწა“ უპირატესად და „ნამდვილად“ ის მიწის-
ნაკვეთია, რომელიც თავისუფალი განკარგულების საგანია¹.

ყველაზე გვიან ჩნდება, ზემოთ აღწერილი გზებით, ადრინდელ-
ფეოდალური მიწისმფლობელობა. იგი გაბატონებისაკენ მიისწრა-
ფის და ამიტომ ბრძოლას იწყებს ჯერ სატაძრო და შემდეგ სასე-
ფო მემამულეობასთან.

ჩვენ ენახეთ ზემოთ, თავის ადგილას, თუ როგორ იქნა განად-
გურებული თავდაპირველად სატაძრო ძველი, მონათმფლობელუ-
რი მემამულეობა და მასზე დაძვარებული თვით ამ მონათმფლო-
ბელთა კორპორაცია თავისი „ბუნებრივად აღმოცენებული ასოცია-
ციის ფორმით“, — ქურუმთა წოდება.

ახლად შექმნილი ქრისტიანული საეკლესიო ორგანიზაცია,
რომელმაც ძველი წარმართული ეკლესია შესცვალა, უკვე ფეოდა-
ლურს (ადრინდელ-ფეოდალურ) ნიადაგზე ეწყობა. ქრისტიანული
ეკლესიისა და, მასთან ერთად, კიდევ უფრო მეტად, ერისკაც წარ-
ჩინებულთა მემამულეობის ფეოდალური ხასიათისათვის მეტად
ნიშანდობლივია „ქართლის მოქცევის“ ერთი ცნობა, რომელიც რა-
ტომდაც არ იქცევეს მკვლევართა ყურადღებას. ამ ცნობით, ვარაზ-
ბაკურის „ზმ“, ე. ი. მეფობაში, რომელიც მესამე მეფობაა პირველი
ქრისტიანი მეფის, მირიანის, შემდგომ და, დაახლოებით, მეოთხე
აუკუნის დამლევზე მოდის, „აღაშენეს აზნაურთა წ“ იგი ეკლე-
სიამ მცხეთას, და დაიამოთაულეს (sic!) დიდსა მას ეკლესიასა
სოფლებითა და ქარდაგებითა ქართლს შინა“².

ქელიშური ნუსხა რამდენადმე განსხვავებულ რედაქციას
იძლევა: . . . „აღაშენეს აზნაორთა ეკლესიამ გ“ი წი“სა

¹ „აგარაკი“ თავის შესატყვისებს კპოვებს ბერძნულ-ელისისტურსა და
რომაულ სამყაროში. ანალოგიური ფაქტები ჩვენ შეიძლება საკმაო რაოდენობით
ვუჩვენოთ (ფუძე — fundus, მოლა და მრავალი სხვა), მაგრამ აქ ამის შესახებ
სრცხვას ვეღარ ჩამოვადგებთ! აღენიშნავთ მხოლოდ ერთს საინტერესო შეხვედ-
რას: ბერძნ. მეტეკი* (მეტოჯი), ჩვენი აზრით, ამჟამად დაკავშირებულია გურულ
„მუტაკაა“-სთან („მუტაკია გლეხი“ გურიისში, დოც. ნ. ბერძენიშვილის ცნობით
ყველაზე დაბალ საფეხურზე მდგომ გლეხს აღნიშნავდა).

² შატბ.: Опис. II, 720; ქრწყ. I, 43.

* დედნის ქვედა არშიაზე ავტორის ხელით მიწერილია: მეტეკი—გადმოსახ-
ლებულია, შეადრ. ვესტათი თესალონიკელი კომენტარი დიონისესი, 689, SC I, 203,
კოლხების შესახებ. მაშასადამე, მეტეკი უდრის ქართ. „უცხოს“, რომელიც უპირის-
პირდება „მკვიდრს“.

მცხეთას და მიათაღეს დიდსა მს ეკლესიასა სოფლებითურთ¹. აქ, ჩვენი აზრით, ქველიშური ნუსხა] სამართლიანად ასწორებს „წმიდაჲ იგი“-ს „გიორგი წმინდისა“-ზე, რითაც თვით ტაძრის რომელიღაცის შესახებ ცნობა უფრო კონკრეტული ხდება. შემდეგ საყურადღებოა რომ სრულიად იშვიათი ფორმა „დაიამოთაულეს“ შეცვლილია ჩვეულებრივი და გასაგები „მიათუაღეს“-ით. სხვათრივ, შატბერდული საკითხავი უფრო ძველი უნდა იყოს.

ცნობაში, უწინარეს ყოვლისა, ყურადღებას იქცევს, როგორც ეს ზემოთ, თავის ადგილას, აღნიშნული გვაქვს, მტკიცება რომ მაშენებელი „აზნაურთა“ ჯგუფია. ეს გარემოება უკვე მკაფიოდ ახასიათებს მოვლენის საზოგადოებრივ მხარესა და სათანადო სოციალური წრის გაზრდილ მნიშვნელობას. შემდეგ განსაკუთრებით საინტერესოა ცნობა ეკლესიის შინაგანი ურთიერთობისა და ორგანიზაციის შესახებ. როცა „აზნაურთა“ კორპორაციამ ეს ახალი ტაძარი ააშენა წმ. გიორგის სახელობაზე, ამ დროისათვის მცხეთაში და ქართლის ზოგიერთს სხვა მსხვილ ცენტრში უკვე აგებული იყო ტაძრები (მცხეთის ქვემო ეკლესია, მცხეთის ზემო ეკლესია, ერუშეთის, მანგლისის, წილკნისა და ნეკრესის ეკლესიები; ერუშეთისა და მანგლისის ტაძრებზე ის კი უნდა შევნიშნოთ რომ მხოლოდ მათი საძირკვლის ჩაყრაზეა სათანადო წყაროში საუბარი). ქართლის ეკლესია უკვე გარკვეულს, არც თუ მცირეს — ტერიტორიის მიხედვით, ორგანიზაციას წარმოადგენდა, რომელსაც თავისი სამმართველო აპარატი ჰქონდა და მმართველი ჯგუფი ჰყავდა. აზნაურებსაც მათ მიერ ახლად აგებული ტაძარი სწორედ ამ ორგანიზაციაში შეუყვანიათ: დიდს ეკლესიას „დაიამოთაულეს“ (!) თუ „მიათუაღეს“-ო რომ არის ნათქვამი, ეს, რა თქმა უნდა, იმას ნიშნავს რომ გიორგი წმინდის ტაძარი ქართლის ეკლესიის მეთაურის კათედრალისათვის დაუქვემდებარებიან. მაგრამ დაქვემდებარებული ერთეული მართო ნაგებობით (და მრევლით) კი არ განისაზღვრებოდა. ეს იმავე დროს გარკვეული საძეურანეო ერთეულიც იყო: მას თან მიჰყვება საკუთარი „სოფლები და ქარდავები“ (შატბ. საკითხავი). ცხადია, რომ აქ მფლობელობის

¹ შატბ., Опис. II, 720.

ობიექტი და ქონება იგულისხმება. „სოფელი“, უეჭველია, მოსახლეობის ერთეულს აღნიშნავს. სამეცნიერო ლიტერატურაში არსებული მოსაზრების მიხედვით¹, „უძველეს ქართულ მწერლობაში „სოფელი“ ქვეყანასა ჰნიშნავდა“ და მხოლოდ მე-9—10 საუკუნეებიდან მოყოლებული ეს ტერმინი აღნიშნავს „დაბას“. მართლაც, უძველეს ქართულ მწერლობაში სიტყვა „სოფელი“ ქვეყნის, ოლქის, სანახების აზრით იხმარება უპირატესად. მაგრამ თავისთავად ცხადი უნდა იყოს, რომ ასეთი მნიშვნელობა ტერმინისა არ შეიძლება თავდაპირველი იყოს. ანალოგიური სხვა ტერმინებიც ვიწროდან ფართო, კონკრეტულიდან უფრო განყენებული მნიშვნელობისაკენ ვითარდებიან. მაგ., „ქუეყანა“ თავდაპირველად „მიწას“ ნიშნავს, „მიწაც“ შემდეგში ფართოვდება „ქვეყნიერების“ აზრის ფარგლებამდე (შეადრ. „დედამიწა“), დაბაც თანდათან იფართოვებს მნიშვნელობის მოცულობას, განსაკუთრებით, თუ მართალია ლიტერატურაში გაბატონებული მოსაზრება, რომ ტერმინი „დაბა“ თავდაპირველად დამუშავებულ მიწასა და ნახნავს აღნიშნავდა². აქ ყველგან ჩვენ ვხედავთ ტერმინის მნიშვნელობის გაფართოების პროცესს უფრო კონკრეტულიდან უფრო ზოგადისა და განყენებულისაკენ.

ჩვენ ვფიქრობთ, რომ ტერმინ „სოფელ“-საც თავდაპირველად უფრო ვიწრო მნიშვნელობა უნდა ჰქონოდა. ჩვენი აზრით, იგი უფ ძირისაგან ნაწარმოები სიტყვაა (ს-ოფ-ელ-ი ← ს-უფ-ელ-ი ← სა-უფ-ელ-ი (?); შეადრ. უფალი, მამფალი ← მამაუფალი, დედაუფალი → დედოფალი, სუფევი, სასუფეველი) და ისეთსავე დამოკიდებულებაში (რა თქმა უნდა, წარმოების თვალსაზრისით; რეალური ურთიერთობა ამ მოვლენებისა სხვადასხვაგვარი იყო) იმყოფება მე-უფე-სთან, როგორც ს-ეფ-ე მ-ეფ-ე-სთან; პირველი რიგი განვითარების (როგორც ენობრივის, ისე სოციალურის) უფრო აღრინდელ საფეხურს წარმოგვიდგენს, ვიდრე მეორე. მეუფე — სუფელი პატრიარქალური ხანის უკანასკნელი პერიოდის ნაშთია, ყველა ნიშნის მიხედვით, ხოლო მეფე — სეფე კლასობრივ საზოგადოებასა და სახელმწიფოსთან ერთად ჩნდება. შესაბამისად, მეუფე (სათანადოდ

¹ ივ. ჭავჭავაძის მიხედვით, ქართ. სამარტლის ისტ., წ. 1, 1928, 139—140.

² იქვე, 140.

ცვლილ პირობებში — ზამფალი ← მამა-უფალი) პატრიარქია, ხოლო სუფელი — ტერიტორიული თემი, რომელიც გვაროვნული საზოგადოებიდან ელასობრივისაკენ გარდამავალ ხანაში ჩნდება.

ჩვენი გაგების სასარგებლოდ სვანურ „სუფ“-ზე უნდა მივუთითოთ, რომელიც მოედან-ს აღნიშნავს და რომელიც ამავე ძირის წარმოებაა. თუ იგი ქართ. სუფელ-ის ნასესხობაა, მაინც მისი სემანტიკური ფუნქცია სვანურში ჩვენთვის ძალიან საყურადღებო ხდება: ცხადია, აქ დაცულია ის მომენტი, როცა სასოფლო თემს ჯერ კიდევ შენარჩუნებული აქვს თავისი ძირითადი ორგანო — სასოფლო კრისკრება; თვით კოლექტივთან ერთად „სუფელი“ ამ კრისკრებასაც აღნიშნავს. შემდეგ ტერმინი უკავშირდება, როგორც ეს სვანურშია წარმოდგენილი, იმ ადგილს, სადაც ჩვეულებრივად თავს იყრის „სუფელი“.

ამრიგად, სრულებით არ უნდა იყოს ჩვენთვის გაუგებარი, რომ უძველეს ხანაში სოფელი მოსახლეობის უფრო წვრილ ერთეულსაც აღნიშნავდა. ამდენადვე „ქართლის მოქცევის“ ზემოთ მოტანილ ცნობაში „სოფლები“ შესაძლებელია სწორედ დაბეზსაც აღნიშნავდეს (უფრო მსხვილი ერთეულების გულზეა აქ ძნელი).

ამრიგად, ეს ცნობა მეტად საყურადღებო ჩვენებას შეიცავს: ხომ! ცხადია რომ თუ გიორგი წმინდის ეკლესია აზნაურებმა ააშენეს, მამულიც ამ ეკლესიას აზნაურებმავე გაუჩინეს; შემდეგ — აშკარაა ისიც, რომ ეს „სოფლები“ მაშენებელ აზნაურთა საადგილ-მამულო ფონდიდანაა გამოყოფილი; ამრიგად, უკვე მოძრავი მამულები აქვთ აზნაურობასა და ეკლესიას და მათი პირვანდელი განმკარგულებელნი სწორედ „აზნაურნი“ (წარჩინებულნი) არიან. შემდეგ თვით ეკლესიასთან ერთად ეს შეწირული მამული ქართლის მთავარ ეპისკოპოსის ტახტს უქვემდებარდება („დაიამოთაულეს“). კიდევ უფრო საინტერესო გახდებოდა მოცემული ცნობა ჩვენთვის რომ მოხერხებულყო სიტყვა „ქარდაგი“-ს მნიშვნელობის გარკვევა. ტერმინი, გარეგნულად, ირანულ სიტყვას (მიმღობითი წარმოებისას) ჰგავს. მაგრამ არა გვგონია ეს მერმინდელი „ქადაგი“ იყოს. საშუალო სპარსულში არსებული მსგავსი ძირების მიხედვით აქ შესაძლებელია „მუშაკი“ იგულისხმებოდეს (მამინ ეს ჩვენება კიდევ უფრო საყურადღებო იქნებოდა), ან „სახლი“. მაგრამ გარდამწყვეტი სიტყვა ირანისტებს ეკუთვნის.

ამრიგად, „ქართლის მოქცევის“ განხილული ცნობა პირდაპირ მიითვება ქართლის საერო და საეკლესიო წარჩინებულთა („ზნაურთა“) აღრინდელ-ფეოდალური მიწისმფლობელობის შესახებ. საეკლესიო სფეროში ამ მიწისმფლობელობას მე-5 საუკუნეში უკვე მთლიანად ეჭირა ძველი (მონათმფლობელური) სატაძრო მემამულეობის ადგილი. სულ სხვა მდგომარეობაა საერო ცხოვრების სფეროში. აქ აღრინდელ ფეოდალურ მიწისმფლობელობას უხდება ჯერ კიდევ დიდი ბრძოლის წარმოება სასეფო მემამულეობასთან.

ქართლის სასეფო მემამულეობაში ჩვენ თავიდანვე შეგვიძლია შევამჩნიოთ ორი ელემენტი: 1) საკუთრივ სამეფო დომენი, რომელიც სეფე-სახლის უშუალო განკარგულებაში იმყოფება; იგი შესდგება „სამამასახლისო სამსახურებლისა“ და დაპურობილი ტერიტორიისაგან, 2) მთელი დანარჩენი მიწა-წყალი („აგარაკების“ გამოკლებით), რომელსაც სეფე-სახლში გაბატონებული შეხედულება, თეორიული ნორმა, აგრეთვე სეფე-სახლის საკუთრებად აცხადებს; თავისთავად ცხადია, რომ სეფე-სახლის განკარგულება ამ კატეგორიის მიწების მიმართ პრაქტიკაში მეტ-ნაკლებად შეზღუდულია არსებული ფაქტიური მიწისმფლობელობით (სათემო მიწისმფლობელობა, წვრილი კერძო მიწისმფლობელობა, აღრინდელ-ფეოდალური მიწისმფლობელობა). აქ, ამ სფეროში, იბადება სწორედ კონფლიქტი თეორიულ ნორმასა და ფაქტიურ მდგომარეობას შორის, უპირატესად მაშინ, როცა ფაქტიური მიწისმფლობელობის სახით წარმოდგენილია მსხვილი კერძო მეურნეობანი (წარჩინებულთა). კონფლიქტი კიდევ უფრო მწვავედება იქ, სადაც ამ აღრინდელ-ფეოდალური მიწათმფლობელობის ობიექტი სასეფო დომენიდან მომდინარეობს. პირველ რიგში სეფე-სახლს გამოეყოფიან, მემამულეობის თვალსაზრისით, სეფე-წყულები, გაზრდილი და გამრავლებული სამეფო სახლის გვერდითი შტოები. ეს სეფე-წყულები ჰქმნიან სწორედ ქართლის უძველეს მემამულე არისტოკრატias, რომელიც შემდეგ, თავისი ინტერესებით, უპირისპირდება სეფე-სახლის უფროს შტოს¹. გარ-

¹ ქართლის სეფე-წყულთა შესახებ დაწვრილებით იხ. С. Джанашиа К праву М. Хоренского: „მასალები საქართველოსა და კავკასიის ისტორიისათვის, ნაკვ. VI, ტფ. 1937.

და ამისა, სასეფო დომენიდან ადგილ-მამულს პირობით მფლობელობაში იღებენ ერიდან დაწინაურებული მსახურეული პირებიც (ერისთავები, მთავრები და სხვ.), როგორც ეს თავის ადგილას უფრო დაწვრილებით გვაქვს მოთხრობილი.

სამეურნეო ცხოვრების გართულება, კერძოდ, ისეთი მაღალი სასოფლო-სამეურნეო კულტურების განვითარება, როგორიცაა ვენახი, ხეხილი და სხვა, სათანადო საბაზრო ურთიერთობის პირობებში, იწვევს მისწრაფებას, აღრინდელ-ფეოდალურ ძალთა მხრივ, განმტკიცებულ იქნას ფაქტიურად არსებული მიწისმფლობელობა მემკვიდრეობითი მყარი მემამულეობის სახით. ამ მისწრაფებას წინ ეღობება სამეფო ხელისუფლება თავისი ნორმებითა და თავისი შეხედულებებით. ჩაღდება ბრძოლა, რომელიც განსაკუთრებით მკაფიო გამოხატულებას იღებს ვახტანგ გორგასლის მეფობაში.

ასეთი იყო ქართლის საზოგადოებისა და ეკონომიკის სახე, როცა სამეფო ტახტზე ადის ვახტანგ გორგასალი, ერთი ყველაზე უფრო მკაფიო და თან სავსებით ისტორიული ფიგურა საქართველოს უძველეს ისტორიაში. უკვე ტახტზე ასვლისას ვახტანგი ირანის ვასალად ითვლებოდა, როგორც ჩანს: „წარიყვანეს ვახტანგ სპარსთა და შემდგომად რაოდენისამე ქამისა მოიქცა“-ო¹, ამბობს მემათიანე. მაგრამ თავის მეფობის უკანასკნელ პერიოდში ვახტანგი ცდილობს ამ დამოკიდებულებისაგან გათავისუფლებას. იწყება ომი, რომელიც თვით ქართლის ტერიტორიაზე მიმდინარეობს. პოლიტიკურ დამოკიდებულების გარდა, ომის მიზეზი უნდა ყოფილიყო ის ხარკიც, რომელსაც ქართლი იხდიდა ირანის სასარგებლოდ.

მაგრამ, გარდა ამისა, ეს საგარეო ომი განისაზღვრებოდა და ! ნაწილობრივ გამოწვეულიც იყო იმ შინაგან წინააღმდეგობით, რომელიც ქართლის მეფესა და დიდ აზნაურობას შორისაა განვითარებული. ქართლის მონარქია, რომლის მოკავშირედაც ვხედავთ

¹ „მოქციევაჲ ქართლისაჲ“, 28

ჩვენ აზნაურებს მეოთხე საუკუნის დამდეგს, თავისი წარმოშობითა და მთელი თავისი ხასიათით არ შეეფერებოდა ქართლის ახალგაზრდა ფეოდალურ ძალთა ინტერესებს. თუ ამ დროს ეს ძალები შეურიგდებიან ცენტრალურ ხელისუფლებას, ეს ხელისუფლება სულ სხვა ხასიათისა უნდა იყოს. იგი ცენტრალური უნდა იყოს მხოლოდ იმდენად, რამდენადაც ეს საჭიროა ამ ადრეულ ფეოდალურ ერთეულების ურთიერთობისათვის, რომელთა შორისაც სუსტი კავშირი მაინც არსებობს. სხვაფრივ კი მათ ჭარბად გამოხატული ადგილობრივი ინტერესები აქვთ, რომელნიც სათანადო პოლიტიკურ ფორმასაც მოითხოვენ. ეს ინტერესები ამ წრის მემამულეობის ნიადაგზეა აღმოცენებული — მთავარ სტიმულად აქ გვევლინება მისწრაფება განმტკიცებულ იქნას მემკვიდრეობითი, მყარი, მიწისმფლობელობის ფორმით ფაქტიურად არსებული მდგომარეობა. ამიტომ ცენტრალურ ხელისუფლების წარმომადგენელი მათთვის (ამ წრის წევრებისათვის) მხოლოდ იმდენად იქნება მოსათმენი, რამდენადაც იგი იქნება მხოლოდ „პირველი თანასწორთა შორის“, ამ ტოლთავე მსგავსი მემამულე, ქართლის ძველი მონარქი-კი, და განსაკუთრებით ვახტანგ გორგასალი, ეს ყველჯ ცნობის თანახმად, ძლიერი და ხელისუფლების მოყვარე პიროვნება, „თვითმპყრობელობას“ ცდილობს. იგი „მეფეა თვითმპყრობელი“, მას „არა ცუდად აბიეს ჯრმალი, რამეთუ ღმრთისა მიერ მთავრობს ვითარცა ლომი შორის ცხოვართა“¹. სამამულო სფეროში ძველი ქართლის მეფე, მით უმეტეს, ვახტანგი, — თავის თავს უზენაეს მესაკუთრედ სთვლის. ეს განსაკუთრებით უნდა ითქვას „ამოძრავებულ“ მიწაზე (რაც სათემო მემამულეობის გარეშე მდებარეობს), სულ ერთია, ეს „ამოძრავი“ მამულები მეფის დომენიდან მომდინარეობენ, თუ ეკონომიკურ განვითარების გზით სათემო მიწებიდან არიან გამოთიშულნი და კერძო მფლობელობის საგნად ქცეულნი. ვახტანგ გორგასლის ეს მისწრაფება მსხვილი მემამულეობის ტენდენციების შეზღუდვისა და ცენტრალიზმისაკენ გამოიხატა, როგორც ჩანს, რთულ სამმართველო-ადმინისტრაციულ აპარატის შექმნაში და შემდეგ, ამ აპარატის საშუალებით, სათანადო ღონისძიებათა გატარებაში. მაგრამ ქვეყანაში ეხლა არ არსე-

¹ ჯუანშერი, შრომები, ტ. I.

19. ს. ჯანაშია, შრომები, ტ. I.

ბობდა საკმაო ძალა, რომელსაც ეს ცენტრალიზმი შეიძლებოდა დაჰყრდნობოდა, და ვახტანგის ცდა წინასწარ განწირული იყო. რა | თქვა უნდა, ვახტანგის საგარეო და საშინაო პოლიტიკა მარცხით თავდება. წაგებულია ბრძოლა ირანელებთან და ამის მიზეზია არა მარტო სამხედრო უპირატესობა ირანელებისა, არამედ უფრო მეტად ჰს შინაგანი სისუსტე ვახტანგისა, რომლის წყაროც წარჩინებულთა ოპოზიციას. თვით ირანელებთან ომის პროცესში ადგილი ჰქონდა აშკარა ღალატს. სომხურ წყაროების ცნობით, როგორც-კი ირანელთა სარდალი ჰაზარაუხტი, რომელსაც ნაბრძანები ჰქონდა, ვახტანგ ქართლის მეფე ან შეიპყარ, ან მოჰკალ, ან გააძევეო, ქართლში შევიდა, მაშინვე მისკენ გადასულან, როგორც ისინი, ვინც ირანის შაჰან-შაჰთან ერთგულების კავშირში იმყოფებოდნენ, აგრეთვე ისინიც, ვინც თავდაპირველად ვახტანგს ემხრობოდნენ, მაგრამ ეხლა მეფესა და სახარების ფიცს უღალატესო. სწორედ ამ ღალატმა აიძულა ვახტანგი თავისი სამეფო დაეტოვებინა და ეგ-რისში გახიზნულიყო¹. ცხადია, რომ ეს „მოღალატენი“ იყვნენ სწორედ ის პიტიახში და სხვა ძმანი მისნი, „აზნაურნი დიდ-დიდნი“, რომელთაც ზემოთ გავეცანით და რომელთაგანაც ზოგს ჩვეულებრივ პატივსა და ჯილდოს გარდა, თურმე მეფობაც კი ჰქონდა აღთქმული შაჰან-შაჰისაგან². და ამ ღალატის გამო იყო რომ ვახტანგის ბრძანებით ვარსკენ პიტიახში მოკლულ იქნა კიდევაც. მაგრამ ვახტანგისა და ამ წრის ბრძოლა ჯერ კიდევ ირანელ-ქართველთა ომამდე დაიწყო. თავდაპირველად იგი ეკლესიაში მიმდინარეობს. ჩვენ ვნახეთ რომ ქართლის ეკლესიის მმართველი წრეები ამ დროს „აზნაურობასთან“ არიან დაკავშირებულნი და რომ ძათ გარკვეული ურთიერთობა აქვთ ირანის მთავრობასთან სწორედ იმიტომ, რომ ისინი მატარებელი არიან იმავე ინტერესებისა, რომლითაც ეს „დიდი აზნაურნი“ იყვნენ გამსჭვალულნი. ეკლესიის კავშირი ირანელებთან არა მარტო პოლიტიკური სახისაა (მთავარ-ეპისკოპოსი ერისთავად!). ირანელები ქართლის ქრისტიანულ ეკლესიაში ზურგს უმაგრებენ ისეთს კონფესიონალურ-სარწმუნოებრივ მიმართულებას, რომელიც მტრულადაა განწყობილი აღმოს. რომის,

¹ ლაზარე ფარაბელი, *ჟამთაგქრე ლაქიე*, გვ. 146.

² იქვე.

„პერძენთა“, ოფიციალურ ეკლესიაში გაბატონებულ, დოგმის წინააღმდეგ. ამიტომდა რომ მეხუთე საუკუნის ქართლის ეკლესიაში ასე ხშირად იხსენიებიან „ეპისკოპოსნი, შემწლელნი წესისანი“¹. ერთი მათგანის შესახებ მემკვიდრე ამაბობს, რომ „აჩუენებდა იგი მართლმადიდებლობასა, ხოლო იყო ვინმე შოგვი უსჯულო და შექმნილი წესთა“, ე. ი., როგორც ჩანს მანიქეველი². მანიქეველობა, ასე ვთქვათ, განსაზღვრულ ხანის „სპარსული“ სახე იყო ქრისტიანიზმისა.

მაგრამ გაცილებით უფრო საყურადღებო და საინტერესოა ის კონფლიქტი, რომელიც გორგასალს მოსვლია მიქაელ მთავარეპისკოპოსთან, როგორც ჩანს, იმ პერიოდში, როცა მეფე ირანელუბის წინააღმდეგ მზადებას პრაქტიკულად შეუდგა. ეკლესიის მეთაურსა და ვახტანგს შორის მდგომარეობა იმდენად გამწვავებულა, რომ, უძველესი ცნობით, ერთხელ, ყოველგვარ სამეფო ეტიკეტის წინააღმდეგ, მიქაელ მთავარეპისკოპოსმა „მიამთხუია ფერჯი პირსა მეფისასა ვახტანგს გორგასალსა... და განაძო ეკლესიისაგან“-ო³. სხვა ცნობით, მიქაელს ისე მაგრად ჩაუცია მეფისათვის ფეხი პირში, რომ კბილებიც შეუღლეწია მისთვის⁴. საბასუხოდ, „მეფე აღიწესო გულისწყრომიითა მრავლითა და ექცა ფერი პირისა მისისა“... და შემდეგ, მან „წარავლინა მოციქულნი საბერძენთა და ითხოვა მეფისაგან და პატრეაქისაგან კათალიკოზი“⁵, ვახტანგი აწესებს კათალიკოსობას. ცენტრალიზაციის ცდა სახელმწიფო აპარატში იწვევდა ასეთსავე ცდას ეკლესიაშიც.

მონარქიის შეხედულება საერო და საეკლესიო ხელისუფლების ურთიერთობის შესახებ მკაფიოდ აქვს გამოხატული ჯუანშერს იმ სიტყვებში, რომელსაც იგი ათქმევინებს კონსტანტინოპოლის პატრიარქს დასახელებული მიქაელის მიმართ, უკანასკნელის საქართველოდან გაძევების შემდეგ:

¹ ჯუანშერი, მარ. 138.

² იქვე, 120; პროფ. ივ. ჯავახიშვილი, ქართ. ერ. ისტ., I⁸, 282-3.

³ „მოქცევაჲ ქართლისაჲ“, შატბ. და კელ.: *Опис.* II, 721—2; ჯუანშერი, მარ. 177.

⁴ ჯუანშერი, 177.

⁵ იქვე („მოქც.“ და ჯუანშ.).

... „კაღნიერებისათვის მეფისა თანა-გაც შენ სიკუდილი, ვითარ-
ცა იტყვს: დაემორჩილებით თქუენ მეფეთა; რამეთუ არა ცუდად
აბიეს ჳრმალი, რამეთუ ღმრთისა მიერ მთავრობს, ვითარცა ლომი.
შორის ცხოვართა“¹, იმის გამო რომ შენ მეფეს ასეთი რამ შე-
ჰკადრე, შენ სიკვდილის ღირსი ხარ; საღმრთო წერილი გვიბრძა-
ხებს, დაემორჩილეთ საერო მთავრობასო. ტყუილად კი არ აბია.
ხმალი მეფეს, ეს მისი ხელისუფლების სიმბოლოა; ხელისუფლება
კიდევ მეფეს მიღებული აქვს ღვთისაგან, რომლისაგანაც მეფეს ნო-
ნიჭებული აქვს მთავრობა ერზე ისევე, როგორც ლომს ცხვრის.
ფარაზეო, — აი პატრიარქის სიტყვების აზრი. კათალიკოსი მეფისა-
ოვის საპირო იყო საეკლესიო მმართველ წრეების დასამორჩილებ-
ლად, რომელნიც მონარქიის წინააღმდეგ იყვნენ განწყობილნი და.
ირახელებთან კავშირში იმყოფებოდნენ, როგორც წარჩინებულთა
ჯგუფის სხვა წარმომადგენლები. თვით ეს მიქაელიც, როგორც
ჩანს, მონოფიზიტია, ე. ი. ირანის მთავრობის მფარველობის ქვეშ
მყოფ ერთ-ერთ ქრისტიანულ სექტის მიმდევარი.

მაგრამ ვერც ამ ღონისძიებამ უშველა ვახტანგს. მოწინააღ-
მდეგეებმა გაიმარჯვეს არა მარტო პოლიტიკურად, მათ თვით ვახ-
ტანგის ფიზიკურადაც თავიდან მოშორება მოახერხეს: ერთი ძვე-
ლი ცნობა გვარწმუნებს, რომ ვახტანგი „მოიკლა სპარსთა ბრძო-
ლასა შინა მონაყოფილისაგან მისისა, რამეთუ იცოდა განახვეი-
ჩაქვსაჲ ღლიასა ქუეშე, და აღიპყრა რა ჳრმალი თვისი (გორგასალ-
მა), რათა სცეს კაცსა სპარსთაგანსა, მონამან მან ბოროტმან ჰყრა
ისარი ღლიასა ქუეშე“-ო².

ეს „მონაყოფილი“ და მისი მოქმედება ჩვენს სპეციალურ ყუ-
რადლებას იპყრობს. მართალია, ცნობა განკერძოებით დგას და
თვით ფაქტიც ამიტომ კერძობითი შემთხვევის შთაბეჭდილებას
სტოვებს, მაგრამ თუ მოვიგონებთ ყოველივე იმას, რაც ზემოთ-
იყო ნათქვამი ქართლის სოციალური სტრუქტურის, კერძოდ, მო-
ნათმფლობელობის შესახებ, უნდა დავასკვნათ, რომ ქართლის მო-
ნათა და „მონაყოფილთა“ მოძრაობის შესახებ ცნობათა სიმცირე.
მხოლოდ წყაროების მდგომარეობით აიხსნება. ვახტანგის მკვლელი

¹ შარ.. 178.

² კონკ. I, 50.

„მონაყოფილიც“ ამიტომ მთელი საზოგადოებრივი წრის წარმომადგენლად უნდა მივიჩნიოთ. იგი შორეული მემკვიდრეა „მონაყოფილ“ ანიკეტისა და მის თანამებრძოლთა, რომელთაც ოთხი საუკუნის წინათ „მონათა ომის“ ცეცხლი დაანთეს კოლხეთში. აღმოსავლეთ საქართველოში მონათა მოძრაობა, ბუნებრივად, უფრო დაგვიანებით ჰკრავს თავის ისტორიულ წრეს.

ამხანაგმა ი. სტალინმა აღნიშნა, რომ „მონათა რევოლუციამ ლიკვიდაცია უყო მონათმფლობელებს და გააუქმა მშრომელთა ექსპლოატაციის მონათმფლობელური ფორმა“. აქ იგულისხმება ისეთი წმინდა მონათმფლობელური ქვეყნები (მაგ., რომი), სადაც მონათმფლობელური წესი წარმოებისა ბოლომდე გაბატონებულ წესად დარჩა. მაგრამ ამხანაგ სტალინის სიტყვები ვრცელდება ქართლზედაც იმდენად, რამდენადაც აქ მონათმფლობელურმა ურთიერთობამ ერთგვარი წონა შეინარჩუნა საზოგადოებრივ ცხოვრებაში, მე-5 საუკუნემდე, კონსერვატიული ანტაგონისტური ურთიერთობის სახით.

ქართლის ამ კონსერვატიული ელემენტების მეთაური იყო ვახტანგ I გორგასალი, როგორც უკვე ვამბობდით. ვახტანგის ძირითადი პოლიტიკური მოწინააღმდეგე წარჩინებულთა წრეა. ვის-ღა უნდა დაეყრდნოს მეფე მათ წინააღმდეგ ბრძოლაში? ცხადია წარმოების სხვა წესებისა და სხვა საზოგადოებრივი ჯგუფების წარმომადგენელთ. მეფის ასეთ სოციალურ საყრდენად, ბუნებრივად, საგულისხმებელია, ერთის მხრით, მონათმფლობელური ელემენტები, რამდენადაც ისინი ჯერ კიდევ არსებობენ ქართლში,¹ მეორე მხრით — „წვრილი ერი“, — წარჩინებულთა („აზნაურობის“) შეუარიგებელი მტერი. „წვრილი ერის“, თავისუფალ წვრილ მწარმოებელთა, და წარჩინებულთა ანტაგონიზმის შესახებ ჩვენ ზემოთ, თავის ადგილას, არა ერთგზის გვქონდა საუბარი. ფეოდალიზმის გამარჯვებას ამ ხალხისათვის მხოლოდ დამოუკიდებელი არსებობის

¹ მონურ შრომის გამოყენებაზე ამდროინდელ ქართლში მკვკრმეტყველურად მიუთითებენ ეპოქის არქიტექტურული ძეგლები, რომელნიც მკაფიოდ განსხვავდებიან ფეოდალურ ხანის ძეგლთაგან. ასეთია, მაგ., ციხე-ქალაქი უჯარმა, ვახტანგის ერთი რეზიდენციათაგანი, რომლის კედლების თავისებური წვობა და ქვის თლის ტექნიკა (კვადრები) სწორედ მონათმფლობელური ხანისაა. თამარ მეფის ისტორიკოსის ცნობით, უჯარმა „აგებული იყო ვახტანგ გორგასლისაგან“, მარ. 385.

მოსპობა მოაქვს. მეფეში იგი, გასაგებია, მოკავშირეს ხედავს, რადგანაც მეფე ამ ადრინდელ ფეოდალურ ძალებს ებრძვის. მეფესა და წვრილ ერს ისიც აკავშირებს, რომ იმდროინდელ მონურ შრომის ექსპლოატატორთა უმრავლესობა სოციალურად სწორედ წვრილ ერში უნდა ვეძიოთ. ამ ურთიერთობით ვხსნით ჩვენ რომ: ქართულს ხალხურ (ე. ი., არსებითად „ერისა“ და „წვრილი ერის“ ფსიქო-იდეოლოგიურ სამყაროდან მომდინარე) გარდმოცემებსა და პოეზიაში ვახტანგი განსაკუთრებული გმირობის შარავანდედითაა შემოსილი. ამ პოეზიის ერთი ფრაგმენტული ძეგლი ამტკიცებს რომ: „ვახტანგ მეფე ღმერთს უყვარდა“.

ასეთ საზოგადოებრივ ურთიერთობაში, თავისთავად ცხადია, საგულისხმებელია მონათა მოძრაობაც, რომელიც მონათფლობელთა მჩაგვრელობის წინააღმდეგ არის მიმართული. ამასთან ერთად სოციალური ძალები ისეა დაჯგუფებული, რომ მონები წარჩინებულთა მხარეზე უნდა აღმოჩნდნენ. უფრო სწორედ რომ ვთქვათ, წარჩინებულნი იყენებენ მონათა სტიქიურ სულისკვეთებას და, ამდენად, ძველ ქართლს ანგრევენ არა მარტო ფეოდალიზაციის პროცესი, არამედ მონათა მოძრაობაც. გასაგებია რომ გამარჯვების ნაყოფი მხოლოდ ფეოდალებს უვარდებათ ხელში, მონებისათვის კი იცვლება მხოლოდ ექსპლოატაციის ფორმა.

ვახტანგის სიკვდილის შემდეგ (პროფ. ივ. ჯავახიშვილის ანგარიშით, იგი მოკლულ იქნა 502 წელს¹) მეფობამ ქართლში მხოლოდ ოციოდე წელიწადი ძლივს გასძლო, ისიც ალბათ დიდად სახეცვლილმა. ქართლის მეფემ გურგენმა ირანელების წინააღმდეგ ახალი აჯანყება მოაწყო, რომელიც, იმავე მიზეზების წყალობით, კიდევ უფრო ადრე დამარცხდა და 523 წ. გურგენი იძულებული შეიქნა მთელი თავისი სახლობითა და ამალით ეგრისში გაქცეულიყო. ძალე ირანელებმა ქართლში მეფობა საესებით მოსპეს, რამაც, ასე ვთქვათ, საერთაშორისო სანქცია მიიღო 532 წ., რომ-ირანის საზავო ხელშეკრულებაში.

წყაროებს საუცხოოდ აქვთ აღნიშნული, რომ მეფობის მოსპობა დიდ აზნაურთა გამარჯვებას, შემდგომ გაძლიერებას და გაბა-

¹ პროფ. ივ. ჯავახიშვილი, ქართვ. ერის ისტორია. I, 267.

ტოხებასაც მოასწავებდა. ისტორიკოსი სუმბატ დავითის-ძე ამბობს: „ვინათგან (=იმ დროიდან როცა) მოაკლდა მეფობა შვილთა გორგასლისათა, მით უამითგან ეკყრა უფლება ქართლისა აზნაურთა“-ო. ეს „ქართლის აზნაურნი“ მონარქიას და მის მოკავშირეებზე უფრო ძლიერნი აღმოჩნდნენ.

აღნიშნული ამბები, მეოთხე საუკუნის დამდეგის ამბების შემდეგ, უმნიშვნელოვანესი მომენტი იყო ქართული ფეოდალიზმის განვითარებაში. იგი მოასწავებდა ფეოდალურ საზოგადოების დაბადებას ქართლში¹.

¹ დაწვრილებით: ს. ჯანაშია, ფეოდალური რევოლუცია საქართველოში ტფ. 1935 წ.

ბოლოსიტყვაობა

წარმოდგენილი მონოგრაფია დამუშავებულია ტფ. სახ. უნივ. საქ. ისტორიის კათედრაზე, და უმეტესწილად ადრევე გამოქვეყნებულია სხვადასხვა სახით: 1) 1930 წლიდან — როგორც ნაწილი ავტორის საუნივერსიტეტო კურსებისა (რაც თავის გამოხატულებას წპოვებდა ავტორის მიერ, დოც. ნ. ბერძენიშვილთან ერთად, შედგენილს „საქართველოს ისტორიის პროგრამაში“ უმაღლეს სასწავლებლებისათვის), 2) საჯარო მოხსენებების სახით (მათგან, თვით წიგნში მითითებულ მოხსენებათა გარდა, აქ აღვნიშნავთ: „სახლის, როგორც სოციალური ორგანიზაციის განვითარება“, რუსთაველის სახ. ინსტიტუტის ისტორიის სექციის სხდომაზე 1934. 20. XII — ამ მოხსენებიდან წარმოდგენილ პუბლიკაციის § 1-ში მხოლოდ ერთი პატარა ექსცერპტია შესული; „ერთი ისტორიული თარიღის გაძო“, საქ. ისტ. კათედრის სხდომაზე 1935. 14. V, იხ. აქვე § 9, და სხვ.); 3) ბეჭდური პუბლიკაციის სახით: „ადრინდელი ფეოდალიზმი“, ტფ. 1934, საქ. დაუსწრ. პედ. ინსტ.-ის გამოც., რომელშიაც უკვე მოცემულია წარმოდგენილი წიგნის ყველა ძირითადი დებულება.

ავტორი

რელაქციისაბან.

აკად. ხიმონ ჯანაშიას შრომების I ტომში შევიდა მისი ორი მონოგრაფიული გამოკვლევა: „ფეოდალური რევოლუცია საქართველოში“ და „საქართველო ადრინდელი ფეოდალიზაციის გზაზე“. ავტორს განზრახული ჰქონდა ეს გამოკვლევები შეეცხო და განეცხო. ამ მიზნით მას საავტორო ეგზემპლარში ჩაკინძულ თავისუფალ ფურცლებზე შეუტანია შენიშვნები და დამატებანი, ხოლო წიგნის არშიებზე მიუწერია მცირე შენიშვნები, კორექტურულ შეცდომათა გასწორებანი და დაუსვამს საგანგებო ნიშნები, აგრეთვე კითხვითი და ძახილის ნიშანი; ზოგიერთი წინადადება ხაზგასმულია და არშიაზე უზის ძახილის ნიშანი (ალბათ სათანადო ადგილებზე ყურადღების გასამახვილებლად).

წინამდებარე ტომი დაიბეჭდა საავტორო ეგზემპლარის მიხედვით თითქმის უცვლელად. გასწორებულია მხოლოდ ავტორისა და რედაქციის მიერ შენიშნული კორექტურული შეცდომები და სქოლიოებში ჩამოტანილია რამდენიმე შენიშვნა; დანარჩენი შენიშვნები და დამატებანი წიგნს დართული აქვს აქვე. დამატებებიდან ჩანს, თუ რა სიღრმითა და მოცულობით ჰქონდა ავტორს განზრახული მონოგრაფიების შეესება.

ზ ე ნ ი შ ვ ნ ე ბ ი

ზრომისა—ფეოდალური ჩვეოლუცია საჰართველიოში

2-3 გვერდებს შუა ჩაკინძული თავისუფალი ფურცლის პირველ გვერდზე, თავში წერია:

VI ს. მნიშვნელობის „ბრძნ.“ განმარტება: იხ. კაკ[აბა]ძე, „საისტ. კრ.“, II, 36—7.

იმავე გვერდზე ქვევით წერია:

დამატებით გაითვალისწინე:

K. Güterbock, Byzanz und Persien... im Zeitalter Justinians. Berlin, 1906 (სევანეთი, 107).

E. Stein, Studien zur Geschichte des byzantinischen Reiches vornehmlich unter den Kaisern Justinus II und Tiberius Constantinus, Stuttgart, 1919 (სევანეთი, 6).

7-8 (= 6-7) გვერდებს შუა ჩაკინძულ თავისუფალ ფურცელზე მე-8 (= 7) გვერდის მიმართ ავტორს უწერია:

გაშალე ესტ. მცხის წამების ცნობა ასურელ მთავართა შესახებ მარზპანის კარზე. ეს, რა თქმა უნდა. არამეველი მოხელეები არიან. დაუკავშირე ამას ტერმინი „ხაკი“.

39 (= 36) გვერდის მეორე აზვაციის პირველი ორი სტრიქონის („ციხისძირის სტრატეგიული მნიშვნელობა...“) პირისპირ ცალკე ფურცელზე წერია: ციხე გურიისა.

65 (= 61) გვერდზე სიტყვა „უკანასკნელს“ (სტრ. 28), საზგასმულია და არშიაზე მიწერილია: სტ.

68 (= 63) გვერდის მე-15 სტრიქონის ფრაზა „VI ს. მომდევნო პერიოდში“ საზგასმულია და გვერდით უწერია: მთელ სიგარძებზე უხერხულია სტილისტიკურად!

76 (= 71) გვერდზე მე-16 სტრიქონის გასწვრივ რთული წინადადების დათმეცა ამ „შესავლის“ მდებარეობას...“ პირისპირ არშიაზე წერია) გადახედე!

78 (= 73) გვერდზე მე-8 სტრიქონის („რომელიც თურქების სა...“: პირისპირ არშიაზე მიწერილია: აფხაზეთი.

79 (= 74) გვერდზე 25-26-ე სტრიქონის პირდაპირ („ასე მოგვითხრობს ბიზანტიელი მემატთანე“) არშიაზე წერია: დააზუსტე!

დააზუსტე! არის მიწერილი აგრეთვე 85 (= 80) გვერდზე 23-24-ე საზგასმული სტრიქონის („იქნებ ამ ბუნდოვან ცნობაში...“) გასწვრივ.

83 (= 78) გვერდის არშიაზე მიწერილია წინადადების („პირველი თემები აღმოსავლეთის განაპირა პროვინციებში ჩნდება“-ს) პირისპირ: სტ. იხსენიება?

86 (= 80) გვერდზე მე-9 სტრიქონიდან რთულ წინადადებას („ფორმალური საფუძველი აღნიშნული მოვლენისა ის შეხედულდება...“) პირისპირ არშიაზე უწერია: განავრცე!

86 (= 81) გვერდის არშიაზე რთული წინადადების გასწვრივ („პატრიკობამ“ უდიდესი გავრცელება ჰპოვა...“ სტრ. 30) მიწერილია: შეავსე ჩემი „К критике М[оицей] X[оренского]“.

105-107 (= 98-99) გვერდებს შუა ჩაკინძულ თავისუფალ ფურცელზე 105 (= 98) გვერდის მხარეზე წერია:

(104 =) გვ. 97, შენ. 2: არაბ. ტერმინებს მიუმატე „ბეთთალმანი“ ← ბეთ-ალ-მალ; შეადრ. Huart, Hist. des arabes,

შამილმაც თავის ხაზინას, რომელიც შესდგებოდა შემოსავლისაგან, შამილს რომ შემოსდიოდა, როგორც სამღვდლოების მეთაურსა და სამხედრო ძალების წინამძღოლს, „ბეთთულმალ“-ი უწოდა: Дубровин, Ист. войны и владения русских на Кавказе, т. 1, кн. 1, гл. 491, СПб. 1871.

შეადრ. აფხ. ამაღ.

70-იანების „განმარტება“ კაკ[აბა]ძესთან: იხ. „საისტ. კრ.“, II, 36—38, 39, 56—7—8.

წიგნის ბოლოში ჩაღებულია ცალკე ფურცელი, რომელზედაც ფანქრით დაწერილია შემდეგი შენიშვნები:

კეისრის კარის გარიგება — ibid. 87

კავკასიელი მთავრები ეგზოტიკურ სამოსში 92—93

იბერიის დედოფალი. და თეოდორა 94

ლომესტიკები — გვარდიელები 97

კუროჩხალატი — 99, 104

პატრიკიოზები 100, 102, 113

ლაზები — 105

ბიზანტ. წარმატებანი ლაზიკასა და იბერიაში იუსტინეს დროს 133

გარეგანი ძლიერება ბიზანტ. იუსტ. დროს 130

VI ს. დამდიგის ომები 133

პატრიკიოზი = გაციემპერატორი 135

იმპერატორი — სიუზერენი ყველასი 138

ქრისტიანობა და იმპერია, ჯვარი და კვერთხი 138—139

შორე გვერდზე:

ვანდალების მეფეს — ლათინ. 141

იუსტინიან. ფულებზე ვგონებ სულ ლათინ. წარწერებია

ტიტული იპატოსი ბეჰედზე 125

Giustiniano = იუსტინიანე (დანტე) 36

იუსტინიანეს ტიტულატურაში — ალანთა მეფე 27

ნიშანი იუსტინ. ბეჰედზე წააგავს რატის ხატის ნიშნებს 9

შრომისა — საქართველო აღრინდელი ფიონდალიზაციის გზაზე

146 (= 15) გვერდის არშიაზე „სარმატების მეფეები“-ს (32 სტრ.)

პირისპირ მიწერილია: სარმატები.

170-171 (= 37) გვერდის მიმართ ცალკე ფურცელზე მარცხნივ თავში ფანქრით წერია:

შეადრ. ამას კაკ[აბა]ძის ნასიბრძნი: „საისტ. კრ.“, II, 24, 26, 53, 56.

152 (= 48) გვერდის „ს ი მ ბ ა ქ ი ა შ ი“ სიტყვის (21 = 8 სტრ.) პირისპირ ცალკე ფურცელზე მარჯვნივ დაწერილია:

შეადრ. ქართ. წყაროების „თანამოლაშქრობა“.

184-185 (= 50) გვერდის მიმართ ცალკე ფურცელზე მარჯვნივ პირველი აბზაცის პირისპირ წერია:

სტრაბონიც ხომ ამბობს: „Со стороны северных кочевников [ведет] трудный трехдневный подъем, а за ним узкая речная долина вдоль реки Арага, требующая четырех дней пути для одного; конец пути охраняет неприступная стена“ (წ. 11, თ. 3, § 5; SC I, 140).

აქ არ ჩანს კარგად, გზის რომელ ბოლოში იყო კედელი.

იმავე გვერდის უენიუნის (ს ტ რ ა ბ ო ნ ი) პირისპირ, მარჯვნივ, ცალკე ფურცელზე დაწერილია:

აორსები, როგორც ჩანს, ცხოვრობდნენ დონიდან აღმოსავლეთით კასპამდე: ... „кочевники, [живущие] между Мэотидою и Каспийским [морем]—Навианы, Панксаны и уже племена Сираков и Аорсов. Аорсы и Сираки, кажется, беглецы [из] живущих выше... Царь Сираков Авеак, когда Фарнак владел Воспором, выставил 20000 всадников, царь Аорсов Спадин—даже 200000,

а верхние аорсы еще больше, так как они владели более обширной страной и господствовали, можно [შორე გვერდზე] сказать, над наиболеею частью Каспийского побережья, так что даже торговали [...შემდეგ ცნობა, მოყვანილი ჩემს შენ[იშენა]ში, ვაჭრობის შესახებ. დასასრულ კი ნათქვამია — ს. ჯ.] Аорсы живут по Танаиду, а Сираки по Ахардсю, который вытекает с Кавказа и впадает в Мэотиду“ (ახარდი — 'Αχαρδῆσι — ალბათ ყუბანს უდრის. ს. ჯ.) (SC I, 147-148).

186-188 (= 52-53) გვერდებს შუა ჩაკინძულ თავისუფალ ფურცელზე სულ თავში მარჯვნივ წერია:

უსპელების წინადადება რომაელებმა უარჰყვეს: „избывать славшихся [считали] бесчеловечным, а конвоировать такую массу людей — трудным“ (ტ ა ც ი ტ ი, SC II, 239).

195 (= 59) გვერდის „სომხები“-ს (სტრ. 22) გასწვრივ ცალკე ფურცელზე მარცხნივ დაწერილია:

შეჯავშნული ცხენოსნობა (იხ. თ ე მ ი ს ტ ე, SC I, 695).

შეჯავშნული ცხენოსნები სარმატებში (ტ ა ც ი ტ ი, SC II, 248).

სამხედრო აღზრდა ბარბაროსებში (იბერებშიაც! SC I, 696).

206 (= 69) გვერდზე წინადადების ბოლო წევრს „...შემდგარი რაზმი“ (სტრ. 25) აქვს ვარსკვლავი და ქვეშ ჩამოტანილია არშიაყე:

• ელი სპარტიანი, აღრიანი, SC II, 293. — ამ ცნობებს სჭირია დამატებითი ანალიზი.

207 (= 70) გვერდის მიმართ ცალკე ფურცელზე მარჯვნივ სულ თავში წერია:

დაუმატე ტ ა ც ი ტ ი ს ცნობა რადამისტის შესახებ: „У Фарасмана был сын по имени Радамист, стройного роста, замечательный телесною силою, искусный в национальных упражнениях и пользовавшийся большою известностью у соседей“ (Annales, XII, 44; SC II, 241).

იმავე ფურცელზე სულ ბოლოს დაწერილია:

ჰენიონების მეფე მოჰკლა სატრაპმა თირიდატმა, რომელმაც ამბობება მოაწყო არმენიაში იმპერატორ მარკ ავრელის დროს (დინ კ ა ს ი უ ს ი კ ო კ ე ი ა ნ ი, SC I, 622).

215 (= 78) გვერდის მიმართ ცალკე ფურცელზე მარჯვნივ სულ თავში წერია:

დაუმატე ტ ა ც ი ტ ი ს ცნობა რადამისტის შესახებ.

217 (= 79) გვერდის უკანასკნელი აბზაცის გასწვრივ ცალკე ფურცელზე მარცხნივ ფანქრით დაწერილია:

შეადრ.: შუშანიკმა „აკურთხნა ჯოჯიკ და (კოლი და შვილნი მისნი და მონა-მწევალნი მისნი და ყოველი ეზოჲ და პალატი მისი“ (შუშ. წამ., ს. გორგ [აძის გამოცემა], გვ. 20₁₇₋₁₉).

226 (= 87) „სამოციან წლებში“ (სტრ. 9) პირისპირ ცალკე ფურცელზე მარცხნივ წერია:

შეადრ. თემის ტეს საყურადღებო ცნობა (SC I, 691, (692, [1]5), 693, 697).

231-232 (= 92-93) გვერდებს შუა ჩაკინძულ თავისუფალ ფურცელზე წერია: დაახუსტე! იგი შენიშვნად მოუღის 231 (= 92) გვერდის ტექსტის ხიტყვას „მძინე“-ს (სტრ. 15), რომელსაც ქვეშ წერტილები აქვს დასმული.

ასევე:

232 (= 92) გვერდზე წინადადების ბოლო წვერებს „იყო მოთხრობილი“ (სტრ. 2) ქვეშ წერტილები უზის და მის პირდაპირ დაწერილია კითხვითი და მახილის ნიშნები: ?!

233 (= 94) გვერდზე „მმართველ წრეებს“ (სტრ. 26) ქვეშ წერტილები აქვს დასმული და მის პირისპირ ცალკე ფურცელზე მარჯვნივ წერია: არ უნდა!

238-239 (= 98-99) გვერდებს შუა ჩაკინძულ ცალკე ფურცელზე 239 გვერდის მეორე აბზაცის მე-5 სტრიქონის პირისპირ წერია:

შეადრ. ჟამთააღმწერელი ჯიქურის საქმიანობის შესახებ ფხოველებში (ივ. ჯ [ავახიშვილი] ის კონიექტურით: „მეჯორჲთ“ > „მეჯუარედ“; შეადრ. ქცხ. Br.), M. 657.:

256 (= 115) გვერდის პირველი 4-7 სტრიქონების მიმართ ცალკე ფურცელზე მარცხნივ სულ თავში ფანქრით ავტორს მიწერილი აქვს:

მენანდრეს ცნობის უცნაური ანალიზი იხ. კაკაბაძისთან: „საისტ. კრებ.“, II, 16—17.

259 (= 118) გვერდის ბოლო აბზაცის პირისპირ („ლახების ქვეშევრდომნი არიან აგრეთვე აფსილებიც“) ცალკე ფურცელზე წერია:

აფსილების პოლიტიკური ორგანიზაციისათვის გაითვალისწინე] თერდეტეს ისტორია!

262 (= 120) გვერდის მე-4 სტრიქონის პირისპირ ცალკე ფურცელზე წერია:

კოლხების კულტურა SC I, 696 (თემისტია).

263 (=122) გვერდის 33 სტრიქონის პირდაპირ ცალკე ფურცელზე დაწერილია:

„კაცნი მერუენნი დასტავითა რუისაჲთა“ აღბათ გულისხმობს რუს ეკონომ. ექსპლოატაციას მეფის მიერ. -- გამოირკვეს დასტავის ნამდვილი მნიშვნელობა (შეადრ. მარრი)!

271 (=128) გვერდის ჩართული სიტყვების პირისპირ „მეორე მხრით“ (სტრ. 9) ცალკე ფურცელზე წერია:

მთავარი იხ. „წუშ. მარტე.“, ვარსკენის სიტყვა: „მთავარსა ვის ეცოლოს“.

274 (=131) გვერდის არშაჲე 25 სტრიქონის პირდაპირ მიწერილია:

მსჯელობა
მთავრობისა
მიტაცება

280 გერ დზე ვარსკლავებზე მოცემული შენიშვნა ავტოს უწერია ცალკე ფურცელზე დედნის 136 გვერდის უკანასკნელი აბზაცის მე-3 სტრიქონის პირისპირ. ასევე 283 გვერდზე ვარსკლავებზე დაბეჭდილი შენიშვნა ავტორის შენიშვნით დაწერილია არა დედნის არშაჲე, როგორც აქ არის შეცდომით აღნიშნული, არამედ წიგნში ჩაკონსულ ცალკე ფურცელზე დედნის 139 გვერდის მარტხნივ 1 შენიშვნის პირისპირ.

წიგნის ბოლოში ჩადებულია შუაზე გადაკეცილი ცალკე ფურცელი, რომლის პირველ გვერდზე ავტორს ფანქრით უწერია:

1. ფეოდალიზმის ცნება.
2. ფორმაციები, რა უსწრებს ფეოდალიზმს საქართველოში. მონათმფლობელობა. „მოკლე კურსი“.
3. სტრატონისეული საზოგადოება.
4. ფეოდალური ურთიერთობის წარმოშობის გზები:

პოლიტიკური ვითარება:

1. მიწის მონოპოლიზაცია. „აგარაკი“.
2. მეურნეობის ახალი დარგების განვითარება.
3. ბაზრის გაფართოება და დამატებითი მუშახელი.
4. მონობა. მონების დასმა მიწაზე.
- 5.

ფურცლის შიგნით მელნით წერია:

დასამატებელია:

საქალაქო მშენებლობა VI ს[აუკუნე]ში!
პატრონყმობა!

ეთნოლოგია წინაფეოდალური საქართველოს!

შამხნეულ შეცდომათა გასწორება

გვ. ხტრ.	დაბეჭდილია:	უნდა იყოს:
62 5	რომელიც (მეფე) საჭირო არ არის	რომელიც (მეფე), საბოლოო ანგარიშით, საჭირო არ არის.
70 28	განსახლვრას,	განსაზღვრავს,
70 29	ელემენტებისაკენ,	ელემენტისაკენ,
78 17	უშუალო	უშუალოდ
82 13	ცოტაა) ¹ .	ცოტაა) ¹ ,
85 22	განსახლვრულ, გარკვეულ მომენტში,	განსახლვრულ მომენტში,
87 25	კალანკატუელის ცნობა,	კალანკატუელის, ცნობა
105 2 შენიშ.	სტეფანე ბიზანტიელის	თეოფანე ბიზანტიელის.
105	ს. ჯ.) გორგენი	ს. ჯ.) გორგენი

დაიბეჭდა საქ. სსრ მეცნიერებათა აკად.-
სარედ.-საგამომც. საბჭოს დადგენილებით.



რედაქტორი საქ. სსრ მეცნ. აკად.
ნამდვილი წევრი—ნ. ბერძენიშვილი

ტიპრედაქტორი—ან. თოდუა



სტ. ზეგვ. 162. უფ. 06433 ტირ. 4000.
ხელმოწერილია დასაბეჭდ. 23.12.49
ქალ. ზ. 60×94. საბეჭდ. ფურ. 20.
სააღრიცხველ-საგამომცემლო ფ. 20.

საქ. სსრ მეცნიერებათა აკადემიის სტამბა
აკაკი წერეთლის ქუჩა, № 7
Типографія АН Грузинской ССР
ул. Ах. Церетели, № 7